

جروب ربيع الكتب

2016 / 3 / 12

ميسره الدندراوي

آثار جانيبة

رواية

آثار جانبية

إهداء خاصّ

«إليك...»

إلى رجل وامرأة لربخلا عليّ يوماً بأيّ شيء
فصنعنا مني كل شيء
إلى أمي.. إلى أبي

نعم.. لقد تولدت.. إن الليل والجحيم لا بد أن يجلبا هذه الوحوش إلى
العالم

يا جو.. شكسبير

تنويه

كل ما ورد من أسماء أو أماكن أو أحداث هي أسماء وأماكن وأحداث حقيقية من وجهة نظر المؤلف.. وقد تكون غير حقيقية أيضًا.. لذا لا تشغل بالك كثيرًا!!

(٠)

الظلام.. الساعة الخامسة والعشرون

إنه الظلام..

أصوات طبول الحرب تأتي من بعيد في لحن تصاعدي متوجس..
وأصوات نفير مكتومة تعلن أن الوحش قد جاء لبيسط سلطانه على الوجود..

إنه الظلام..

الوحش الأقوى والأكثر شهرة بين بني البشر.. الوحش الأول الذي قد
يولد معك وينمو معك منذ أن كنت طفلاً رقيقاً هشاً.. طفلاً تكرهه وتمقتة
مقت غرفة الفئران الضيقة، ومقت صوت جرس الحصاة الأولى.. وشاباً
تهواه وتعشقه.. ورجلاً تهابه مهابة الموت.. ما الظلام إلا موت محدد المعالم
تعرفه.. إلا أنك تهابه.. تهابه وإن كنت تنكر ذلك..

إنه الظلام..

ظلام بكر.. ليس كمثل ظلام.. إنه ظلام خال من الشوائب والإضافات
الصناعية!!

هل تذكر أول علاقاتك المتشابكة الفريدة مع هذا الظلام الوليد.. هل
تذكر أول صراعاتك الوهمية مع كل أشباح الأرض وهي تتأهب لفتك
بك.. وأنت تغلق عينيك الصغيرتين حتى تعتصر جفنيها ظاناً أنك تخفي
منها وتتساوى معها في قوتها التي تكتسبها من ذلك الكائن الفريد المتفرد!!
إلى من لا يطبق هذا الظلام.. أدعوه أن يشاركني هذه اللحظة الجميلة
من الصفاء النفسي.. شعور عميق بأنك عدت إلى رحم أمك وتخلصت
من تلك اللحظات السوداء التي مرت بشريط حياتك.. لحظة أن خسرت
حب أول فتاة.. لحظة أن خسرت أول جنيتها في صفقة فاشلة أو تحطمت
سيارتك في حادث أليم.. لحظة أن توفى والدك أو وجّه لك مديرك في العمل
أول إهانة.

كل هذا تنساه هنا.. في رحم هذا الظلام..

هذا ظلام يمنحك الثبات.. يمنحك السكينة.. يمنحك القوة على أن
تُخرج مخاوفك المريضة وأشباحك القديمة وتفتح عينيك على اتساعها لترى
الحقيقة.

الحقيقة التي ظل نور الصباح يخفيها ويحملها حتى ظنناها كذلك..
ظن كل منا أنها صافية واضحة.. لكنها دائماً ما تمارس هذه الموهبة الفذة في
كشف نفسها لمن فقط يريد أن يعرفها على حقيقتها..

الظلام.. الحقيقة.. إنها المفردات التي مهما ظننت أنك خبرت الدنيا..
فلن تخبرها يوماً أو تعرفها.. ستبقى هناك مخبئة خلف ستار صلب من
الكلمات.. ستار ينتظر من يزيجه ليعرف.. لكنها معرفة لا تنفع أحداً سواه..

معرفة كالتي سوف أنقلها لك الآن.. فقط لتدرك بعدها أنها لن تنفع أحدًا
سواي!!

الظلام.. الحقيقة.. المعرفة..

سوف أصبّ قليلاً من سائل المعرفة السحريّ فوق أرض فضولك
الجدباء القاحلة.. سأخبرك بكل شيء..

فقط أصغ إليّ جيّداً.. إن ما سأقوله ليس قابلاً للتكرار..

فالله وحده يعلم إن كنت سأكمّله أم لا..!

* * *

- أكرم.. ردّ عليّ يا بني آدم انت..

- الضغط ٤٠/٦٠.. احنا في مشكلة كبيرة فعلاً

* * *

(1)

كوبري أكتوبر.. العاشرة صباحًا

- الخلاصة يعني ليلتك بقت أسود من لون بدلتك الميري..
- هو أنت اللي يتمسنى بوشك يشوف خير برضه يا بومة.. جتتين على غيار الريق كده.. شاب وقع من الدور الرابع في التجمع الخامس و بنت نزفت لحد ما اتصفى دمها في مشتل في المعادي الجديدة.. هو عشان الواحد يسهر يشرب فنجانين قهوة ويسمع فوات المعاد.. يصطبح بجثث..!!؟؟
- قدرك يا عماد.. هتعرض؟؟.. وبعدين هو أنت متخرج من كلية الشرطة عشان تقف تنظم المرور مثلاً؟؟ احمد ربنا يابا إنك مش جثة منهم..
- الله يلعن فالك عالصبح.. وربنا لاكسر رقبتك نصين بس لما اطولك يا ابن ال...

القاعدة الأولى عندما تتعامل مع عماد هي: (أغلق الخط فورًا قبل أن يتطور النقاش وإلا حوِّلك إلى عجيب لاحقًا).. عندما تلقي بقنبلة في وجه عملاق مثل عماد فلا بد أن تطلق ساقيك للريح قبل أن تأخذ الضربة المضادة.. لا تتكلم عن القلب الأسود والردّ اللاحق.. إن من يعرفون عماد يعرفون أنه طيب القلب لا يذكر ما أكله بالأمس، ومن لا يعرفونه فليسمحوا لي أن أعرفهم به..

عماد ضابط شرطة من الزمن الذي كانت فيه الشرطة تخرج بالأبواق في قلب الشارع لتحذر ذلك الأخ الكريم القاطن بدير النحاس أن الدواء به سمّ قاتل..

عماد ضابط محترم..

عماد من ضباط الشرطة الذين يعتذرون عن إزعاج الهانم والذين يطرقون الأبواب في هدوء..

عماد ضابط ابن ناس

عماد من الضباط الذين يقفون في طابور البتزين ويحملون الفاكهة وطلبات السوق بأيديهم

عماد ليس باشا من ضمن الباشوات!!

الباشوات أصحاب النظارات السوداء والنظرات المتجهمة.. الباشوات الذين يضربون المسجلين على مؤخرات رؤوسهم ويركلون مؤخراتهم داخل الأقسام من أجل الحقيقة!!

عماد يعرف كل حقوق الإنسان بدون أن يجعله أحدهم يعرفها مجبرًا.

وهي عملة نادرة لو طلبت رأيي!!

عقارب الساعة الـ (سي كيه) الفضية العملاقة هدية عيد ميلادي الخامس والثلاثين، تتفاخر في جنون نحو العاشرة والنصف.. وكوبري أكتوبر كجحيم دانتلي في ازدحامه.. كل هذه السيارات في مصر.. إن نصف هذا الشعب لا يجد ما يكفيه قوت يومه إلا من رحم ربي.. فمن يشتري السيارات إذن إذا كان لا يستطيع أن يجد قوت يومه!!

هناك من لا يجدون قوت أيامهم ويشترون السيارات.. هناك ذلك الأب متوسط الحال الذي يعمل موظفًا حكوميًّا كبيرًا ويحصل على راتب يكفيه فقط لشراء دجاجة يوميًّا.. يأتي إليه هؤلاء الفتية المتأنقون بحللهن المكوية جيدًا ويخبرونه أنه موظف حكومي مرموق مضمون، وأنه لا بد له من سيارة صغيرة له أو للهانم الصغيرة حتى تتفادى المضايقات.. وكيف يأتي بالسيارة وراتبه لا يكفي حتى وقودًا لها في الشهر.. الإجابة حاضرة كالموت نفسه يا سيدي.. ما رأيك ببعض التسييط والتسهيلات الائتمانية.. فقط وقع هنا.. وهنا أيضًا.. هذا رائع يا سيدي.. سوف تصبح لديك سيارة صغيرة.. فقط تذكر بأنك ستدفع ثمنها مضاعفًا لنا.. لا شيء يأتي بلا تعب يا سيدي.

هناك ذلك الشاب الذي يعمل صباح مساء في شركة خاصة من ذوي السكرتيرات الحسنات وموظفات الموارد البشرية المتأنقات الذين لا يكفون عن جلب العروض الأفضل لموظفي شركتهم المتميزين.. تعال يا بني.. تريد سيارة جديدة.. وقع هنا.. وهنا أيضًا.. جيد؛ أحضر ضامنًا آخر لأنك لا تكفينا ضامنًا كي نمتص دمك ونأكل أحشائك ثم نمنحك سيارة لا تقدر على جمع ربع ثمنها في خمسة أعوام.. أحضر أباك الموظف.. جيد يا حاج وقع هنا أيضًا.. مبارك عليك السيارة الجديدة.. فقط تذكر أن أول قسط لن تدفعه ولو بعد ثلاث سنوات.. سوف يسلبك سيارتك الأثيرة

وتصبح بلا سيارة.. أنت وقعت يا بني هنا وهنا.. وهنا أيضًا.. فلا تلومن
أحدًا سواك!!

هذه الفقرة برعاية بنك..... نحمل ال.. إلخ إلخ.. لك ولأسرتك
المعدمة التي مصّت الحاجةُ إلى العيش دَمَها!

جميل.. الساعة الآن العاشرة والنصف كما تصرّ تلك الأخت التي تردد
اسم شركة المحمول الشهيرة لتعلن أن الساعة التي تقفز كالأرنب المدعور
تأتيكم برعاية إلخ إلخ، التي تقدّم إلخ إلخ.. وأنا على كوبري أكتوبر ويبدو
أنني سوف أصل الجريدة في الثانية ظهرًا.. لا تندهش يا عزيزي.. ولا
تحدثني من فضلك على أن المسافة من جريدتنا لموقعي في منتصف كوبري
أكتوبر لا تزيد عن العشر كيلومترات.. أنا لست جاهلًا بالمسافات ولكن
أنت من يجهل كوبري أكتوبر!!

في إحدى المرات حكى لي سائق تاكسي يشبه محمود ياسين أن امرأة في
شهرها السابع أنجبت طفلها في سيارة إسعاف على كوبري أكتوبر بعد أن
فقد زوجها الأمل في الوصول إلى أي مستشفى.. فراح المسكين يبحث عن
طبيب في السيارات التي تحولت إلى قطع من حديد الكوبري الصدئ وحين
وجده قام الرجل بواجبه المهني على أكمل وجه، ووصل المحروس إلى الدنيا
واتفق الرجل المسكين مع الطبيب أن يزور عيادته لكي يدفع أجرة العملية
وتبادلا أرقام الهواتف.. كل هذا والكوبري لا زال متوقفًا!!!

الجميل في الأمر أن السائق راح يقسم لي أنه لا أحد حتى الآن يعرف لماذا
كان الكوبري متوقفًا!! لا الأب ولا الطبيب ولا حتى الوافد الجديد سوف
يعرفون لماذا كان متوقفًا من الأساس!!

الفقرة المرورية تأتيكم برعاية إلخ إلخ إلخ..

استمع إلى ذلك العقيد يتحدث شارحًا كيف أنا سنشيخ بسبب الحالة
المرورية في القاهرة.. وأن الكثافات المرورية تتزايد في كوبري أكتوبر والمحور
والدائري والأوتستوراد وصلاح سالم والعروبة وفيصل ومراد والوايلي
وجوزيف تيتو ومكرم عبيد.. وأن المحاور البديلة تحتاج إلى محاور بديلة..
لتسأل نفسك سؤالًا في منتهى الأملية (ماذا يفعل كل رؤساء الحكومات
منذ أبد الأبدين في حل مشكلة المرور؟؟) سأترك إجابة سؤالك الأملية
للزمن.. أنا مشغول الآن بالبحث عن محاور بديلة.. لا يوجد محاور بديلة..
إذن لا بد من استهلاك الوقت في بعض الأنشطة المفيدة

إذن فقد جاء ميعاد المكالمات الهاتفية برعاية إلخ إلخ إلخ.

- حسين.. حبيب قلبي يا سونة.. عايزك في حوار مهم ومصيري..
- أنت فين يا أستاذ أكرم.. ده رئيس التحرير قالب الجرنان عليك من
صباحية ربنا.. وكل ما يشوف حد يسأله شوفت الز... لا مؤاخذه
شوفت الأستاذ أكرم..
- بقولك حوار مهم ومصيري تقولي رئيس التحرير.. بص خش
للمزة اللي اسمها نرمن وقولها إن أكرم في البدرشين بيغطي حادثة
القطر هناك.. وركز معايا في الأهم.
- هو في حادثة قطر في البدرشين فعلاً؟؟!!
- يا ابني هو في قطر ما عملش حادثة في البدرشين يا حسين.. أنت ما
تعرفش س.ح.م يعني إيه
- سكك حديد مصر.. عارف طبعا.
- كنت على وشك السخرية منه ونعته بالأبله المفتقر لروح الدعابة لكن
المصلحة تقتضي أن...

- ما علينا يا سحس.. المهم ركز معايا بقه.. أنا رايح لحد القصر العيني.. في مشرحة الكلية هناك في جتتين لسه طازة مستنيين أبو صوابع ذهب أحمد علام يشرحهم.. وطبعًا لازمهم حانوتي أفرنجي بكاميرا عشان ياخذهم كام بوز من اللي قلبك يحبهم.. وصحفي حوادث يكتب مقالة مجملصة عن الزمن اللي باظ والحياة اللي ما بقاش فيها أمان والكلام اللي بيعجب القراء ده..

- وأنت عايزني آجي معاك أصور بقه.. وزى كل مرة تقلش اسمي من على التحقيق واطلع أنا منها بلا حمص.

- يا عبيط.. أنا بعمل معاك كده عشان اسمك ينزل متبروز على تحقيق الموسم.. بص كده معايا على المانشيت ده، بكرة الصبح بينط ستة وتلاتين أحمر.. كشف غموض مقتل فلان الفلاني وعلانة العلانية.. تحقيق يقدمه لكم أكرم فهمي بعدسة حسين مسلم... طب وغلاوتك عندي جسمي قشعر..

تخيلت القشعريرة تتقل إلى جسم حسين عبر أثير المحمول.. لا بد أن أطرق الحديد وهو ساخن.

- و دلوقتي بقه يا سحس احنا رايجين فين..؟؟

- البدرشين عشان حادثة القطر..

- حبيب قلبي يا حسين..

ثم أغلقت الخط وأنا أكم ضحكاتي.. الواقع أن عم جمعة الساعي في مبنى الجريدة المجاورة سوف يعرف بعد قليل أنني في طريقي إلى القصر العيني.. إن حسين يعتمد عليه كما تعرف!!

* * *

- أكرم.. خليك معايا يا ابني.. ردّ عليّ

- حقنة Lidocaine وريد.. وتحتطهولي على الـ Hemoperfusion.. فوراً..

* * *

(٢)

التجمع الخامس.. الثانية عشرة ظهرًا

سيارة الإسعاف ذات الصناعة الألمانية الصلبة.. البرتقالية الضخمة ذات الخطوط الخضراء كلون الموت نفسه.. لم أتخيل يومًا أن يكون الموت أسود أو رماديًا.. فقط أتخيله برتقاليًا مستعرًا كلون النار عندما تستقرّ فوق الحطب.. كالموت، راحت تعوي بلا توقف.. وثلاث سيارات شرطة من ذلك الطراز الحديث الذي منحته لنا الصين بعد الثورة كمنحة لا ترد كما قالوا لنا.. كل هذا يتحول إلى كارثة في ضاحية هادئة مثل التجمع الخامس.. ضاحية هادئة أكثر من اللزوم في هذه الساعة من الظهيرة..

حر خائق ورطوبة تصل إلى كل انحناء مستدير في حويصلات رنتك التي أنهكها التدخين ودخان العوادم ودخان المصانع وأتربة أثارها تلك النسيمات الهوائية التي وعدك مالكو تلك البنايات أنها ستكون نقية خالية من التلوث!!

صحفي وحيد هو العبد لله يتابع كل هذا ويلتقط الصور.. هذه ميزة أن يكون صديقك ضابط مباحث.. هنا تلعب الواسطة والمحسوبة أجمل أدوارها.. من قال لك يا عزيزي إن الواسطة غير مفيدة.. إنه ساذج ساذج.. إنها لحظة الحقيقة.. برغم كل ما نتشوق به من رفض للواسطة والفساد والمحسوبة إلخ إلخ.. ولكن الواسطة هي واحد من أقوى اختراعات القرن العشرين وأكثرها نفعًا.. نعم يا عزيزي هي أكثرها وأقواها نفعًا..

عاكفًا على تصوير الجثة المغطاة ببطانية جيش خشنة تنتمي لبواب ما كان يتكفن بها من ليالي التجمع الباردة.. ورجال المعمل الجنائي يحاولون كشف أي شيء يمكن اكتشافه.. وأنا أتخيل جموع الصحفيين ومحرري الحوادث وهم ينتظرون أمام القصر العيني في انتظار كلمتين.. من أخبرهم؟؟ حسين طبعًا.. إنه بوقي الأول في أوساط الصحافة والإعلام.. عنصري الاستخباراتي المميز قد نقل تمامًا ما أريد أن أنقله.

عماد يشعل لفافة التبغ في ركن فمه الأيمن - ليبدو محنكًا - ثم يقول متابعًا:

- شاب عنده سبعة وعشرين سنة زي ما بطاقته بتقول.. بنيان رياضي مش بطال ولو إن السواد تحت عينه زيادة حبتين.. وقع من الدور الرابع على الطريق الممهدة واتكسرت رقبتة وضلعين وفضل ينزف لحد مامات.

- انتحر يعني ولا حد رماه.

- مفيش أي دلائل على أي عنف أو مقاومة عنف منه.. ممكن يكون فقد توازنه ولا حاجة ولا يمكن كان بيعمل حاجة فوق السطح ووقع.. ويمكن..

صمت وتضييق عين.. ثم..

- عبد الباقي.. هات بطاقة المجني عليه..

- انتحر قصدك.

نظر إليّ بغتة وكأنها سببت الفتى.. ثم انعقد حاجباه ولفافة التبغ تنزلق على طرف شفثيه لتعطيه منظرًا شبيها بـكولومبو شخصياً بحواجبه الكثة ولفافة التبغ المنزلة على طرف شفثيه والباقية في مكانها بمعجزة ما.. إلا أن الهاتف المحمول فك الانعقاد حين أجاب وألقى بلفافة التبغ متعجلاً وكان المتحدث يراه!!

- صباح الخير معالي الباشا.. لا أنا في التجمع حضرتك جنب

المجني عليه.. شكراً يا عبد الباقي.. أيوه البطاقة معايا يا فندم..

علاء مسعود البلطيمي.. أيوه عارف مين هو يا فندم كويس.. لا

حزرتك ما تقلقش احنا مسيطرين على الوضع.. صحافة مين يا

فندم هو احنا ناقصين سعادتك.. عُلْم وينفذ معالي الباشا.. بنفسي

يا فندم حاضر بنفسي.

ثم أغلق الخط وأخرج لفاقة تبغ جديدة حاول إشعالها ففشلت قدّاحته

الخربة في منحه قبساً من النار.

- يا بسيوني

اقترب ذكر غوريلا يرتدي جوالاً من الجيتز - يمكنك أن تدعوه بـسيوني

- أوامرك يا عماد باشا

- هات ولاعتك.. الواحد مش عارف يولع سيجارة في البلد دي..

هيا الجثة رايحة فين.

- القصر العيني جنابك.. دكتور أحمد علام طالبها هناك هي والجنحة الثانية بتاعت المعادي.

- دكتور علام.. جميل أوي.. طيب إنت هتركب العربية مع المرحوم بنفسك.. مفيش جنس مخلوق ياخذ كلمة منك أيًا كان... الجنحة هتسلم باليد للدكتور علام شخصيًا.. وعلي باشا هيحصلك على هناك.. وتستنوني لما اجيلكم.. مفهوم يا بسيوني.. يا عبد الباقي.

- أوامرك عماد باشا

ثم أدى التحية على عجل وانصرف بينما عماد يصدر أوامره للأمين عبد الباقي الشبيه بعبد الوارث عسر ثم رفع عقيرته مطالبًا عليًا بأن يحرك مؤخرته الناحلة ويلحق بسيارة الإسعاف على طريقة الأفلام الأمريكية التي يذمن عماد متابعتها.. كنت أنا ألعن تفكيري الألمي الذي قادني إلى إخبار حسين بأني ذاهب إلى القصر العيني.. لا بد أن أجري بعض المكالمات.. لا بد من أن تكون جريدتنا أول من ينشر هذا الخبر بتفاصيله ولكن أليس الاسم قريبًا نوعًا من..

- عمدة..

- مميم.

- علاء ده ابن..

- أبوه.. هو مسعود البلطيمي اللي تقصده.. اتفضل حضرتك عشان عايز اعدي على المديرية قبل ما نروح المشرحة.

وقبل أن أتفوه بكلمة رنّ هاتفه المحمول من جديد فراح يتمم ويدمدم ويهمهم ثم أغلق الخط واتجه نحو السيارة متابعًا:

- يا ستار يا رب.. ده اليوم العالمي للجثث بقه.. أنا اصطبحت بوش
مين النهاردة.

- بوشي طبعا ودي عايزة سؤال.

رحت أجاهد للحق به وصدري يوشك على الانفجار.. (قطيعة تقطع
الدخان وسنينه) كما تقول العبقرية جدًا كريمة مختار..

- خير يا عماد؟؟

اتخذ مكانه خلف المقود وهو يسب ويلعن متابعًا:

- جثة جديدة في الزمالك.. رجل لدغته حشرة ولا عنكبوت.. ده
النهاردة نهارنا نادي باين، وليتنا اسود من وشك.. على فكرة.. لو
هتشر الخبر هيبقى بالأحرف الأولى بس.. عليا النعمة يا أكرم لو
عملت زي عادتك وخذتني على قد عقلي لاشيل راسك من على
كتفك.

- يا سلام.. هو انا جاي اشيل الشنطة والسجاير لجنايبك بقه..

أخرج طبنجته الميري من جانبه ووضعها فوق أنفي واللعبا يتطاير من
فمه:

- تحب ننفذ عملي بقه إذا كان الكلام مش عاجبك..

- عمدة.. وربنا بهزر معاك يا جدع.. أحرف أولى كفاية أوي أوي..
إحنا هنتهب.

ارتسمت على وجهه ابتسامة من طراز - ماتجوش إلا بالعين الحمرا - ثم
أدار المقود وانطلق كالصاروخ.

لو لريكن عماد صديقي.. كنت... و... أو....

فيا بعد فيا بعد سوف أخبرك.. لماذا يحشر الإنسان أنفه فيا لا
يعنيه..!!؟؟

* * *

- كنا غلطانين.. غلطانين تمامًا
- حقنة ثانية يا.. إنت اسمك إيه يا بني؟؟

* * *

(٣)

كلية طب القصر العيني.. الرابعة عصرًا

قادنا الدكتور أحمد علام أستاذ الطب الشرعي العجوز الذي يشع وجهه
بذكاء متقد وعينين تطلقان ذلك البريق من خلف قرنيتين رماديتين أنهكا
من كثرة التدقيق في المجاهر وشرب القهوة السادة.. عبر الردهات نمشي في
هدوء، وهو يتبادل حديثًا وديًا مع عماد.. لربما كانا يتذكران قصة قتيل مصر
القديمة الذي ساهم الدكتور علام مساهمة قوية في معرفة اسم زوج حالته
أو شيء من هذا القبيل!!

في كل مرة أدلف فيها إلى حضرة الموت تصيب جسدي نفس
القشعريرة.. إنه الخوف الذي لا أعرفه ولا أعرف أبعاده.. أنا لا أخاف
من الظلام، فالظلام أبعاده معروفة، ويومًا ما سوف يأتي نور ما فيبدد هذه
الظلمة.. أنا لا أخاف من الرصاص.. فلو اخترق رأسي أو قلبي فأنا ميت لا
محالة، ولو اخترق ذراعي أو بطني فلربما أحيًا يومًا جديدًا.. إلا الموت.. هو

ذلك الكائن الخرافي الذي لا أعرف عنه شيئاً، ولريذهب أحدهم معه وعاد ليخبرني كيف هو وماذا يكون!! ثم إنني لست تقياً عابداً حتى لا أخاف الموت!!!

جلسنا حول تلك الطاولة الصغيرة في ركن المشرحة حيث بقايا وجبة فول لم يكملها طالبها.. وأشلاء من كانوا يوماً ملء السمع والبصر تتناثر فوق طاولات الفحص كأنها عرائس مريونيت وقعت في يد طفل عابث.

- تشرب إيه يا سيادة الرائد.

- قهوة يا فندم.. السبرتاية وحشتني الحقيقة.

أرسل ابتسامة مريجة في أثير المشرحة الكئيب، ثم رفع عقيرته منادياً ذلك التومرجي ليأتي بالسبرتاية وبرطمانات القهوة والسكر وتلك الكنكة النحاسية ذات اليد الخشبية المحترقة.

شرع يعدّ لنا القهوة وهو يتبادل معي حديثاً باسمًا عن أحوال الصحافة.. وصحافة الحوادث.. وكيف أنه يشعر أن صحفي الحوادث يشبه حانوتي الأفلام القديمة.. حتى أنه تخيلني مرتدياً ذلك الجلباب والطربوش الأحمر وأشير في وجهه بعصاي مردداً: "الموت عليكمو حق".

- ادخل في الموضوع على طول يا دكتور علام.. في رأيك إيه ممكن يخلي بني آدم ينتحر؟؟

- سؤال برة تخصصي كطبيب شرعي.. وفي صلب تخصصي كمواطن مصري.. سؤالي بقه: إنت عايز تعرف الإجابة من مين فيهم؟

ارتسمت ابتسامة خبيثة على وجه عماد، ونظر لي، فقلت:

- أعتقد إني مهتم بالاثنين يا دكتور علام..

خلع عويناته الطيبة الأنيقة، وراح يقلب البنّ داخل الكنكة النحاسية
متابعًا:

- كمواطن في هذا البلد المنهك.. عوامل الانتحار عديدة ومتفردة..
طب ده أنا ساعات بسأل نفسي هو إيه اللي ما بيخليش الناس
تنتحر؟؟ اتفضلوا القهوة..

ثم صب ثلاثة أكواب زجاجية صغيرة تفوح منها رائحة الحبهان المختلط
بالتراب البني المنعش.

- متفق معاك تمامًا يا دكتور.. تسلم إيدك شكرًا.

رمقني عماد بنظرة نارية وهو يرشف من كوب قهوته بصوت مسموع،
بدا كسباب خفي، فتابع دكتور علام باسمًا:

- برغم إن حضرة الضابط ممكن ما يعجبوش كلامي لكن أنا هقولك
يا أستاذ أكرم.. لما والدك ووالدتك يطفحوا الكوتة - اللي أنا ما
اعرفش إيه هي الحقيقة - عشان يعملوا منك مهندس ولا دكتور ولا
محاسب.. وتصحى من النوم في يوم تلاقي نفسك اتخرجت للأسف
وبقيت عالية عليهم.. والحكومة بتقولك بالبلدي كده.. شطبنا.. ما
عندناش لا شغل عديل ولا بيت يلمك إنت وواحدة شبهك، عشان
تعملوا أسرة تطلع شبهكم.. اللي حليتنا كله راح في تلت حروب
وشقيلة اقتصاد متواصلة طول خمسين سنة.. فتقوم طالع على القطاع
الخاص عشان يمص دمك، ويجولك بالتدريج لآلة عديمة المشاعر..
تشتغل عشر ساعات في اليوم، وتحط عليهم أربعة في مواصلات غير
أدمية وطرق ما تصلحش لعربيات الكارو؛ عشان تحاول توصل من
مكان لمكان.. وتوصل شغلك عشان تلاقي السيد الباشا مدير
عصبي حبتين، يبصلك من فوق لتحت وينعى إلى الوطن ضياع

الكفاءة والمهنية وإن اللي زيڪ لازم يحمدا ربنا عشان لقوا مكان يشتغلوا فيه.. وفجأة في يوم تلاقي نفسك عالرصيف زيڪ زي أي سلة مهملات، على العكس من زميلك ابن محسن بيه اللي اتولد لقي شقة وعربية ووظيفة وعروسة.. وتلاقي شوية عاهات بيطنظنوا في ودنك كل صباح كلمتين عن الكفاح والعمل ومن جد وجد.. ولازم ما نزعلش ولا ندايق ولا نغضب ونركز في شغلنا شوية بقة، والكلام اللي ممكن تسمعه في أي برنامج في قناة النيل للأخبار.. فا محدش هيقدر يلوم عليك لو رميت نفسك قدام أي أتوبيس نقل عام، عشان تخلص وتخلص اللي حواليك وترتاح الراحة الأبدية..

صمتنا للحظات مرت كدهور.. ثم اعتدل عماد كي يبدو عملياً أكثر، وحتى يتغير ذلك الموضوع السوداوي الكئيب - الواقعي للأسف - متابعاً:

- أنا شايف نخيلنا في رأيك كطبيب شرعي أحسن ونشوف الجثث..

راح يقلب بعض الأوراق أمامه وأشعل لفافة تبغ، ثم تناول نظارة القراءة، ووضعها على قصة أنفه قائلاً:

- تعال نشوف الجثة الأولى.. ذكر أبيض في منتصف العشرينات..

حالة سقوط من مرتفع.. تهشم كامل للرقبة والقصة الهوائية

وضلعين في الجنب الشمال في القفص الصدري.. في شوية آثار على

الأظافر والشفيتين بتقول إنه كان حريقة سجاير.. وفي على كف إيده

الشمال بواقى زيت حشيش..

- حشيش!!

- أيوه حشيش يا أستاذ أكرم أنا مش هغلط في تركيبة الزيت وعموماً

تحليل الدم هيبين كل حاجة على آخر النهار كده.. مفيش أي آثار

دفع في جسمه ولا آثار مقاومة.. السجاير قربت تخلص.. حد يشرب

شاي معايا؟

- لا إحنًا تمام أوي كده كمل حضرتك.. الشاي ورا القهوة خبط لزق يا دكتور.

- يا سعيد.. اعمللي واحد شاي بسرعة.. يا سيدي كله زي بعضه أنا خلاص باكسر الستين يا أكرم فاما بقتش فارقة.. والدكاترة بيستمعوك نفس الكلام، لو شربت قهوة بس أو شربت قهوة وشاي، يبقى احرم نفسي ويموت بحسرتي على كوباية شاي.. سيجارة يا سيادة الرائد.. المهم إن الأخ المتوفى نرف من منطقتين في ظهره ورجله ما همش أي علاقة بالواقعة.. إصابات سابقة للحظة الاصطدام، ومجرد إنها ما كانتش التثمت كويس فا اتفتحت تاني وسيلت دم.

ثم أشعل لفافة التبغ، ونظر في أوراقه مستجمعًا خيوط القصة.. كدت أبوح له بأنه لريسألني عن إذا كنت أحب أن أدخن.. إلا أنه قال وعيناه فوق أوراقه:

- إنت ما بتشربش سجاير يا أستاذ أكرم.. لون شفائيك فاتح نوعًا، وأظافرك بيضاء وصحية، بس أسنانك عليها بواقى من تبغ وقهوة.. أعتقد إنك بتشيش أو بتدخن البتاع اللي اسمه بايب أو غليون..

ثم منحني ابتسامة عريضة.. لراكن أعرف أنني أمام شيرلوك هولمز.. ربما كانت الإشاعات عن أن الأطباء الشرعيين مصابون بداء التفاصيل صحيحة إذن!!

نظر من جديد إلى أوراقه متابعًا:

- الحالة الثانية لبنت في أوائل عشريناتها.. عندها مرض نادر اسمه متلازمة لويس بار.. في بعض البقع الحمراء تحت عينيها وفي وشها، وهي من العلامات.. كذلك في بعض الالتهابات في جنب القدم

وعند طرف الصباع الصغير؛ نتيجة التآرجح بعض الأحيان في المشي.. لا مخدرات أو كحوليات حسب تحليل الدم مبدئيًا.. مفيش سموم في الموضوع.. سبب الوفاة نزف من خمسة جروح في الرقبة والذراع والساق وكعب الرجل.. والظاهر إن النزف بقاله فترة، مع ضعف واضح في نسبة الصفائح، وارتفاع في سيولة الدم، خلّى الموضوع أسرع.. الله يرحم الجميع.. آه أنا لقيت دبلة في صباعها اليمين، والاسم اللي مكتوب عليها عصام.. واضح إنها كانت مخطوبة من فترة طويلة؛ لأن لون الجلد تحت الدبلة فاتح شويتين..

تناول القهوة من يد التومرجي، وشرع يرشف رشفات مسموعة، وهو يتحرك نحو أحد طاولات الفحص، استقرت عليها جثة يبدو من ملاحظها ومن حالتها أنه ليرفرغ من تشریحها بعد.. حتى كدت أن أتقيًا تقززًا مما فعله بها.. كأي جزار محترف يعمل في أحشاء ذبيحته.

- الحالة الثالثة ذكر في العشرينات.. بنيانه جيد جدًا.. الوفاة تسمم، والحالة واضحة جدًا.. أعراض موجودة زي اتساع القرحية والبؤبؤ ونشفتان الريق.. ولما حللنا الدم لقينا كمية من سم اسمه Latrotoxin.. في شوية آثار لمواد مخدرة في دمه.. خليط من الإيبوبروفين والترامادول.. ولما فتحت المعدة لقيت لسه في بواقي أقراص مسكنة ما ذابتش في معدته، دليل إنه لسه واخدهم طازة.. السم اللي في جسمه بيجي غالبًا من لدغة عنكبوت اسمه الأرملة السوداء The Black Widow وفي آثار عضه في فخذه بس في أثر لعضة ثانية في الرقبة بس أصغر شوية، وللأسف العنكبوت ما جاش مع الجثة وإلا كنت اتأكدت من العضتين مقارنة بالعنكبوت نفسه..

عماد منح ابتسامه سخيفة نوعا وهو يسأله:

- إنت عارف إنه كان لعيب كورة مغمور، وكان رايح النهاردة الصبح

يوقع لنادي الزمالك، بس ربنا ما أرادش يزود المشرحة قتيل.. أو الحقيقة هو ربنا أراد يزود المشرحة قتيل.. بس الفرق في اسم المشرحة

- أنا مش مهتم أوي بالكورة.. بس ساعات كده ببص على الجرنان واشوف المانشيتات العريضة اللي بيكتبوها على فلان الفلاني صاروخ العصر.. وعلان الترتاني الفتى الذهبي.. ولو جاب جون في مركز شباب الدلنجات يبقى هداف وبطل قومي.

ابتسم عماد على دعابة دكتور علام.. فهو زملاوي قديم، ويعاني مع ناديه الحبيب منذ أن كنا في آخر سنين الجامعة.. وهو يشعر نوعاً بأن الله أنقذ الزمالك من لاعب مغمور عديم الموهبة كان سيضاف إلى قائمة ممن ينعتهم عماد دائماً بالفشلة الذين أهدروا تاريخ النادي العظيم!!

اعتدل عماد في وقفته، ووضع لفافة تبغ في طرف فمه، وقال - وهو يجاهد لإشعالها بقداحته الخربة - :

- يعني صراحة كده حضرتك عايز تقول إن اللي حصل جرايم قتل مش انتحار.

رفع دكتور علام وجهه عن الجثة، ونظر نحو عماد بعينه الباردتين قائلاً:

- انتحار.. يا بني أنت بتتكلم مع واحد من أقدم ثلاث أطباء شرعيين في مصر.. اسمحلي اقولك بمنتهى الوضوح يا سيادة الرائد إن اللي حصل جرايم قتل.. جرايم قتل مكتملة الجوانب!!

* * *

- "ظلام ظلام ولا شيء هناك"

- أعتقد إنه بيروح منا خلاص.. أنا آسف.

* * *

(٤)

مشرحة طب القصر العيني.. الثامنة مساء

ثلاث ساعات..

أكواب القهوة الزجاجية وما جف بها من ثمالة البن المحوج بأفخر أنواع
الحبهان وجوزة الطيب قوي الرائحة.. مختلطاً برائحة الفورمالين النفاذة
ورائحة تبغ الغليون ورائحة التبغ المنبعثة من أطنان التدخين.. وسط أشلاء
من كانوا يوماً بشرًا يأكلون ويضحكون ويتناسلون..

- ممكن سؤال يا دكتور علام؟

- مممم.

- هو أنتم بتجيبوا الجثث اللي بتعلموا عليها الطلبة تشريح منين؟

التفت ناحيتي وعلى وجهه المرهق شبح ابتسامة.

- واشمعنى السؤال ده؟

- اعتبره فضول بشري مقيت.
- وهنا أطلق عماد ضحكة مدوية حتى أسقط اللعاب من فمه.
- أنت بتضحك على إيه يا عم انت؟
- أصل أنا عارف اللي في دماغك يا معتوه.. والله عارف.
- لا بجدي يا أستاذ أكرم ليه السؤال ده؟
- الصراحة يا دكتور علام أنا مش متخيل نفسي عبارة عن جثة كده، وعيل في سنة تانية طب ماسك مشرط وشغال في تقطيع يمين وشمال وفوق وتحت.
- عماد يواصل الضحك في سخرية:
- والله أنا عارف إن ما همك من كل ده إلا تحت يا اهبل
- بس يا وسخ.
- عماد يواصل الضحك حتى شعرت أنه سينقلب من فوق المقعد المعدني الصديئ بينما دكتور علام يشير مهدئًا.
- لا ما تقلقش يا أستاذ أكرم.. طالما إنت مش ميت في مظاهرة أو في عملية إرهابية أو في فض اعتصام أو في حادثة اغتيال أو في جريمة قتل أو وأنت ما معكش بطاقة ومحدث اتعرف على جنتك.. يبقى محدش هيمسك مشرط ويمد إيدته عليك.
- روح يا شيخ الله يطمئن قلبك.
- ضحكات عماد ودكتور علام جلبت تومرجي المشرحة العجوز الذي ابيضت عينه اليسرى.. متى ابيضت هذه العين؟ لقد كان سليماً كزجاجة زيت تموين!!

- في حاجة يا دكتور؟؟
- لا يا عم متولي.. حضرة الضابط قال لنا نكتة حلوة بس.. روح اعمللنا طقم قهوة وهاتلي علبتين سوبر من عبده عشان القعدة شكلها مطوله.
- آه إذن هذا ليس الآخر المدعو سعيد.. الجلسة في المشرحة سوف تفجر رأسي من الخيالات!!
- سوبر يا دكتور!!
- أنا موظف حكومة يا سيادة الرائد.. وفي يوم هقعد في البيت واخذ معاش يا دوب يكفيني سبارس يبقى اعوّد نفسي من دلوقتي ليه؟
- ثم أشعل آخر لفافة تبغ، وكوّر العلبه الورقية وألقاها فوق الطاولة
- وبعدين السوبر سيجارة معمرة مع الوقت بتتحول إلى فرد من أفراد العيلة.. ويا سيدي ما كله بيحرق الصدر.
- قاطعًا كلماته التي تحمل بين طياتها الأسي على معاش قد اقترب.. رن هاتفي المحمول طالبًا مني إنقاذه من تلك الملحة التي تتصل للمرة السادسة.
- إيه يا ولاء في إيه؟
- أنت ما بتردش ليه يا نبيلة.. رئيس التحرير..
- قالب عليا الجرنان من صباحية ربنا.. غيره يا ولاء؛ غيره.
- إنت فين؟ إخلص..
- ورايا مشوار.
- مشوار!!!.. العدد الأسبوعي ما دخلش المطبعة لسه، وهنروح في داهية كلنا، وأنت بتسرمح وتقوللي مشوار!!

ابتعدت إلى طرف الغرفة، وأطرقت برأسي محدقًا في يد مبتورة فوق إحدى الطاولات، اسودت أظافرها خافضًا صوتي لأقصى ما تستطيع حنجرتي البالية.

- طز في العدد الأسبوعي.. قولي لرئيس التحرير إن أنا في أيدي موضوع خطير هيقلب الدنيا.. قولي إنني بحقق في سلسلة جرايم لسفاح بيقتل الستات الحوامل في بولاق..

- قولته كده الأسبوع اللي فات واللي قبله.

- خلاص يبقى قوليله إنه سفاح بيقتل الرضع.. مش الحوامل بيخلفوا برضه؟!

أطلقت ضحكة عالية رقيقة، ونعنتني بلفظ بذيء على سبيل الدعابة كعادتها.. ثم أغلقت الخط..

التفت لأجد دكتور علام وعماد أمام إحدى طاولات الفحص فاقتربت مسترقًا السمع.

دكتور علام يتابع حوارًا كان قد بدأ وأنا على الهاتف.. اللعنة عليك يا ولاء وعلى رئيس التحرير:

- زي ما انت شايف يا سيادة الرائد.. الجروح كلها معمولة بزاوية مستحيل الضحية نفسها تعملها لنفسها.. ده شيء أنا أكده بكل خبرتي في المجال.. غير أن عضلات إيدها زي ما انت شايف مش لينة لدرجة إنها تعمل جرح قطعي بالطول ده في رقبتها من ورا.. وبعدين الولاد في المعمل الجنائي ما لقوش آلة حادة واحدة مع الجثة.. غير إنني ما اعرفش آلة حادة تعمل جرح بالشكل ده غير مبرد الظوافر، ومبرد الظوافر ما يقتلش.. الجروح دي كانت جروح

تعذيب للبنت عشان تفضل تنزف زي الدبيحة لأنه عارف إن عندها متلازمة لويس بار وأي جرح ممكن يسبب نزيف.. ولما زهق منها راح عامل الجرح اللي في الرقبة ده عشان يخلص عليها فوراً.. بس جرح الكعب بقه..

- كمل يا دكتور أنا معاك.. ماله جرح الكعب؟

- جرح الكعب غائر شوية.. لو ما كانش نظري ضعف للدرجة دي.. الجرح ده معمول بألة حادة قطعت وتر أكيلس.. بس ليه؟!.. دي محتاجة شوية بحث.. بيتهايا لي ممكن يعملوا صورة ثري دي عندكم في البحث الجنائي.

راح عماد يكتب رسالة على هاتفه المحمول بنصف اهتمام وقال:

- والجثة بتاعت لعيب الكورة؟

- العنكبوت اللي اسمه الأرملة السوداء بيعيش في القرى والبيئات الزراعية والاستوائية.. هو لدغه.. آه بس مع البنية العضلية والجسدية للولد ده؛ يبقى احنا قدام احتمالين: الاحتمال الأول إن العنكبوت لدغه لدغتين والولد نايم مثلاً فا جاله تسمم ومحدث لحقه ومات.. والاحتمال الثاني إن اللدغة الصغيرة اللي في الرقبة ما كانتش لدغة عنكبوت..

- إزاي يا دكتور هي مش شبه نفس اللدغة اللي في الفخذ؟

- أنا مش خبير في العناكب يا عماد باشا.. بس اللي اعرفه إن اللدغتين مش متشابهتين.. في شوية اختلافات بسيطة بينهم.. اللدغة اللي في الرقبة أصغر حجماً وأكثر عمقاً، وتجلط الدم تحتها مش زي اللي تحت أختها في الفخذ.. أنا عايز العنكبوت أو عايز حد من أساتذة كلية علوم يدينا رأي نهائي.

رفعت رأسي نحو المحمول في يد عماد.. إنه يسجل ملاحظات وأنا الذي
نأظنه يرأسل صديقته الغاضبة دومًا من انشغاله في العمل.. يبدو أنه..
بالنسبة بقة لأخينا اللي وقع من الدور الرابع.. الشاب ده ما رماش
نفسه.. بس أرجح بقة إن توازنه اختل ووقع.
إزاي يا دكتور.. معلىش..

لما فحست جنب رجله.. لقيت شوية بواقى أسمنت ناشف وغبار
جبس.. يعني رجله اتحككت في حافة السطح قبل ما يقع.. لو رمى
نفسه ماكانش الأثر ده يبقى موجود.. لو حد شاله ورماه برضه الأثر
ده ماكانش يبقى موجود.. طبعًا ده تخمين.. لكن أعتقد بخبرتي كده
إن الولد ده كان مش في وعيه وهو ماشي فوق السطح.. حد أجبره
أو ضلله وخلاه يعمل كده.

قصدك يعني حد هدده بسلاح يا دكتور؟
يا أستاذ أكرم أنا مش منجم.. أنا طيب شرعي.. بس في رأيي إنه
كان.. ثواني كده...

ثم رفع ذراع الفتى نحونا وأشار إلى ثقب صغير في باطن الكوع
ده مكان حقن.. ممكن يكون الولد ده محقون بحاجة ما حولته
لكائن معدوم الإرادة.. أو ممكن يكون أضاف المورفين أو الماكس
كونفورت لقائمة الإدمان بتاعته جنب الحشيش.. بالمناسبة إيه سر
الاهتمام الحكومي الفظيع بالأخ ده.. اسمه علاء مسعود البلطيمي
زي ما الأوراق بتقول.. هو ابن مين بقة في مصر عشان الدوشة دي
كلها؟

نظر لي عماد نظرة ذات مغزى، ثم ابتسم قائلاً:

- أنت ما بتقراش جرايد يا دكتور؟!!

- غالبًا لا.. صفحة الوفيات يوميًا والباقي كل لما افضى

- الوفيات!!

- أنا راجل ملول وما بحبش التكرار.. الوفيات بس هي اللي بتراعي الملل ده، وبتديني عناوين متجددة يوميًا.. كل الجرايد بتكتب نفس الأخبار.. قلق في العراق.. تفجير في لبنان.. زوجة تقتل زوجها.. راجل بيقتل أخته شكًا في سلوكها.. الأهل بيأخذ الدوري.. كلها عناوين قديمة.

ثم خلع منظاره الطبي، وقادنا نحو الطاولة مشعلًا لفافة تبغ من علبة سوبر منتفخة.. متى جاء ذلك التومرجي بالقهوة التي بردت والتبغ.

- حلوة القهوة دي.. محدش أجاب سؤالي لغاية دلوقتي.. ابن مين في مصر علاء ده؟!!

نظري عماد من جديد فاقلت شارحًا:

- علاء مسعود البلطيمي يا دكتور هو ابن رئيس حزب الحق السلفي.. وهو برضه أصغر متحدث رسمي لحزب سياسي في التاريخ السياسي المصري.

- سلفي وحشيش!! any way.. وده يعمل فرق يعني في قضيته عن بقية القواضي.

ضغط عماد على أعصابه قليلًا محاولًا التوضيح:

يعني يا أستاذنا العزيز إن كل الصحف والقنوات والمواقع الإلكترونية الموالية للحزب هتتهمنا صباحًا بالتقصير والإهمال وعدم أداء دورنا الأمني والإداري والقومي إذا ما جنبناش لهم تفاصيل الجريمة، وإن كان في قاتل

فلا بد أن القاتل وابن خالته وابن عمته يقفوا قدام المحاكمة بسرعة.

- غريبة أوي.. ألا ما شفنا السرعة الخارقة دي في الغلابة اللي ماتوا بقلب ميت في أيام الثورة كلها.. ده أنا كنت بتحايل على الناس عشان ياخدوا مني تقارير التشريح، وكل اللي كنت بلاقيه الطناش.. وفي الآخر لما كنت اقول لرئيس الهيئة إني عايز امشي عشان أنا ما بحبش حد يطنشني، وما دام شغلي مالوش لازمة يبقى أقعد في بيتي احسن.. يقولي سلمناها للجنة تقصي الحقائق.. واللجنة بتدرس كويس عشان تقدم التقرير.. وادينا مستنين التقرير.

- يدينا ويديك طولة العمر يا دكتور..

كانت هذه مني أنا وليس من عماد.. الحقيقة أن علاقة المصريين مع الشرطة تغيرت تمامًا بعد الثورة.. فأصبح الشرطي دائمًا متهمًا بالإهمال والتقصير والتخاذل والميل إلى أطراف عن أطراف والحقيقة أن جزءًا كبيرًا من هذه الاتهامات صحيحة.. حتى أن ضابط مباحث نقى وشريف مثل عماد يستحق تمثالًا في مدخل مديرية الأمن!!

مد عماد يده يصافح الدكتور علام.. قائلاً في هدوء:

- أشكرك يا دكتور علام.. أنا منتظر تقريرك النهائي بفارغ الصبر.

- إن شاء الله يا سعادة الرائد.. أوعدك إني أسرع فيه على قد ما اقدر.. ومش عشان خاطر ابن مسعود البلطيمي.. بس في حاجة كده.. الأولاد قالولي إنهم لقوها مع كل الجثث.. أتكلم ولا..

- الأستاذ أكرم وعد بكتهان السر وإن اللي شافه مش للنشر.. مش كده؟

رسمت على وجهي ابتسامة ساذجة - صفراء نوعًا - بينما أحضر الدكتور

علام كيسًا بلاستيكيًا صغيرًا به كتيب قديم نوعًا في حجم روايات الجيب ورفعه نحو عماد متابعًا:

- ممكن حضرتك تقولي ليه كل الجثث معاها الكتاب الغريب ده؟؟
- ده يا دكتور أكيد كتاب (الرائحة ولكني قتلت) أو (كيف تكشف سر انتحاري).

أطلق عماد ضحكة ساخرة قصيرة، بينما حدجني دكتور علام بتلك النظرة الرمادية الباردة، وقال ضاغظًا كل تشكيل حروف كلماته:

- لا يا أستاذ لطيف.. الكتاب اسمه (الرهاب).. (الرهاب) يا أستاذ أكرم.



حاشية لا بد منها

العام ١٩٧٠ كان عامًا صاخبًا بحق..

أصوات تحليق المقاتلات.. القصف.. الحرب

الطائرات المصرية تقصف جزيرة شدوان.. الطائرات الإسرائيلية تردّ بقصف مدرسة أطفال في بحر البقر.. مبادرة روجرز.. الأردنيون والفلسطينيون يتقاتلون فيما عرف بحرب أيلول الأسود.. جمال عبد الناصر سيلقى ربه في خريف ذلك العام..

كل هذا الصخب ليس له أي علاقة تذكر بـ "عمر جمعة" ..

شاب في مقتبل عمره.. في الخامسة والعشرين لو شئت الدقة.. وحيد أبيه؛ الموظف بشركة الكهرباء - وهو ما أبعده عن الجيش على عكس

أبناء جيله - متخرج من كلية الآداب.. يقطن مع أبيه الأرملة منذ عشر سنوات، في ذلك الشارع الهادئ من حي مصر الجديدة الهادئ - في تلك الأيام بالطبع..

كما ترى.. شاب عادي كغيره من الشباب.. يهف قلبه لصوت عبد الحليم.. يدخن سجائر بلمونت - رمز مصر في ذلك الوقت لأن عبد الناصر كان يدخنها.. - يجب سناء ابنة جاره الأستاذ موافي.. لا شيء في حياته يطفو على السطح ليؤثر على سريان نهره الرقراق..

فقط عندما جاء ذلك اليوم..

كان عائداً من المقهى ليلاً.. المقهى الذي كان ملتقى كل مثقف ومتحضر.. المقهى الذي كان برلماناً وصالوناً أدبياً ومركز شباب - في تلك الأيام العامرة.

كان عائداً في سيارة صديقه محمود.. محمود ابن الضابط السابق في البوليس المصري، والذي يملك سيارة من طراز نصر لا يمكنها إلا عالية القوم.. يقصد ذلك الشارع الهادئ الذي تقبع فيه البناية حيث يسكن مع أبيه الأرملة..

توقف محمود بالسيارة في صمت.. ونظر إلى صديقه بعين لا ترى.

- تعرف يا عمر؟

- لا ما اعرفش ومش عايز اعرف.. أنت ياد مالك بقيت خرع كده

ليه.. إنت مش رايح جهنم يا محمود.. إنت رايح تدافع عن بلدك..

طب والله لولا إن أبويا راجل وحيد ومفيش حد يراعيه غيري كنت سبتك هنا ورحت أنا مكانك الجبهة.

- خلاص يا جدع ما كانوش كلمتين.

- حد هيوصلك بكرة ولا اصحى بدري واجي معاك؟
- سيادة القائمقام مصمم يوصلني بنفسه بكرة.. وانا مش عايز ازعله.
- تروح وتيجي بالسلامة يا صاحبي..
ثم منح صديقه ابتسامة مشجعة.. وربت على كتفه تاركًا إياه ومترجلًا
من السيارة..

لم ينظر خلفه أبدًا.. الواقع أن عمر يجب محمود كشقيقه.. أبوه عزف عن
الزواج بعد وفاة المرحومة أمه.. فلم يمنحه من يشعر تجاهه بذلك الشعور..
إذن فلتبحث عن شقيق يا عمر.. ومن غير محمود يصلح أن يكون كذلك..
راح يمشي الهوينا إلى باب البناية الحديدي.. يمشي على الرصيف فقط
لأنه هاب السيارات المسرعة حتى ولو كانت الساعة تندو من منتصف
الليل.. هو لا يجب السيارات ولا يجب المرور أمامها.. فقط ليتعثر فيها
اصطدمت به قدماه..

كان كتيبًا صغيرًا.. كتيبًا في حجم (ميكي جيب) لو أردت تقريب
الصورة.. وتبدو عليه مظاهر القدم.. كتاب صديء لو جاز التعبير..
هل يرى عمر كتابًا ملقى على الأرض بدون أن يعرف ماهيته؟؟..
مستحيل يا صديقي.. إذن فأنت حديث العهد بذلك الشاب.. عمر دودة
قراءة لو أردنا أن نصف علاقته بالكتب.. لن يصبر حتى يصعد ويغلق عليه
غرفته ليعرف ماذا يكون..

يلقي تحية المساء على أبيه الذي جلس يستمع لآخر أخبار مبادرة روجرز.
يبدو أن عبد الناصر سيقبلها.. لكن أباه مصر على أن الحرب لم تنته بعد..
فقط عبد الناصر يلتقط أنفاسه.. لا أكثر ولا أقل..

يغلق باب غرفته ويده كوب الشاي الثقيل الذي يفضله.. يتناول

الكتيب الذي أدرك أنه - حتى الآن - لا يعرف عنوانه على الأقل.. كتاب قديم جدًا.. نوعية الورق حتى تختلف عن ورق الكتب المصقول الذي كان يميز كتب الستينات والسبعينات.. إنه ورق قديم مهترئ الأطراف.. وهذا ما يمنحه سحرًا لا يقاوم بالنسبة لشخص كعمر..

مجموعة قصصية لمؤلف يدعى إبراهيم صفوت.. قصص!!.. ومن ذلك الوغد رائق البال الذي يكتب مجموعة قصصية في مائتي صفحة بهذا الحجم الصغير!! إن نجيب محفوظ نفسه لا يجسر على ذلك، فما بالك بهذا ال- إبراهيم صفوت.. اسم غريب نوعًا.. ولكن منذ متى كانت هذه هي المشكلة بالنسبة لعمر..

مجموعة قصصية!!.. الرهاب - بضم الراء -.. ماذا يعني.. أخرج معجمًا صغيرًا، وراح يبحث عن أصل الكلمة.. الرهاب هو الخوف العميق غير المبرر بأساس.. هو يذكر حين كان يقرأ في أحد كتب (يانج) أن الخوف من أشياء ما غير مبرر الخوف منها تكون لدى الإنسان من اللاوعي الجمعي، وانتقل لنا بدرجات ما وبتفاوت.. لكنه لم يقتنع كثيرًا.. لو سألت يانج عن سبب المغص الذي يتأبك بعد أكلة كشري لقال لك بملء فمه (إنه تكوين من اللاوعي الجمعي لجذك العشرين الذي كان يصاب بالمغص من الكشري).

الحقيقة أن ذلك الوغد أجاد اختيار اسم مجموعته.. هو اسم يثير الفضول والتوجس والإثارة والتشويق معًا..

راح يقلب صفحات الكتاب باستمتاع.. الخط مطبوع بطريقة البالوطة القديمة والشهيرة.. فقط حينها وصل إلى تلك الصفحة.. أدرك أنها الثانية صباحًا..

أربع ساعات من القراءة المتواصلة.. الحقيقة أن الرجل موهوب بلا شك يا عمر.. لقد جعلك تتغلب على عاداتك السيئة في كشف كل أغراض وأهداف أي قصص تقرأها.. أنت لا تعرف ماذا يريد حتى الآن.. فقط هي مجموعة لطيفة من جرائم السرقة والقتل والانتحار، وتحمل أسماء غريبة لأناس يخافون من أشياء غريبة لا تبعث على الخوف..

مثلاً.. هذه القصة تتحدث عن رجل يعيش وحيداً مع ابنه الشاب.. في بناية هادئة في شارع هادئ في مصر الجديدة.. ذلك الرجل الذي أوى إلى فراشه في الثانية عشرة بعد منتصف الليل تاركاً ابنه الشاب يقرأ في غرفته حتى الثانية صباحاً.. فقط ليصحو قبل دقة ساعات الثانية صباحاً.. إنها المئاة المثلثة.. ليجد مفاجأة غير سارة أمام حجرة نومه.. ولتكون دقات الساعة الثانية هي آخر ما يسمعه في حياته الطويلة..

ولكن يا عمر.. لماذا بهت واصفر وجهك حتى صار كلون صفحات الكتاب؟!؟

لماذا يبدو لك الأمر مألوفاً أكثر من اللازم؟!؟

لماذا مع دقة الساعة العتيقة المعلقة على الحائط في غرفة الصالون تسمع صوت ذلك الارتطام وكأنها جسد عجوز مرهق ممتلى المئاة يسقط محدثاً كل هذا الدوي؟!؟

يبدو أن خيالك قد لعب لعبته بك يا عمر..

* * *

تنعي أسرة الفيومي وأبو كارم فقيدهم الأب والخال والعم البار جمعة الفيومي الموظف بالمعاش، وتسال الله العزيز القدير أن يتغمده برحمته ويسكنه فسيح جناته.

* * *

جزء من تقرير طبي لاستخراج شهادات وفاة

الاسم: جمعة عبد التواب الفيومي

السن: ٦٣ عامًا

سبب الوفاة: أزمة قلبية

* * *

(٥)

مديرية الأمن.. السابعة صباحًا

ربما لا توافقني الرأي.. لكنني أجد الاسم مثيرًا للفضول نوعًا.. خاصة مع الغلاف الجلدّي ذي الطباعة الغائرة.. واسم مؤلفه الذي طبع - ويا للغرابة - بحجم خط يماثل حجم عنوان الكتاب!! إبراهيم صفوت.. ومن هذا الإبراهيم صفوت وما هو وزنه في الأدب؟؟ هو ليس محفوظ ولا إدريس ولا إحسان.. هو ليس المنسي قنديل ولا إبراهيم أصلان حتى!!

صفحات مهترئة توحى بقدم.. لا رقم إيداع ولا رقم تسجيل.. لا دار نشر.. ربما طبع هذا الكتاب داخل زقاق مظلم رطب.. ربما كانت هذه هي الطبعة الوحيدة.. ربما طبع بطريقة البالوطة القديمة.. حيث الأحرف المحفورة في الورق.. ووصلات الباء والتاء المقطوعة قطعًا.. وحيث الطبعة الواحدة تقتضي أسبوعًا!! ولكن لماذا هذا الحجم الصغير!! لم تكن من عادات الأربعينات والخمسينات والستينات طبع كتيبات بهذا

الحجم!! قبل أن تظهر تراجم الأدب الروسي الشهيرة وكتيبات دار الهلال وروزاليوسف..

ثم إن الكتاب مهترئ بشكل مبالغ فيه.. ورائحته تشبه رائحة شراعة باب بيت جدي في القلعة.. كتاب صدي لو كان لي أن أقول ذلك..!!

كنت جالسًا أراقب الكتاب وأقلب في صفحاته في حجرة مكتب عماد بمديرية الأمن حينما اقتحم عماد الغرفة اقتحامًا..

- أنت تور يا جدع!! في أوروبا والدول المتقدمة ييخبطوا غالباً الأول.

- ابقى حط يافطة عدم الإزعاج على الباب يا روح امك.. إحنا في مديرية الأمن مش في الإنتر كونتينتال.. وبعدين ده مكتبي يا بني آدم.. إنت قلة النوم لحست مخك!!

نظرت نحوه في عدم إدراك وخدر لذيذ يغزو عقلي ويتركه في سبات محبب.

- أنا بقالي يومين ما نمتش.. يا دوب بقه أقوم اروح انام لي ساعتين واشوف العدد الأسبوعي بدل ما رئيس التحرير يرميني في الشارع.

- تروح فين.. احنا هنفطر سوا يابا.. وبعدين هوصلك بعريبتني.. الواد بتاع الفول اللي في شارع بورسعيد بيعمل شوية فول بالزيت الحار يستاهلوا بقلك.. ولا كلمة زيادة..

ثم وقف أمام تلك النافذة موليني ظهره.. حتى اقتحم علي الضابط الصغير المكافح - المكتب هو الآخر.

- عماد باشا.. وصلت المعلومات من الأحوال المدنية.. معايا يا باشا؟

- معاك يا علي كمل..

ألقى بنظرة متشككة علي فمناحتة ابتسامة ساذجة، ثم تابع:

- السجل المدني يقول إن في عدد مش بطال من اللي اسمهم إبراهيم صفوت، سواء ثنائي أو ثلاثي ينتهي بصفوت أو رباعي ينتهي بصفوت.. حوالي متين وخمسين ألف مواطن.. عشر تلاف منهم فوق سن الستين.. ألفين من العشرة عناوينهم جوه القاهرة الكبرى.. ده غير اللي معندهم رقم قومي وساقطين القيد واللي بطايقهم على عناوين برة القاهرة.

- ودول كام كمان؟

- حوالي عشرين ألف تانيين.

- جميل أوي.. والمتوفين منهم قد إيه.

- تلتمية وخمسين جوه القاهرة بس.

- حلو أوي يعني محتاجين خمس سنين بالميت عشان نتحرى عنهم، ويطلع حدّ منهم له علاقة بالكتاب أو بالجثث..

ثم زفر في إحباط وتابع:

- والكتاب.. وصل لإيدين المجني عليهم إزاي؟!

- محدش عارف حاجة مؤكدة يا عماد باشا.. أم البنت عندها انبيار عصبي واخوها الكبير يقول إن اخته عمرها ما حبت القراءة.. أهل لعب الكورة الريفي بيأكدوا إن ابنهم عمره ما قرا جرنان وإنه بيفك الخط بالعافية.. آه بالمناسبة؛ أهل علاء البلطيمي برة.. تعليقات سعادتك.

- دخلهم الأوضة اللي جنبي واعمل الواجب معاهم بزيادة شويتين.. وانا جاي اتكلم معاهم كلمتين.. إحنا مش ناقصين مشاكل مع

البلطيمي وحزبه كمان.. آه وابعت بيومي يجيب فطار من عند الواد
بتاع الفول اللي على ناصية حسن الأكبر..

انصرف الضابط الشاب مسرعًا.. أخرجت علبة التبغ وجليوني الأثير -
أعشق تدخين الغليون فهو يعطي مظهرًا يليق بالعباقره - فقط لأكتشف أن
التبغ نفذ.. يوم رائع وعظيم.. طبعًا لو طلبت من عماد أن يأمر أحد عساكره
ليحضر لي علبة تبغ لألقى بي من نافذة مكتبه.. إذن فلا تدخين اليوم..

زفرت في ضيق.. الحقيقة أن هذه الأيام أصبحت روح المرء فينا على
طرف أنفه.. ثم إن الحرّ خانق نوعًا.. والرطوبة لا تطاق كأننا نعيش في قلب
الماء.. ألسنا في مايو؟ أتذكر عندما كنت في الجامعة أن أيام مايو كانت
لطيفة مشمسة ولا ينغصها سوى اقتراب الامتحانات.. ثم لماذا دائمًا يقوم
هؤلاء الأوغاد بجرائمهم في أيام صيفية رطبة؟؟

- البصات..

- اشمعنى..؟؟

- أنت هتخشلي قافية يا جدع انت.. متسجلة عندكم؟

- يعني هي لو متسجلة عندنا كنا هنقعد نشرب قهوة ونرغي يا أكرم..
وحياة امك هي مش ناقصاك انت كمان، إنت وملاحظاتك النبيهة..
هلاقيها منك ولا من مساعد الوزير ولا من الولاة اللي قرفاني في
عيشتي.

ثم حاول من جديد إشعال لفافة تبغ.. فلما لم تستجب القداحة للمساته
المتكررة ألقى بها فوق ذلك الكتيب، فأصدرت صوتًا مكتومًا.. لا أدري
لماذا توقف فجأة.. ونظر نحو الكتاب قاطبًا حاجبيه حتى ظننته سيصارع
الكتاب، ثم قال:

- أكرم..

- خير!!

- معاك مطوة أو قصافة؟

- وهشيل مطوة ليه.. هو انا مش شرط ولا هجام يابا!!

أشار لي كي أصمت.. ثم مد يده في درج مكتبه وهو يراقب الكتاب بعينه وأخرج مدية صغيرة تشبة مدية قاصفة الأظافر.. وراح يعبث بها في الجانب الداخلي من الغلاف فتقدمت نحوه مندهشًا.. نعم هناك جزء ما يبدو كفراغ مجوف خلف هذا الغلاف السميك.. كيف لم ألاحظ ذلك وأنا أقلب الكتاب في يدي منذ ساعة.. أخذت المدية من يده، ورحت أمرّ ببطء شديد على ذلك الفاصل الورقي.. حتى تكشفتم تلك المسافة الصغيرة بين جانبي الغلاف السميك.

- علي.. أيوه أنا عماد.. ابعتلي التهامي بسرعة.. فورًا يا علي..

ثم وضع سماعة الهاتف، وراح يمدق الكتاب بنظرات قلقة حاول إخفاءها خلف قناعه الشرطي الجامد.

- عماد.. هو مين التهامي ده؟

- هتعرف لما يبجي.. ما تشوفلي ولاعة بدل ما انت واقف كده.

لم تكده عبارته تتم خروج أحرفها من فمه حتى سمعنا صوت طرقات مكتوم، ودخل إلى الغرفة رجل نحيف يرتدي نظارات طبية سميكة.. أخرج من حقيبته في يده ذلك الملقاط الصغير، وراح يعبث به في تلك المسافة ليخرج تلك الورقة المطوية الصغير.. ورفعها أمام عيوننا المنتصرة..

- ها يا سيادة الرائد.. افتحها.

- بسرعة وبحرص أرجوك.

لم أكن أعرف كيف تجتمع السرعة بالحرص هنا.. لكن الرجل فض
الورقة بسرعة وبحرص شديد.. ثم وضعها مفرودة داخل كيس بلاستيكي
شفاف وناولها لعماد.. دون أن يفكر حتى في إلقاء نظرة.. وانصرف مسرعًا..

عماد يحمل في الورقة.. فاقرب منه متسائلًا فقط ليمد يده بها إلى

ورقة قديمة لكن حالتها ممتازة.. عليها كلمات كتبت بخط أنيق منمق..
وقلم حبر من الذي يستخلمونه مصحوبًا بدواية حبر.. وبقعة بفعل الحبر
الزائد في طرف الورقة.

رحت أقرأ بصوت مسموع محتويات تلك الورقة:

أنت يا من سوف تجد هذه الورقة.. احرق هذا الكتاب اللعين فهو ما
وطئ مكائنا إلا حل الخراب معه.. واحذر أن تقرأ كلماته في ليلك الأسود
منفردًا.. وتذكر أنني حذرتك وأندرتك.. والله من وراء القصد، أو هكذا
أزعم.. المخلص التعس.. عمر جمعة".

رفعت رأسي نحو عماد لأجد حاجبيه لا زالا منعقدين - حتى ظننت أنها
لن يتخليا عن وضعهما - وقلت مستفسرًا:

- أنت فاهم حاجة من الكلام ده؟؟

- اللي فهمته إنه كلام واد اهبل بتاع تخاريف.. وشغل كتب ملعونة
والجو الرخيص ده.

- أو ممكن تكون رسالة تمسكنا طرف خيط مهم.

- خيط إيه ونيلة إيه.. ناقص تقولي تعالى نحرق الكتاب، ونرقص
حواليه، يمكن اللعنة تروح والناس تبطل تقتل..

ثم تناول عماد طبنجته الميري، ووضعها تحت إبطه وارتدى سترته قائلاً:

- بقولك إيه.. أنا هخش اخلص تحقيق مع آل البلطيمي عشان زمانهم خللوا من القعدة في المكتب، واعدى على رئيس المباحث، وبعدين نروح مشوار سوا.

- مشوار إيه يا جدع انت.. بقولك بقالي يومين صاحي وورايا عدد أسبوعي ورئيس تحرير وتقوللي مشوار!!.. بص أنا هقوم امشي والله الغني عن التوصيلة.. وكمان مش عايز فطار..

فتح الباب ورفع عقيرته منادياً:

- بيومي

- أوامر معاليك.

- جبت الفطار؟

- بيتوضب جنابك..

- طيب حلو أوي.. هتروح لحد علي باشا وتقول له يستعجل تقارير الأحرار بتاعت القضية.. وتجييب لأكرم باشا قهوة لحد ما الفطار يجهز.. آه.. أكرم باشا ضيفي ومش عايزه يتحرك من المكتب خطوة.. وحياة امي يا بيومي لأحملك لمحاكمة عسكرية لو خرج برة باب الأوضة..

- أوامرك يا عماد باشا.

حاولت أن أعترض فنظر لي نظرة كادت تثقب رقبتني وترديني قتيلاً.. ثم صفق الباب خلفه في عنف، وأغلق المكتب بالمفتاح..

إذا كان هذا هو حق الصداقة.. فلتذهب الصداقة وحقها وعماد إلى الجحيم معاً.. لرايم منذ يومين يا كفرة.. حسبي الله ونعم الوكيل.

رحت أتسلى بقراءة مجلة الشرطة وصنع المراكب والصفادع من تلك

الأوراق البيضاء التي اعتاد عماد أن يشخبط فيها وهو يحقق مع أرباب السوابق متظاهراً أنه يسجل ملاحظاته.. ثم رحت أراقب الكتاب الصديق الشبيه بمقاعد أتوبيس النقل العام..

طرقات مكتومة جديدة.. ثم ذلك الوحش الكاسر بيومي يدخل ومعه القهوة فأخرجت لفافة تبغ الغليون الورقية وقلت:

- ممكن خدمة ثانية يا بيومي!؟

- أوامر جنابك.

- ممكن علبة زي دي بالضبط.. لو في أي بتزينة أون ذا رن قريبة هتلاقيها.

- بتزينة إيه يا باشا؟!!

- ما تشغلش دماغك.. شوف أي حد قريب وهات واحدة زي دي بالضبط.

تناول اللفافة مني ووقف مبتسماً في بلاهة.. فكورت عشرين جنيها ودستها في جيب قميصه.

- خللي يا باشا خيرك سابق.

وكانه يعرفني منذ سنين!!

- لا ولا يهملك المرة الجاية.. بس بسرعة وحياة والدك.

خرج من الباب وأغلقه خلفه بالمفتاح.. يبدو أن عماد لا يمزح عادة مع مرؤوسيه حتى أن ذلك الغوريلا حبسني في الغرفة حتى لا أتحرك من مكاني!!!

جلست أقلب الكتاب في يدي.. مستفز فعلاً هذا الكتاب.. عندما أقلب

الصفحات تستفزني لقراءتها، ولكنني لا أحب القراءة وأنا لا أقدر على فتح عيني.. ثم أي شيء يغريني في قراءة كتاب مثل هذا؛ يتصف مؤلفه بغرور شديد، لدرجة أن يكتب اسمه بهذا البنط العريض، وكأن الكتاب يدعى إبراهيم صفوت وليس الرُّهاب!!

لنر ماذا كتب هذا الأستاذ إبراهيم صفوت..

هناك قصة تدعى (إلى العمق)..

اسم مسطح يشبه أسماء برامج قناة الجزيرة الإخبارية..

"راح سمير يقترب من سطح الماء الرقراق محاذراً أن تنزل قدماه فيسقط على وجهه في صفحة الماء الواسعة.. إنه يحتاج أن يعرف السر.. ولولا هذا لما اقترب من صفحة ماء في حياته، إنه لا يقرب الحمام في آخر الحارة، ويفضل الاستحمام بذلك الكوز وداخل الطشت الخاوي.. ثم"

ثم فتح الباب...

- يا عماد حرام على امك!! أنا مش شايف قدامي.. والعدد الأسبوعي
فاضله...

فقط لأجده يقتادني من ذراعي وكأني مقبوض علي.. وأهملاً تماماً كل
توسلاتي أن يتركني وشأني.. حتى وجدت نفسي جالساً في سيارته.. فقلت
متبرماً:

- على فين يا سيادة المعاون؟

- المعادي.

- هتهب إيه في المعادي!!؟

- هنزور بيت البنت اللي اسمها أمل.. غايز اعمل شوية تحريات كده
وغايزك معايا.

- ثم أدار السيارة وانطلق بها في حِدَّة، فكاد يصدم شابًا على دراجة نارية صينية ويلقي به فوق الرصيف هو ودراجته.
- طيب أنا كنت مدي بيومي عشرين جنيه عشان يجيبي تبغ للبايب.
 - مش مشكلة هجيلك تبغ دلوقتي.
 - والعشرين جنيه يا عم..؟؟
 - كلك عشرينات يا كيمو.. جت يعني على دي.
- ثم قبض على المقود وأداره يمينًا في حِدَّة ناحية نفق الأزهر متابعًا:
- وبعدين أنا عايز اشوف المكان اللي هي عايشة فيه وبعدين.. ملعون أبو اللي علمك السواقة.. لازم اشوف موضوع الواد لعيب الكورة ده..
 - طب قابل بقه نفق الأزهر وجماله..
- فقط لنجد النفق قد تحول إلى علبة تونة محفوظة قطعة واحدة ممتازة.. لا يوجد خرم إبرة لسيارة فيه..
- لقد وقعنا في الفخ باين.
 - من أعمالكم يا حضرة الرائد.
 - بطل بقه شغل النسوان الحمضان ده.. وبعدين انت بتهبب إيه في الموبايل.
 - بحاول اخش عالنت بس الشبكة معاندة معايا عشان دخلنا النفق.
 - وهتعامل إيه بالنت.. هتلعب المزرعة السعيدة ١١؟
- أدرت وجهي نحوه مبتسمًا:

- لا ما تشغلش دماغك.. أنا بس بسأل الأخ جوجل على اخونا إبراهيم صفوت وكتابه.

- بلا جوجل بلا ياهو.. أنا مهخلص مشوار البت ده ونعدي على الأزيكية نسأل على... اتحرك يا بني آدم النفق فتح بقه.. إحنا كنا بنقول إيه.. يا ابن ال.. ده انا هطلع ميتين أهلك.

الأخيرة كانت لأحد سائقي التاكسي البارعين.. والذي تذكر فجأة أنه لا بد من الوقوف احترامًا للطريق ليصطدم بسيارة عماد.. ووجدت عماد في قارعة الطريق يهدد سائق التاكسي النحيل بالويل والثبور وعظائم الأمور.. يبدو أنه لن يتركه إلا جثة هامة..

وهنا فقط.. في بحر شرودي تذكرت شيئًا هامًا.. هامًا للغاية

* * *

حاشية لا بد منها

العام ١٩٨٥ كان عامًا حزينًا يا مدام ميرفت..

على صوت محمد منير الدافق القوي تتلاعب بك الشجون والأحزان.. وهو يغني يا زماني اضحكلي.. تتمنين أن يضحك لك زمانك ولو مرة واحدة..

فقدت أبويك في حادثة سيارة صعبة.. فقدت ابنك الوحيد عندما صدمته سيارة نقل يقودها سائق متهور.. كعادة كل سائقي النقل.. ثم أخيرًا فقدت زوجك المحب العطوف البار..

كان ذلك في ليلة صيف حارة.. عاد زوجك إلى المنزل حاملاً ذلك

الكتيب الصغير المهترئ - صغير كأعداد ميكي جيب لو شئت الدقة - لماذا
جال برأسك تعبير ضحكك له زوجك حتى دمعت عيناه.. كتاب صدى..
هكذا وصفت ذلك الكتاب..

رحت تتساءلين عن مصدر ذلك الكتاب الغريب..

- ده كان في حاجة؛ صاحبي اللي اتوفى من كام؛ يوم الله يرحمه.. الله
يرحمه، ما سابش للدنيا غير كام كتاب ونظارة قراية ومحفظه فاضية..
فقري طول عمره.

- الكتاب ده شكله مش مريحني أصلاً.. مقبض كده وكثيب.

- ده عشان أنتي كتكوتة نونو ما بتحيش القراية

تتذكرين كيف كان يصفك بالطفلة.. طفلة في الخمسين من عمرها
نعيش وحيدة بلا سند في حياتها..

تتذكرين يا مدام ميرفت كيف تزوجتها.. زوجك محمود.. الشاب
العابث الذي تركت الحرب فيه أثرًا لا يخفى.. كيف جاءك في ليلة حارة من
صيف أغسطس عام ١٩٧٣ بتصريح أجازة سريعة ليطلب يدك للزواج قبل
أن يذهب للجبهة من جديد.. كيف انطلقت تركضين في الشوارع فرحًا يوم
السادس من أكتوبر.. وكيف ذبت قلقًا يوم تأخرت عودته.. وكيف همت
حبًا به عندما عاد ليكون لك للأبد..

تتذكرين كيف دخل محمود إلى غرفة مكتبه في تلك الليلة.. كيف جلس
إلى المكتب كعادته وارتدى عوينات القراءة.. كيف أراح رأسه على كفه
وراح يقلب في صفحات الكتاب في فضول..

- الرهاب.. اسم مقبض كده.. وبعدين ليه الفذلكة ما كان سماه
الخوف ولا الرعب وريح نفسه.

- كتابه وهو حرفيه يا ميمي .
- ومين إبراهيم صفوت ده.. عمري ما سمعت عنه!!؟!
- ولا أنا والله يا حبيبتى.. يمكن كان مشهور في أيامه.. وكان بيحضر صالونات مي زيادة ولا بيناظر العقاد وإبراهيم ناجي.. بس الكتاب شكله حلو ويستاهل القراءة.
- والنبي انت اللي حلو
- طب ما تبجي تاخدي شوية حلاوة كده يا قطني
- ويحاول احتضانك بكلتا يديه فتمنعين في دلال
- يا راجل سيبي اريح شوية من شغل البيت.. أنت إيه مش بني آدم
- فينظر لك في قسوة مصطنعة خائبة ويرفع حاجبه متابعا
- أنا مش بني آدم يا قطة.. أنا عزيز
- دعابته المرحه.. ابتسامته العطوف.. قبلته الدافئة على وجتك.. تلك
- القبلة التي لم تختف من حياتكما حتى يوم اختلفتما.. يومها أوصلك لبيت
- أمك ثم طبعها على وجتك.. برغم أنه كان في قمة غضبه.. يومها لم تتحملي
- ساعتين وعدت إلى بيتك بنفس ثيابك التي خرجت بها..
- كيف استيقظت فجأة في الرابعة صباحا.. ورأيت الضوء لا يزال منبعثا
- من حجرة المكتب..
- كيف دلفت على أطراف أصابعك لتجدي زوجك جالسا على تلك
- الأريكة وعيناه مغمضتان..
- كان نائما كالأطفال.. أو هكذا ظننت..
- لماذا قادتك فضولك إلى ذلك الكتيب المستلقي فاغرا صفحاته..؟؟

لماذا قرأت تلك الكلمات...؟؟

قصة بعنوان (أحمر)

رحبِ تقرأين حتى أوقفتكِ تلكم الكلمات

"فقط عندما نظر إلى الحائط أمامه.. كانت تستقر صورة له مع زوجته وطفله الوحيد يرتدي قميصه الأحمر الأثير.. لماذا لام نفسه على تركه يتجول بدرجاته أمام المنزل في ذلك اليوم المشثوم حتى تصلمه سيارة النقل الحمراء.. لماذا أحس بحنين غريب نحو طفله الوحيد.. اللون الأحمر يغشي عينه ويملكه ذعر لا ينتهي.. رعب جعله يغادر مقعده خلف المكتب.. ويستلقي على تلك الأريكة ويلقي بعويناته بإهمال على الطاولة حتى لا يرى الصورة التي تستقر على الحائط خلفه.. لماذا أغمض عيناه في استسلام.. حتى يبدو لك نائماً كالأطفال.. لكنه - مع الأسف - ليس نائماً أبداً.. لقد لحق بكل من يجبههم بأسرع مما دار بخياله."

لماذا رفعت رأسك بحركة حادة - تلقائية أكثر منها حادة - نحو زوجك الراقد كالأطفال على الأريكة؟

لماذا لم تنتهي من قبل إلى عويناته الملقاة في إهمال على الطاولة؟؟

لماذا صرختي بملء فمك يا مدام ميرفت؟؟

لماذا تتذكرين الآن ذلك الكتاب الذي ورثه زوجك - نظرياً - من صديقه؟؟

و الأغرب من كل ذلك.. لماذا تتذكرين الآن أن ذلك الصديق يدعى عمر جمعة؟؟!!!

* * *

- الواد هيروح متنازي الثاني وانتو قاعدين تنظروا هنا
- "ظلام بكر خال من الشوائب."

* * *

(٦)

جريدة (.....) التاسعة صباحًا

جالس في مكثبي بالجريدة أشرب القهوة الباردة - التي كانت ساخنة - وهي عادة محببة إلى نفسي.. القهوة تأتي ساخنة فأرشف منها رشفتين ثم أنساها حتى تبرد.. ثم أرشف رشفتين لتتحول إلى قهوة باردة لذيدة ومحببة إلى نفسي.. لا نوم إذن ولا راحة.. سوف يتسرب خدر تلك المرحلة الجميلة من اللانوم لا صحو ثم ينتهي الأمر بصداغ فتاك يشطر رأسي إلى نصفين ويحولني إلى مومياء حية تمشي على قدمين..

عماد أطلق سراحي أخيرًا بعد أن رفض أهل الفتاة السماح لصحفي بدخول منزلهم.. لو أن الوضع يختلف لكنت أول المرشحين بهم في المنزل.. لكن الصحفيين هم أول المنبذين في المصائب..!

ألقي نظرة على الطبعة الأولى للجريدة.. العدد الأسبوعي صدر أخيرًا وكأنه كان ينتظرنني حتى أضغ بصمتي عليه!! اسمي يتذيل مجلس التحرير

في الجريدة بوصفي مسئولاً الآن عن صفحات الحوادث.. عيناى تنهبان الكلمات بلا تركيز أو تشوق لفهم المكتوب.. خبر وفاة علاء البلطيمي ينزوي في ركن صفحة الحوادث بحروف أولى على غرار (ع.م) مع ترميز لوظيفة والده ووصفه بسياسي مشهور.. وصورة ضابط كبير يتعهد بكشف الغموض في أربع وعشرين ساعة.. أي غموض تعرفه يا سيادة اللواء فلان.. لا طالما كان الإخراج الفني في جريدتنا رديئاً.. رديئاً إلى حد لا يوصف.. لقد كتبت خبراً من ستة سطور فتحول إلى صدر صفحة واللواء فلان والعقيد علان!! ولكن ما علاقة هذا بالإخراج الفني يا أكرم..!!؟ إنه رئيس التحرير يبغى توزيعاً مضاعفاً وأنت وقعت على البروفة وكتبت العنوان بنفسك.. هل حدث هذا.. اللعنة على العدد الأسبوعي والكتب المجهولة والجثث.. واللعنة على الأبراج كذلك.

غرقت في نهر شرودي إلى أن دلف ذلك الشاب المتأنق الشبيه بأحمد عز - الممثل الذي يظنونه وسيماً - والذي جلس إلى جانبي ومد يده إلي بمظروف ضخم قائلاً:

- صباح الفل يا كيمو.. إيه ماللك؟؟
- صباح الخير.. ولا حاجة مطبّق بقالي يومين وشغال على حكاية معقربة كده، ومتخاتق مع أختي ومع رئيس التحرير وشوية قرف.. ها عملت إيه.
- الملف اللي معاك فيه كل حاجة بخصوص الراجل ده.. زي ما انت قولت طلع اسمه الثلاثي عمر جمعة الفيومي.. اتوفى سنة ٨٥ في حادثة عربية.. أو هي حادثة سير زي ما بتقولوا.
- عربية خبطته يعني وهو ماشي؟
- الحقيقة زي ما الشهود بيقولوا في الخبر إنه كان قاعد مستني

الأوتوبيس وبيقرا في كتاب كده، وبعدين قام فجأة ووقف في نص الشارع يبص على الأرض.. وبها أن الاوتوبيس ما بيقفش في المحطة كالعادة فا خبطه وفرتكه حتت.

- يا ساتر.. طيب وابوه... قرابه.. مفيش أي حاجة عنهم

- مفيش غير حوار كده معمول مع واحد صاحبه اسمه محمود الطيب لقوا ورقة فيها اسمه وعنوانه في جيب المرحوم.. وبيقول في الحوار إنه صاحبه واخوه وإن من ساعة ما ابوه توفى سنة ٧٠ وهو مالوش في الدنيا حد غيره.. الغريب بقه إني لقيت نعي منشور للراجل ده بعدها بأسبوعين.. نعي باسم: (زوجتك العزيزة ميرفت).

- مم.. هي غريبة فعلاً.. كان يوم إيه تقريباً..

- هتلاقي التاريخ عندك في الورق.. هشد انا بقه عشان ورايا شغل.. تؤمر بحاجة تانية.

- تسلم يا ابو كمال.. صباحك زي العسل.

رحت أطالع القصاصات المصورة من عدة صحف في أوائل السبعينيات وأوائل الثمانينيات.. أخبار الحوادث كانت تحتل نصف صفحة إلى جانب الكلمات المتقاطعة وحظك اليوم.. أما الآن فاما شاء الله تحتل صفحة كاملة ويصدر لها ملاحق متخصصة منذ بداية الألفية السعيدة.. أرايتم أي عصور زاهية نحيا فيها.. والله إننا لمحوظون..

قصاصة لنعي بسيط تنعي فيه أسرة الفيومي وابو كارم فقيدهم الأب البار جمعة الفيومي.. وقصاصة لنعي صغير ينعي فيه الأستاذ إبراهيم صفوت صديقه جمعة الفيومي فقيد أسرة..

وكانها لدغتنى عقربة.. وأصابتنى بلوثة.. رحت أفرك عيناى وأقربهما

بشدة من تلك القصاصة الصغيرة.. ثم أقيت بعيني على التاريخ المدون من
إدارة الميكروفيلم لأجده صبيحة يوم وفاة ذلك الرجل المسكين في صيف
عام ١٩٧٠..!!

إذن فذلك المؤلف المخبول كان صديقًا لوالد عمر.. أو هو يدعي ذلك..
طلبت رقم عزت صديقي الذي يعمل بقسم الميكروفيلم بأحد الصحف
الكبرى.. فاجأني صوته الجمهور مرَّحِبًا إلا أني قاطعته:

- حبيب قلبك إيه وبتاع إيه بقه.. إنت خلّيت فيها حبيبي.. لا يا عم
أنا زعلان.. لا ما تصالحنيش ولا الكلام ده خلينا في الشغل.. لا إذا
كان فيها غدا يبقى تصالحني زي بعضه.. بقولك يا زيزو أنا عايز
منك خدمة.. عايزك تبصلي على صفحة الوفيات في الجرنان عندكم
أو في أي جرنان تاني سنة ٨٥.. التاريخ هقولك عليه بس يمكن
تلاقيه بعد كده بكام يوم.. ما تدور يا عم هو شغلي ولا شغلك..
طب يا جدع خلي في عينك حصوة ملح على الأقل عشان خاطر ابن
اختك اللي لسه مستلم امبارح.. أسبح إيه بقه ما انت اللي بتقوللي
مشغول ومش فاضي.. لا حبيبي يا زيزو.. بص هقولك التاريخ كان
يوم....

* * *

حاشية لا بد منها

العام ٢٠١٢ عام غريب يا أستاذ غريب..

ما كل هذه المشاكل التي يواجهها الجميع..؟؟

زلازل.. أعاصير.. أزمات اقتصادية.. حروب.. توترات.. غلاء..

فتاوى خزعبلية تشبه قبعة المهرج.. ثورات.. ثم حروب.. ثم ثورات من جديد لإنجاح ما فشل في ثورات أخرى..!!

وأنت جالس في غرفة نومك تقرأ..!!

أغلقت التلفاز منذ خمس دقائق.. قناة الجزيرة تصر على أن تعطيك أملا بأن العالم يعج بالأوغاد والقتلة والمدعين.. وأنت تحب مشاهدة العالم من الخارج.. لا طالما أحببت ذلك.. فأنت تعرف أنك أجبن من أن تقتحم أي شيء في حياتك..

وأنت طفل صغير كنت تضرب وتهان وتسرق شطائرك وتمرمغ في التراب.. إلا أنك لم تعترض.. لم تشك.. لم تذهب يوماً إلى مدرستك تطلب منه الحماية.. أنت تخشى ممن فعلوا بك ذلك.. فالمدرس لن يذهب معك إلى المنزل.. لن يتعلق بالعربة الأخيرة في مترو مصر الجديدة ليحميك من هؤلاء الأوغاد.. فقط ترضي نفسك بأنك ستكون مواطناً صالحاً يفيد نفسه وبلاده - كما يقول كتاب القراءة الحديثة - بينما سيتحول أي فرد منهم إلى سفاح أو تاجر مخدرات - على أقل تقدير-

وأنت شاب مراهق رفضت كلية الشرطة - برغم الوساطة المضمونة ووظيفة والدك الحساسة - لأنك لا تحب العنف..

هكذا حاولت أن تقنع نفسك يا عزيزي.. أنت لا تحب أن تواجه.. لم تتخيل نفسك يوماً تقف ممسكاً بسلاحك الميري مشهراً إياه في وجه أحدهم وأنت تردد العبارات التي يدرسونها في مقرر السنة الأولى - هكذا كنت تعتقد - .. ارفع إيدك يا بيومي.. المكان كله محاصر.. مفيش فايدة من الهرب!!

وأنت رجل كبير تزوجت أول فتاة رأت أمك - رحمها الله - أنها صالحة.. لم تجسر على أن تتعرف على سعاد أو إلهام.. أو مي التي كانت تهيم بك حباً

وأنت تدعي أنك لا تشعر نحوها بأي شيء.. لقد كذبت يومها يا عزيزي..
أنت كنت تحبها.. لكنك لم تتصور نفسك تقتحم بيت أهلها وتجبر والدها
المتسلط - بمنامته الكستور وجواربه الصوفية صيفًا وشتاءً - على أن يقبل
بك زوجًا لابنته.. لم تتصور أنك يمكن أن تتحمل كلماته وهو يصفك
بالرقيق.. لأنك تضع كريم الشعر على رأسك الصغير

الآن أنت بلا زوجة - فقد هجرتك - .. وبلا عمل - فما هو مستقبلك
كمحام محدود الموهبة وسط الآلاف من أمثالك - .. وبلا ولد - ربما لأنك
جنت وأحجمت عن الإنجاب أيضًا-

تجلس وحيدًا تقرأ في ذلك الكتاب الذي ابتعته من سور الأزيكية.. كتاب
صغير بحجم روايات الجيب.. مهترئ الصفحات.. الكثير من القصص
الغامضة.. كلها تتحدث عن القتل والسرقات والوفيات الغريبة.. أنت
تتبع القاعدة الفرويدية بمنتهى الدقة يا عزيزي.. تفرغ نفسك وتطهرها..
فأنت لا تتخيل نفسك فردًا في هذه القصص.. لا تتخيل نفسك ضابط
شرطة أو محقق أو قاتل أو حتى ضحية من ضحايا هذه القصص..

إبراهيم صفوت!! لم تسمع به من قبل.. برغم أنك تعشق القراءة.. إلا
أنك لم تسمع بهذا الإبراهيم طوال سنوات عمرك الأربعين..

ثم إنه ليس عريض الموهبة حتى يجسر على تأليف قصص بهذه الكمية..
ثلاثمائة صفحة..!!

تأمل هذه القصة لتعرف أنه ضعيف الموهبة بشكل كبير..

قصة تدعى (جبان)

قصة تحكي عن رجل في الأربعين من عمره.. رجل وحيد ومحبط
وجبان.. عاد من المكتبة حاملًا كتابًا قديمًا ليقراه.. وشطيرتين من الفول
بالزيت الحار كي يتناول إفطاره - الذي هو غداء بصورة ما - هو والقط

الصغير الذي يؤنس وحدته.. كيف أكل شطيرة الفول وشرب من تلك
الزجاجة الخضراء.. لم يكن يعرف أنها زجاجة ذلك المنظف المزعج ثقيل
الرائحة.. وجلس يقرأ في فراشه.. حتى غلبته عيناه مع الثانية عصرًا فنام..
إلا أنه لم يكن يعرف أنه لن يستيقظ.. لن يستيقظ أبدًا..

هل توقفتني الرأي في أنه محدود الموهبة يا صديقي؟؟

لكن الساعة الآن الثانية عصرًا.. لقد تأخر الوقت يا غريب.. لا بد أن
ننام قليلًا.. أمامك يوم من البحث عن عمل ما في مكاتب أحد المحامين..
إن شطائر الفول تحتاج إلى المال.. وسهام رفعت قضية لتحصل على نفقتها..
إذن فلا بد أن..

لماذا يأتي النوم ثقيلًا وسريعًا هكذا..

إن الثانية ظهرًا هي ميعاد مناسب للنوم العميق لو سألتني..

* * *

(٧)

مقهى الليالي بحي عين شمس.. الثامنة مساء

صوت قرع أحجار الدومينو.. والطاولة.. وتقليب الزهر.. وقرقرة
مياه الشيشة داخل الإناء الزجاجي المزخرف.. وصوت أم كلثوم يدوي من
المذياع الياباني القابع فوق ذلك الرف..

دائمًا تثير هذه الخلفية الموسيقية المختلطة أذني.. وكثيرًا ما كنت أجلس
بمفردي أراقب عيون الناس وهي تتابع في شغف ذلك الدور العصيب
في لعبة الدومينو.. واللاعبان يبدوان كرئيسي دولتين عظيمتين.. أو ذلك
الشاب الذي يقرع أحجار الطاولة.. ليعلن أن العشرة انتهت بهزيمة ساحقة
لغيره..

الأمر ليس في اللعبة نفسها أو إثارتها أو حتى في مهارات خاصة قد تبذل
مجهودًا كبيرًا لتعلمها.. الأمر كله يتركز في هذه الإثارة.. في كمّ البشر الذين
يتجمعون حول اللاعبين مثيرين عاصفة من المؤثرات البصرية.. رافعين

بغيرتهم التي أبلاها المعسل والدخان.. مشجعين هذا أو لائمين على هذا..
وكان الحرب العالمية الرابعة سوف تشتعل ناراها إذا لم يتحرك هذا (القشاط)
اولريأت الزهر بما تشتهيهِ الأنفس!!

الدكتور أحمد سليمان.. الطبيب النفسي الشهير والصديق القديم جدًا
لوالدي - رحمه الله - يسحب نفسًا عميقًا من تلك الشيشة ثم يتابع نافثًا
سحابة من الدخان حوله:

- إزيك يا أكرم.. ده انا بقالي يجي ثلاث سنين ما شفتش خلقتك يا
واطي.

- اعذريني يا عم احمد والله.. الدنيا ممرمطة الواحد شغل وأكل عيش
وجري على أكل العيش ومحدث بيرحم.

- والله وكبرت يا أكرم وبقيت تتكلم عن أكل العيش

ثم ضرب كفي بقبضته الواهنة وأطلق ضحكة صافية عجوز ذكرتني
بضحكة أبي رحمة الله عليه في ليالي الصيف الراقية ونحن نلعب الطاولة في
شرفة منزلنا.. كانت أيامًا شبيهة بنسمة عابرة مرت على وجهك في قيظ
أغسطس فلم تعرف كيف جاءت ولا متى رحلت!

- طيب بص يا دكتور أنا هخش في الموضوع على طول عشان عارف
إنك بتنام بدري.

- أنا كلي آذان يا سيدي.

- أنا عايز اعرف شوية معلومات عن الفوبيا

توقف قليلاً عن تدخين الشيشة وسعل من كل أعماق صدره الذي أتلفه
المعسل تقريبًا فلم يترك سوى حويصلات قليلة في رثته لتبقية حيًا يرزق..
ثم خلع نظارته الطبية الأنيقة ووضعها على الطاولة وقال:

- طيب يا سيدي.. هو في أنواع كثير للفوبيا أو اللي بيسميه اللغوين
الرهاب.. سنة ٢٠٠٩ عملت ورقة علمية كده في مؤتمر جمعية الطب
النفسي الأمريكية ممكن اجيبها لك بكرة تقراها.

- لا؛ أقرأها إيه يا عم احمد.. وحياتك يا دكتور قولي كده على ملخص
الأمور في قعدتنا اللطيفة دي.. وربنا يخليك لينا.

- ما تكرم شلي خمسين جنيه في إيدي كمان.. إيه ياد قلة الأدب اللي انت
فيها دي.. هو إذا ما كانش العلم يجي في كبسولة تبلعها بيقين ميه
ساعة ما يتشافش ولا يتقري.. خلاص يا اخويا روح دور عالنت
وانت تلاقى الملخصات.

كنت أريد أن أخبره أني فعلت ذلك فعلاً قبل جلستنا هذه ولكني
أحجمت فوراً.. غضب من هم في سن أبي آخر ما أريد إثارته في جلسة
ربيعية لطيفة مثل هذه.. لكنني حاولت جعل كلامي لطيفاً أكثر مما أستطيع.

- اللي عالنت كلام فاضي حاطينه شوية عيال يا دكتور سليمان.. لكن
إنت الخبرة اللي فاهم وعارف.. إديني حاجة مبسطة كده زي بتوع
تبسيط العلوم عشان اعرف أستوعب.

- أمرنا الله.. ورحمة ابوك الحاج فهمي حبيب اللي ما بحلف برحمته على
حاجة وارجع فيها.. لولا إن أنت ابنه أنا ما كنت عبرتك ببصلة.

- طول عمرك قلبك كبير يا دكترة.

نظر لي في تقزز العالم الذي يكره تلخيص مجهود أعوام في جلسة على
أنغام الشيشة وأحجار الدومينو لصحفي لزج مثلي ثم احتضن المبسم بين
كتفه وصدرة.. ورفع كف يده يعد على أصابعه:

- في الورقة العلمية كنت عامل ثلاثة تصنيفات للفوبيا من وجهة

نظري.. التصنيف الأول هو (الرهاب المنتشر).. في منه على الأقل خمسة أنواع من الفوبيا منتشرة بدرجات متفاوتة في أكثر من ثمانين في المية من سكان كوكب الأرض أشهرها على الإطلاق.. Acrophobia الخوف من المرتفعات و Achluophobia الخوف من الظلام و Claustrophobia الخوف من الأماكن المغلقة و Hydrophobia الخوف من الماء و Agoraphobia الخوف من الأماكن المزدحمة

التصنيف الثاني هو (الفوبيا قليلة الإصابة) ودي ليها أنواع كثيرة برضه.. وأشهرها على الإطلاق Agyrophobia الخوف من عبور الطريق و Ailurophobia الخوف من القطط و Hemophobia الخوف من منظر الدماء و Arachnophobia الخوف من العناكب و Ophidiophobia الخوف من الثعابين.

ويعتبر النوع الأخير ده هو الأشهر حدودًا تقريبًا في الفئة الثانية.. أنت عارف حواديت كارل يانج والوجدان الجمعي اللي بيركز الخبرات وينقلها عبر العصور إلخ إلخ.. كل أنواع الفوبيا النادرة بتركز على خبرات سابقة تضخمت بالعقل الباطن، والوجدان الجمعي نقلها.

ما بيلعش كلام كارل يانج أوي وموضوع الوجدان الجمعي من أيام المدرسة.. وبيتهيا لي يانج لو عرف إن عندي إسهال مزمن من أكل المسقعة فاهيقي تشخيصه إن جدي السادس عشر كان بيجهله إسهال من المسقعة.. ما علينا يمكن يكون رأي صادم حبتين.. طيب والتصنيف الثالث يا دكتور..

كان شاردًا وهو يسحب نفسًا عميقًا من الشيشة.. ويراقب شابًا يلقي

بالزهر على علبة الطاولة الخشبية بطريقة (القرص) الشهيرة وصديقه يرفع
عقيرته غاضبًا:

- أنت بتقرص يابا تاني.. هو أنت ما تعرفش تلعب لعب نظيف أبدًا
- آدي بقه آخرة اللعب مع الهواة اللي زيك.. ده ستايل يا جاهل.. هو
كل ما الواحد يرمي الزهر بستايل تقولوا بيقرص!!
- ستايل!!.. الله يرحمه.. كان بيعلي الراديو ويوطي من تحته..
- دكتور سليهان..!!
- إيه يا أكرم في إيه سرعتني يا جدع.
- التصنيف الثالث يا عم أحمد الله يكرمك.

وكانها أحدثه في أمر غريب.. اتسعت عيناه وراح يحملق في وجهي..
وكانها يراني للمرة الأولى في حياته التي تخطت السبعين.. ثم كما شرد فجأة
استعاد كل تركيزه فجأة، وراقت مياه بحيرته، وتابع:

- اعذرني يا أكرم معلىش اليوم كان طويل شويتين وطلبة اليومين
دول في الجامعة بيطلعوا عينك على ما توصلهم معلومة.. التصنيف
الثالث بقه يا سيدي هو (الرهاب النفسي).. كل الأنواع اللي فاتت
دي أسباب إصابتها - زي ما أكيد عرفت لأنك مستحيل تكون
جايلي أبيض يا ورد من غير معلومة واحدة - الإصابة بيها بتبقى
مبنية على حوادث قديمة حصلت في وقت من أوقات حياتك
وترسبت جوه عقلك الباطن وبقي بيستدعيها وقت الحاجة فتلاقي
نفسك حسيت بخوف غير مبرر من الحالة اللي أنت فيها للدرجة إنك
نفسك شخصيًا ممكن تنسى السبب اللي مخليك خايف!! زي مثلاً
الطفل اللي اتعود أهله يجسوه في أوضة ضلمة لما يغلط بتكون عنده

قناعة إن الضلعة مخيفة جدًا وتلاقيه بقى هستيري أوي لما يكبر قصاد أي موقف يلاقي نفسه فيه جوه مكان ضلعة.. إنها النوع الثالث ده مالوش أي تفسير غير تكونات في اللاوعي بتلعب بوعينك الحاضر..

ابتسمت وأنا أخلع نظارتي لأنظفها في قميصي المتسخ وهو يتابع:

- العقل الباطن ييموت في الألاعيب والإسقاطات.. مثلاً مدرسك في ابتدائي كان عنده عربية فيات زرقا والراجل ده أنت ما كتتش بتطبيقه وكان دايمًا بيدايك أو بيضربك.. فتكون جو لا وعيك إن كل واحد عنده عربية فيات زرقا من نفس الموديل يبقى زي مدرسك بتاع ابتدائي: وغد وإنسان سادي ولازم تكره صُحبته ويمكن تطب ساكت لو ركبت عربية فيات زرقا زيها.. زي مثلاً لما حصلت تفجيرات سبتمبر وطلع بن لادن أعلن مسئوليته عنها.. اتكونت الصورة في لاوعي الإخوة في أمريكا وأوروبا إن كل واحد مسلم ملتحي إرهابي ومالوش أمان ولازم يتضرب بالنار هو ودينه رغم إن أغلبهم عارفين إيه هو الإسلام وإن عمره ما كان دين إرهاب وتفجيرات.. الإسلاموفوبيا زي ما انت عارف Islamophobia!!

- ده انا كنت فاكهه مصطلح علم اجتماع سياسي مثلاً.

- ممكن أوافقك في الرأي بس تفسري ليه إن ستين في المية من سكان أمريكا الشمالية وغرب أوروبا عندهم عداة غير مبرر للإسلام.. وإن ثلاثين في المية منهم بيتعالجوا من آثار نفسية عدائية ضد كل ما هو إسلامي أو عنده مظهر إسلامي.. بدليل حادثة قتل المرحومة مروة الشربيني اللي ما كانش ليها أي مبرر غير إن المختل نفسيًا اللي قتلها كان كاره منظرها بالحجاب!!

ثم التفت ناحية الشباب لاعبي الدومينو وضافت عيناه متابعًا أحدهم

وهو يلقي بأحد الأحجار في قوة:

- قفلت يا تلموذ.. قولتلك مش هتقدر عليًا
- قفلت يا نصاب.. ده احنا عايزين ولا خمس ثورات عشان النصابين
اللي زيك يتمسحوا من على وش الأرض.. دول خمسة سبه (ثلاثة)
بس يا نصاب.. وانا معايا اتنين لسه..
- خمسة بس.. لا مؤاخذة غلطت في العدد.
- طب خش شيل اللي برة يا روح امك عشان تبقى ما تغلطش تاني.
- دكتور سليمان!!!
- وكاننا لدغه عقرب انتفض جسده وأسقط مبسم الشيثة ونظر نحوي
في حدة:
- أكرم.. ما تبطل الطريقة المقرفة دي.. أنا عدت الخمسة وستين يا
ابني وما بقتش قادر استحمل اللي انت بتعمله ده.
- اعذرني بس انا كان عندي سؤال أخير عن التصنيف الثالث.
- خلصني أنا معاد نومي قرب..
- رفعت مبسم الشيثة وناولته فأعلن أنه غير راغب فيها وأشار بأصبعه
- أن تكلم - فتابعت:
- هو في أنواع تانية غير الإسلاموفوبيا غربية برضه كده.
- كثير أوي يا أكرم.. زي الخوف من الزهور.. من العربيات.. من
الثلج.. من الألوان الأحمر والأصفر.. الخوف من اليهود والخوف
من الألمان وحتى الخوف من الصينين!!
- أنا عندي المشكلة دي بقا.. أنا بخاف من الصينيين عمى.. ولما حد

بيخبط عليا منهم عشان يعرض عليا طقم ملايات ولا دسطة اطباق
بقفل الباب في وشه بسرعة برغم إنه بيقتى في متتهى الأدب.

- لا دي مش فوييا يا أكرم.. ده أنت بتستعبط بس.

- والله يا دكتور أنا مش عارف أقولك إيه.. مين غيرك كان هينورلي
طريقي المظلم.

- ياديا حلنجي..

ثم ابتسم في ودّ... ونهض معلنا أن الوقت قد تأخر وأنه لا بد من النوم..
فهو كعادة كل من تقدموا في السن ينام في التاسعة ويستيقظ قبيل الفجر
وكانهم زهدوا النوم بعد ما تمتعوا به طوال عمرهم.. رغم أن أبي رحمه الله
كان ينام في العاشرة ويستيقظ في الخامسة منذ أن كان في الثامنة والثلاثين!!

راح دكتور سليمان يوزع ابتساماته على كل الحضور في مودة.. هو من
أقدم من يرتادون هذا المقهى وحضر كل تغيراته منذ أن كان مرصوقا
بالقيشاني الزلق وحتى تحولت واجهته إلى رخام كرامة الفاخر.. وراح يسأل
عم خليل صاحب محلات البقالة عن هبة ابنته.. فيخبره أنها في آخر سنين
الجامعة الآن.. ليلعن هو الأيام التي تجري بسرعة ويردد عبارات من غرار
"العيال كبرت جدّا" أو "إنه زمانهم يا حج" ..

ثم تركني وأنقد النادل ثمن المشروبات... بعد أن أقسم بكل الأيانات
التي أعرفها والتي لم أسمع عنها في حياتي أنه هو الدافع... ثم منحني ابتسامة
أبوية حنون واحتضنتني حضناً كنت أشاق إليه منذ أن منحني مثله يوم وفاة
أبي.. الحقيقة أني أرى في وجهه ابتسامة الأستاذ فهمي حبيب مدرس أول
التاريخ في مدرسة الطبري الثانوية بنين.. وموجه المادة ووكيل الوزارة
لاحقاً.. الرجل الذي وضع في يدي جريدة الأهرام يوم أن كنت طفلاً في
العاشرة وأشار نحو صورة أحمد بهاء الدين وقال لي بصوته الوقور الدافئ:

- شاييف ده؟

- مين ده يا بابا؟

- ده صحفي اسمه أحمد بهاء الدين.. يوم ما تكبر عايز اشوفك قاعد على كرسيه في الازهرام وبتكتب مقالة في نفس عموده.. يوم ما تعمل كده ابقى كملت رسالتني في الحياة وما بقتش عايز حاجة من الدنيا.

ثم وضع في يدي قلما وكراسة خاوية وقال:

- اوعى تبطل تكتب اللي انت عايزه.. اكتب عن المدرسة واللي حصل فيها.. اكتب عن صحابك اللي بتلعب معاهم في مركز الشباب.. اكتب عني وعن ماما وعن أمجد وأسما إخوانك.. إوعى تبطل تكتب مها حصل.

الهاتف المحمول يعوي طالبًا مني إنقاذه من كل تلك الكلمات المحشورة في حلقة الضيق.. إنه عماد.. يبدو أنه تذكرني أخيرًا بعد عشر اتصالات..

- تو ما افكرت يا بيه..

- يا جدع إنت هو انت صحبتي.. وبعدين إيه تو دي..

- أنا بسمعهم بيقولوها كده الحقيقة.

- اسمعني بقه وخلينا في المهم.. أنا عايز منك خدمة مهمة جدًا جدًا.. وهنتقابل الساعة ٨ عندي في المديرية الصبح.

- أوامر يا قمر أمرك يمشي..

راح يملي علي أشياء أفعلها وأماكن أزورها.. وكل ذلك لا بد أن يتم قبل منتصف الليل.. والساعة الآن العاشرة مساء!!!.. لا يعرف سعادته أني لو فكرت الخروج فقط من هنا سيستغرق الأمر ما يربو على الساعة..

ولكن ضباط الشرطة لا يعرفون ماذا تعني عبارات "مرور مزدحم" أو
"الإشارات كثيرة ومزدحمة" لا وجود لها في قاموسهم في الواقع..

ولما جاء وقت إنهاء المكالمة قال مسرعاً:

- آه أكرم.. كنت هنسى اقولك يا أخي.. في جثة ظهرت وجنبها نفس
الهباب الكتاب إياه في بولاق.. محامي عاطل عن العمل.. راجل أكل
أكلة فول وطعمية دسمة حبتين وبعدي رفع قزازة فينيك وبعدين
ذبح القط بتاعه وربنا خلصه من عذاب الدنيا.. أكرم.. بقولك إيه..
أكرم.. هي الشبكة بتقطع ولا إيه..

* * *

- "كانك في رحم أمك"

- أقسم بالله لأقطع رقابكم جميعاً لو ما فاقش حالاً

* * *

(٩)

مديرية الأمن.. التاسعة صباحًا

- أنا حقيقي في غاية السعادة من اللي انت بتقوله ده.. حقيقي فخور بيك والله.

- بلاش تريقة و حياة والدك.

- بلاش تريقة.. إنت هستعبط يلا.. إنت عايز تثبتي إن كل حاجة بتلف وتدور حوالين الكتاب الابهل المصدي ده.. وإن اللي بيشتري الكتاب يا بيتقتل يا بيتحجر.. إنت مدرك للي بتقوله ده ولا خلاص مخك اتلحس من كتر الكتب الهابلة اللي بتقراها!!؟؟

- أنا مدرك لكل كلمة بقولها يا عماد.. اللي عمل الكتاب ده بينفذه على أرض الواقع وبيقتل كل حد بيقع في إيده الكتاب..

تركني واتجه لباب غرفة مكتبه وفتحته على مصراعيه متابعًا:

- جميل أوي.. أنا عايزك تخرج من الباب ده وتطلع دورين لحد مكتب
مساعد الوزير تقوله إن المتهم الرئيسي في جريمة قتل علاء مسعود
البلطيمي وآخرون هو كتاب اسمه الرُّهاب مؤلفه واحد مجهول
اسمه إبراهيم صفوت في الخمسينات وإنه بيجري ورا كل اللي
بيشتري الكتاب ويموته.. آه ما تنساش تبقى تشرحله نظريتك
كويس قبل ما يجيب القميص الأبيض ويلبس هولك بالمقلوب.

احمرت أذناي من كثرة الإحراج وصوته يملأ طرقات المديرية مجلجلاً
فنهضت غاضباً عازماً على الرحيل.

- أنا فعلاً هخرج من الباب ده بس على بيتنا على طول ومش هتشوف
خلقة اللي خلفوني تاني.. إوعى من وشي يا عماد.

- وحياة امك بطل شغل العيال ده واترزي مكانك..

ثم دفعني نحو المقعد الجلدي فغصت فيه مشيحاً وجهي ناحية النافذة
الزجاجية الكبيرة.

- أشرف.. إنت يا زفت.

- أوامرك عماد باشا.

- هاتلي اتنين قهوة عالريجة وتدخلهم بنفسك.. ومش عايز أي حد
يدخل علياً أياً كان السبب.. لو وزير الداخلية شخصياً ما يدخلش..

ثم صفع الباب في عنف وعاد إلى مكتبه.. وراح ينقر سطح المكتب
بطرف قلمه الجاف.

- معلىش يا أكرم حقك علياً..

- ولا يهملك..

- إنت ما تعرفش أصلك مساعد الوزير عمل فيا إيه الصبح.. ده شطفني.. أنا ممكن اقلع الرتب والبس البيجامة واقعد جنب امي لو ما جبتش اللي عمل كده.

تشاغلتن بتنظيف غليوني غير ناظر إليه.

- ما تشغلش دماغك.. مفيش حرج على تور لو كسر سور الجنيئة.

- تشبيهه سخيف زيك.. إنت عارف كويس إني لا بعترك صحفي شاطر ولا صديق والكلام ده.. إنت اخويا والوحيد اللي بثق فيه وفي دماغه.. وبعدين إنت بتعرف تتحرك بسهولة من غير إذن نيابة ولا مذكرة ضبط وإحضار.. وفي الشغل علاقتنا تكافلية زي ما إنت بتقول على طول.

- زي الخريت وطائر القراد بالضبط.

- ماشي يا سيدي أنا خريت.. وتور وكل اللي في نفسك تقوله.. بس حتى الخريت والتور ما يقبلوش كلام زي اللي انت بتقوله ده.

- عشان إنت معدوم الخيال يا حضرة الظابط.

- اللي إنت بتقوله ده شطحان مش خيال.. خيلنا نتكلم بجدة شوية بقة..

اعتدلت في جلستي ورفعت نظارتي الطبية على قصبة أنفي في وضع هجومي مستفز.

- أنا بتكلم بجدة يا عماد بس إنت اللي مش عايز تسمع.. الكتاب ده بيظهر في كل مكان حصلت فيه أي جريمة هو ومؤلفه المغمور إبراهيم صفوت.. عمر جمعة مات تحت عجل أتوبيس النقل العام ولقوا معاه الكتاب زي ما عرفت من تقارير الحادثة بتاعته سنة ٨٥

ولقيت نعي منشور باسم إبراهيم باشا صفوت ليه.. وابوه الله يرجه مات سنة ٧٠ برضه وفي نعي باسم الزفت إبراهيم صفوت ليه.. وبعدين الكتاب نفسه وقع في إيد صديقه محمود الطيب وبعدها بأسبوع مات هو كمان في بيته بأزمة قلبية ونفس النعي منشور من نفس الإبراهيم صفوت برضه في الجرنان.. وبعد ٢٨ سنة يموت أربع بني آدمين في جرايم قتل متدبرة حلو أوي أوي وبرضه تلاقي نفس الزفت الكتاب معاهم.. وتقولي صدفة وشطحان.. ده الشطحان ذاته إنك ما تصدقش إن كل حاجة ليها علاقة بالزفت اللي متلقح على مكتبك ده.

- برضه ده مش دليل على كلامك.. أي حد ممكن يفكر التفكير ده ويتحرك بالطريقة دي عشان يضللنا ويكمل هو براحته كده.

نهضت حاملاً ورقة صغيرة ألقيتها على مكتبه فنظر فيها ثم حدجني بنظرة جحيمية غاضبة:

- أنا بدور في الكتاب ده بقالي ساعتين ولقيت شوية العناوين اللي في إيدك دي.

- وافهم انا إيه من العناوين دي يا عبقرى زمانك؟؟

- هقولك يا حضرة المعاون.. إسمع يمكن تفهم..

ثم أمسكت الورقة ورحت ألقى بالعناوين مفسراً:

- قصة اسمها (الثانية صباحاً) بتحكي عن راجل عنده خوف من دقائق الساعة القديمة.. وفي يوم اشترى ابنه ساعة حائط قديمة لقاها في محل أنتيكات وعلقها وابوه نايم.. وفجأة الراجل الكبير

يصحى من النوم يروح الحمام الساعة اتنين صباحًا فا يسمع دقات الساعة ويطب ساكت بأزمة قلبية.

- أنا ما بحبش صوت دقات الساعة القديمة برضه.. بس مش هطب ساكت لما اسمعها يعني.

- لو كان عندك ستين سنة ومريض قلب أصلا هتطب ساكت من الخضة.

دقات على الباب فأجفلت وأمسك عماد بمسدسه شاهرًا إياه ناحية الباب قبل أن يدرك أنها دقات باب مكتومة عادية..

- مين؟؟

- القهوة يا عماد باشا.

- تعالى يا أشرف.

دخل المجند البائس حاملاً القهوة ووضعها أمامنا ثم ناول عماد مظروفًا صغيرًا وقال:

- علي باشا ساب ده لحضرتك من شوية.. بس تعليقات سيادتك إن محدش يخش فاهو سابه مع بيومي، وهو اداهلوي أسلمه لحضرتك.

- طب روح إنت يا أشرف.

فض المظروف وراح يقرأ ما فيه مسرعًا ووجهه يتبدل نوعًا.

- في إيه الظرف ده يا عماد؟

- بعدين هقولك.. كمل نظريتك..

- وبعد ما رجعت الأرشيف والميكروفيلم في كذا جرنان لقيت إن الأستاذ جمعة الفيومي والد عمر والي عرفت اسمه الثلاثي من كتابة

بالقلم الرصاص في ظهر الكتاب مات بأزمة قلبية في البيت سنة ٧٠ ولقينا النعي إياه.. الغريب بقه إن محمود الطيب صاحب عمر اللي مات في بيته برضه كان عنده طفل عمره سبع سنين خبطته عربية نقل حمرا من بتوع زمان دول قدام باب الفيلا بتاعته في المعادي.. ولما قلبت في الكتاب لقيت قصة اسمها (أحمر) بتكلم عن واحد مات بسبب خوفه من اللون الأحمر لما شاف صورة ابنه مخطوطة جوه برواز أحمر في بيته.

- إيه الهيافة دي..

- النعي بقه متوجه من إبراهيم صفوت للأب.. إيه علاقة إبراهيم صفوت بالراجل ده.. أنا رحت لمراته وأنا بحاول اخلص الحاجات اللي طلبتها مني.. الست كبرت وعجزت وما بقتش تشوف قدامها مترين بس ذاكرتها حديد وفاكرة كويس إنها رمت الكتاب ده في الزبالة تاني يوم وفاة جوزها لأنها اقتنعت إنه نحس.. وإن جوزها كان معدود الأصحاب وما كنش ليه صديق اسمه إبراهيم صفوت نهائي!!

انعقد حاجبا عماد في شدة وكانها بدأ يشم رائحة غير محببة في كلامي فاقتنصت الفرصة متابعا:

- في نفس السنة وقبلها بأسبوع مات عمر جمعة مصدوماً بأتوبيس نقل عام في مصر الجديدة.. ونفس النعي برضه في نفس الجرنان باسم إبراهيم صفوت.. دلوقتي افتح الكتاب على صفحة ٨ هتلاقي قصة اسمها حافلة الموت افتح الكتاب.. القصة دي بتلكم عن واحد بيخاف يعدي الشارع وفجأة لما قرر يتغلب على خوفه ويعدي الشارع...

- صدمه أتوييس نقل عام.
- دلوقتي إحنا على نفس الموجة..
- نهض عماد شاردًا وأشعل لفافة تبغ وراح ينفث دخانها في شرود وهو يجوب الغرفة كالهائمين على وجوههم في الطرقات المظلمة ولم يقطع شروده سوى صوت رشفاقي للقهوة عديمة الوجه سيئة الصنع.
- إيه القهوة المقرفة دي.. إنتو بتجيبوا البن ده من شونة غلال.
- أكرم.
- ها.. عايز إيه..؟؟
- قرئت جرايد النهاردة؟
- والله العظيم ما انا اللي سريت اسم علاء البلطيمي ولا..
- لا لا.. أنا بتكلم عن صفحة الوفيات في جرنان (...). المستقل.
- ثم تناول جريدة مستقلة أصبحت واسعة الانتشار منذ ثورة يناير وقال متابعًا:
- صفحة الوفيات في الجرنان ده عبارة عن مساحة صغيرة كده جنب الإعلانات في الصفحة قبل الأخيرة.. النص اللي تحت فيه نعي صغير موجه لأسرة البلطيمي.. أيوه موجه زي ما قولتها لأنه نعي سياسي.. موجه من أمين حزب الحرية في السنبلادين.. وده في حد ذاته شيء غريب ومدهش جدًا.
- وإيه الغريب في كده؟! البلطيمي رئيس حزب وابنه المتحدث الرسمي ولازم شوية مجاملات كده بين الأحزاب وبعضها.
- المدهش يا سيدي إن حزب الحرية معندوش أمين لجنة في السنبلادين

من أساسه.. الحزب لسه بيشكل لجان فرعية ومش ناوي أصلاً
يعمل لجنة في السنبلارين لأن عنده لجنة عامة في المنصورة.

- يا سلام!!

- ده كلام رئيس الحزب نفسه لما كلم رئيس الباحث النهاردة الصبح..
وكان مضايق أوي بقه وناقص ياكل شعره من الغيظ عشان عايز
يعرف مين اللي بينكت النكتة السخيفة دي وبيحاول يوقع بينه وبين
عيلة البلطيمي وهم في حالة حداد.. وبالخصوص بقه إن النعي
موجه من السيد..

- ما تقوليش إنه..

التفت نحوي نافثاً دخان سيجارته في وجهي متابعاً:

- الظاهر إن الأستاذ إبراهيم صفوت له نشاط سياسي كمان!!

* * *

حاشية لا بد منها

لا جديد كل صباح إلا عصام

الحقيقة يا أمل إنك تعتبرين نفسك محظوظة.. بل أنتِ أكثر بنات عصرك
حظاً لأن الله رزقك بذلك الحاني العطوف الكريم الوسيم الرقيق.

صباح جميل آخر والسبب أن هاتفك المحمول أشرق عليك صباحاً
بوجه عصام على شاشته مخبراً إياك أنه يستعد لجعل يومك أفضل وأفضل..

تحلمين كثيراً بذلك اليوم الذي تصبحين فيه زوجته.. منذ أن رأيته
أول مرة في عيادته البسيطة في أطراف حدائق المعادي وأنتِ تحلمين.. منذ
أن لمست يديه وهو يصافحك يومها وأنتِ تحلمين.. منذ أن طلب يدك

للزواج ووضع خاتمه الذهبي الأنيق حول بنصرك الأيمن وأنت تحلمين..
أنت الفتاة الفقيرة.. حمراء الشعر.. هزيلة الجسد.. النمشاء كما كان
الأستاذ عرفة يلقبك في طفولتك.. المريضة بداء عضال لا يبدو أنك
ستشفين منه قريباً.. عصام قال إن علاجه صعب ويحتاج إلى تكاليف
ويمكن أن تعيشين به.. فقط تجنبى الجروح وارتي حذاءً مريحاً وواسعاً..
عصام لا يتضايق من كثرة النمش على وجهك ولا من تلك البقعة
الحمراء في رقبتك.. عصام لا يتضايق من مشيتك المتعرجة نوعاً بل ويسعد
بها..

عصام لا يعرف أنك تعملين في ذلك المشتل حتى تساعدني نفسك
وتدخرين مآلاً لذلك الوحش الكاسر المسمى (جهاز العروس).

أبوك رجل فقير.. موظف في إحدى الشركات الخاصة التي تحلبه كالبقرة
مقابل جنيهاً تغطي تكاليف البيت وإخوتك وأهلك.. أينقصه أن تنقص
عليه حياته فتاة رقيقة في عشريناتها تريد الزواج من طيب محدود الدخل!!
إذن فلتعملي في وظيفتين أو ثلاث فأنت يا فتاتي مثل الآلاف من
حاملات الدبلوم أو كما تسميه أمك (الدبلون) تذهين إلى الثانوية التجارية
وتدرسين ثلاث سنوات بجهد ثم تتخرجين لتعملي مندوبة مبيعات أو
عاملة سنترال شعبي أو منسقة ورود كما يجب الأستاذ عبدالتواب صاحب
المشتل أن يلقبك..

أنت موهوبة في هذا يا أمل..

دائماً ما يلقبها الأستاذ عبد التواب - السفير السابق - على مسامحك كل
مساء في بداية وقت عملك.. هو لا يجب ذلك الفتى الرقيق الذي يعمل في
وقت الصباح ويغازل بنات المدارس والمعاهد.. هو يأتي بالمال نعم.. ولكن
من قال إن الأستاذ عبد التواب يحتاج إلى المال!!

المشتل يزدحم في أيام المناسبات.. وسكان المعادي لطيفو المعشر يمرون
فليك مساء ويتحدثون معك كأنك صديقة أو فرد من العائلة.. أخي
مريض يا أمل وأريد باقة ترد له عافيته فور أن يراها.. أختي أنجبت ولدًا
(so cute) يا أمل وأريد باقة ورد (lovely) احتفالاً به..

تراقص أصابعك فوق الورود في تناغم وأنت ترتدين ذلك القفاز
المطاطي الذي منحك عصام إياه كي تحمي يدك من نرف الأشواك..
القفاز الذي يمنحك منظر المحترفة النظيفة وهو ذلك المنظر الذي يعشقه
سكان المعادي النظيفين كحيهم.

تتخيلين لو كان هذا المشتل في البساتين قرب بيتك.. لو رآك عم شافعي
البقال وأنت تقطعين بهم الجبن المصنوع من بودرة الحليب أو تتناولين بهم
الطرشي البلدي لوصفك بالرقية المدللة!! ولطردك من البقالة إلى قارعة
الطريق.

الفقر يفقد الناس إحساسهم بكل شيء حتى يظنون أن النظافة والنظام
نوعان من الرفاهية والتدليل.. الأستاذ عبد التواب عندما رآك ترتدين
القفازات انعقد حاجباه في مرح وخلع نظارته الأنيقة قائلاً:

- هايل يا أمل.. موهوبة وفنانة وبتحافظي على نظافة المكان كمان..
بلغني تحياتي لعصام بقه وقوليله إن ربنا بعثله هدية من السما..
الزوجة النظيفة فعلاً هدية من السما.

يحمّر وجهك خجلاً فتذكرين كلمات عصام عن الفتنة والسحر الذين
براهما في وجهك عندما يحمر خجلاً فتصبحين كتلة من الأحمر الفاتن
الساحر.

اليوم يوم هادئ يا أمل.. لا زبائن ولا مناسبات.. الساعة تقارب
العاشرة.. إذن فلتقرئي صفحتين أو ثلاث من ذلك الكتاب الغريب ثم

فلترحلي حتى تلحقني بميكروياص البساتين.

كتاب وجدتيه أمام عتبة باب المشتل أمس.. قديم ومهترئ ويحمل اسما غريبًا ظللت ساعتين تحاولين قراءته حتى قرأه لك الأستاذ عبد التواب.

- رُهاب.. اسم غريب أوي.. ومين إبراهيم صفوت ده!!؟

- حضرتك تعرفه يا أستاذ عبد التواب؟

- عمري ما سمعت بيه أبدا.. أنا قرئت حوالي مليون كتاب بتلات لغات طول سنين عمري الستين.. وعمري ما سمعت لا عن رُهاب ولا عن إبراهيم صفوت.. تلاقبه كان واحد من كتاب الخمسينات المغمورين ولا حاجة..

الكتاب قديم ومهترئ ولكنه ساحر.. تحبين القصص التي يقشعرها بدنك وتصيبك بالخوف والرعب.. والاثارة.

كنت تذهبين مع صديقاتك إلى السينما الرخيصة في أطراف المعادي أيام الدبلوم لتشاهدي أفلام الرعب - الرخيصة كذلك - ولا تتوقفين عن الصراخ في استمتاع من أول دقيقة في الفيلم حتى تضاء أنوار القاعة.. عصام قال لك إنك تلتذنين بإخافة نفسك حتى تعوضى نقصًا ما في شخصيتك بتلك اللذة الماسوشية.. وعندما غضبت من كلامه - الذي لا تفهمينه غالبًا - قال لك إنه يعاني من نفس الحالة وإنه سعيد بالتوافق بينك وبينه حتى في الأمراض النفسية!!

مثلا هذه القصة تدعى (الجرح الأخير).

إنها تتحدث عن فتاة فقيرة معلمة مصابة بمرض عضال يجعلها تنزف بلا توقف تذهب مع حبيبها إلى مشتل زهور وعندما يدخلان يطلب منها أن تحضر له وردة من ركن الورد الوحشي كثير الأشواك لأن الورد كثير

الأشواك كثير السحر والعطر أيضًا.. فقط لتذهب إلى ذلك الركن فتجرح
أرقتها من نبتة متوحشة علقها هو في سقف المشتل وتنزف بلا توقف
أنت قدميه وهو يتابعها في تلذذ..

فيرتعش جسدك من السعادة والمتعة والرعب.. هذه المركبات المتشابكة
التي حدثك عنها عصام يومًا.. تضعين الكتاب أمامك وأنت ذاهبة إلى
ملك الطرف القصي من المشتل وتحديث نفسك متلذذة.. ذلك الطرف
الذي يحمل لك كل ذكريات لذيذة تنعش جسدك.. مع كل لذة اضافها لك
ذلك الكتاب..

" الله.. قصة مرعبة وحلوة أوي.. أنا جسمي بترعش من الفرحة
والرعب.. أنت معاك حق يا عصام.. طول عمرك معاك حق يا حبيبي".

* * *

- أنا آسف.. مضطراشيل التنفس الصناعي.. النبض وقف تمامًا.
- والله العظيم لتحصله لو فكرت بس تعمل كده
- أنا عايز جهاز الإفاقة بالصلصات حالاً.. وإلا هقفلكم المستشفى
دي فوراً.
- "ظلام.. ظلام خال من الشوائب".

* * *

(٩)

جريدة (.....) المستقلة.. العاشرة صباحًا

عماد يجلس في سيارته الفيات المتهالكة يحرق السيجارة تلو الأخرى
كسيارة ميكروباص رامو.. وأنا تقريبًا أستجوب ذلك الفتى الصغير
الخائف في مدخل تلك البناية النظيفة التي تقع بها جريدة (.....) المستقلة
التي أصبحت من أشهر تلك الجرائد بعد ثورة يناير.

- يا عصمت يا حبيبي ما هو كده مش هينفع.. لازم تفتكر.. الضابط
اللي قاعد في العربية هناك ده روحه في مناخيره ومعاها شهادة معاملة
أطفال.. وأقلها هيحولك عالنيابة بكرة الصبح وتصبح تلاقى
نفسك خدت لقب مزور عن اقتدار.

- أنا لا زورت ولا عملت حاجة لا مؤاخذة.. أنا جاني زبون عايز
ينشر نعي في الجرنان.. ولما قولتله اسمك ايه قالي أنا إبراهيم صفوت
أمين حزب الحرية في السنبلارين.. رحتم موريله الفورم بتاع النعي

وكل فورمة هتتكلف كام.. راح منقي الفورمة اللي اتنشرت ودفع
وخذ الإيصال.. يعني لا مؤاخذة لو في حد زور حاجة يبقى هو، أنا
ماليش فيه لا مؤاخذة.

الفتنى يبدو واثقًا.. إذن لنلعب لعبة الصداقة ونجرب فتح ثغرة في حائط
الامنه.. شرطي جيد وشرطي سيء كما يسمونها.

بص يا عصومة.. خد سيجارة الأول.

متشكر ما بغيرش.. لو شربت سجارة من دول هتعود عليها لا
مؤاخذة وبيتي هيتخرب.

بلاش السيجارة.. بص أنا حاسس بيك كويس.. أنا في أول ما
دخلت المهنة المهيبة بتاعتنا دي كنت بتنشق على أي نعي أو إعلان
أو كلمتين في خبر أهبل في طرف صفحة في قلب الجرنان.. وعارف
إن رئيس التحرير ما بيرحمش ولازم تجيب شغل عشان ما تلاقيش
نفسك راجع القهوة تاني.. بس إنت في مشكلة كبيرة.

مشكلة إيه ولا مؤاخذة.

مشكلة كبيرة طبعًا.. إنت نشرت نعي من حزب الحرية رايح لحزب
الحق.. والحزبين اليومين دول في بينهم مشاكل كبيرة بعد موضوع
الدستور..

وانا اعرف منين ولا مؤاخذة.. الاتنين بدقون والاتنين بتوع قال الله
وقال الرسول.. وانا لا مؤاخذة ماليش في السياسة.

ثقب صغير يظهر في الجدار.. ارفع معولك وواصل العمل يا أكرم

أنا عارف والله عارف.. إانت راجل شقيان وتعبان ومش فايق
للسياسة والرغي الفاضي.. أنا هفهمك بقه.. الحزبين اليومين دول

مولعين في بعض في الجرايد والبرامج.. ده كان مع الدستور وده
كمان كان مع الدستور.. قوم بقه بعد الدستور رئيس حزب الحق
طلع في مؤتمر، وقال إنهم بالبلدي كده اشتغلوا كل الأحزاب عشان
الدستور يعدي زي ما هما عايزين.. وبعدين ساعة الانتخابات
لما ياخدوا الأغلبية هيقفوا القوانين زي ما هما عايزين.. قوم بقه
رئيس حزب الحرية طلع في برنامج ثاني يقول إن حزب الحق بيزيف
الحقائق وإنه إلخ إلخ.. وشوية حلوين من اللي قلبك يحبهم وقامت
الحناقة.. يقوم رئيس حزب الحق ابنه يموت وحزب الحرية ينشر
نعي موجه من أمين لجنة مش موجودة أساسًا.. يبقى إيه الحال.. لا
مؤاخذة كده؟؟

- الحال يبقى كرب لا مؤاخذة.. بس انا مالي هو انا اللي كتبت النعي..
ده واحد...

- ومن هيصدق ساعتها بقه.. الاتنين هيجوا ساعتها ويقعدوا فوق
دماغ الأستاذ عبودة رئيس التحرير.. ويهددوه إنهم هيقفوا كل
الإعلانات والدعاية اللي تبعمهم وتبع رجال الأعمال اللي تبعمهم..
وانت عارفه راجل مناضل وثورجي طول عمره وما بيحبش يزعل
حد.. ساعتها بقه هيجيبك فوق المكتب ويخليك تعمل عجين
الفلاحة عشان تثبت إن اللي عمل كده حد ثاني.. وساعتها هيسألك
عن صورة بطاقة ولا باسبور ولا حتى كارنيه نادي.. هترد تقول إيه
بقه لا مؤاخذة؟؟؟

زاغ بصر الفتى وتهاوت تلك النظرة الواثقة من عينيه كما تهاوى كتفاه..
بل وبيضت شفتاه حتى ظننت أنه ابتلع كامل ريقه.. لم أكن أعرف أي بارع
في لعب دور الشرطي الجيد الذي يتظاهر بذلك.. لو رأي خالد الصاوي

الآن لغير وجهة نظره وأدائه في ذلك المشهد في فيلم الجزيرة وجلس
.. افبني!!

- لما طلبت منه صورة البطاقة عشان ادبستها في صورة الإيصال لا
مؤاخذة.. قالي إن البطاقة والرخصة اتسرق قوامع عربيته اللي اتسرفت
من أسبوع.

- ومين يصدق بقى ساعتها.. هتبقى ساعتها إنت الوغد العميل
الممول اللي عايز تفسد العلاقات التاريخية الأصيلة بين الحزبين..
وإنك فلول وعندك أجندة وعدو للمشروع الإسلامي في مصر..
وساعتها رئيس التحرير هيضحى بيك عشان الإعلانات وترجع
تنام في بيتكم وتستحمل زن الحاج والحاجة، وتلف على كعوب
رجليك عشان تلاقي وظيفة كاتب في مكتب محامي أرياف.. ده
إلا بقة لو كان عندك معلومات تقولها لحضرة الضابط اللي قاعد في
العربية هناك ده.. وساعتها هو هيحميك من رئيس التحرير، وتبقى
البطل الهمام اللي ساعد في كشف المؤامرة الخطيرة على المشروع
الإسلامي في مصر..

نظر الفتى نحوي وعيناه تائهتان طالبًا المدد.. تلك الرعشة في يده تدل
انه انهار تمامًا.. يا لك من وغد يا أكرم.. كنت تظن الفتى لن ينهار مع هذا
الحوار وأنتك ستحتاج إلى مجهود إضافي لفتح ثغرة في جداره.. لكنك لمست
أكثر نقطة هشة في الجدار فانهار بأكمله.. اللعنة على الفقر والحاجة.. اللعنة
على رؤساء التحرير الذين لا يرحمون!!

- قولت إيه بقة يا عصومة..؟؟

- أنا اعرف شكل الراجل ده كويس.. واقدر اطلعه من وسط مليون
بني آدم..

- حلو أوي.. إحنا دلوقتي هنركب العربية مع حضرة الضابط ونطلع على مديرية الأمن.

- مديرية الأمن.. لا مؤاخذه إحنا ما اتفقناش على كده..

- بصورة ودية يا جدع.. إنت شاهد مش متهم.. إنت هتقابل رسام الشرطة وتقعده معاه ربع ساعة ونفطر سوا..

- سبقتك يا باشا الحمد لله.. لا مؤاخذه أنا اوصف وانا هنا ما اروحش مديرية الأمن.

- يا سيدي بلاش فطار.. تشرب الشاي بتاعك في مكتب الباشا معزز مكرم وبعدين تتوكل على الله ولا كأن في حاجة.. وبكده يوم ما حد يفكر يقربلك تكون انت أمنت نفسك والمباحث عارفة كل حاجة..
يلا يا عم عصمت ربنا يهديك.. يلا يا حبيبي.

ثم تأبطت ذراعه واتجهت ناحية سيارة عماد..

فقط ليسقط بجواري كجوال البصل!!

* * *

- إخلاء.. دلوقتي..

- " لحظة أن خسرت أول جنيتهاك "

- سلبي.. لسه مفيش نبض.. إخلاء..

* * *

حاشية لا بد منها

غداً تصبح ملء الفم يا هيثم!!

غداً تتصارع الصحف وبرامج القنوات الرياضية للحصول على كلمات
بسيط منك ويتخاطفك مقدمو البرامج بشكل يومي
انتهى عصر الصغار وبدأ عصر القمة والشهرة لك

تجلس في فراغ شقتك الجديدة التي أحضرك إليها رئيس النادي الشهير
وسلمك العقد وهو يمنحك ابتسامة واسعة تخفي كل ما يشعر به من
سخط عليك.. أنت يا ابن قرية ميت الحبش أصبحت أشهر مني وأصبحت
الجماهير تهتف باسمك لأنك سجلت هدفين في فريقنا.. أنت يا من أكلت
البلهارسيا في جسد أبيك وأضاع التيفود بصر أمك أصبحت تتقاضى آلاف
الجنديات شهرياً..!!

إلا أن كل هذا لا يهمك في شيء يا هيثم.

أنت الآن رجل الساعة.. غداً ستقف أمام الكاميرات تحمل قميص
ناديك الجديد وتقبض مقدم تعاقبك وتضرب فلاشات الكاميرات في
وجهك لتصبح نجم الموسم الكروي.

تفتح التلفاز المسطح الذي لم تره إلا في التلفاز القديم الصدي في بيت
أبيك بميت الحبش لترى برنامجاً رياضياً يستضيفون به لاعباً شهيراً.. تتخيل
نفسك غداً مكانه وأنت تجلس على نفس المقعد والإضاءة الحارقة تلمع فوق
رأسك الذي غطيته بأكوام الجمل وكريات الفرد المستوردة.. وداعاً للفازلين
إذن!!

الهاتف المحمول يرن بصوت مرتفع بتلك الرنة القبيحة.. غداً سوف
تستبلله بأحد هواتف الآي فون التي تراها في أيدي لاعبي الفرق الكبرى

عندما يهبطون من حافلاتهم، فقط أجب تلك المكالمة قبل أن يذهب المتصل.

- هيثم.. إنت فين يا معتوه انت.. يوم ما اوصل البلد ألاقبك سافرت.

- أنا في مصر يا دكتور.. قاعد في شقة كده في الزمالك حاجزها لي

نادي الزمالك عشان إن شاء الله هنمضي العقد بكرة..

- الزمالك يا هيثم.. والله ولعبت معاك يا ولا وهتحلوا.. يالا ربنا

معاك.. شد حيلك.. أنا ماليش في الكورة ولا بحبها بس اسمع إن

الزمالك عنده وعكة اليومين دول يا شحاتة.

- ربنا يكرم يا دكتور.. وبلاش شحاتة ديه أصل الجرايد مش رحمان

ومسمياني أبو كف.

- وحياتك أنا ما افهم مين شحاتة أبو كف ده.. أنا لا بحب الكورة

ولا بحب سيرتها.. أنا اسمعهم بيقلوا كده في التلفزيون بس.

ابتسمت لسخافة الفكرة.. أنت متعلم ولست لاعبًا بالإعدادية العامة..

سمعت يومًا ذلك المحلل السياسي الشهير وهو يتحدث عن أهمية كرة القدم

وأن كل من لديه نقص من ناحية لاعبي الكرة يدعي عدم اهتمامه بها وأن

أسعار اللاعبين ارتفعت وأن... إلخ إلخ هذا الهراء.. رغم أن بعض الممثلين

والكتاب يصدون الملايين من مواهبهم.. هل هو حلال لهم وحرام عليك

يا بن ميت الحبش!؟

- طب إنت مش ناوي تزورني ولا إيه.. أنا قاعد في الزمالك لحد ما

النادي يجيبي شقة كده في مدينة نصر.

- يا هيثم يا اخويا أنا ممكن أقابلك في ميت الحبش أسهل من إنني

أجيلك الزمالك.. نورت مصر يا اخويا ومسيرك هتعرف.. شد

حيلك كده وسمعني عنك الخير.. سلام يا ابو الكباتن.

عصام طيب مجتهد.. هو عبقرى فى مجاله الذى لا أعرف فائدة له..
ما الفائدة أن تكون طيب أمراض مناطق حارة؟! فى النهاية ستجد أن
تخصصك لا يساوى شيئاً فى السوق المصرى.. ثم تفتح عيادة صغيرة فى
أطراف حدائق المعادى وتصبح طيب باطنة تكتب أدوية للإسهال وعسر
الهضم!!

تفتح حقيبتك التى خيبتها بالأمس لتصبح لائقة بوضعك الجديد..
تخرج ثيابك البسيطة.. غداً سوف تمنحها لذلك البواب كهدية له وتشتري
ثياباً من تلك المحلات التى تنير شوارع وسط البلد.. تقولها لنفسك مراراً
وتكراراً (سوف أكون لائقاً بوضعي الجديد)!!

كتاب فى قلب الحقيقة؟؟ من وضع كتاباً لك هنا؟؟ أنت لا تحب القراءة
ولا تطيقها.. إذن لمن هذا الكتاب؟؟

لا بد أن عبير شقيقتك قد وضعت بالخطأ فى الحقيقة.. ربما يخص عصام
فهو قارئ شره لكل الكتب.. الكتاب قديم ومهترئ وكأنها أصبح جاهزاً
ليعشش عليه العنكبوت.. اشمئزت للفكرة وارتعشت يدك.. أنت لا
تحب العناكب ولا تطيقها.. إذا رأيت أحدهم ينصب بيته فى مكان ما تفر
تاركاً المكان وأنت موشك على إفراغ بطنك!!

فلتركه هناك على طاولة السفرة كنوع من ادعاء الثقافة.. لربما جاء
برنامج ما ليصور شقتك.. فلتجعل من نفسك مثقفاً تقرأ كتباً قديمة أكل
عليها الدهر وشرب!!

لماذا لا تقوى على النوم؟؟

تجلس فوق تلك الأريكة الواسعة المريحة.. اطفأت الأنوار وشربت
اللبن البارد وخفضت التكييف إلى درجة قارسة البرودة.. ولكنك لا
تستطيع النوم.. ذلك الكتاب يحتل جزءاً كبيراً من تفكيرك.. الغلاف

الجلدي القديم.. العنوان المطبوع.. يا ترى ماذا تعني كلمة (الرهاب)؟؟
غداً سوف تسأل عصام عن معناها.. أنت متعلم ولكنك لست مثقفاً ولكن
عصام كذلك..

تقرب من الكتاب رويداً رويداً حتى تفتح صفحاته المصقولة ذات
الرائحة القديمة.. تقلب الصفحات حتى تقف على تلك الصفحة المطوية
على قصة ما.

القصة تدعى (أرملة سوداء)..

فقط تبدأ الآن في القراءة.. إنها قصة سخيقة تتحدث عن رجل يجلس
وحيداً في منزله ليلاً ولا يقوى على النوم.. فقط عندما تبدأ عيناه في
الانغلاق يظهر ذلك العنكبوت الضخم من أسفل الأريكة فيقضم فخذ
ويهرب.. لينزل أسفل الأريكة من جديد.. الرجل يصيبه الدوار والغضب
معاً.. الغضب يفقد التوازن فما بالك بالدوار أيضاً.. وعندما يحركه غضبه
لينظر تحت الأريكة محاولاً اصطياد ذلك الكائن المقرز يفاجأ بتلك اللدغة
في رقبته.. الدوار يتسع، وذلك العنكبوت الضخم يلحق قوائمه في تلذذ..

لماذا ألقيت بالكتاب كأن ذلك العنكبوت لدغك أنت.. ورحت تنظر
إلى تلك القوائم التي راحت تنبت للكتاب؟؟

لماذا تشعر بأن ذلك العنكبوت قد لدغ رقبتك أنت الآن؟؟

لماذا ألقيت برأسك المنهكة من الدوار للخلف؟؟

إنه دوار تعب السفر يا هيثم.. خاصة إذا اختلط بقرص الترامادول الذي
ابتلعتة صباحاً لتخفي ملامح الإثارة والجنون في وجهك وتطفي قليلاً من
البلادة على شعورك وأنت تحتضن أمك الضريرة الباكية..

نم يا عزيزي..

فغداً يوم طويل..

إذا جاء..!!



(١٠)

مستشفى الهلال .. الواحدة مساءً

- الحمد لله الواد كان رايح في داهية.. لولا إن دكتورة آمال سعيد كشفت موضوع التسمم بسرعة ولحقته قبل ما يروح فيها.
- دكتورة آمال سعيد مين؟؟.. قصدك آمال سعيد خبيرة السموم؟
- إنت تعرفها؟؟
- ومين في مصر دلوقتي ما يعرفهاش يا عماد.. دي أكثر خبيرة سموم شهرة في المجال.. الست دي بتكتشف نوع الإصابة والسم كمان نوعه إيه من نظرة واحدة على الجثة وبعد الوفاة بكام يوم.. غير إنها ناشطة سياسية معروفة ووكيل مؤسسين حزب الإصلاح الديمقراطي.. أنا مش عارف إنت ظابط شرطة ولا مبيض محارة.
- يا عم خلاص عرفنا.. هو انا مخي دفتر..

ثم أشاح عماد وجلس إلى جوارى فاردًا ساقيه الطويلتين في عرض الطريق.. وأشعل لفافة تبغ غير عابئ بلوحة ممنوع التدخين التي ذهبت الأتربة بألوانها الحمراء.

- إحنا في مستشفى يا تور.. اظفي السيجارة دي

- خليك في حالك..

ولكزني بذراعه محطّمًا ضلعين على الأقل في قفصي الصدري الواهن،
وتابع:

- بتفكر في اللي انا بفكر فيه؟؟

- الحقيقة لولا العناية الإلهية ثم مجهود دكتورة آمال كان الواد ده راح في شربة ميه.. بيتهايا لي بقه مفيش حجة كده.. مجرد ما يفوق تجيبوا رسام الشرطة، ومن الوصف يديكم شكل الأخ اللي عمل النعي ال fake ده.. وفي ظرف كام ساعة تحط إيدك عليه..

- والله إنت اللي fake يا أكرم.. أبسط القواعد بتقول إن الراجل هيروح متنكر عشان محدش يكون أي معلومة عنه..

نظرت إليه في حدة وكأنه احتمال مستبعد ثم فطنت إلى غبائي الشديد وأنه من الطبيعي أن يكون متنكرًا!!

- عمومًا الجرنان كان فيه كاميرات مراقبة وانا طلبت تفريغ الشرايط في اليوم اللي قبل يوم نشر النعي.. وكلها كام ساعة واخينا ده يفوق ويدلنا على شكل الأخ ده في الكاميرات..

فقط لتخرج الدكتورة آمال سعيد بقامتها الفارعة المشوقة التي لرتتأثر بسنوات عمرها الخمسين.. وشعرها الأشقر المعقوص كذيل حصان في أناقة.. فانتصبت قامة عماد قاطعة عليّ مجال الرؤية.

- دكتورة آمال.. ممكن اشوف المجني عليه.
- No way يا سيادة الرائد.. المريض mentally disordered .. هو فاق نظرياً آه.. هنستنى لما حالته تستقر ويعدوا الكام ساعة الجايين وبعدين يبقى بتاعك إن شاء الله تشرحه حتى..
- يا دكتورة اعذريني الوضع مش مستحمل تأخير.. في ثلاث جرايم قتل حصلوا..
- أربعة أربعة..
- كانت هذه مني همساً حتى إن الدكتورة آمال ألقى علي بسهام نظراتها الثابتة من خلف نظارتها الطبية الأنيقة حتى كادت تقتلني خجلاً فابتسمت في غباء وعماد يتابع:
- في أربع جرايم قتل لمجموعة من الأبرياء ما لهمش أي ذنب غير إنهم اشتروا أو قرؤا كتاب المختل اللي حاول يقتل الولد الغلبان اللي راقده جوه.. والولد ده هو طرف الخيط الوحيد اللي حيلتنا دلوقتي.
- اعذرني يا سيادة الرائد.. أنا احب إن الشرطة تشوف شغلها hundred percent .. وأنا كمان اشوف شغلي بنفس النسبة.. بس I'm so sorry .. المريض حالته حرجة ومن واجبي إني أحياه لحد ما حالته تستقر.. وبعدين يعني غريبة أوي.. هي كل جرايم السرقة والنصب والقتل خلصت.. ولا عشان ابن البلطيمي فيها يعني.. إنتو ما تشوفوش شغلكم إلا عشان كده.
- مش عارف ليه حاسس بنبرة سخرية مش عاجباني في كلامك يا دكتورة.
- أنا ما طلبتش منك تعجب بنبرة صوتي ولا بطريقتي يا عماد باشا..

بعد إذتك عشان ورايا شغل.. وكمان مرة بقولهالك.. مفيش
تحقيقات من غير ما انا اسمح.. أوكيه.. excuse me .

ثم نصبت قامتها وواصلت طريقها مبتعدة.. تاركة عماد كمن تلقى
صفعة على وجهه تتعمق آثارها مع دقائق كعبها المتواليّة السريعة فوق بلاط
المستشفى.

- قليلة الذوق جدًا جدًا

- يعني هي قالت حاجة غلط يا عمدة..

- وانا مال أمي أنا إن في ضباط ما بيشفوش شغلهم عدل.. أنا راجل
بحب شغلي..

- إنت بس.. لكن أغلبية الداخلية...

- بص.. ما تخلّيش اكسر رقبتك نصين واخذ فيك تأييدة إنت كمان..
الكلمتين بقه بتوع الشرطة المتخاذلة والداخلية اللي عايزة معرفش
إيه تقولهم لأي حد تاني غيري.. إنت عارفني كويس وعارف إني
راجل بتاع شغل وعمر ما كان لي في اللوع ده.. ولا هو كل واحد
عايز يعمل فيها مناضل يرميها على أي ميري يلاقيه في وشه من غير
تميز..

- خلاص يا عم قلبك ابيض

دوّى صوت هاتفه المحمول يقطع الحديث، فأجاب مستخدمًا لغته
الشهيرة في طمس كل الكلمات:

- همم.. إهمم.. جميل.. فين بقه.. إهمم.. هممم.. طيب أنا في الطريق..

ثم أغلق الخط، ونظر إليّ قاطعًا خيط فضولي:

- عبد التواب البشري.. ملحق سابق في سفارة مصر في زيمبابوي..
- أهلاً وسهلاً.. مين بقة؟
- ما هو لو تبطل تقاطعني زي المرّة ال.. استغفر الله العظيم.. ده صاحب المشتل اللي كانت بتشتغل فيه أمل
- أمل مين؟
- البتّ اللي ماتت مقتولة في المشتل يا أكرم.. ده انت طلعت ميتين أهلي يا أخي.. أنا ماشي وبيننا تليفون.. سلام..
- كنت أنظر إليه بنصف عين من أثر أربعة أيام من الاستيقاظ المتواصل حتى لم أقرّ على رفع صوتي لأردّ عليه!! لكنه وكأنها تذكر شيئاً مال نحوي وضافت عيناه حتى رسمتا أخذودين على قسماّت وجهه.. وقال ضاغظاً على كل حروف كلماته:
- أنا عايز اعرف كل حاجة عن نوع السمّ اللي كان هيموتّ الواد صفوت بتاع الإعلانات ده.
- عصمت قصدك.
- صفوت.. عصمت.. جن ازرق؛ هو انا هناسبه.. وعايز اعرف إيه موضوع السمّ اللي لقوه في دم الواد لعب الكورة.. وإيه علاقة العنكبوت اللي اسمه العذراء السوداء بالموضوع!!؟
- الأرملة السوداء...
- أرملة.. عذراء؛ مش مهم.. المهم انا عايز اعرف الكلام ده في ظرف ساعتين.. تتشقلب بقة للدكتورة آمال دي.. تعملها أراجوز.. تعملها ميت.. أنا مستنيك كمان ساعتين في المديرية ومعاك الخلاصة.. فهمت؟!

الهاتف يرن من جديد... وعماد يهمهم ويتهته من جديد:

مممم.. فين... هممم... إوعي تحرك حاجة من مكانها.. هبعثلك
التهامي ومصطفى حالاً.. وأنا وراهم.

ثم أغلق الخط وتخطاني كأني جزء من ممر المستشفى المزدهم فحشت
الاهلي وراءه محاولاً اللحاق به قبل أن تصيبيني جلطة.

- عماد.. انت يا عم اصبر هموت..

مفيش وقت.. في جثة تانية في بنها.. عيل سواق لوري مشنوق في
ثلاجة فاكهة.

- وانت رايح بنفسك ليه.. مديرية الأمن هناك مافيهاش مباحث!!

- لا فيها يا خفيف.. بس الوزير بنفسه مدي تعليقات إن محدش يقرب
لاي حاجة تخص القضية دي غيرنا في مباحث العاصمة..

- وهما عرفوا مين إن الجثة تبع القضية؟!

- لأنهم لقوا نفس الكتاب في جيب الجثة يا أكرم.. ممكن تعمل اللي
طلبتك منك بس.. الله يرحم والديك.. ده انت أسئلتك تفور الدم!!

* * *

- هي دي كتح برضه ولا دي خيالاتي المريضة؟؟

- في نبض هنا في نبض.. بسرعة عايز عشرة ملليجرام من ال.....

- أكرم.. please give me a dam answer

* * *

(١١)

مكتب الدكتورآمال سعيد... جامعة (...)..الرابعة مساء

- أشكرك على حسن استقبالك يا دكتورة.. والله إنتي ما تعرفيش أنا معجب بشغل حضرتك إزاي على المستويين العلمي والإنساني..

- أكرم.. ده أقل واجب مني ناحية صحفي talent و hardworker
زيتك.. أنا قرئت التحقيق الصحفي بتاع قضية الدكتور طارق
حسين.. ولما عرفت إنت حليت الموضوع إزاي قولت: wow , we
.. have an excellent detective here

ثم أطلقت ضحكة عالية مجلجلة عندما لاحظت خجلي.. وراحت
تسلي بترتيب بعض الأوراق على مكتبها الشبيه بطاولات تشريح دكتور
علام وقد تناثرت أجزاء الجثث الورقية فوق كل شبر منه مع أقداح القهوة.

- ودلوقتي أنا معاك.. ده بقه حوار صحفي ولا جلسة استجواب ودية
عشان صاحبك ظابط المباحث اا

- زي ما حضرتك تحبي أنا معاكى .. بس قوليلي بقه حضرتك عرفتي منين إنه صاحبي؟!!
- أكرم .. Don't play games with me .. مش انت لوحدك اللي ذكي وبتعرف تربط..
- بس حضرتك كتي شديدة عليه شويتين.
- غصب عني يا أكرم .. هو آه شكله ولد مكافح ومحترم وبتاع شغل، وكان honest جداً، وهو بيقوللي إن الوقت ضيق والوضع صعب.. بس انا عندي مشكلة كبيرة أوي مع الداخلية يا أكرم.. من ساعة الثورة واللي شفته بعيني في الميدان وانا عندي مشكلة كبيرة أوي مع الداخلية عموماً.. seriously it's not personal .. بس انا كده مع أي ضابط.. ممكن اكون مصابة بمرض ولا اكون policophobic ..
- ثم أطلقت ضحكة مجلجلة أخرى كادت تدمع عيناها معها.. لا أدري حقيقة ما الطريف في وسم نفسها بمرض الخوف من ضباط الشرطة!! إن- فشتها عايمة - كما يقول التعبير العامي.. يبدو أننا سنقضي الجلسة في خمس جمل وعشرين ضحكة مجلجلة!!
- Sorry يا أكرم والله ما قصدي.. بس الفكرة خلتنى هموت من الضحك.. أنا قعدت أسبوع معتصمة في الميدان بحاول أقنع الشباب معانا في الائتلاف إنهم ما يقوش Islamophobics وإن ده مرض سيئ وإننا لازم نتفتح على عقول وثقافات بعض.. وكنت بعمل rounds كثيرة على الخيم والتعدات بتاعت الشباب عشان كده.. وإن كل حاجة فيها الكويس والوحش ولازم ما نجمعش كل البيض في نفس ال basket .. وأنا شخصياً مش عارفة اعمل كده مع نفسي.

ثم واصلت الضحك مع نهاية أحرف جملتها حتى كاد اللعاب أن يتطاير من فمها الصغير المطلي بأحمر الشفافة.. ورفعت يديها نحو وجهي معتذرة.. ثم هدأ ضحكها قليلاً، وخلعت نظارتها الطبية ملقاة إياها في إهمال وسط أكوام الأوراق.

- خلاص خلاص.. أنا معاك آهو.. إتفضل اسأل عشان اجاوبك..

- عندي سؤالين يا دكتور الحقيقة..

- إديني أصعبهم الأول..

- إيه هو السمّ اللي كان هيموت الأخ عصمت؟؟

- ..Atropin

انعقد حاجبائي حتى كادا أن يلتحما فتابعت:

- ال Atropin مش سم في الأساس.. إحنا بنستخدمه كثير جداً في

عمليات العين عشان بيوسع قزحية العين شوية زيادة وفي حالات

ال Cardiac Arrest

- أفندم..

- توقف القلب.. سوري أنا هحاول أقلل المصطلحات شوية في

الكلام.. غصب عني يا أكرم..

- ولا يهملك يا دكتور أنا بتعامل..

- Any way .. الأتروبين مفيد.. آه.. بس ده ما يمنعش إنه سام جداً

لما بيتأخذ Oral قصدي من الفم يعني وبالذات لو كانت الجرعة

نباتية.. سمعت عن نبات اسمه Atropa Belladonna؟؟

- لا الحقيقة ما حصليش الشرف..

- النبات ده شبه الباذنجان لو حيننا نقرب الصورة.. أنا ماليش في علم النبات ولا تصنيفاته بس أنا اعرف كويس أوي أي نبات بيطلع منه سم.. ال toxic plant ده مجالي الأساسي.. المهم إن الولد ده خد جرعة من النبتة دي عن طريق الفم.. جرعة صغيرة أوي ما تقتلش.. اللي اداله الجرعة دي حدّ professional جدًا.. ولما بدأ الأترويين يتسرب لدمه بدأت الأعراض من غير هو حتى ما يحس بيها.. حدقة العين توسع جدًا.. عرق كثير أوي.. جفاف الحلق.. زوغان العين and so on..

وأنا الذي ظننت أن طريقتي القاسية في الاستجواب كانت السبب في اصاب عرق الفتى واضطراب نظراته!!

- معلش يا دكتور اعذريني أنا عارف إنه سر المهنة.. بس حضرتك عرفتي ده ازاي من غير تحليل الدم.. سوري الولد كان مغمى عليه..
- شوف يا سيدي.. الولد شفائفه كانت شبه الإسكيمو في بياضها.. وبعدين جسمه كان بيترعش أوي وكأنه متكهرب.. بالذات رجله الشمال.. شكيت الأول في السيانيد بس لقيت مفيش vomiting ولا diarrhoea.. إسهال يعني.. بس عينيه كانت مفتوحة حتى وهو غائب عن الوعي.. ولما لقيت البقع الحمراء تحت إيدته قولت ده hundred percent Atropin.. عشان كده طلبت منهم يدوله جرعة Pilocarpine عشان يخفف شوية من تأثير الأترويين في الدم.. وبعدين عملنا غسيل معدة سريع واديناله شوية Potassium Permanganate عشان نقضي على أي بقايا للسم في معدته.. دي طريقتي الشخصية اللي ناس كثير ما بتحبهاش.. but whatever أنا مقتنعة إن كده صح.. هو بس في ملاحظة قد كده..

- ملاحظة إيه حضرتك؟!
- الشخص اللي اداله الجرعة ذكي أوي ومخترف أوي.. وكان متأكد إنك هتبقى هناك في الوقت ده يا أكرم.. من الآخر اللي حصل ده just a muscles show .. عايز يعرفك إنه قادر على حاجات كتير أوي فاعملك قرصة وذن يعني..
- واشمعني أنا شخصيًا؟؟
- ده سؤال تسأله لنفسك مش لي.. سؤالك الثاني بقه عشان عندي محاضرة بعد نص ساعة.
- الواقع إني لا أستبعد نظريتها أبدًا.. هي لا تعرف شيئًا عن الموضوع كما يبدو لي.. لكنها ذكية ويبدو أننا نتعامل مع شخص يعرف أين يضع قدميه.. بينما نحن كالفئران العمياء نتحسس طريقنا فلا نجده!! وإننا نحتاج إلى بعض العقول المتحركة التي تلعب خارج الصندوق مثل عقل هذه السيدة التي رشحت لجائزة بنيامين فرانكلين حينما كانت تعيش في أمريكا!!
- إيه هو اللاتروتوكسين Latrotoxin؟؟
- القهوة دي بردت وما بقتش تشرب خالص.. إنت بتكلم عن Black Widow بقه.. تشرب قهوة معايا
- ثم نهضت من خلف مكتبها في رشاقة نحو ماكينة قهوة أمريكية صغيرة، وراحت تتحدث وهي تحاول ضبطها لصنع قهوتين من القهوة:
- بص ال Latrotoxin ما بيقتلش زي الإيترويين إلا بقه لو كانت الجرعة عالية أوي.. النسبة بتاعت التسمم من السم ده بين ١٠٠ ل ١٤٥ ميلليجرام لكل كيلوجرام.. يعني تقريبًا خمس عناكب مع

بعض ممكن يسمموا بني آدم وزنه ستين كيلو.. عشرة جرام سم
تقريبًا لو حسبتها... ..

.. معلى اعذريني حضرتك.. أنا ما جبتش سيرة بني آدم أصلاً.. ده
مجرد سؤال عن... ..

- أكرم.. إوعى تعمل كده معايبا.. Don't jumb around the
Bushes.. أنا ليا معارف أنا كمان وبعرف برضه اللي بيدور جوه
المطبخ.. غير إني كنت بتعشى مع مدام علام امبارح.. ودكتور علام
شخصياً is a very best friend.. ..

ثم منحتني ابتسامة صفراء لا بأس بها، وناولتني كوب القهوة الأسود
متابعة:

- الدكتور علام حكى كل حاجة كصديق وكزميل عايز يستشير حد
في الموضوع، وده مش عيب ما دام I can keep secrets .. ومن
غير ما افحص الجثة يا أكرم أنا متأكدة.. لدغتين عنكبوت مش ممكن
يقتلوا الولد ده.. أما بالنسبة للعضة اللي في رقبته.. فاهي مش عضه
عنكبوت نهائي يا أكرم.. ..

ثم تناولت كتابًا فخماً مليئاً بالصور من قلب كومة الأوراق المبعثرة..
وفتحته على صفحة ما ثم ناولته لي.. ..

في تلك الصفحة يوجد صورة ملونة جميلة لجثة بشرية ازرققت شفتاها
وأطرافها مع صور جانبية لأشياء تشبه الثقوب.. ..

- الجثة دي ما بتفكرش بحاجة؟!!

- شفت شبهها في مشرحة زينهم من ستين.. كان رجل أعمال اتقتل
بالسم وغطسوا جثته في المية عشان تبان إنها حادثة غرق عادية.. ..

- ما شفتش حاجة شبه كده من كام يوم يا أكرم.. حد مصاب بتسمم وفي أعراض زي دي عليه ماهاش علاقة بتسمم اللاتروتوكسين..
- حضرتي تقصدي إن..

Bingo -

يبدو أن حلقة مفقودة مني هنا.. الكلمات اللاتينية تحت الصور عسيرة الفهم وتمتلي بمصطلحات عميقة لا أفهم منها حرفاً.. عن أي تسمم تتحدثين يا سيدتي!!؟

- الموضوع واضح لينا جداً يا أكرم.. السم اللي كان في جسم الولد كان خليط من بثوال الصوديوم وكلوريد بوتاسيوم وحاجة كمان اسمها بانكورونيوم بروميد.. اللي معروفة جداً في أمريكا بـ Lethal Injection

- ثواني ثواني.. لو انا مش غلطان حضرتك تقصدي...
- أبوه.. اقصد حقنة الموت يا أكرم..



(١٢)

مديرية الأمن.. الثامنة مساء

- جميل.. يعني احنا كده متفقين إننا قدام قاتل متسلسل.. بيقتل حسب ترتيب عشوائي لقصص في كتاب قديم لمؤلف مغمور.. من غير دافع ولا هدف ولا تسلسل محدد.. أنا محظوظ والله.. أكثر ضابط مباحث محظوظ في المجرة.. لا مجرة إيه.. ده انا أشهر ضابط مباحث في الكون..

- ما تهدي يا جدع إنت وتسمع كلام الراجل الكبارة اللي قاعد.. قول يا دكتور سليمان الله يكرمك..

الدكتور علام يجلس في طرف المكتب بجوار الطاولة فاردًا ساقه المصابتين بالخشونة، وعيناه الرماديتان تحدقان إلى دكتور سليمان في ثبات من خلف دخان سيجارته المنعقد في هواء الغرفة الكئيب..

تحنح الدكتور سليمان عدة مرات كعادته بعد إيمانه للمعسل..

- في الحقيقة يا رائد عماد إحنا قاتل في متهى الذكاء ومتهى الاحترافية.. إحنا بقالنا ساعتين في العيادة عندي بتناقش أنا والدكتور علام وكيمو عشان...

- كيمو ده اللي هو أكرم؟!!

- ما علينا.. إحنا درسنا النسخة اللي مع أكرم كويس أوي.. وزى ما توقعت الراجل كاتب مجموعة من القصص القصيرة السطحية جدًا اللي مرتبطة بالرهاب أو الفوبيا..

- ودي حاجة كلنا عارفينها..

- صبرك عليا يا عماد يا ابني.. أنا لسه ما خلصتش كلامي..

ثم أطلق زفرة ملل محددًا في بحدة؛ وكأنه يقول لي لاثما: "أنت من طلب مني الحديث مع هذا الضابط الملول قليل الذوق".

- هي عادته ولا هيشترها يعني يا دكتور!!

- خليك في حالك يا.. يا كيمو.. كمل يا دكتور بعد إذنك.. مساعد الوزير ناقص بيعتلي اتنين عساكر يقبضوا عليا عشان كده تلاقيني مستعجل بس.

- بص يا عماد.. إحنا بعد مناقشات مطولة.. اتأكدنا إن الكتاب ده كوموفلاج.. تمويه يعني.

- وضع أكثر الله يباركلك.

- طعم يا عماد باشا.. أرنب سبق يا سيدي.

ذانت هذه من الدكتور علام، فأشار له الدكتور سليمان بإبهامه مؤيدًا
أم تابع:

أي حد درس علم نفس جريمة واحتك بموضوع ال Serial Killers أو القتلة المتسلسلين عارف دايمًا إنهم ييجبوا الشهرة.. ييجبوا يتسلوا بشعور الأقوي والأذكي والمتحكم في زمام المبادرة.. وده راجع لشوية مركبات نقص على شوية رغي تحليل نفسي مش هيفيدوك كثير..

- المفيد يا دكتور سليمان..

- المفيد يا حضرة الرائد إن الأخ ده أيًا كان هدفه ما بيقتلش بتسلسل قصص الكتاب وبس.. ده بيقتبس القصة وينفذها حرفيًا، بس مع شوية إضافات.. القاتل ده بينفذ جرائمه بطريقة علاجية قديمة من الفوبيا كانت مستخدمة في أواخر السبعينات في الاتحاد السوفيتي لعلاج المرض النفسي.. الطريقة اسمها...

- واجه مخاوفك قبل أن تقتلك..

- برافو عليك يا عماد..

- أنا ضابط شرطة آه بس اعجبك يعني.. اتفرجت مرة على فيلم على ناشونال جيو جرافيك عند أخينا ده كان بيتكلم عن الموضوع المكعبل ده.. بس اللي أنا فهمته دلوقتي إن الأخ ده بيبي..

حانت مني ابتسامة ساخرة وأنا أقاطع عماد متابعًا:

- بالضبط يا حضرة المعاون.. القاتل ده أخذ على عاتقه تطهير كل هؤلاء المرضى من مخاوفهم بمواجهتهم ليها.. حتى ولو كانوا غير مرضى أصلًا.. من الآخر يا عماد وبمختصر المفيد.. القاتل بيطبق

كل وسائل العلاج بالمواجهة على القتلى الغلابة.. بمنتهى الحماس
ومنتهى التفاني.

- بس معنى كده إننا..

ثم دار ببصره في وجوهنا نحن الثلاثة ثم توقف على وجه دكتور سليمان
متابعًا:

- معنى كده يا دكتور إننا لازم نتحرك بسرعة قبل ما يفوت الأوان..

- هو كلامك مضبوط في حالة واحدة بس يا ابني.. إن الأوان يكون
لسه ما فاتش أساسًا!!

* * *

- هيدر وفويا.. هيدر وفويا..

- أكرم.. سامعني.. علي صوتك شوية.. بتقول إيه..؟؟

* * *

(١٣)

مديرية الأمن.. الثالثة صباحًا

فرخ كبير من الورق المقوى يلتصق بحائط من حوائط غرفة مكتب عماد، وقد كتب عليه بخط صغير منظم أشهر عشرين نوعًا من الفوبيا..
لها أصر الدكتور سليمان علي وضع أسماء القصص التي تتعلق بهذه الأنواع أمامها إلا أن عماد طلب منه أن يستريح قليلًا لأن فريقًا كاملًا من مخبري المباحث يقومون بذلك الآن.. ثم يمكنهم إضافة ما استخلصوه..

عماد قد فك أزرار أكمام قميصه ولفافة التبغ المشتعلة تتدلى من طرف يده، وهو عاقد ساعديه كجنرال يحاول أن يشرح لمجموعة من الضباط حديثي العهد بالقتال.. تصوره لأرض المعركة القادمة..

- دلوقتي يا دكتور سليمان أنا على حسب ما فهمت منك.. الأخ
ده استخدم خمسة أنواع من طرق القتل اللي عايز تسميها (قتل
تطهيري) ولو إني مش فاهم معناها إيه.. وإن الخمس أنواع دول

لسه في غيرهم حوالي خمستاشر أو عشرين نوع مشهور من الفوبيا..
ده غير بقه الأنواع نادرة الإصابة غير الأنواع اللي لسه العلم
بيكتشفها.. كده أنا واصلا في المعلومة صح؟؟ دكتور سليمان.. يا
دكتور سليمان..

صوت غطيظ الدكتور سليمان يصم الآذان.. الرجل العجوز فقد القدرة
على التحكم بجهازه العصبي، وذهب إلى سبات عميق يأكل فيه أرزًا مع
الملائكة..

- إيه ده.. هو نام!!

- لا ما تشغلش بالك.. دي السيمفونية العاشرة لبيتهوفن..

زفر عماد في ملل ونظر إلى ساعة الحائط التي تشير للثالثة والنصف..

- أكرم..

- خير..

- روح نام إنت كمان يا أكرم.. قعدتنا دي ماهاش لازمة دلوقتي..
مفيش تحركات جديدة للقاتل واحنا مش عارفين نوصل لأي
نتيجة.. مالوش لازمة التطبيق والفرهدة عالفاضي.

- ما تشغلش دماغك بيا.. أنا معاد نومي الطبيعي فات من ساعتين..
بقولك.. ما تيجي نتمشى شوية تحت واعزمك على حجرين معسل
عالقهوة.. يلا يا جدع يلا..

ثم ربت على كتفه العريضة وناولته سترته التي أوشكت على أن تبلى من
كل أطرافها.. وتركنا المكتب مترجلين على سلاله مديرية الأمن التي بلت
أطرافها كسترة عماد.

- إنت يا جدع انت مش ناوي تجيبلك حنتين حلوين بدل الجواكت

اللي هتدوب وتبقى شبه هدوم شحاتين السيدة

- إنت شايفني فاضي حتى أشوف امي العيانة.. ده انا بيات في المديرية بقالي خمس تيام.. وبعدين توضيب الشقة بالعم اللي ورايا واللي قدامي.. وحضرتك ظابط شرطة بقة.. يعني لازم شقتك تبقى على أحدث طراز وأحسن توضيب.. غلابة ما يعرفوش اللي فيها.
- ما تدعيش الفقر عليا ياد..

- جتك خيبة أمال لو ما كتتش بمدّ إيدي في جيبك كل شهر.. بالمناسبة معكش ميت جنيه سلف لحدّ ما نقبض البدل..
- على رأي المثل.. شحات يشحت من شحات يطلع في.... إيده حسنة
- آه يا وسخ..

إلى الشارع الخاوي أمام مديرية الأمن ترجلت أقدامنا ورحنا نتسكع بالأيام الخوالي.

- بتضحك على إيه يا اسطى؟

- افتكرت أيام الطبري.. لما كنت بتقول للأستاذ فهمي الله يرحمه إنك نازل تذاكر عندي.. وانا أقول للعقيد محمود حمدي الله يرحمه إني رايع اذاكر عندك.. واحنا في الآخر ماشيين بتسرمح في مصر الجديدة الساعة ثلاثة بعد نص الليل.. فاكر...

- إلا فاكر.. طب دي قهوة السوايسة ياما شافت عشرات دومنة كنت بهزأ اللي خلفوك فيها.. فاكر الظابط اللي وقفنا عند الاتحادية الساعة ثلاثة صباحًا وكان عايز البطايق.. ولما عرف إن مفيش بطايق كان هيشحننا عال بوكس زي المسجلين..

- ودي حاجة تتسي.. طب ده لولا إني قولتله أنا عماد محمود حمدي

ابن العقيد محمود حمدي رئيس مباحث مصر الجديدة كان سجيناً
عالمياً.. وكان ابويا مات بالذبححة الصدرية من قهرته على ابيه
الفاشل..

- أنا فاكر لما شاف كارنيهات المدرسة صدقنا مش عارف إزاي
وانت اللي كنت لسه بتشتمني قبلها بربع ساعة عشان خدتك من
إيدك عند المشرف الاجتماعي عشان نعملها.. كنت بتقول عاليا
ساعتها عيل سيس تربية ستات.. آدينا كنا هنبقى سيس رسمي
يومها إنت قررت إنك لو حتى جبت ٩٠٪ في الثانوية برضه هتدخل
كلية الشرطة عشان محدش يوقفك في الشارع تاني.

- ويومها قررت إنك هتبقى ظابط عشان نفضل سوا.. ونعمل بيه
ثنائي ولا ريجز ومورتاه في زمانهم (أبطال فيلم السلاح القاتل).

ثم تبعها بضحكة ساخرة وضربة فوق ظهري كادت تلقيني على
الرصيف قتيلاً..

- يومها قولتلك إنك معصص واضبش بنظارة وما تنفحش ضابط
إيقاع حتى.

- ويومها أنا قولتلك إنك غبي ومخك على قدك وما تنفحش أمين
شرطة في إشارة مرور.

أطلق ضحكة صافية مجلجلة.. وأخرج لفافة تبغ محاولاً مع قداحته
الخربة.. إلا أنها استجابت رغم ذلك.

- أيامها كنا فاكرين العيشة سهلة.. والواحد ممكن يبقى اللي هو عايزه.

- وطبعاً كالعادة ابن الظابط طلع ظابط عشان ابوه قام بالواجب.

- وعم فهمي الله يرحمه مارضيش يفتح مخه ويشخلل عشان تعدي.

ثم اتجهنا نحو أحد المقاهي التي تضع مقاعدها في الشارع.. فجلست
وصممت بيدي لذلك النادل النحيل الذي ما إن رأى عماد حتى انتصبت
.. وركض مسرعاً.

عماد باشا.. نورت المكان يا معالي الباشا.. أوامرني

إزيك يا عزوز.. عامل إيه وإزاي عيالك.. هما بقوا كام دلوقتي؟

ثلاثة والولية بنت الكلاب حامل ثاني.. قال إيه لازم تجيبلي واد
يشيل اسمي.. قال يعني هيشيل اسم ابو تريكة ولا مؤاخذة.. ما
علينا يا كبير مش عايز ادوشك معانا.. أوامر البهوات.

اتنين شاي ثقيل.. وشيشتين قص.. بس قص يا عزوز مش معجون
الصراصير اللي بتخطوه فوق الشيش.. ما تفضحوناش قدام
الأجانب.

- عينيا يا عماد باشا.

- السكر برة يا عزوز الله يكرمك.

- عينيا يا أجنيي باشا.. وعندك معسلتين قص واتنين على بوسطة
سكر برة وصاية للباشا الكبير.

وانطلق الفتى يتعثر ويتخبط من أثر الرهبة، بينما وضع عماد ساقاً فوق
ساق وقال:

- قوللي بقه يا كيمو.. إيه رأيك في كلام الدكتور سليمان؟

- إحنا بنضيع وقت في حوار الفوييا وربطها بالجثث الصراحة..
المفروض نركز مع عصمت وكاميرات المراقبة بتاعت الجرنان اللي
اتشر فيه النعي.. بالمناسبة الواد ده فاق صحيح؟

- والرسام ادانا صورة مبدئية عملنا بيها إخبارية ومذكرة ضيفا
واحضار كمان.. وتقريبًا كاميرات المراقبة حددت لنا جسم الراجل.
وطوله مع الصورة ممكن يجوا بفايدة.

- وتقرير الدكتور علام.. خلص؟؟

أتى الفتى بالشيخة ووضعها أمامنا، فراح عماد يسحب أنفاسًا عميقة
تليق بمعلم في سوق الخضار ثم قال متابعًا:

- جثة الواد لعيب الكورة فعلاً محقونة بالحقنة اللي قالتلك عليها
دكتورة أجاثا كريستي.. العنكبوت دخله حالة دوار وانعدام
وزن خلت القاتل يعرف يحقنه في رقبته بسهولة.. جثة البنت
بتاعت المشتل كانت مصفية دمها كله تقريبًا، والجرح بتاع الكعب
هو السبب في النزف.. بس الغريب بقه إن دكتور أحمد يقول إن
البنت صفت دمها في مدة أقل من المفروض يحصل معاها.. وإنه
احتاج كام جرح كمان عشان الهبوط يحصل وتموت.. غير بقه شوية
الجوابات والصور بتاعتها هي وخطيبها الدكتور ده.. اللي أكد ساعة
استجوابه إنهم اتسرقوا منه من أسبوع..

- ما يمكن حب قديم وبينتقم مثلاً؟؟

- لا بعيدة شوية.. البت عمرها ما كان ليها أي علاقة بأي راجل طول
عمرها غير ابوها واخوها.. بيضا خالص ولسه خام.. الواد خطيبها
دكتور فاتح عيادة باطنة في حدائق المعادي عشان يلتم فلوس رسالة
الدكتورة بتاعته ويعرف يتجوز.. حطلي معلقتين سكر الله يباركلك.
تسلم إيدك.. علاء ابن البلطيمي بقه كان مأجر شقة في العمارة دي إيجار
جديد من شهر.. والبواب قال إنه كان بيعجي لوحده ويمشي لوحده..
ولما فتحنا الشقة لقينا كنبه وترابيزة وكرسيين.. وميزان حساس..

ده إجتار كمان مش تعاطي..

هو الاتنين الحقيقة.. تحليل الدم لقى آثار مخدر.. وترامادول..
وباركينول.. غير بقه إن دكتور علام شك في حاجة فاعمل تحليل
مش عارف اسمه كرامتوجرافيا ولا معرفش إيه.. فالقى في دمه
محلول اسمه بنثوال الصوديوم.. عندك فكرة عنه؟؟

..حبيت نفسًا عميقًا من الشيثة الحارة حتى توهج الفحم وأصدر
أنا أنا تليق بناره المستعرة.

الصراحة كل اللي اعرفه عنه من القصص بتاعت نبيل فاروق إن
اسم الشهرة بتاعه محلول الحقيقة.. وزى ما يكون بيخلي المحقون بيه
زي المتنوم مغناطيسي كده..

فكرتك عنه قريبة من الحقيقة شوية.. هو زى ما قال الدكتور
هولمز علام بيعطل وظائف المخ المتقدمة زي القدرة على الابتكار
والإبداع.. غير ضعف التحكم في العضلات والأعصاب.. يعني
بيخليك عروسة معدومة الرأي تقريبًا.

فتت دخان الشيثة في تليذ وجرعت جرعتين صغيرتين من كوب
البن، وقلت وأنا أعدل من وضع نظارتي:

والمحامي وسواق اللوري؟؟

المحامي بقه شارب كمية حمض كاربوليك.. الفنيك يعني زى ما
فهمني دكتور علام.. المشكلة بقه إن ساندوتشات الفول اللي لقوها
جنبه...

مسمومة.؟؟

سيانيد.. سم فتاك وسريع العمل.. خلص عليه بعد قطمتين تقريبًا..

وبعدين راح ذابح القطة وراميهما في حجر القليل ومشي.. الفنيك كان
تموية عشان عمرنا ما كنا هنفكر نحلل الفول لولا دكتور علام.. سوان
اللوري بقه هو الحادثة الوحيدة الطبيعية.. واحد خنقه من وراه وعاهه
في ثلاثة فاكهة على درجة سالب خمسة مئوية لدرجة إننا لما لقينا الجثة
كانت زي ما تكون مقتولة من ساعة، وطبعًا في حوالي ستة طن مور
راحو في الحادثة.. في شوية ترامادول في معدته ودمه بس مفيش أي
سموم.. يا عزوز..

ثم ألقى بمبسم الشيشة رافعًا عقيرته لينادي على ذلك النادل الذي راح
يقسم الأيمان كلها إن الحساب وصل وإن المعلم سيقطع رقبتة إذا أخذ ما
فزجره عماد غاضبًا:

- يا باشا والله ما ينفع كده...

- ولا يا عزوز.. من إمتى ياد بشرب عندكو شكك.. ما تخليش
احلف ما اعتبها تاني..

- لا يا باشا الطيب احسن..

أنقده الجنيهاات التي طلبها مع بقشيش محترم يعادل سعر ما شربناه.. ثم
اصطحبني مترجلين في طريق العودة إلى المديرية حينما قلت:

- يعني لو افترضنا إن نظرية دكتور سليمان صح.. يبقى احنا عندنا
خمس حالات تطهير من خمس أنواع فوبيا.. أكروفوبيا (الأماكن
المرتفعة) أنثوفوبيا (الزهور) أركانوفوبيا (العناكب) إيلوروفوبيا
(القطط) فريجوفوبيا (التجمد).. تفكر ده معناه إيه؟؟

- معناه إنك لازم تنام شوية عشان مخك لفت.. وعشان انا كمان لازم
اكون بكرة الصبح في ديوان الوزارة عشان عندي تحقيق.

خير عملت إيه.؟؟ يكونش أهل البلطيمي اشتكوك؟

لا أهل البلطيمي حطوا الجزم في بقهم لما عرفوا موضوع الحشيش،
وطلبوا متنا سرعة البحث بس ولو احتجنا منهم أي مساعدة فهما
حاضرين بكل... إلخ إلخ.. والهرتلة دي.. ده ضابط زميلنا عامل
مصيبة في قسم الدرب الاحمر وهما طالبني للتحقيق عشان كان
شغال معايا هنا في المباحث قبل ما يروح هناك.. الحقيقة هو يستاهل
كل خير.. مش كان دفعتي وصاحبي.. لكن استغفر الله العظيم لو
اتحرق صاحبي يبقى حلال فيه..

زفرت في ملل وأنا أصعد معه درجات السلم الرخامي الذي خرب
صنفة وتحول إلى فخ للسقوط من عل.. ودلفنا إلى المكتب لنجد الدكتور
سليمان نائمًا كالقيلة!!

- دكتور سليمان.. يا دكتور سليمان..

- يا أم جمعة قوتلك النهاردة أجازتي وأنا.. مين أكرم؟؟.. هو انا
فين؟؟!!

- في مديرية الأمن يا دكتور.

- وكم الساعة لو سمحت؟؟

- الساعة فاضلها دقيقتين وتبقى خمسة صباحًا

نمض متمطعًا وفارداً ذراعيه:

- جميل بقه كده الواحد يصحى يصلي الفجر ويفوق شوية.. صباح

الخير عليكم جميعًا.. مفيش قهوة قريية هنا الواحد يشرب قهوته

الصباحية وياخذ حجرين معسل بسرعة؟

- أول مجلس الأمة في قهوة كويسة.

- طيب تمام.. تيجي معايا يا أكرم.. يلا تعالى وبعدين اوصلك الدقي في طريقي.

ثم تقدم نحو باب المكتب، ونظر نحو الورق المقوى.. وكأنها تجمد في مكانه.. توقف وظهره لنا.. ثم التفت ناحية الفرخ المقوى وانعقد حاجباه وهو يتقدم نحو الحائط حتى كاد يلتصق به..

- أكرم.. ناولني قلم إذا سمحت.

ناولته القلم فراح يضع دوائر حمراء حول بعض الحروف في أسماء مصطلحات الفوبيا التي انتشرت على الورق المقوى وأنا وعماد نراقبه ثم قال متابعًا:

- أظن يا سيادة الرائد إني عرفت الهدف القادم لأخينا سفاح الفوبيا.

اتسعت عينانا في دهشة وانعقد حاجبا عماد كديده كلفنا انتباهه شيء وهو يشير لنا بطرف القلم كي نقرب من لوح الورق وقال:

- فاكرين لما اتكلمنا على حب القاتل المتسلسل للظهور والميديا وإنه كمان بيحب يسبب دليل وراه للشرطة عشان يعرف يمرح معاها شوية.. لو طبقنا الكلام ده هنا.. هنلاقي الدوائر الكبيرة اللي رسمناها حوالين الخمسة أنواع التي اكتشفناها في جرايم القتل الخمسة، أما الدوائر الصغيرة اللي عملتها بالقلم فبتبين حسب تصوري الحروف الخمسة اللي بتوضح نوع الفوبيا اللي هيستخدمه القاتل.

رحت أنظر إلى الدوائر الصغيرة في الكلمات الخمس ثم قلت متابعًا:

- اعذرني يا عم احمد.. إنت بس مش متعود على نومة الكنبه فامش

مركز معانا في نقطة هنا.. فرضاً إن نظريتك صح مية في المية.. إنت معلم بخمس دواير على خمس أنواع اللي هما:

- Arachnophobia – Hemophobia – Acrophobia
Frigophobia – Ailurophobia

- المرتفعات - الدم - العناكب - الققط - التجمد

- تمام.. هو ده قصدي.

- ده بقه مش صح يا دكتور.. بفرض صحة النظرية.. فا الكلمة الصح هي Anthophobia أو الخوف من الزهور.. بمعنى أصح وبوضوح كده.. الحروف الخمسة بتوع حضرتك مش مطبوطين.

- اعذرنى يا أكرم ولكن إنت اللي دماغك مشوشة من قلة النوم.. البنت حسب تقرير الطبيب الشرعي بدأت النزف من كعبها الأول وبعدين بقية الجروح.. وجرح الكعب كان بآلة حادة.. والقصة اللي في الكتاب المخبول اسمها (الجرح الأخير) بتتكلم عن خوف البنت من مظهر دمها وده خلاها ما تاخدش بالها إنها بتغوص في الجروح تاني ومفيش أي زهور في الموضوع.. وضحت الصورة!؟

ثم تناول قلمَ خطِّ عريض كان ملقى فوق مكتب عماد وكتب خمسة حروف إنجليزية متجاورة قائلاً:

- الحرف الأول من الكلمة الأولى A الحرف الثاني من الكلمة الثانية E الحرف الثالث من الكلمة الثالثة A الحرف الرابع من الكلمة الرابعة U الحرف الخامس من الكلمة الخامسة هو O.. مما يعني أن عندنا كلمة AEAUO.. عندك فكرة الحروف دي ممكن تجمع كلمة واضحة؟؟؟

- يا دكتور سليمان الموضوع مش...
- سيبه يكمل يا أكرم وما تقاطعوش بعد إذنك..
- يا سلام.. ده إيه الخيال الجامح اللي نزلك عليك فجأة انت كمان...
- حول بصره ناحيتي وأشار بيده أن أصمت قبل أن أقطع رقبك فابتلعت لساني ودكتور سليمان يتابع:
- هي فعلاً كلمة عديمة المعنى.. بس لو حطيت قصاد كل حرف الرقم اللي بيقابله في الأبجدية الإنجليزية.. نعمل جدول صغير كده عشان أوضحلك الصورة.. كده يبقى عندنا أرقام ١ و ٥ و ١٠ و ٢١ و ١٥
- وبعدين.. برضه مفيش أي معنى لل...
- ما تصبر على رزقك يا بني آدم.. جمع بقه الحروف دي يبقى عندك رقم.. واحد زائد خمسة يبقوا ستة وواحد سبعة وخمستاشر يبقوا...
- المجموع ٤٣ يا دكتور.. ٤٣.
- عماد انطلق كالفهد إلى مكتبه ورفع نسخة الكتاب النائمة فوقه في خمول وتحدّ وفتح الصفحة رقم ٤٣ ثم قرأ بصوت عال:
- أربع حيطان!!

ثم نظر نحوي ونحو دكتور سليمان متسائلاً، وتابع القراءة:

- إن زقزقة الطيور فوق أعشاش أشجارها الملتوية هي شيء يبعث البهجة في صدور بني البشر، عدا أمجد، إن هذه الزقزقة تبعث في قلبه قشعريرة تصيبه بالخوف حتى تطمئن نفسه وتركن إلى نومه متلخفاً بالسماء الزرقاء الصافية، في هذا الوقت فقط يبدأ صباح أمجد المتكرر المستديم، ولهذا فقط يدفع إيجار تلك الغرفة الباهظة في أطراف المحروسة حتى ينام بجوار باب الغرفة الخشبي الضعيف

ملتحفًا سماء زرقاء تشعره بالطمأنينة والسكينة... أنا مش فاهم
حاجة من الهبل ده!!

- عدي كام سطر وكمل يا عماد..

- طب خد انت بقه عشان انا ما فياش دماغ للهبل ده..

القى عماد بالكتاب إليّ كأنه يتخلص منه فعدلت نظارتي وأكملت:

- ولكن ذلك اليوم لا بد أن يأتي، يوم ترتكب إرادته الحرة الطليقة
كغزلان البراري ذلك الخطأ، ويظل أمجد ساهرا خارج بيته إلى
منتصف الليل فلا يجد من يقله إلى منزله في أطراف القاهرة الهادئة،
إذن فلا بد أن تنام في ذلك الفندق يا أمجد، لكن هل يمتلك الفندق
سطحًا مفتوحًا إلى عنان السماء كغرفتك الصغيرة؟؟ إنهم يطردونك
الآن من "متاتيا" لأن التعليمات تقول إننا سنغلق في العاشرة مساءً
، إن الأحكام العرفية يا أمجد أفندي لا تعرف خوفك المستديم من
حوائط الغرف الضيقة، والبوليس لا يرحم الشاردين والمتسكعين
من الأفندية أمثالك، بيد أنك بعد كل هذا لو استطعت عبور
الحواجز والتمارين سوف تفاجأ بعربات جيش الإنكليز تغلق
الطريق، كما أن الطريق إلى جنوب القاهرة...

- السطر الأخير يا أكرم إذا سمحت الله يكرمك..

نظرت نحو عماد الذي راح يسجل ملاحظات في ورقة ما وكأنه ليس
معنا، بينما الدكتور سليمان يمدق إليّ في نفاذ صبر.. فتابعت:

- أنت نائم الآن هنا يا أمجد في غرفتك الضيقة المتروية في نهاية الممر
الخالي من النزلاء، تحاول اجترار الذكرى الجميلة كي تبعث طمأنينة
في نفس المستعرة شوقًا إلى نوم ما بعده تعب، إن النوافذ مغلقة وقد
صُبغ زجاجها بالأزرق الداكن حتى لا ترى الطائرات ذلك الضوء

الضعيف الذي يخرج من لمبة الجاز، والحائط يضيق عليك وان ..
تصرخ، تصرخ مثل امرأة سلبوها ولدها الوحيد في ليلة شتاء زلته،
لكنك مشلول الحركة لا تستطيع الركض، أنفاسك تضيق والحائط
يضيق، حتى صراخك لا يخرج من حلقك يا أمجد، والغرفة تضيق،
كسّم الحَيَاط..

رفعتُ عيناى مذهبولاً من فوق الكتاب بينما عماد يجري مكالمة هاتفية
غاضبة:

- صباحية مباركة يا اخويا.. دي خامس مرة يا علي.. يعني إيه الساعة
سته صباحًا هو احنا شغالين في بنك.. اصحى معايا وفوق كده..
هتكلم رئيس مباحث حلوان وتصحيه من النوم.. وتاخذ بعضك
وتطلع له على القسم.. عايز كردونات حوالين كل المباني هناك.. أي
حد بطاقته مش على حلوان يتفتش ويتعرف أصله وفصله.. والله
لو خرجت صف الضباط والمخبرين كلهم حتى دي مش قصتي..
أيوه الموضوع ليه علاقة بسفاح الكتاب.. شكرًا يا سيادة النقيب..
مستني منك مكالمة كل ربع ساعة تديني فيها تقرير مفصل عن كل
حاجة..

ثم أغلق الخط، ونظر نحونا فتلقفه الدكتور سليمان بابتسامة عريضة
قائلًا:

- ولو إني عارف ليه.. بس اشمعنى حلوان يا عماد؟
- على حسب كلامكم عن الكتاب والدراسة اللي عملتها المصنفات
حوالين الكتاب.. الكتاب ده اتألف بين سنة ٤٠ وسنة خمسين
تقريبًا.. هما بقه يفهموا في مواضيع نوع الورق وطريقة الطباعة
والتغليف والفنيات اللي انا ما بفهمش فيها دي.. القصة دي مكتوبة

ايام الحرب العالمية الثانية ووقت إعلان الأحكام العرفية من حكومة الوفد.. الأخ إبراهيم صفوت قال إن بطل القصة ساكن فوق سطح عمارة في مكان ما جنوب القاهرة.. المعادي أو حلوان.. في الوقت ده كانت المعادي لعلية القوم بس، وهو كلمه في القصة وقال (أجد أفندي) يعني واحد من أفراد الطبقة الوسطى زي ما بتسموها.. وأيامها حلوان كانت فاضية صحيح بس كان فيها عمارات أكيد.. ولو الأخ اللي بينفذ جرائم القتل ملتزم بالكتاب حرفيًا زي ما حضرتك قولت.. يبقى مفيش غير حلوان هنا..

رفعت كفي مصفقا وأنا أريت على كتفي عماد وابتسامة الانتصار على وجهه حاد الملامح كطفل ألقى على مسامع معلمه قصيدة صماء بدون إعطاء.. بينما رفع دكتور سليمان إبهامه إليه متابعًا:

- كده الواحد عمل اللي عليه وساهم في إنه ينورك السكة يا حضرة الرائد.. ارواح بقه اشرب القهوة والحجرين وانام وانا مطمئن قبل ما ارواح العيادة.. جاي معايا يا أكرم..

- لا يا دكتور أنا هتمشى شوية واركب تاكسي.. ويمكن اعدي عاجرنا الأول.. اتوكل انت على الله..

- طيب زي ما تحب.. ابقوا مطمئوني..

ثم رفع يده مودعًا وترك المكتب بينما نظرت نحو عماد قائلاً:

- أنا كمان محتاج انام شوية كفاية أوي كده.. لو في أي حاجة كلمني..

- إنت ما روحتش مع الراجل ليه طيب.. غاوي شعبطة وقرف التاكسيات..

- يا عمي ده راجل ساكن في عين شمس وانا قاعد في شقة خالي في

الدقي.. يبقى اشحطه ليه.. وبعدين الدكتور سليمان عداد سر..
بيوقف عند الاربعين والواحد مش ناقص شلل.

- شوف ازاي.. مش انت اللي بتشتكي إني ما اعرفش سرعة تحرك
الثمانين واني هموتك مرة ناقص عمر.. دلوقتي مش عاجباك
السرعات الهادية!!

- هو انا يا جدع انت يا اموت مقلوب يا اموت مشلول.. نهايته
سلام انا بقه ومستني تليفونك.. خلينا ننشر لنا كلمتين من وراكم
نستفح بيهم..

- سلام يا مستفح..

ثم ربت على كتفي حتى كاد يحطمه وقادني إلى باب غرفته بينما هاتفه
المحمول يرن.

رحت أجزّ قدامي مثاقلاً والنوم يرغم أجفاني على السقوط نائماً فوق
درجات سلم مديرية الأمن لكنني تماسكت حتى لا أبيت ليلتي في تخشبية
المديرية أو أتهم بالاعتداء على منشآت الدولة!!

فقط عندما بلغت باب المديرية وجدت محمولي يثر في إصرار برقم عماد:

- إيه يا عمدة.. ما تقوليش نسيت حاجة عندك.

- أكرم.. مش هتصدق الي حصل فعلاً..

- إيه.. ما تقوليش إنكم قبضتوا على القاتل..

- إنت بتتريق.. ده اللي حصل فعلاً.. قبضنا عليه وهو بيرتكب

جريمته السادسة يا أكرم.. ده الدكتور سليمان طلع غبقرى واحنا
مش عارفين!!

* * *

هيدروفوبيا.. هيدروفوبيا..

بنقول إيه يا أكرم إحنا مش سامعينك يا ابني

لو سمحتم شوية هدوء.. الـ Imipraminc بيتسحب من دمه
خلاص..

هو قال هيدروفوبيا مش كده!!؟

* * *

حاشية لا بد منها:

إنك تعرف جيداً يا برعي أنهم لا يقدرونك..

أنت مجرد سائق لوري عبرت النصف الأول من أعمارك الأربعين
أنت بلا تعليم وبلا مال وبلا ولد..

لمتنص قرص الترامادول في تلمذ ثم تتبعه برشفتين من شاي أسود كثيب
وأبامك ولياليك الطويلة على مقهى السبع في أطراف بشتيل.. أين تقع
بشتيل يا برعي؟؟ إنها مثلها مثلك.. مترية.. مجهولة.. مهمشة!!

ترفع عينك المجهدين نحو أضواء أعمدة النور فوق الطريق الدائري..
فلا تجد سوى الخواء والظلام.. أحدهم حطم أغطية الكشافات وسرق
اللمبات الصفراء العملاقة وقرر أن الطريق كذلك أفضل.

تبصق على الأرضية المترية.. تبصق بصقة تخرج كل ما في صدرك من
آثار المعسل وآثار البانجو وآثار الشاي المغشوش وآثار وجبة المسقعة التي
أصابتك بحموضة قاتلة..

- مساء الفل يا اسطى برعي

- أهو مسأ وخلاص..

- يا اسطى ردة السلام زي الناس

- إخفى من وش دين أمي يا حلمي بدل ما اجيب كرشك واخلص..

حلمي.. الشاب الثلاثيني الهزيل.. النحيل.. الشبيه بعود قصب،
تكاتف عليه خمسة أطفال فحولوه إلى فضلات..

- مالك يا صاحبي؟؟ شايل عبد القادر وزاعق ليه!!؟

- طهقت بقه وما بقتش قادر يا حلمي.. قبل الزفتة الثورة كنا عايشين

وبندفع إتاوات الأمتا في الكماين، والحمولة تعدي ونعرف نعمل

بدل النقلة خمسة.. وحتى لو وقفنا في كمين، والظابط كان ابن ستين

في سبعين كنا بنعرف نسلك أمورنا برضه.. دلوقتي بقه بقينا بندفع

للمحكومة.. وملوك الطريق.. ويضرب علينا نار.. ويطلع دين

أبونا في عشرة لتر سولار.. وبعدين تلاقى الـ... من دول طالعك

في التليفزيون يقولك اصبروا واستحملوا.. وهو بدين أمه بيظفر

كافيار ويتعشى لحمه.. يا أخي ملعون ميتين أم دي شغلانة بنت...

سبة بذينة تخرج فيها كل معلوماتك العظيمة عن السباب التي اكتسبتها

من تربيتك يتيما في شوارع بولاق الدكرور.. سبة تبعثها ببصقة أخرى،

وكانك تبصق روحك من جسدك.

- إن شاء الله بكرة تفرج يا شقيق وتروق.. قول يا رب.

- يا رب يا خدنا يا عم ونرتاح من الهم والقرف ده بقه..

حلمي يقترب منك مضيقا عينيه.. وانت تعرف حلمي عندما يقترب

منك مضيقا عينيه.

- مش عايز حاجة ترفع معنوياتك شوية.

- حلمي.. ابعد عن دين أمي بقه أنا مش ناقصك.. نص القرص

لسه ما اشتغلش والصداع فاشخ دماغي.. وبعدين هاخذ حاجة
ترفع معنوياتي ليه.. عشان اخش في حيطه.. ما انت عارف اني مش
متجوز يا اسطى وماليش في العوج.

نسحب نفسًا عميقًا من الشيثة وحلمي لا يكف عن ممارسة دوره
١٩.بابة.. ذبابة تبحث في عقلك عن مضرب ذباب لتطيح بها من سجل
الكائنات الحية.

- وبعدين انا عالحديدة يا روح امك.. وانت ابن كلب تبيع امك
عشان الفلوس.

- لا دي هدية.. خد أمسك.. مد إيدك ما ترفشش النعمة.

يمد يده لك بكتاب له غلاف جلدي قديم.. أنت لم تكمل تعليمك بعد
الابتدائية لكنك تقرأ الجريدة مثل القروود كما تقول المرحومة أمك.. كتاب!!
وهل يجلي الكتاب أيامك؟؟

- تصدق أنا مطلع ميتينك دلوقتي وافلق دماغك نصين عشان اخلص
منك ومن الصداع في يوم واحد.

- اصبر بس يا عم الاسطوات.. ما تخليش المظاهر تخدعك.. افتح كده
وسمّي..

تفتح الكتاب لتجد أسطوانة كمبيوتر تلمع في الضوء الخفيف الذي
نصدره مصابيح قهوة السبع الصفراء.

- إيه ده ياد يا حلمي.

- مش انت طالع النهاردة على تلاجة السبع ولا مؤاخذه..

- وانت إيش عرفك يا روح امك.. بتراقبني؟!

- أنا مش تلموذ يا اسطى برعي، ده انا حلمي إبليس.. إنت والسبع
متخانقين بقالكم ست اشهر وما بتكلموش بعض.. تقوم تيجي
النهاردة بالذات تقعد عالقهوة اللي هو يقعد عليها!!

- والسيديهاية دي لا مؤاخذة حوارها إيه..

- حوارها إن السبع مركب دي في دي في الكابينة يا اسطى.. ومعاها

شاشة عشرة بوصة وانا اللي جايله حماسة بتاع السايبر يركبه لا

مؤاخذة.. يعني بقت عندك تسلية مجاني والبركة في حبيك حلومة.

تقلب الأسطوانة في يدك ثم تقرب رأسك من رأس حلمي وتهمس:

- هي السيديهاية دي..

- سكس طبعًا.. هو انا هديك سيدهاية ل (عبوها) مثلاً عشان

تسليك.

- وطي صوتك ياد هتفضحننا.

- وإيه الفضيحة في كده يا اسطى لا مؤاخذة!؟

تراجع في مقعدك متحسرًا على حالك، وتذكر كم يبلغ عمرك يا اسطى

برعي.. أنت في الثالثة والأربعين يا برعي.. رجل بالغ في الثالثة والأربعين

يتلهف على فيلم بورنو رخيص يقدمه له حلمي إبليس؛ كما يشتهر في

بشتيل.

تناول الأسطوانة داخل الكتاب في صمت

- بس انا قشفور يا حلمي..

- الحساب يوم الحساب يا اسطى برعي.. اعتبرها تذكارة من ملك

المزاج.. سوفونير.

نسب من تفاهة حلمي الذي يصمم على حشر كلمات إنجليزية ليشعر
الآن أنه مثقف.. ثم تنهض عازماً على إنهاء هذه الجلسة رافعاً عقيرتك
.. النادل الذي يرتدي ملابس حقيرة مهترئة تشبه ذلك الكتاب الذي
..

- يا عربي.. الحساب عند المعلم السبع..

ترفع يلك مودعاً حلمي، وتقفز في رشاقة لا تعترف بسنوات عمرك
الأربعين نحو كابينة القيادة.. تغرس السيجارة في طرف فمك وأنت
محرك نحو الطريق الدائري.. بالأمس استدعاك السبع مع أحد الأصدقاء
المشركين - كما يجب أن يقول - لأن هناك نقلة فاكهة تذهب إلى البحيرة
من الطريق الزراعي.. وهو يريدك أنت على هذه النقلة لأنك رجل ودمك
مامي وشرس، وتعرف كيف تتعامل مع هؤلاء الرعاع على الطريق.. أنت
لنجاج إلى المال برغم أنك لا تطيق أن ترى وجه السبع خمس دقائق.. لكن
ما باليد حيلة.

تنهب الطريق نحو أول الطريق الزراعي الذي أظلم أغلبه.. ترفع نور
الشاحنة الأمامي، وتغلق النوافذ لتتقي لفحات الهواء البارد حتى تستطيع
المواصلة.. حتى وإن كنا في أواخر مايو يا برعي لكن من قال إن الطريق
يعترف بهذه القواعد.. أنت ترتدي (السويتر) كما تسميه من منتصف
أكتوبر!!

ترفع الأسطوانة في يلك اليمنى وتودعها في مشغل الأقراص فقط لتظهر
لك رسالة عربية رديئة على شاشة الجهاز الزرقاء.

لا يمكن تشغيل ملف

اللعنة عليك يا حلمي.. تسبه بسبة بذيئة وأنت تتخيل نفسك تحطم عنقه
بقدر ما كنت تمنى نفسك برؤية كل ما حرمك فقرك وضيق حالك منه..

فلتقد على صوت عبد الوهاب الرخيم ينبعث من ذلك الراديو المشوش..
عندما يأتي المساء.. لا يحدث شيء من وجهة نظرك عندما يأتي المساء سوى
أن يوماً آخر انتهى في هذه المأساة التي تسمى حياتك.

وكان الحال ينقصه أن يحدث لك ذلك.. السيارة الضخمة تميل إلى
طرفها الأيمن من الخلف.. أنت متمرس وتعرف ذلك يا برعي.. إن الإطار
الأيمن الخلفي قد أوشك على الخواء.. إنه يسرب الهواء فلا بد أن تتوقف
الآن.

على امتداد بصرك ترى ذلك المقهى.. ليس مقهى يا برعي إنه مقعدين
وطاولة ولبة بيضاء باهتة تعلو لوحة كتبت بخط يدوي قبيح.

توقف سيارتك بجانب الطريق.. ومحمولك لا يعرف ما تعنيه كلمة
"شبكة" في هذا القفر.. إذن سوف تبيت في السيارة حتى يظهر لك أحد
يقدر أن يساعد في تغيير هذا الإطار الكبير..

تأخذ كوب الشاي في يدك، وتخرج ذلك المقعد المطوي من جانبك
وتفرده بجوار السيارة.. علبة السجائر الاحتياطية في جيب السترة الجلدية
التي اهتمرت ياقتها.. تمسك في يدك ذلك الكتاب المهترئ المصفر.. ماذا
يعني ذلك العنوان؟؟ الرهاب.. أنت تعرف من قراءتك للقرآن - أحياناً -
أن تلك الضمة تعني النطق وكان هناك واو.. ماذا يعني هذا الاسم؟؟

تقلب الصفحات في ملل وكوب الشاي الأسود يحرق أطراف أعصابك
من سخونته.. ثم تجد هذه الكلمة في نصف صفحة مطوية من أعلاها.

تحت الصفر

تضحك في صوت تردد الغيطان صداه.. أنت تحت الصفر فعلاً.. وهذه
الثلاجة التي تقودها قد تصل إلى تحت الصفر إذا كانت تحمل لحوماً.. أو إلى
ما يقرب الصفر إذا كانت تحمل فاكهة أو خضاراً.

تقرأ الكلمات التي تبدو لك عميقة ومهمة.. تقرأ عن سائق اللوري
الذي يقود سيارة تجر ثلاجة فاكهة.. تقرأ كيف أن السيارة تعطلت في وسط
طريق مقفر ليس به بشر.. تقرأ كيف أن السائق جلس على طرف الطريق
يدخن منتظراً من يمرّ به أو يساعده.. تقرأ كيف أن ذلك السائق رأى عابر
الطريق فطلب منه النجدة.. غير عارف أن عابر السبيل هو قاتل سوف
يفتك به طمعاً في السيارة وحمولتها.. سوف يقتله خنقاً بحبل بلاستيكي!!
تقرأ ولا يوقفك شيء سوى ذلك الحبل البلاستيكي الذي يلتف حول
رقبتك الآن..!!

* * *

- أكرم.. ارفع صوتك شوية.. إنت بتقول هيدرو فوبيا؟!!
- الضغط نزل تاني يا دكتور..
- يا تسيبوه يفوق ويرجع لوعيه.. لا تقتلوه وتخلصوه من الهم ده.
- "الظلام.. الحقيقة".

* * *

(١٤)

مديرية الأمن... الثانية عشرة ظهرًا..

الدخان ينعقد في هواء الغرفة مثلما ينعقد حاجبي.. وعماد يشرح لي كيف
قبضوا على ذلك الرجل..

- بمعنى؟؟

- بمعنى إن الدكتور سليمان كان صَحَّ وصَحَّ جدًا كمان.. القاتل كان
خلاص هيرتكب الجريمة السادسة في أوضة فوق سطوح عمارة في
حدائق المعادي.

- حدائق المعادي..!! مش انت كنت باعتهم حلوان يا ابني!!

- ربنا كان رايد إنه يقع في أيدينا.. المجني عليه صرخ لما القاتل حاول
يطعنه بسكينة في صدره.. الجار اللي تحت سمع الصرخة وقلق لأنه
عارف جاره كويس.. مدرس ابتدائي أرمل وعائش لوحده.. الجار

النشيط مسك شومة كانت عنده في البيت وطلع جري عالسطح فا
خبط بالصدفة في القاتل.. وربنا أهمة حسن التصرف راح خابطه
بالشومة على دماغه موقعه على البسطة، وراح جاري مكلم النجدة
فورًا.

- ولقيته الكتاب إياه..

- على باب الشقة فوق الدواسة..

أفرغت التبغ المحترق من الغليون الخشبي في المنفضة.. وأخرجت
من جيب سترتي عدد التسليك والحشو.. ورحت أنظفه في هدوء كأي
ميكانيكي يعكف على وضع لمساته السحرية في محرك سيارة فيات متهالكة.

- مالك ساكت ليه..

- أنا؟؟؟

- أمال امي.. سيب الهباب اللي في إيدك ده وردة عليًا

- قوللي الأول.. المجني عليه مات؟؟؟

- الحمد لله؛ لا.. العناية الإلهية أنقذته، والطعنة جت في ذراعه بس..

كنت قد فرغت من حشو الغليون فأشعلته ورحت أحرق في فرخ
الورق المقوى الراقد في مشواه على الحائط الحكومي المتسخ.

- مش عارف بس..

- بس إيه.. ما تقوللي إيه اللي بيجرى جوه صندوق البلي اللي فوق
رقتك.

- مش مقتنع يا عماد.. إزاي قاتل محترف.. ذكي جدًا وقعد يلاعب
فينا، ويرميلنا كتاب وموت بيان كأنه انتحار، وعمل معضلة الأرقام

والحروف والكلام ده.. ويقع بالسهولة دي.

- دكتور سليمان قال مرة إن القاتل المتسلسل بيرمي للبوليس أدلة في السكة عشان يوصله، وده زي ما قال ناتج عن حب الشهرة وكلام الدكاترة النفسيين ده.

- أيًا كان يا عماد.. بس مش بالسهولة دي.. ده حتى طعنة السكينة ما ركزش فيها عشان يكمل جريمته صح..

- إرادة ربنا يا أخي إن الراجل يعيش..

- عماد.. ورحمة ابوك بطل شغل ربات البيوت ده.. كله بإرادة ربنا، بس ربنا ادانا عقل نفكر بيه ونستخلمه عشان نوصل لتايج صح.. أنا المشكلة عندي بقه إنه مش قادر يبلع الموضوع بالكامل.. ده لولا إني عارف عماد وعارفك شغال عالقضية دي إزاي كنت قولت إنكم هتخلصوها على مختل نفسيًا..

- تصدق لولا بقى انا عارف عماد كويس ده انا كنت رميتك من الشباك..

ثم ابتسمت في إنهاك.. إنها الساعة الثانية عشرة وأنا لا أزال مستيقظًا ولم تدخل معدتي المسكينة قطعة خبز حتى!!

- ومين بقه صاحب الحظ السعيد؟؟

- مدرس في مدرسة ابتدائية.. الصراحة حظه كان سعيد فعلاً لأن الطعنة...

- عماد.. أنا قصدي الجاني مش المجني عليه يا حضرة المعاون..

- رجل عنده ٤٤ سنة.. اسمه جمال إبراهيم أحمد علي محمد.. زي ما مكتوب في رقمه القومي..

- جمال إبراهيم.. راجعتو اسم ابوه على الكمبيوتر؟

- خدتها من على طرف لساني.. مفيش صفوت في إسم أجداده اللي ظاهر عندنا لحد الرباعي بتاع جده.. شغال سكرتير في مصنع أدوية من اللي اتخصصوا واتباعوا الشركة أجنبية.. الوزن والطول والهيئة العامة قريبة جدًا من الصورة اللي رسمناها والراجل اللي ظهر في كاميرات الجرنان.. الغريب إنه ساكت تمامًا وثابت جدًا من ساعة ما قبضنا عليه.. لا يقول إنه بريء ولا يقول إنه مظلوم ولا الكلام المعتاد اللي زي كده.. حتى أول ما بدأنا التحقيق.. وأول ما علي قرص عليه بموضوع قتل خمسة والشروع في اتهام السادس.. ابتسم في هدوء وطلب كوباية قهوة وعلبة سجاير!!

- لو هو فعلاً لازم يبقى كده حسب نظريات دكتور سليمان اللي إنت بقيت مقتنع بيها أوي.

- يعني بس مش لدرجة قهوة وسجاير وثبات انفعالي عظيم زي كده.. في سخرية غريبة في طريقته خلتنى أقلق شوية.. بس أنا سايبه لعلّي لحد ما يفرهده وبعدين اخش انا أخلص عليه..

ابتسمت أنا الآخر متصورًا نفسي في مكانه، والشرطة توجه لي اتهامًا بقتل خمسة أشخاص مع سبق الإصرار والشروع في قتل السادس.. كنت سأطلب تبغًا لغليون الحبيب، وكوبًا من سمّ الفئران المخلوط بحمض الكبريتيك المركز بنسبة تسعين بالمائة.

تصورت ذلك أيضًا.. الواقع أنني سوف أسخر من الشرطة لأنهم لم يقبضوا علي إلا بعد أن نفذت خمس جرائم، وكنت علي وشك إنهاء السادسة لولا القدر ومشية الله.. الأمر ليس متعلقًا بمهارتهم.. ولو أن عماد كان قريبًا؛ في الحقيقة!!

- تحبّ أستشير الدكتور سليمان؟

- الرجالة كلموه من خمس دقائق عشان نطلب رأيه رسمي.. كلمناه في البيت وردّ علينا الواد الطباخ، وقالنا إنه في الجامعة؛ كلموه فجاء وراح على هناك.. سبناله خبر يتصل بينا.. بعد ما الأخ الطباخ قالنا إن الدكتور معندوش موبايل وما يبجش يستخدمه!!

- الدكتور سليمان دقة قديمة شويتين.. هو ما يبجش حد يخش جوه خصوصياته ولا حد يطلعه في كل حته بيسأله إنت فين..

استند عماد إلى مكتبه في هدوء وعقد ذراعيه أمام صدره القوي متابعًا:

- الغريب برضه إن التحريات المبدئية النهاردة الصبح قالت كلام مختلف تمامًا عن سلوك أي قاتل قابلته في حياتي.. الراجل في حاله.. من البيت للشغل ومن الشغل للبيت.. مالوش أي نشاطات غريبة.. ما بينزلش من البيت كثير.. مواطن كادح زي ما الكتاب بيقول.

- دي بسيطة بقه.. لو هو اللي عمل كده يبقى ده طبيعي جدًا.. عندك إيدي جين.. مدير فندق طريق أمريكي (موتيل) وإنسان في متهى الذوق والأدب.. وتيد بندي كان عامل توصيل طلبات، وكان الجميع يشهد لهم بالطيبة والاستقامة!!

- سيبك من شغل إم بي سي تو.. حتى لو لقينا البصمات بتاعته.. إيه بقه موضوع الكتاب والفوييا والكلام ده؟

- ستايل يا عم.. إنت ما بتفهمش في استايلات الإخوة السفاحين ولا إيه.. ما شفتش فيلم "سفاح النساء" بتاع فؤاد المهندس.. عروسة خشب مكان ارتكاب الجريمة.. ماركة مسجلة زي حرف الأريالي جوه الدائرة قدام العلامات التجارية.

انسجم في سخرية ثم فك استناده إلى مكتبه وربت على كتفي متابعًا:

طيب يا ستايل.. يلا روح انت واضربلك فطار تمام ونام حبتين..
آه الوزير مصمم على عدم النشر لحد النهاردة بالليل لما يبقى في
اعتراف كامل.. بس أول ما يبقى في نشر هتبقى انت أول واحد
ياخد تفاصيل وصور كمان..

ده كرم حاتمي والله.. إنت هستعبط يلا.. فهم وزيرك إني بكرة
بالليل هدخل التحقيق المطبعة، ولو من غير صور.. وبراحته بقه.
انت مش هتهدم إلا لما اطخك رصاصتين في بقك عشان لسانك
ينفجر مع راسك.

ورفع طبنجته الميري في وجهي محذرا وعلى وجهه ابتسامة حاول جعلها
ماضبة.. فاتسعت ابتسامتي وأنا أحاول إخراج الكلمات من حلقي..
وزيرك ليس له الحق أن يمنعني من النشر وأنا كنت سأنشر الآن قبل غدا،
وعلى موقع الصحيفة الإلكتروني قبل التفاصيل غدا.. وكل تلك الجمل
التي لم تخرج من فمي حتى وجدت نفسي استقر على ذلك المقعد في سيارة
ناكسي بيضاء!!

أتناول هاتفني المحمول

- ولاء..

- إنت فين يا عم انت.. ده رئيس التحرير...

- قالب الجرنان عليا.. غيره يا ولاء.. مفيش جمل جديدة.. ابتكروا
شوية.

- ماشي يا مبتكر.. إنت فين بقى.

- احجزيلي نص الصفحة الثالثة ورتبيلي مساحتين لصور كده وانا هبعثلك مقالة بالميل كمان نص ساعة هتخط في المساحة دي. وعائز عنوان صفحة أولى في أي حته بس يبقى مثير شوية.. وتستني مني الأوكيه عشان تدخلي الكلام ده المطبعة..

- كلام جميل كلام معقول.. الموضوع عن إيه بقه عشان اظبطلك عنوان حاشوم كده يجيب توزيع.

- في بنت تقول حاشوم.. إنتي إيه متريية في زربية!!

- تلميذتك النجبية يا كبير الجاموس.. اخلص بقه بدل ما اطول لسانك عليك.

- استني طيب بس هجيب الجرايد واكملك.. خليك معايا.. هات الأهرام المسائي والمساء يا ابني.. كام..

منحني فتى الجرائد في إشارة المرور الجريدتين المسائيتين الأشهر.. فقلبت الأهرام المسائي لأرى نصف الصفحة الأولى السفلي.

- الموضوع بقه بيتكلم عن سفاح كان يبسيب نسخة من كتاب اسمه الرُّهاب في...

- الرُّياه يا اخويا!!؟

- الرُّهاب يا جاهلة.. الفوبيا يعني.. وعائزك بقه تبرزي موضوع الكتاب وال.. أحبيه إيه ده!!

- في إيه يا أكرم!؟

كانت عينايا عالقة بذلك العنوان الذي كتب بخط كبير في نصف الصفحة السفلي، مع صورة لوجه رجل في أربعيناته، يبدو كسكرتير مصنع أدوية، والمانشيت العريض يقول:

" القبض على سفاح الفوبيا "

"انفراد المسائي: السفاح قاتل علاء البلطيمي وأربعة آخرين يسقط
امبراً في يد الشرطة"

- أكرم.. رد عليا يا جدع انت في إيه؟؟!!
- اقلي يا ولاء.. وانسي موضوع المقالة دلوقتي.. هكلمك تاني..
سلام.

طلبت رقم عماد.. لا يرد.. المحاولة الخامسة ورأسي تغلي كغلاية بيض..
السبق الصحفي ضاع للأبد.. أجب يا هذا وإلا ارتدبت حزاماً ناسفاً
وحولت مديرية الأمن إلى ركام تذرّوه الرياح.
- عايز إيه يا زفت.. عندي تحقيق.

- إنت قولتلي الوزير مانع النشر ها!!
- آه يا أكرم.. والموضوع ده مافيهوش هزار ده فيه تحويلي للاستيداع
لو كلمة اتس...

- إنت هستعبط يلا.. ابعت حد يجييلك نسخة من الأهرام المسائي
يا عماد.. وابقى شوف مين عنك بيسرب أخبار وانت قاعد زي
خبيتها.. سلام.

ثم أغلقت الخط وألقيت بالهاتف في دواسة السيارة، فأنكشف غطاؤه،
وسقطت البطارية في طرف الدواسة.

- في حاجة يا أستاذ؟؟
- خليك في حالك الله يباركلك.. ولآ تنزلي واخلص!!
- لا يا باشا.. تليفونك وانت حرّ فيه إن شالله تاكله حتى.

- طيب خليك في طريقك بقه..

وغصت في مقعدي مراقبًا الطريق المزدهم..

* * *

حاشية لا بد منها

الطريق لا زال طويلًا يا سمية..

تحدثين نفسك دائمًا.. الحقيقة أنك لا تحدثين نفسك.. أنت تحبين أن تسميهم أصدقاءك الافتراضيين.. هناك "صفوة" الخليفة الرقيقة التي تحرضك على إتيان تلك الأفعال المشينة - على الأقل من وجهة نظر أمك العجوز - وهناك "ليلي" الحاملة الشاعرية التي تجعلك تفكرين في ناها الأفكار الشاعرية الحساسة - المشينة أيضًا من وجهة نظر أمك - الحقيقة أمك لا تحب أي أفكار تأتي بها فتيات جيلك، ما لم تكن تنحصر في ثلاث مواضيع:

الزواج - الأطفال - الطبخ

وأنت يا عزيزتي لست مؤهلة لأي من هذه المواضيع.. الواقع أنك لا تقدرين على الأولى ولا تستطيعين أن تأتي بالثانية بدون الأولى.. كما أنا، تكرهين الثالثة كرهك للموت!!

الطريق لا زال طويلًا يا سمية..

أمك العجوز المريضة التي تركها إخوتك الكبار وحدها مع فتاة في أواسط عشريناتها.. فتاة لا تعرف شيئًا من الدنيا سوى ارتداء أجمل الثياب وقصات الشعر وأنواع أحمر الشفاه التي تبيعها إيفون!!

١١٠ أبوها - رحمه الله - أراها أجمل ما يمكن أن تراه فتاة في سنين
١١١ ها... فقط ليرحل بلا رجعة وأنت في بدايات سني الجامعة.. ثم يلحق
١١٢ بك إلى الخليج أيضًا بلا رجعة.. ثم تقطع أخبارهم ومعها أموالهم
١١٣ التي تكفي بالكاد لطعامك أنت وأمك المريضة.. ثم تجدين نفسك
١١٤ .. لأن أن عملي سكرتيرة في مكتب طبيب نفسي.. دكتور مجانيين كما تلقبه

بمعي مفيش غير دكتور المجانين اللي تشتغلي عنده يا سمية؟!!

لما مايكروسوفت تفتح باب التوظيف وترضى تُشبع مؤهلاتي
العظيمة وقدراتي الخارقة.. أوعدك إني أفكر.

١١٥ "صفوة" الماجنة التي أجابت أمك.. أنت تعرفين أنها تسيطر عليك
١١٦ ها هذه الأيام.. بينما ليلن الطيبة الودودة الحاملة لا تظهر إلا عندما تقع
١١٧ بك على عصام!!

عندها فقط يدور ذلك الحوار العميق مع ليلن.. عندها فقط لا تحجلين
.. أن تحدّقي به وهو يتكلم مع ذلك الوغد الذي يلعب نفسه بمساعد
١١٨ طيب - وهو لا أكثر من خادم - تحدّقين به وهو يتحدث بكل تلك البساطة
١١٩ والنواضع، بينما ذلك الوغد يتحدث بمتنهى الغرور وكأنه صاحب المكان!!

كيف يقبل عصام - وهو طبيب - أن يتحدث معه ذلك الخادم بهذا
الشكل؟! هو لا يراه عندما يدخل العيادة في أول المساء يحمل تلك المقشة
١٢٠ وأدوات النظافة القذرة ويبعث الأتربة هنا وهناك، حتى تتساوى على كل
١٢١ قطع الأثاث، ثم يحمل أوراق الدكتور - التي أرسلها معه - ويدخل بها إلى
١٢٢ الغرفة التي يمنع الجميع من دخولها عداه.. ثم بعدها يأتي عصام.. وهنا
١٢٣ يبدأ اليوم.

هو طبيب مناطق حارة - كما أخبرني - ولكن لأن ذلك الفرع من الطب

لا يؤكل خبزًا ولا لحماً في مصر.. ولأنه يعمل جاهداً كي يضمن حياة كريمة..
تمنحه القليل كي يتزوج من ابنة الحلال - يداه بلا خواتم كما تلمح لك الم...
- فقد افتتح عيادة في حدائق المعادي، وعمل كطبيب بشري يعطي...
القيء وأدوية الاسهال والملينات، ويفشل في الحصول على منحة للدكتوراه

- إنتي مدركة لمعنى كلامي يا سمية؟!!

- أنا خرجت من تانية آداب فرنساوي يا دكتور.. يعني مش جاهاه
يعني!!!

يتسم لك فتشرق الدنيا، وتبدأ "صفوة" الماجنة في مراقبة شفتيه وهما
يلتويان إلى الخارج عندما يخبره ذلك الخادم أن الدكتور لن يأتي اليوم.

- كنت عايزه في موضوع شديد الأهمية..

- كان على عيني يا دكترة والله.. البروف تعبان شوية ومش نازل
العبادة النهاردة.

- ليه سلامته؟!!

- السكر علي عليه شويتين.. فاحب يريح النهاردة عشان المضاعفات..

يهبط كتفاه قليلاً في إحباط فيصيبك الدوار.. يا له من رجل وسيم
يستحق ألا يجبط أبداً.. يستحق الدنيا وما فيها.. أنت لست ملكة جمال
ولكنك جميلة.. وهو رجل يستحق أن ينال من جمالك قبساً.

- الراجل عايز شوية حنية يا بت ما تديله حنية.

- اقفلي بقك يا "صفوة" وإلا هاكل زورك بسناني.

- هتاكلي زورك يا هابلة.. أنا حته منك يا حمارة.. وبعدين بسيطة

اعملها، وبكرة الصبح الدكتور فرويد. بتاعك هيرميكي في العباسية
ونخلص منك.

إذن اليوم ستجلسين تمارسين هوايتك الأثيرة.. الواقع أنها ليست هواية
ههه.. إنها طريقة أخرى للهروب من ثرثرة ذلك الخادم الذي يدعونه في
ملفته (إبليس)، والواقع أنه عندما يرددها أمامك في فخر تشعرين أنه
.. حقها فعلاً!!

أخرجت ذلك الكتاب الذي أعطاه لك عصام بالأمس.. كتاب مصفّر
.. منين واسمه غير مفهوم لك إطلاقاً.

- الثّهاب..!! إيه الاسم الغريب ده؟!!

- يفكرك بحاجة الاسم ده؟!!

- هي الكلمة تقريباً معناها الخوف.. هو كتاب رعب مثلاً عن؟!!

يفمز بعينيه فيسقط قلبك بين قلميك، ويتابع:

- أنا هسيبك الموضوع ده تكتشفيه لوحدك..

- طب اعذرني هو انت لابس الجوانتي الأبيض ده ليه وانت ماسك
الكتاب؟!!

- أنا عندي حساسية بشعة من الجلد القديم.. ممكن افضل طول اليوم
مش على بعضي بسببه.

تقليبين الكتاب في يدك وتحسسين جلده الخشن ثم تقلبين في صفحات
الكتاب فتجدين ورقة مطوية من صفحات الكتاب، وتلك الصفحة
تحدث عن قصة ما..

ظلمات..

قصة قصيرة هي.. تتحدث عن فتاة مسكينة تجلس في شقة ما هي مكتب
أفوكاتو شهير.. قديمة هي هذه القصة، خاصة وهي تتحدث عن أفوكاتو

وليس محامياً.. وعن شقة في الطابق السادس في أعلى مباني القاهرة!!

الفتاة تجلس خلف المكتب وقد أغلقت النافذة وأشعلت كاس
الإضاءة.. تجتر ذكرياتها الصغيرة من زمن أبويها اللذين توفيا وتركاهما
تلاطم أمواج الحياة.. توفيا والظلام يعتم المكان فكرهت الظلام وكرهت
كل ما يمت له بصلة.. فقط عندما نهضت لتصنع كوباً من الشاي على ذلك،
الملف الذي يسخن الماء لتقطع الكهرباء وتظلم الشقة كلها.

تمسكين بالكتاب في يدك وأنت تحاولين خلط النسكافيه في ذلك الكوب
الفخاري الملون.. القصة تسرقك من حياتك.. الفتاة تحاول تحسس الحوائط
والأثاث لتصل إلى مكتبها، وتشعل شمعة تستقر فوق المكتب عندما تستنق
على وجهها وتصاب بإغمائة لرتفق منها أبداً.

يا لها من قصة سوداوية رقيقة.. لا بد من إسقاطات ودلائل هنا.. لا
بد أنه يتحدث عن ظلام روحي وليس ظلاماً حسيّاً.. فلتشرب النسكافيه
ولتنظر في هذا الكتاب مجدداً.. لا بد أنه يحتوي على العديد من القصص
الشجية المؤثرة مثل هذه.

فقط سوف تفعل ذلك عندما تعود الكهرباء.. عندما تستطيع أن ترى
أمامها.. عندما تتمالك نفسها وتستقر ضربات قلبها.

إن انقطاع الكهرباء أصبح مشكلة خطيرة في بلادنا!!

* * *

- *Did he said Hydrophobia??*

- أنا بيتها لي ما قالش غير شوية تخاريف.

- هيدروفوبيا.. هيدروفوبيا.. هيموت.. هيموت

* * *

(١٥)

جريدة (.....) اليومية.. السادسة مساء

أجلس فوق مكثبي ساهمًا محققًا في اللاشيء.. لقد تلقيت ضربة موجعة
في رأسي لن تمحى آثارها ببسر.. بل قد لا تمحى أبدًا من تاريخي كصحفي..
حتى إن لم يعرف أحد بما حدث لكنني سأظل أتذكر هذا اليوم طوال حياتي
في هذه المهنة.

كنت أعد التحقيق الصحفي الذي يتحدث عن ذلك الكتاب والسفاح
للنشر.. وأحاول جاهدًا أن أضع كل ما أعرفه من فنون الجذب الصحفي
والإثارة المفتعلة وبعض الملاحظات العلمية الرصينة من دكتور علام
ودكتورة آمال.. محاولًا جهد أمري أن أصنع شيئًا مختلفًا ربما يعوض
سرقة السبق مني.. نعم سرقة السبق مني سرقة لأنني كنت ملتزمًا من أجل
صديقي.. فرحت بأنني الوحيد الذي يتداخل مع الشرطة وأول من يلتقط

الصور وأول من يعرف بها يحدث أولاً بأول.. فقط ليأتي أحدهم ويسر..
مني كل شيء!!

ولاء تأتي نحوي وأنا أضع وجهي في شاشة الكمبيوتر المحمول.. أسهم
دقات كعبيها على الأرض، فأتظاهر أني منشغل أكثر وأكثر.

- واد يا أكرم..

- عايزة إيه؟!!

- إنت هتفضل متلقح قدام الزفت ده لحد إمتى؟!!

- هو انا معطلك عن حاجة يعني.. فكيني يا ولاء بقه، أنا عايز اخلص
التحقيق قبل ما رئيس التحرير يتصل.. لازم انزله المطبعة النهارده،
والآ اسبيني من الصحافة واقعد اقمع بامية جنب امي!!

- إنت مكبر الموضوع ليه أوي كده.. هو ده أول ولاء آخر سبق صحفي
يطير منك.. ما ياما شفننا فشل، وياما اشتغلنا لحد ما طلع ميتين أبوما
وفي الآخر اتبلع في كرش رئيس التحرير.. وبعدين محدش عرف
حاجة غيري فإنت في السليم.

- طيب هدي اللعب عشان صاحبك حسين جاي وانا معنديش
استعداد اترفد اليومين دول.

حسين مسلم.. مصور الجريدة الثرثار اللحوح معدوم الموهبة.. يقترب
نحونا، وطرف فمه يحوي لفاقة تبغ من نوع صيني انتشر في مصر مؤخراً..
وهو يشبع بشكل كبير رغبات حسين المكبوتة في الاستعراض بفلتر التبغ
الملون بدل التبغ المصري ذي الفلتر الأبيض!!

- مساء الخير يا ولاء..

- ولاء دي بتلعب معاك في الشارع!!

طب خلاص ما تزقيش.. معلى يا أستاذة ولاء.. إزيك يا بروفسير..
كده برضه تعمل الحركة دي في.
حركة إيه يا سحس ولا مؤاخذة..

املفاً لفافة التبغ في كوب قهوتي الممتلى حتى نصفه حتى كدت أقفز
إيها حنجرته، وتابع في سهاجة يحسده عليها باعوض الصحراء:

أنا تَبَعْتَنِي القصر العيني وانت هناك في التجمع بتصور وبتكتب
وبتنفرد.. وبنط ستة وتلاتين، وجسمي يقشعر وحيبي يا سونة..
طب شفت بقه ربنا عمل فيك إيه.. آهو الموضوع اتبلع منك كله،
وحتى عيل تحت التدريب في الأهرام طلع انصح منك.. ده انا فرحان
فيك أوي..

إنت بتتكلم عن إيه عشان انا مش مجمع ومش فاضي لشغل النسوان
ده.

شغل النسوان ده هتعمله في مكتب رئيس التحرير كمان شوية لما
يسألك على الانفراد اللي ضيعته يا بروفسير.. وما تسألنيش عرفت
ازاي.. عشان علاقتي كتير أوي فوق ما تتصور يا أكرم بيه.

ثم نهض من مكانه وهو يحدجني بنظرة متشفية ساخرة.. هو يظن نفسه
١٥. هزمني بكلماته المتلوية.. علاقات!! وهل يسمي مجالس نائمة النسوة
التي يعقدها مع فتیان التوزيع في الصحف الأخرى بالعلاقات.. ضربة
مكسية قد ترد بعضاً من كرامتي التي بعثت أمام هذا ال... حسين..

- بقولك إيه يا حسين..

- أستاذ حسين لو سمحت..

- بقولك يا أستاذ حسين.. وطبي بس هقولك حاجة.. وطبي.

خفض رأسه في حذر متوقعًا مني حركة صبيانية ما، إلا أنني تابعت،
هامسًا:

- أنا قولتلك وطبي عشان ولاء ما تسمعش الكلمتين دول.. لو كنت
فاكر إني هفق ولا عشان محترم هخليك تتكلم معايا كده عادي
إنت عارف كويس أوي أنا ابقى إيه في الجرنان ده.. وأنا برضه لما
علاقتي، واعرف اجيب اللي انا عايزه كويس.. وإذا كنت فاكر إن
الصورتين اللي بتسرقهم من مواقع النت وتكتب تحتهم اسمك
دول محدش يعرف عنهم حاجة.. أنا اللي مخليني ما اقولش لربيب
التحرير إني ما بحبش اقطع عيش حد.. بس انت ما مبتليش حيا
تاني.. بكرة الصبح اعتبر نفسك منقول مكتب الجريدة في جنوب
الوادي.. وأن علاقتك بقسم الحوادث انتهت من دلوقتي.. وله
فاكر إن لقب أقدم مصور وأعرض مصور والشغل الرخيص ده
هينفعك.. يبقى إنت حرّ وذنك على جنبك..

- إنت بتهددني..

- لا؛ أنا باعرفك مقامك بس.. ويمين الله يا حسين ما هسيبك تشوف
يوم عدل في الجرنان ده طول ما انا هنا.. ودلوقتي تخفى من وش أمي
بدل ما تبقى فصل نهائي وخصم مستحقات..

ظل يحدق في وجسده مائل نحوي فعدت برأسي إلى الوراء صارخًا:

- بالسلامة..

- أستاذ أكرم..

- اتفضل بالسلامة..

سقط ذراعاه إلى جواره، وراح ينظر إلى ولاء وإلى.. فمنحته ولاء ابتسامه

ساخرة.. ثم زادت عليها بضحكة ساخرة عالية، بينما حولت بصري إلى شاشة الكمبيوتر غير عابئ بنظرات الاستجداء في عينيه.. ثم انصرف يسب ويلعن اليوم الذي دخل فيه الصحافة ووطأت قدماء هذه الجريدة.

- يا ابن الهرمة.. إنت عملت في إيه؟؟

- ولا حاجة.. أنا بس دوستله على الحتة اللي بتوجع.. كلها يومين وهيترمي في مكتب جنوب الوادي يعمل شاي وقهوة، وحوافزه هتنزل النص وهيتحرم من مرّمات رئيس التحرير والأفراح اللي بيروح يصور فيها كل ليلة.

- شرير إنت أوي يا مان..

- من بعض ما عندكم يا أختي.. مش إنت اللي قفشتي الصور المضروبة عنده.

أطلقت ضحكة عالية مجلجلة، ومالت برأسها نحو المكتب قائلة في دلال:

- كده برضه يا كيمو.. أنا برضه شريرة!!

- مش لايق عليك المحن ده يا بت..

ارتفعت ضحكاتها المجلجلة من جديد حتى أن عم طاهر ساعي الجريدة الذي ليرير بيته منذ أسبوع كان يقف على باب المكتب محملاً فينا..

- إيه يا عم طاهر في إيه!!

- يا أستاذة ولاء صوتكم جايب آخر الجرنان.. مش هينفع كده.. رئيس التحرير مش عارف ينام في مكتبه.

ثم انطلقا يضحكان في سخرية وأنا أراقبهما، وعلى وجهي شبح ابتسامة..

اللجنة عليك يا أكرم.. لماذا تعقد الأمور وتصنع من الحبة قبة، كما كانت أمك تقول لك دائماً.. هل عم طاهر خالي المشاكل؟.. بالعكس.. إنه يحمل أكثر ما تحمله من هموم: زوجة عاجزة، وثلاثة فتيات محتجن إلى من يلبي طلبات جهازهن حتى يتزوجن، ويقررن في بيوت أزواجهن، وراتب لا يكفي غذاء قطة سيامية.. لكنه يطلق الضحكات الصافية المجلجلة يوميًا في وجه كل الناس.. حاضر الدعابة.. بينما أنت تصنع المشكلة من تحت الأرض حتى تجلس كئيبيًا متهجمًا لأن.. فقط.. سبقًا صحفيًا ذهب منك أدراج الرياح!!

انصرف عم طاهر بعد أن منحته ولاء لفافة تبغ من علبتها.. وأشعلت واحدة لنفسها متابعة..

- بقولك إيه يا بروفسير..
- قولي يا أختي..
- ما تيجي اعزملك على اتنين قهوة في إكسليسيور وآهو نفاك شوية ونشم هواء في وسط البلد.
- طب اخلص التحقيق ده ونتجه.. متفقين..
- يا عم.. أبو أم التحقيق.. هي كلها ساعة ونرجع.. يلا بقه ما تبقاش قفل..
- ثم وقفت وراحت تجرني من قميصي حتى أطاوع رغبتها في الانطلاق..
إلا أن الهاتف الداخلي أطلق رنات متقطعة فرفعت السحابة..
- أكرم..
- نعم يا ريس..
- تعالالي المكتب عايزك..

- ثم وضع الساعة دون أن يمنحني حتى حق الاعتراض أو التملص..
 وطلت إلى ولاء وهزرت كتفي فقالت:
- مين.. الكرش الكبير!؟
 - عايزني في مكتبه دلوقتي حالاً..
 - الله ينكد عليك يا ماهر يا رفاعي يا ابن... إنت تعرف اسم امه!؟
 - أوعدك بعد ما يرفدني اسأله عشان أروي فضولك.. استني لما اشوفه
 عايزني في إيه..
- بخطوات حذرة اتجه نحو مكتب ماهر الرفاعي.. رئيس تحرير جريدتنا الناشئة.. وسكرتير تحرير ثلاث صحف على الأقل في بدايات الألفية الثالثة.. الرجل الذي تسلق سلم الصحافة من البدروم إلى القمة.. والذي ذبح بقلمه الكثيرين ممن عارضوه أو وقفوا في طريق صعوده.. المناضل الفذ الذي لا يُشق له غبار في سبعينات القرن العشرين.. والموائم الفذ في تسعينات القرن العشرين.. القلم الحر الذي يملك كل الحرية في أن يخالف ما قاله في نفس المقال..!!
- دقت الباب في هدوء، فجاءني صوته الرخيم الخشن يطلبني للدخول..
 - مساء الخير يا ريس..
 - مساء الخير يا اخويا.. اقعد، يا طاهر...
 - عم طاهر يأتي مهرولاً للمكّيب.
 - هاتلي اتنين قهوة عالريجة.. واقفل الباب ده كويس ومحدث ينخشي..
 نرمين روحت؟؟
 - آه يا ريس من نص ساعة كده.

- طيب خلاص.. بسرعة الله يكرمك.

انصرف عم طاهر مهرولاً لينفذ الأمر السماوي الذي أطلقه ماهر الرفاعي من فوق مقعده الجلدي الضخم.. القابع خلف مكتب عملاق من خشب الزان الأصلي.. النائم في غرفة فسيحة معطرة بأحدث أنواع منقيات الهواء برائحة التوت البري النفاذة..

ماهر الرفاعي ذي الستين عامًا.. الذي أمضى السنوات الخمس الأخيرة من حياته جالسًا خلف هذا المكتب العملاق.. مرتديًا حُلته التي خاطها له أشهر خياطي محلات موريس حنا.. وحذاؤه الإيطالي اللامع دائماً كبنورة مكتبه الزجاجية.

- إزيك يا أكرم.

- الحمد لله يا ريس عايشين..

- مال وشك مصفرّ ليه..

- ولا حاجة يا ريس قلة نوم.. وقلة مزاج.

- وإيه اللي قالل نومك ومزاجك يا سيدي؟!

هذه الطريقة لا تريحني أبدًا.. هذا الرجل يستجوبني بطريقة تشبه طرق الآباء في جعلك تعترف بجرمك المشهود بلا أي ضغط منه أو سؤال..

عم طاهر يذلف بالقهوة في فنجانين خزفيين، لونها كلون بشرته البنية.. وكوب الماء الشفاف النظيف يقف متصببًا بهائه المعدني الرقراق..

- شكرًا يا طاهر.. اتكل انت..

- هتؤمرني بحاجة ثانية يا ريس.

- لا روح إنت.. وابقى سلملي على تحية والعيال..

يوصل يا ريس.. الله يسلم عمرك.

عم طاهر يخرج مشرق الوجه سعيدًا بأن السيد المأمور قد أطلق سراحه امبرًا، وسيرى أولاده وينعم بهم.. مسكين هذا الرجل.. الحقيقة أن علاقته ماهر الرفاعي متشابكة تشبه علاقة خادم مخلص بمخدوم جبار متكبر.. فطرس.. ورغم أنه لا يطيقه ولا يحبه إلا أنه لا يستطيع تركه أبدًا.. بل ويهرح بكل كلمة سلام وكل ابتسامة ممنوحة تأتي منه. ١١

هذه العلاقة الغريبة جسدها العبقرى الإيطالي تارانتينو في فيلمه الأخير (جانجو) عندما لعب (صامويل أو جاكسون) هذا الدور العبقرى وبقي مخلصًا لمخدومه الأبيض ضد بني جنسه المستعبدين.. بل إنه وشئ بهم لسيد الأبيض حتى يقتلهم.. أعرف أن عم طاهر يملك علاقة متشابكة مثل هذه مع ماهر الرفاعي.. فقط أثق أن عم طاهر لن يشي بي أنا وولاء لكي يقتلنا السيد الأبيض!!

رشفة مسموعة من قذح قهوته الكثيف البنّ أخرجتني من عوالم تارانتينو.. وأنت بي إلى عوالم ماهر الرفاعي.. الذي أراح نظارته فوق قصة أنفه، وراح يتأمل في بروفات طباعة عدد الغد.. فاعتدلت مقرّرًا أن أبدأ الهجوم المضادّ.

- هو في حاجة يا ريس؟!

- حاجة زي إيه؟!

- أصل أكيد حضرتك مش جايبني مكتبك على وجه السرعة عشان نشرب القهوة سوا..

- وفيها إيه يا أكرم.. هي يعني أول مرة..

- الصراحة أول مرة من زمن طويل يا ريس..

- يا سيدي قول إني حنيت للمرة اللي فاتت.. وبعدين انت منو،
كده ليه.. هو لازم يبقى في حاجة عشان اعزمك على اتنين قهوة،
مكتبي وندردش شوية.

(ندردش) هنا بمعنى (أستجوبك).. أنا لا أخطئ في ترجمة مصطلحات،
ماهر الرفاعي أبدًا..

- ولأنت عامل حاجة وخايف تقولي عليها؟!

- حاجة زي إيه يا ريس..

ثم منحته أكثر ابتسامة بلهاء سخيفة استطعت إنتاجها من خط إنتاجي
الشعوري.. دعني قليلًا أستخدم هذا التكنيك الناجح.. مواجهة الاستعباط
بالاستعباط..

- شفت التحقيق اللي اتعمل في المسائي النهاردة؟!

- تحقيق إيه يا ريس.

- التحقيق اللي اتشر في نص الصفحة الأولى بتاع سفاح الفويا..

ماهر الرفاعي يطلق أسلحته الاستباقية في وجهي.. إذن هجوم..

- آه شفته يا ريس..

- وإيه رأيك فيه؟!

- رأيي إنه أي كلام.. كلام متلززق على كام مصدر موثوق فيه من
داخل المديرية.. مفيش لا صور ولا أسامي ولا تقارير طبية ولا
أي حاجة تدعم الكلام.. هو فعلاً يليق بصحفي تحت التمرين في
الأهرام المسائي.

- أنا ما بسألكش عن رأي صحفي.. أنا عارف كل الكلام ده كويس..

أنا بسألك عن الموضوع نفسه.. إيه رأيك فيه؟!!

نعت عن ادعاء الجهل أيها الثعلب وأطلق الرصاصة في وجهي مباشرة..

والله حضرتك أنا رأيي هقوله في التحقيق بتاع عدد بكرة.. أنا كنت قاعد بجهز فيه لما حضرتك كلمتني.

متأخر أوي يا أكرم.. متأخر أوي.. الصفارة ضربت خلاص النهاردة.. وأي كلام تاني بعد الصفارة هيبقى وقت ضايع.. والغريبة إن الصفارة كانت في إيدك انت، بس انت رميتها لحد تاني..

- تقصد إيه يا ريس مش فاهم؟؟

- بلاش استعباط يا أكرم.. أنا ماهر الرفاعي يا ابني.. أنا اعرف كل حاجة عن كل بني آدم بيشتغل معايا هنا، من أول سعفان البواب لحد عبد المعطي مدير التحرير.. اللي انا مستغرب له بقه.. إنت ازاي عملت كده..

بدأنا اللعب على المكشوف إذن.. هيا بنا..

- إزاي يبقى انت الصحفي الوحيد اللي كان قايم نايم في مديرية الأمن.. ومصدره معاون مباحث العاصمة.. وحاضر الحدوثة من أولها.. لا وكمان رححت المشرحة وسمعت بنفسك تقرير الطب الشرعي قبل ما يتكتب.. وفي الآخر ما نشرتش كل ده، وسبت عيل ابن امبارح في جرنان مسائي بيقراه خمسين ستين بني آدم يعمل معاك كده..

- كان لازم اعمل كده يا ريس عشان احافظ على المصدر بتاعي في صفتي.. لو نشرت حرف كان هيتأذي بسببي.

- ملعون أبو المصدر قدام سبق صحفي كبير زي ده.. إنت عبيط

يا ابني.. إنت شغال في جرنان مش في مؤسسة اجتماعية.. ييهو!
قدامك كورة متصلحة وانت منفرد بالشبكة.. تقوم تباصيها لوالدك
جاي وراك عشان الجون ما يتعورش من شوطتك.. ده يبقى اسوء
هبل رسمي.

- الموضوع مختلف شوية يا ريس لأن...

طقطع بلسانه مقاطعًا إيأي وملقيًا بنظارته الفاخرة فوق أكوام
الأوراق وبروفات الطباعة على مكتبه.. ثم أشعل لفافة تبغ ورشف رشفة
من القهوة.. هو يتلذذ بتركي هكذا.. يظن أي خائف منه أو من قراره
التي أتوقعها.. لكن هو لا يعرف أي لا أخاف منه.. أنا لا أخاف ممن لا
أحترمهم.. لأنني دائمًا أتوقع منهم الأسوأ..

- و دلوقتي هتعمل إيه..

- ما قولت لحضرت التحقيق هيبقى جاهز في ظرف ساعة وهيلحق
المطبعة قبل الساعة ثمانية.. أنا عامل حسابي في نص الصفحة الأخيرة
عشان نلقت انتباه شوية.

- أخيرة إيه.. أنا مجهزلك ملحق خاص أربع صفحات.. ونزلت
إعلان عنه في الموقع من شوية.. عايزك تحط كل حاجة في الموضوع..
أقوال.. ملابس.. تحقيقات.. صور.. عايز تفاصيل حقيقية جدًا..
حتى عدد كوبايات القهوة وأعقاب السجاير.. فاهم يا أكرم..

- فاهم يا ريس.. فاهم..

- طب انجز.. يمكن نعرف نعوض القرف اللي انت عملته.. ولا
كلمة زيادة.. على مكتبك وما اشوفش وشك غير بالملحق..

هممت بالانصراف ثم تذكرت أمرًا ما فالتفت ناحيته..

باشا.. بالنسبة لحسين مسلم.

- حسين مين.. آه المصور.. ماله!!؟

- عايزين نقرص ودنه بس ما نأذيهوش..

- وماله.. بكرة الصبح هطلع قرار بنقله الأرشيف.. والكاميرا هتسحب منه، وتروح لوائل مسعود.. حاجة تانية؟!!

- ما نتحرمش منك يا ريس.

وانصرفت غير مندهش من سرعة استجابته لطلبي.. نعم؛ الآن لن برفض طلبًا لي أبدًا.. حتى مساء الغد.. إذا نفذت طبعات الجريدة الثلاث أو قاربت على النفاد، فسوف يرفعني إلى منزلة لرأصل لها من قبل.. أما إذا لم يصل للتوزيع المنشود.. فقد أصبح مراسل الجريدة من فوق رصيف مجلس الوزراء!!

كدت أصل إلى أول الممر المؤدي لمكتبي حتى فوجئت بالطود العظيم يفتح باب مكتبه صارخًا قئ:

- أكرم..

- إيه يا ريس خير!!

- خد ولاء وصلها، وتيجي مكتبي بكرة بدري..

- طيب والتحقيق يا ريس..

هم بالاستدارة نحو مكتبه عائداً دون أن يجيب سؤالي.. إلا أنه تقدم نحوي وقال هامسًا:

- مفيش تحقيق.. مفيش ولا كلمة عن الموضوع من دلوقتي.. اسمع بقة كلامي وامشي..

- في إيه يا ريس أنا مش فاهم حاجة؟!!!
- النائب العام أصدر قرارًا بحظر النشر.. مفيش نشر في الموضوع يا أكرم.. مفيش نشر..

* * *

(١٦)

كافيتريا شهيرة بالزمالك.. الواحدة بعد منتصف الليل

أجلس في شرفة الكافيتريا الشهيرة المظلة على النيل.. مكان استراتيجي بعيد عن كل معارفي.. كما أن شقة خالي في ميدان الدقي تبعد ساعة بالمشي الطبيعي..

رحت أراجع ما حدث لي في الأيام الماضية وكأني أشاهد فيلمًا سينمائيًا قصيرًا.. أرفع رشفات من قهوة الاسبريسو القوية وأدخن لفافة تبغ هي الأولى لي منذ ثلاث سنوات!!

ماذا حدث لي؟؟ لماذا تتعثر خطواتي؟؟ لماذا ترقد روحي في جسدي كالطين في قاع مستنقع؟؟ لماذا فقدت كل رغبتني في فعل أي شيء لمجرد تحقيق صحفي منع من النشر وأربعة أيام من عدم النوم!!؟

ليس أول ولا آخر الإحباطات يا أكرم.. تذكر أنك أفضل بكثير من

سائق التاكسي الذي حملك إلى هنا من وسط البلد.. تذكر كيف قصص عايناه
قصة الوردية التي تقصم ظهره وقصة أبنائه الأربعة وزوجته الشمطاء
تذكر كيف قص عليك قصة المقود الذي ينكفئ عليه.. وقصة طبق الفوا
الساخن الذي أصبح أقرب إليه من جبل الوريد.. تذكر ذلك الكناس الذي
مال عليك وأنت تتقدم نحو الكافيتريا، وهو يلقي على مسامحك كلامه
المعهودة "كل سنة وانت طيب يا باشا" راجيًا جنيهاً أو جنيهين يضافا إلى
راتبه الذي يكفي لتبغ غليونك في أسبوعين!!

تخيل كم إحباط وفشل مرّ به ذلك الفتى الذي أحنى رأسه الحليق لك
بعد أن أثبت على جودة القهوة.. كم فشل وإحباط رأوه في حياتهم المريرة.
أضرب بأصابعي فوق القائمة الكرتونية الملقاة على الطاولة أمامي،
وأحاول تذكر ما جعلني أبدأ في التفكير فيما أفكر فيه فلا أتذكر.. فأحاول
رأسي كفنار الموائع أراقب الزبائن القليلين يقرءون الصحف أو يمارسون
عملاً ما في هواتفهم الذكية.. ثم أتذكر أنني لم أعبث في هاتفي الذكي منذ
خمس ساعات على الأقل.. فقط لأتذكر أنه كان مغلقاً لأن البطارية قد
نفدت!!

أنا أخرف.. نعم أخرف.. عقلي الذي ارتدى عباءة اشتراكية فراح
يفكر في قيمة ما أشعر به أمام ما قاساه هؤلاء.. ثم خلعها وارتدى عباءته
الرأسمالية حينما تذكر أن لديه هاتفًا ذكيًا يكفي كراتب لذلك الفتى حليق
الرأس!!

طأطأت برأسي من جديد مراقبًا صورة اللسان المصاب بالسرطان فوق
علبة التبغ التي ابتعتها بعد أن تركت الجريدة.. فقط لأسمع آخر صوت
أتوقع سماعه الآن.

- هاي يا أكرم.. إزيك

- دكتورة آمال.. أنا مش مصدق عينيا.

Why not .. مش إنت لو حدك اللي تعرف المكان ده.. ممكن اقعد؟؟

- طبعا اتفضلي..

بنطال جينز أنيق.. وقميص أبيض فضفاض يعتليه شال قطني أحمر هو ما يغلف هذه السيدة التي يمكن أن ترى صورتها في كتاب الحياة بجوار كلمة بساطة مصحوبة بكلمة مهارة.. بنت ناس حقيقية لو أردت دقة التعبير.

- أرجو إني ما اكونش مضايقك.

- بالعكس يا دكتورة..

- آمال.. اسمي آمال بس.. دكتورة دي في الكلية أو المستشفى يا أكرم.

- المقامات محفوظة برضه..

- بلا بلا بلا.. كلام قديم أوي..

- أولك يا آمال.. تشربي حاجة.

- أنا already طلبت قهوتي..

ثم منحنتني ابتسامة رائقة راقية.. وأطلقت مثلها في وجه النادل حليق الرأس وهو يضع قهوتها الأمريكية السوداء في قده خزفي كبير، وما إن انصرف حتى...

- هو صحيح اللي أنا سمعته ده؟؟

- قوليلي سمعتي إيه وأنا اقولك..

- قبضوا على ال-Serial Killer بتاع الكتاب إياه!؟

- فعلاً.. ده حصل النهاردة الفجر..
- أصل أنا قرئت الموضوع صدقة في المسائي وأنا بتغدئ.. واستعمر،
إن انت مش أول واحد نشر في الموضوع.. توقعت إن الضابط ده
اللي اسمه عماد هيخلي الموضوع Exclusive ليك!!
- لماذا كلها حاولت أن أنسى الأمر يذكرني أحدهم به؟؟ ألا يكفي المرء
من وسط البلد وعين شمس وإغلاق هاتفي ان لا اجد احدا يسألني عن
السبق الذي ضيعته لأني "خايف على مصدرى يتأذى"!!
- لا ما هو التحقيق بتاعي كان بيتوضب لحد ما...
- Sorry.. أنا قاطعتك بس انا عايزة أسألك سؤال أهم.. إنت
مصدق؟؟
- مصدق إيه بالضبط؟؟
- مصدق إن هو ده فعلاً القاتل؟؟
- وإيه اللي يخليني ما اصدقش؟!
- رشت من قهوتها خالية السكر ولوت شفتيها مندهشة..
- لا بجد ما اصدقش ليه؟؟
- عشان ده Logically أصح يا أكرم.. قاتل نبيه وذكي وProfessional
جداً زي ده يقع بالعبط ده وبالسهولة دي.. بص يا أكرم I'm not a
fool.. أنا ست بستخدم غي أوي أوي، واتعلمت طول عمري إني
أستخدمه.. الشرطة هنا في مصر مش مظبوطة أوي كده عشان تقدر
تجيب قاتل زي ده بالسرعة دي..
- هي ما جابتوش لوحدها برضه.. دكتور أحمد سليمان ساعدهم كثير
في الموضوع ده.. وتوفيق ربنا في الأساس..

Whatever .. برضه ده ما يمنعش إني مش قادرة أبلع الموضوع خالص.. حاسة إن بكرة الصبح هنشوف نفس العناوين العبيطة بتاعت "مختل نفسيًا يقتل خمسة أبرياء" و"جاره أكد أنه غريب الأطوار" وكل البلا بلا بلا ده..

ابتسمت مشعلًا لفافة التبغ بقداحتي التي بدأت تلحق بقداحة عماد
الحرية..

- متأسف لو كان الدخان هيدايقك..
- لا لا.. مفيش مشكلة..
- عمومًا ما تدايقش نفسك.. مش هتقري العناوين دي أبدًا.. على الأقل لفترة طويلة..
- ليه يعني.. دي ما تبقاش الصحافة المصرية لو ما عملتش كده.. إنت أول واحد عارف كده أكرم.
- النائب العام منع النشر في القضية.
- إزاي يعني..
- يعني زي ما بقولك كده.. النهاردة الساعة سبعة طلع قرار بوقف النشر في القضية لأجل غير مسمى..
- وده من حقه..
- تقدري تقولي آه..
- وده ينفع بعد ثورة قامت for freedom and truth
- ثورة.. الله يحظك يا دكتور.
- نظرت لي باستغراب.. أكثره بسبب كلمة (يحظك)..

- الله يحظني.. إنت بتهرج ولا بتكلم بجديا أكرم.
- لا بجديا دكتور.. الظاهر إن القصص الكثير اللي كانت بتحوم حوالين الضحية الأولانية علاء البلطيمي وموضوع الحشيش والشقة السرية ده مزعل الإخوة في حزب الحق.. ومعلوماتي إن الداخلية هددتهم يكشفوا الموضوع لو هاجموها.. فاخدوها من قاصرها وطلعوا على مكتب الباشا، وطلع الأمر بعد كام ساعة.. شوفتي الهنا اللي احنا فيه..
- Stop.. ما تكملش كلام تاني في الموضوع ده.. this is completely bull shit .. سوري يعني..
- لا؛ سوري ليه.. إنتي قولتي الحقيقة المطلقة.. ده فعلاً bull shit .. واحنا غرقانين فيه لحد وسطنا.. لدرجة إننا اتعودنا عليه وبقي جزء من حياتنا..
- ثم دفنت لفافة التبغ في قلب المنفضة الخزفية الصغيرة ورفعت يدي طالباً قهوة أخرى..
- طيب ولو حد كتب عن الموضوع يحصله إيه؟؟
- يتخرب بيته ويتحبس.. بمشهي البساطة..
- هاتفها المحمول ينادي بصوت فيروز الجميل.. أنا حبيبي وحبيبي إلي..
- هاي يا محمود.. لا يا حبيبي أنا في (...).. آه اللي في الزمالك.. لا مش ناوية اتأخر.. اوك.. اوك.. لا Don't wait for me babe .. لا يلا sweet dreams .. سوري يا أكرم..
- لا ولا يهملك.. أكيد جوزك لما يتصل لازم تردي..

إيه الجو البلدي ده.. وبعدين ده مش جوزي.. أنا جوزي ميت من سنتين.. ده محمود.. ابني..

ربنا نخليهولك يا دكتور.. سوري ما كتش اعرف موضوع جوزك..
Never mind .. أنا صحيح فقدان ماجد كان صعب عليا أوي..
بس هعمل إيه.. Life goes on يا أكرم.. مفيش حاجة هتوقف
الحياة ولا الحياة هتقف عندها.. لا موت حد ولا حياة حد.. ولا
خسارة حاجة ولا مكسب حاجة..

ثم رفعت رشفت باقي قدحها ونهضت متناولة مفاتيح سيارتها الأنيقة.

- ميرسي يا أكرم على الشوية دول.. أحمد.. ال check لو سمحت.

- عيب يا دكتور.. إنتي ضيفتي وده مش هينفع.

- بس يا أكرم بليز.. ما بحبش الجو القديم ده وحياة والدك..

- معلى خليها قديمة المرة دي والمرة الجاية تبقى جوها جديد.

منحتني ابتسامة راقية أخرى وأعدت حافظة نقودها الأنيقة إلى حقيبتها

البسيطة.. ثم رفعت يدها ملوحة، واتجهت نحو السلم تهبط درجاته
الرخامية في أناقة.

رفعت يدي إلى الفتى حليق الرأس الذي عرفت أن اسمه أحمد.. طالبًا

فاتورة الحساب بإشارة على كف يدي.. والتفت ناحية الطريق لأرى ذلك
الفتى الذي يرفع عقيرته عارضًا بضاعته الطازجة من صحف اليوم..

- استنى يا ابني.. ابعتلي الأهرام مع أي حد تحت.. خد.

ثم تناولت جنهين معدنين وألقيتها إليه.. ليلتقفها في مهارة، ويبد

واحدة.. ثم أرسل الجريدة مع أحد الشباب العاملين في الكافيتيريا..

رحت أفض الجريدة وأبحث عن صفحة الحوادث لأجد العنوان الذي
بخط أنيق:

"النائب العام يأمر بوقف النشر في قضية سفاح الفويها"

"النيابة تخلي سبيل جمال إبراهيم المشتبه به بضمان محل إقامته.. والحمد لله
يشمل أي معلومات تخص القضية أو بمن يتعلقون بها"

صحفي خبيث وذكي.. أراد أن يسرب خبر الإفراج في قلب خبر الم
بدون أن تطاله طائلة.. لو كان النائب العام ذكياً لاستدعى ذلك البائس
موجهاً له تهمة خرق حظر النشر لأنه كتب اسم جمال.. في نفس العنوان
الذي يقر بأن حظر النشر يشمل المتعلقين بها.. نعم يا أكرم.. أنت أغبي
برغوث.. حظر النشر لا يشمل إلا علاء البلطيمي يا المعبي..

ولكن ما هذا..؟؟

خلعت نظارتي وألقيت نظرة على الخبر من جديد.. كيف لم ألاحظ ذلك
في غفلة انشغالي بمهارة الصحفي وخرق حظر النشر..

إخلاء سبيل..!!!

لا بد أن أرى عماد حالاً..

* * *

- هيدر وفويها..

- إنت متأكد يا أكرم؟؟

- هيدر وفويها..

- حمد الله على سلامتكم يا أكرم

If you please all of you .. اطلعوا برة.. لازم نسيه عشان
الحالة تستقر

* * *

حاشية لا بد منها

علاء مسعود عبد العزيز البلطيمي .. ٢٨ سنة .. مطلق .. أب لبننت
التي الثانية من عمرها .. المتحدث الرسمي باسم حزب الحق وعضو اتحاد
الشباب المسلم .. والمرشح المرتقب عن حزبه في الانتخابات البرلمانية
المقبلة ..

هذا ما يعرفونه جميعاً عنك يا علاء ..

هذا ما تعرفه عنك مطلقتك نجوى .. وأبوك السلفي المتشدد .. وأمك
الفلاحة الريفية البسيطة .. وإخوتك محمد وعمر وجويرية .. وزملاؤك في
الحزب .. وبواب البناية التي تقع بها شقتك الفاخرة في قلب مصر الجديدة ..
وهذا ما ستعرفه عنك ابتك حبيبة يوماً من الأيام ..

علاء مسعود عبد العزيز البلطيمي .. ٢٨ سنة .. متزوج عرفياً من أمينة
مسعد .. وأب محتمل لصبي قد اخترت له اسم أخيك المتوفى مصطفى ..
ملمن حشيش عتيد .. لا تقوَ على الحياة بدون قرص الترامادول .. عصبي
المزاج .. ومرشح محتمل للإفلاس والفضيحة قريباً ..

هذا ما لا يعرفه عنك سواك يا علاء ..

هل مللت يا صديقي من ارتداء قناع الفضيلة .. هل مللت من تلك
اللحية المهذبة التي أزلتها مساء أمس وسط كلمات الشناء والغزل من
زوجتك السرية أمينة مسعد .. الراقصة السابقة في شارع الهرم .. والتي
اعتزلت الرقص وقبلت بك زوجاً سترياً من فرط ما هامت بك حباً .. !!

هل مللت الكذب على أبيك.. والاختفاء منه في شقة التجمع
جعلتها موطنًا لحشيشك الأثير.. ومهربيًا من كل ذلك الزيف الذي نأهنا
نفسك.. بل إنك ابتعتَ فيها أريكة وطاولة حتى تصبح مقرًا مؤقتًا
لكل تلك الكميات التي اشتريتها..

علاقة متشابكة هي علاقتك بالحشيش يا علاء..

علاقة تشبه علاقة طفل صغير بقالب من شيكولاتة الحليب السويسرية
عندما كنت صغيرًا كنت تأكل منها حتى لا تقوى بطنك على التحمل.. فها
لتركها عندما كبرت إلى ذلك العجين زكي الرائحة قوي المفعول.. فها
يوم استنشقت النفس الأول.. يوم تعلمت من صديقك الذي أزاحه أراءك
من طريقك يومًا.. كيف تتعاطى الحشيش بكل صورته.. تعلمت المساء
والخابور وكيف تجعل من الحشيش أحيانًا صغيرة تعلقها في مسامير ثبتيها في
السقف.. فتشعلها لتحول تلك الشقة الخاوية إلى مكعب حشيش كبير..
عرفت كيف تبتكر وكيف تبدع في تعاطي صديقك المخلص.. عرفت
كيف تشتريه كما تحب، وكيف تحدد جودة الصنف، وكيف تشعر بذلك من
أول لمسة للعجينة البنية المغطاة التي تعرق الزيت تحت يديك الخبيرتين..
هاتفك المحمول يرن في إصرار.. اللعنة عليكم.. ألا تركوني أنعم
بحياتي ليومين..

- السلام عليكم

- وعليكم السلام.. مين؟؟

- مين إيه.. أنا جويرية يا علاء..

- أهلا يا حبيبي إزاي أحوالك..

ثم ترك الهاتف فاتحًا مكبر الصوت كي تستطيع لف تلك اللقافة كما

... في مهارة ونعومة.

إنت مختفي فين بقالك يومين.. حبيبة بتلف عليك الشقة زي المجنونة
وعمالة تقول بابا بابا.. وابوك بيكلمك عالنمرة الثانية مليون مرة
وانت برضه ما بتردش..

مخنوق شويتين يا جوجو ومحتاج ارتاح..

طيب قولي إنت فين.. أنا جوجو حبيبتك..

بطلي تدادي فيا زي العيال يا جويرية.. أنا عند واحد صديقي برتاح
شوية ويومين وهرجع البيت.

طيب يا حبيبي زي ما تحب.. خلي بالك بس من نفسك.. لا إله إلا
الله.

سيدنا محمد رسول الله.. بوسيلي حبيبة.. واوعي بالله عليك الحاج
مسعود يعرف حاجة عني.

لسانك يمرّ فوق ورق البفرة الناعم مع ذكر اسم أبيك بدون كلمة أبي
التي علمك إياها منذ سنين، ولم تستطع أن تبتلعها.. وأختك تنتهد في حزن.

حاضر يا علاء زي ما تحب.. أستودعك الله الذي لا تضيع ودائعه..

ونعم بالله.. السلام عليكم

تضغط الزر الأحمر بطرف أصبعك ويدك تتناول القداحة من فوق
الطاولة لتصدم بشيء ما..

التفتت بحدة نحو ذلك الشيء الذي اصطدمت به يدك.. لتجد شيئاً
مكعباً مغلفاً بغلاف جلدي.. كتاب قديم مغلف بغلاف جلدي قديم، وقد
نقشت فوق غلافه حروف اسم الكتاب وحروف اسم مؤلفه بنفس حجم
الخط.

تحدث نفسك مندهشًا..

- إيه اللي جاب الكتاب ده هنا..؟؟ وإيه الرهاب ده..؟؟ في حدب..
كتاب.. الرهاب..؟؟

تشعل لفافة التبغ المحشوة بأفخر أنواع الحشيش الأفغاني.. الذي ١٠٠
لك أحد الإخوة من هناك منذ شهرين.. هو ليس أخًا بالمعنى الصحيح
هو تاجر مخدرات يتلبس ملابس الأخ.. هو ليس رجلًا مظهره كباطنه..
المرحوم مصطفى أو شابًا حافظًا لكتاب الله مثل شقيقك عمر.. هو مثلك
يرتدي قناعًا وعباءة ولحية.. وأخلاقيًا ليست أخلاقه..

رحت تتصفح الكتاب في لا مبالاة وأنت تنفث الدخان الأزرق.. تمام
سابقك.. ورقة مطوية في نصف الكتاب.. كأن أحدهم قد توقف عند هذه
الورقة، وذهب ليكمل شيئًا ما.. من أين جاء هذا الكتاب.. أنت لا تذكره
ولا تذكر كيف جئت به إلى هنا!!

تعال وقرب عينيك المجهدتين وسط سحابة الدخان.. واقرا معي هذه
القصة..

إنها تحمل عنوانًا غريبًا.. (من فوق)

إنها تتحدث عن شاب ملّ الحياة وتعب منها.. شاب لجأ إلى شرب
البوظة وامتصاص الأفيون حتى يهرب من تلك الحياة المملقة المزيفة.. قصة
قديمة هي.. لا أحد يشرب البوظة منذ أربعينات القرن الماضي.. كما أن
الأفيون لم يعد سهل المنال مثل تلك الأيام!!

ذلك الشاب الذي جلس في شقته الصغيرة يجرع من كأس البراندي..
ويضع قطعة الأفيون أسفل لسانه..

هاتما كما تضع قرص الترامادول أسفل لسانك.. كي يسري في جسدك
الأم في العروق..

اح الشاب يشرب البراندي حتى بدأت عيناه تغميم.. فنهض محاولاً
شماق الهواء في الشرفة.. وراح يعبّ الهواء حتى اصطدم بسور الشرفة
اصير بكامل إرادته ليسقط إلى الشارع قتيلاً..
غريب أمر هذا الشاب..

كيف يقترب إنسان ما من حافة الشرفة ويصطدم بها بكامل إرادته!!
القيت بالكتاب في إهمال ورحت تجهز قطعة حشيش أخرى للفاقة
أموي.. وأنت تلعن القصص غير الواقعية..
فقط لو تعرف لماذا يطلب منك ذلك الصوت الذي يملأ جنبات عقلك
ان تشرب هذه اللفاقة فوق السطح..
لماذا تريد أن تستنشق قليلاً من الهواء البارد المعبق بنسيمات الفجر وأنت
الخن هذه اللفاقة بالذات..

لماذا يبدو لك ذلك منطقيًا جدًا..

ثم.. لماذا أقيت بالكتاب إذن..؟؟

* * *

- المرسى.. العوامة.. هيدروفوبيا

- مرسى إيه يا أكرم..؟؟

- كلمولنا الرائد عماد بسرعة..

* * *

(١٧)

مديرية الأمن.. الخامسة والنصف صباحاً

- يعني إيه مفيش دليل عليه.. إنت هتستعبط يا عماد؟!!
- يعني مفيش دليل يا أكرم.. هو انا يعني سايبه بمزاجي.. روح اسال وكيل النيابة..
- أنا بسألك انت.. مش المفروض إنك مرتب ورقك وتحقيقاتك كويس..
- أشعل لفافة تبغ متجاهلاً نبرتي وجلستي الهجومية.. ومدد ساقه أمامي وهو ينفث دخان لفافته في عنف كأنها يخرج روحه في كل نفس يخرج من أنفه.
- البصمات على السكينة مش بصماته.. المحضر بيقول إنه ما كانش لابس جوانتي ساعة القبض عليه.. المجني عليه بعد ما فاق قال إن

مش هو ده اللي ضربته بالسكينة..

طب وكان بيعمل إيه عنده ساعة فجرية.. بيوصله كومبو من ماك
مثلاً!

غلط في العمارة..

نعم يا اخويا!!

غلط في العمارة.. كان فاكرها عمارة ابن خالته اللي ساكن بعدها
بعمارتين واتلخبط في النمرة..

- وهو رايح يزور ابن خالته الفجر!!

مفيش قانون في البلد بيحدد مواعيد زيارة الواحد لابن خالته يا
أكرم..

ثم أشاح بوجهه وهو يزفر متوترًا.. وساقه اليمنى ترتعش كضفدعة
الغاني.. وراح يعض شفتيه في ضيق حتى كاد يدميها..

- هات سيجارة يا عماد

- سيجارة إيه.. إنت رجعت للسجاير تاني

- آه رجعت للزفت وكنت ناوي ابطل من كام ساعة.. إنت هتفتحلي
محضر ما تخلص..

ألقى إلی بعلبة التبغ فتلقفتها وأخرجت منها لفافة أشعلتها على سبع
مرات من تلك القداحة الخربة فوق مكتبه.. نفتت دخانها في الهواء حتى
شفته مواصلة طريقها المحموم نحو ذلك الشفاط القابع في طرف الغرفة.

- طيب خيلنا عمليين كده.. ساعة ارتكاب الجرائم الخمسة كان عنده
حجج غياب برضه.

- الورق عندك عالمكتب.. ده منظم بشكل بشع.. كل الجرايم الحماة
ارتكبت في وقت بصمة حضوره في شركة الأدوية اللي بيشتاه
فيها.. أو قبلها أو بعدها بنص ساعة.. وهو مش سوبر مان عشان
يقتل واحدة في المعادي ويوصل العاشر بعدها بنص ساعة.. أو يوم
واحد في الزمالك وهو عنده وردية مسائية في العاشر بعدها يوم
ساعة..

- ووكيل النيابة أفرج عنه بسرعة أوي كده..

- اليومين دول محدش بيقعد في النيابة يا عمي.. مفيش دليل إداره
واضح.. مفيش حبس.. وخاصة إن الراجل مالوش أي بصمة في
أي مكان للجثث الخمسة.. إحنا كمان كنا بنجري في الموضوع ده
نمناش عشان لما يتعرض عالنيابة كل حاجة تبقى تحت أيدينا.. بر
برضه وكيل النيابة كان باين عليه إنه...

ثم صمت ونظر في وجهي بلغة لا يفهمها سوانا..

- وبعدها بربع ساعة يطلع حظر نشر..

- لا؛ حظر النشر اتبعت من مكتب النائب العام بعد القبض عاه
بساعة بالضبط.. رغم إننا لا بلغنا النيابة ولا كنا خلصنا تحقيقه
أصلاً..

- قال وانا اللي كنت بحسب إن في أمين ولا عسكري يسرب أخبار
للصحافة.. أتاري الوزارة كلها شربة..

- إحترم نفسك ياد.. أنا مش ناقصك إنت كمان

ثم دفن لفافته في المنفضة التي تحولت إلى أصيص لزراعة التبغ.. وجرح
ثلاثة كوب القهوة البارد..

تشرب قهوة..

لا مش هشرب كفاية اللي انا شاربه.. قولي بقه.. الحدوتة خلصت
على كده..

لا ما خلصتتش.. أنا براقبه زي ضلّه.. في فرقة كاملة بتعدّ عليه النفس
الي بيخرجه وبق الميه الي بيشربه.. لازم يغلط غلطة أو تحصل منه
تكة تخلينا نحط إيدنا على الدليل.. لازم..

طرقات مكتومة على الباب.. مكتومة ولكنها لحوحة.. لحوحة كطرقات
الأطفال على أبواب الحمامات..

ادخل يا علي..

وكانها حفظ عماد بصمة طرقات كل من يعملون معه.. فتح الباب.. لا
افتح.. الفتح لفظ مؤدب لما حدث.. لقد اقتحم علي الغرفة اقتحامًا حتى
انه تعثر في طرف السجادة البالي وسقط على الأرض فانتفض عماد من مكانه
لساعده على النهوض.

- في إيه يا ابني.. مش تحاسب انت كمان

- رئيس المباحث عايزك فورًا يا باشا..

- في إيه ما تنطق؟؟

ألقي إلي بنظرة متشككة.. ثم حوّل نفس النظرة إلى عماد.. فترك عماد
دراعه، ونظر نحوي بنفس اللغة التي لا يدركها سوانا.. ثم انصرف مسرعًا
وإغلاق الباب.

أشعلت لفافة تبغ أخرى.. ورحت أراقب حلقات الدخان تركض نحو
مصيرها المحتوم في هواء الغرفة الكئيب.. التفت لألقي نظرة على مكتب

عماد الشبيه بدولاب مراهق في الخامسة عشرة.. لأجد ذلك الكائن العجيب،
ذي الغلاف الجلدي يقبع هناك في طرف مكتبه..

مددت يدي أتحمس الغلاف الجلدي القديم.. ثم تناولته، ورحنت انما
فيه..

غريب أمر هذا الكتاب.. تشعر معه كأنه كائن مستقل يتنفس ويتحرك،
ويفعل.. وليس جمادًا من الورق المصقول المهترئ بين دفتين من المجلد
الصناعي ذي الرائحة الكريهة.. كائن يفعل ويقتل ويغوي بالقتل.. الحروب
المنمقة داخله تشبه ألف عين وعين تكاد تلتهم وجهك وأنت تنظر لها!!

حتى عناوين القصص.. هي غامضة تشحن بطاريات الخيال.. الرعب
حاول أن يصنع شيئًا يحمل معنى وملمس الخوف.. حتى الخيال مخيف
الخيال يأخذك إلى مجاهل وأحراش داخل عقلك لم تطأها.. الخيال يخرج
بك من دائرة الممكن الكنيية إلى دائرة قد تجعلك ترتجف طالبًا العودة إلى
الكآبة.. لكنه خيال يقتل ويحرض على القتل!! هل كان يقصد ذلك بالفعل
عندما خطت أقلامه الحبرية مسودة ذلك الشيء!!

هذه القصة التي تدعى: (إلى العمق)..

تذكرتها.. هي تلك القصة التي كلما أمسكت يداي بهذا الشيء لم
أكملها.. كأن بيني وبينها شيئًا..

"راح سمير يقترب من سطح الماء الرقراق محاذرًا أن تنزل قدماء
فيسقط على وجهه في صفحة الماء الواسعة.. إنه يحتاج أن يعرف السر
ولولا هذا لما اقترب من صفحة ماء في حياته، إنه لا يقرب الحمام في
آخر الحارة ويفضل الاستحمام بذلك الكوز وداخل الطشت الخاوي..
إنه لم يعتد أن يقترب من حديد الكوبري إن هذا الحد.. ولم يجب النيل
ولا مراقبة صفحته الباردة من فوق سور الكوبري.. لكنه لا بد أن

١ .. إن النداء أقوى منه .. نداء يسحبه إلى العمق "

انضم عماد الباب .. ثم تناول سترته وطبنجته الميري .. ونظر نحوي ..

معلش يا أكرم أنا آسف .. لازم تقوم معايا حالاً

إيه .. مقبوض عليا ولا إيه؟؟

لا .. في جثة جديدة ..

بكتاب ولا من غير ..

لا؛ بكتاب .. هشرحلك كل حاجة في الطريق .. بس انت لازم تيجي

معايا .. بالذات المرة دي .

ولازم ليه يعني؟؟ واشمعنى المرة دي!!

كان يوليني ظهره محاولاً أن يضع طبنجته في جرابها .. ثم توقف جسده

من التحرك ..

- ما ترد عليا يا جدع انت لازم ليه .. لهجتك مش عاجباني تماماً

- ببساطة لأن مكان الجثة الجديدة يهملك جداً

- ليه يعني .. هو قتل حد في شقة خالي ولا في بيت جدّي ..

- في عيادة دكتور أحمد سليمان يا أكرم ..

* * *

- أكرم .. أنا هنا يا ابني جنبك

- المرسى .. العوامة .. عصام

- عصام .. who is that guy??

* * *

(١٨)

عيادة دكتور أحمد سليمان للصحة النفسية.. السابعة صباحًا
نحن في وسط سيرك...

هذا ما يستتجه المرء عندما تتخطى قدامه عتبة عيادة الدكتور سليمان،
وعندما تقع عيناه على تلك اللوحة المعدنية الأنيقة المعلقة بجوار الباب،
وقد كتب عليها بحروف حمراء وزرقاء

عيادة د. أحمد سليمان

للصحة النفسية

أستاذ التحليل النفسي بجامعة عين شمس

أمين عام الجمعية الدولية للصحة النفسية

العشرات من رجال الشرطة والبحث الجنائي والبواب والجيران،

... من العيادة وبائع الجرائد... ما الذي جاء ببائع الجرائد هنا... لحسن الحظ
... الام البطاطا والبصل لما يعرفا بعد بالجريمة النكراء!!

... سط كل هذا يجلس دكتور سليمان عاقداً ساعديه أمام صدره ونظارته
... اللمة تتدلى من سلسلة فضية على صدره وهو يرتدي ملابسه الرياضية..
... اه تحلقان في الفراغ غير عابثة بمن يمارسون هوايتهم في تحويل عيادته
... ملهمة المرتبة إلى ساحل أندونيسيا بعد تسونامي..

... فدمت نحوه وجلست على ركبتى لأواجهه، بينما عماد يتفقد الأحوال

عم احمد... حصل إيه في إيه؟؟

راحت..

هي إيه اللي راحت بس؟؟

سمعة العيادة راحت يا أكرم.. سمعتي العلمية والطبية راحت يا
أكرم..

طب صلي عالنبى وقوم معايا بس

ومددت يدي لأعاونه على النهوض فنظرتي تائها غير عالم بها يمكنه فعله
... راغب في المقاومة حتى..

- عماد.. مفيش مكان فاضي ممكن اقعد فيه مع الدكتور

- وانت يا عبد الباقي خليك مع مصطفى عشان البصمات..

- عماد..

- خش المكتب يا أكرم.. واقفلوا عليكم الباب.. يا علي..

ثم انصرف متابعا إعطاء تعليماته لرجاله الذين انتشروا كالنمل فوق
سائط من السكر..

دلفنا إلى المكتب الأنيق.. وأجلست دكتور سليمان فوق الأريكة المار
الوثيرة بينما جلست إلى جانبه وخلعت نظارتي.

- ارتاح يا عم أحمد الله يكرمك
- هم مش كانوا قبضوا عليه يا أكرم؟؟
- ما طلعتش هو يا دكتور.. وكيل النيابة أفرج عنه امبارح بضمان
إقامته والقضية لسه مفتوحة.
- بضمان محل إقامته يعني إيه.. يعني إيه واحد مشتبه فيه في قتل
والشروع في قتل السادس يفرجوا عنه في قضية ما اتقفلتس
بلدي ولا تكية.
- تكية.. بلد.. زريبة.. مش ده موضوعنا.. إنت ارتاح دلوقتي وبعدها
نقعد مع عماد لما يخلصوا ونشوف الموقف إيه دلوقتي..
- الموقف دلوقتي إن بيتي اتخرب.. عيادتي اللي كنت بحبها أكثر
بيتي بقت موصومة طول العمر إن بنت اتقتلت فيها.. تخيل المحرم
عمل فيها إيه!!
- الله يكرمك ارتاح بس وبعدين نبقي نتكلم
رفع رأسه وحدجني بنظرة غاضبة..
- في إيه يا أكرم.. هو أنا كل لما اكلمك كلمة هتقولي ارتاح ارتاح
- أنا مش قصدي.. أنا بحاول اخلي أعصابك تهدئ
- في حالات الصدمة يا أستاذ يا تحقن المريض بمهدئ يا تسييه بعين
طاقته عشان يفوق.. وبعدين انت هتعلمني شغلي ولا إيه

- العفو يا دكتور.. إنت في مقام المرحوم ابويا.. حقتك عليا وادي
راسك ابوسها.

- او عني بقه بلا راسي بلا رجلي.

- والنبي غسل يا عم احمد.

بدأت نظراته الغاضبة تتلاشى، ووضع رأسه من جديد فوق الأريكة،
وراح يتأمل السقف الأبيض الذي أعاد طلاءه منذ أسابيع.. بينا دقائق عماد
القوية المتناسكة تداعب الباب، فيطلب منه الدخول ليدلف في هدوء ويغلق
الباب خلفه.

- معلش يا أكرم ممكن تسيينا لوحدنا شوية

- بقولك إيه يا عماد.. الراجل ده زي ابويا بالضبط.. وانا مش هتنقل
من هنا إلا لما اعرف في إيه وحصل إيه وازاي أفرجتوا عن البيه وانتو
مش عارفين تأمنوا بيوت الناس من شره!!

- إنت هستعبط يلا.. ما انت عارف إني لا بفرج ولا بنيل.. النيابة
شافت إن الأستاذ المتهم عنده حجج غياب قوية وإن بصماته مش
موجودة في أماكن ارتكاب الجرائم الخمسة وإن مفيش دليل واحد
ضده.. تجبسه ليه بقه على سبيل الاحتياط..

ثم جلس على أقرب مقعد وجدته، وأخرج لفافة التبغ من علبة الكرتونية
وأشعلها في غضب، بينما قام الدكتور سليمان بأغرب عمل ممكن أن يقوم به
من في حالته.

لقد نهض مسرعاً وحمل منفضة السجائر من فوق مكتبه، وركض بها
نحو عماد ثم وضعها أسفل لفافته المشتعلة، وعماد يحدق فيه ذاهلاً...

- إيه يا عماد بتبصلي كده ليه؟!
- أصل ال.. مش ال...
- هو انا عشان بقية العيادة بقت مزبلة أسيب المكتب اللي فاضلي...
- هو كمان، وبعدين السجادة دي hand made وطفلي السجاير...
- يبوظها.. ولا إيه يا أكرم؟
- لا؛ تمام يا عم احمد.. إنت صح مية في المية.
- ثم غمزت بعيني لعماد فأوما متفهماً، وعلى وجهه تعبير (الدكاهة
النفساويين ييلقطوا شرارة برضه) الذي لا يكف عن ترديده كلما قال
دكتور سليمان!
- دكتور سليمان.. أنا آسف بس احنا مضطرين نفتح محضر ونا...
- أقوالك.
- ومضطرين ليه.. أنا اللي عايزك تفتح محضر وتاخذ أقوالي..
- بس هستأذنك هنطلع على المديرية سوا عشان نكمل التحقيق
هناك.. يا عبد الباقي..
- نهضت مسرعاً، ووقفت بينها وأنا أقول هامساً لعماد:
- إنت بتستعبط يلا.. هتودي الدكتور سليمان المديرية مع الأمين عبد
الباقي في البوكس.
- الدكتور سليمان على عيني وعلى راسي.. بس هو دخل دايرة المشتبه
فيهم دلوقتي.. حسب أقوال الفراش محدش معاه مفتاح العيادة غير
الدكتور سليمان والفراش والقتيلة اللي اسمها سمية...
- أيًا كان.. في حاجة اسمها احترام.. في حاجة اسمها أدب.. طب
اعمل حسابي يا أخي...

إنتوا بتوشوشوا في إيه انت وهو.. ها؟!!!

التفت كلانا نحوه.. ثم نظرنا إلى بعضنا البعض في ذلك الحوار العميق
الذي تدرّبنا على ممارسته طوال سنوات معرفتنا العشرين..

ولا حاجة يا عم احمد أنا كنت بحاول اقنع عماد إننا نكمل تحقيق هنا
عشان تروح إنت بالسلامة.

أروح فين بس يا أكرم.. أنا هطلع معاكم على المديرية وفي عربية
الرائد عماد.. بس أنا لي طلب.. الفراش يركب معانا.. لو سمح عماد
يعني..

- طبعا يسمع هو هيعترض ليه يعني..

ثم حدثت عماد بنظرة لائمة، فأشاح بوجهه وألقى باللفافة في قلب
المنفضة الكريستالية الثقيلة.. إلا أنه ما إن فعل ذلك حتى جحظت عيناه
حتى أوشكتا أن يسقطا عند قدمي.. ثم هبّ مسرعاً وفتح الباب...

- مصطفى عبد الناصر هنا؟؟؟

- أيوه يا عماد باشا تحت أمرك

- تعالي هنا بسرعة..

ثم فتح الباب على مصراعيه فتقدم رجل، أرجح أنه كان يومًا بطلًا
لرياضة السومو؛ من فرط بدانته، حتى أوشكت الدهون حول اصرته
وفخذه على التساقط عن جسده نحو الأرض.. يرتدي معطفًا، ويمسك
في يده بحقيبة أدوات صغيرة، بدا مظهرها مع بدانته المفرطة كدبّ قطبي
يحمل عروسة باربي!!

- شوف الطفاية دي كده..

- حاضر يا باشا.. بعد إذنك لحظة

ثم جثا على ركبتيه حتى أوشك على السقوط متدحرجًا فوق السجادة الأنيقة، وأمسك المنفضة بيديه التي غطاها قفزات مطاطية بيضاء.. وأخرج من حقيبته عدة أشرطة لاصقة وضعها فوق عدة أماكن من المنفضة، وراح يسحبها ويحملها بحرص نحو كيس بلاستيكي صغير.. ثم أخرج عدة مكبرة وراح يقلب المنفضة في يده، وهو يتابعها بالعدسة ثم...

- آها..

خرج صوته ناعمًا طفوليًا كصوت ابن أخيك على أعتاب مراهقته فتقدم عماد منه متابعًا:

- إيه؟؟

- نقطة دم صغيرة أوي أوي دخلت في خرم صغير جدًا في قعر الطفاية..

- أنا اللي بصري بقه حاد شويتين اليومين دول.. حرز يلا بسرعة..

وضع منفضة التبغ في كيس بلاستيكي صغير.. ثم وضعهم جميعا في حقيبته الصغيرة الشبيهة بحقيبة الماكياج.. ونهض بدون أن يساعده أحد.. يا للفرابة - ثم خرج مسرعًا

- في إيه يا عماد.. الأستاذ الخفيف ده كان يعمل إيه؟

- أنا هقولك يا عم احمد.. عماد شك في الطفاية إنها تكون أداة الجريمة.. فانه الأخ يوكوزونا (مصارع قديم اشتهر ببدانته) عشان يشوف شغله ويجرزها..

- أنا فاهم يا أكرم.. بس هو خد بصمات من على الطفاية.. اللي هي بصماتي أنا وعماد بس.. يعني مفيش فايده منها.. إلا إذا...

ثم قلب نظره بيني وبين عماد، ثم تابع - وهو يشيح وجهه ناحية صورة

٨١٠ له ولوالدي رحمه الله في صدر الحائط المواجه لمكتبه - :

إلا إذا كان الرائد عماد حاططني في دائرة الشبهات.. مش كده يا
سيادة الرائد؟؟!!

- يا دكتور سليمان.. أصل الموضوع...

- لا؛ ما دام قلت أصل تبقى خلاص.. عموماً أنا صاغ سليم يا سيادة
الرائد..

- يا دكتور أنا مش قصدي بس..

- لو كانت الجريمة دي وقعت بين معاد فتح العيادة امبارح الساعة ٧
مساء والساعة ٥ صباحاً لما الفراش اكتشف الجثة فانا كنت في الوقت
ده في مستشفى الدكتور حسن شوقي الساعة ٨ بعمل فحوصات
وأشعة، والساعة ١٠ كنت على قهوة الليالي في عين شمس، والساعة
٣ صباحاً كنت في شقتي، وبواب العمارة شافني.. وبما إنه يبسهر لحد
الفجر ويروح يصلي فا بخليه يجبط علياً يصحيني، وبتنزل نصلي
الفجر سوا، وبعدين بروح نادي الشمس امشي شوية.. أظن الإخوة
بتوع القسم لما جابوني كنت في النادي.. كده حجج غياي قوية يا
سيادة الرائد؟؟؟

نظر عماد نحوي مستغيثاً من الهجوم المنظم المفاجئ من الدكتور سليمان،
بينما ربت أنا على كتفه محاولاً تهدئة توتره وتأبط ذراعه وهو يحاول التملص..

- إنت واخدي ورايح فين؟؟!!

- اصبر بس يا عم احمد.. أنا هاخذ الدكتور سليمان نشرب حجرين
واتنين قهوة، واحصلك على المديرية يا عماد.. يلا بينا يا عم احمد..

- استنى يا ابني.. هسيب الشقة كده واروح اشرب حجرين!!

- الفراش ما هو هنا معاهم.. وبعدين كده كده هيقفلوا الشقة و نعملها عليها حراسة لحد ما يخلصوا رفع البصمات والأدلة والنيابة تبي... لسه موال كده.. يلا بس..

ثم اقتدته مرغماً، وهو يبرطم بكلمات غامضة متخبطة نحو باب الشقة، لنجد ذلك الفراش محاطاً بستة من رجال عماد الشبهيين بدوا الايب الشبهيين القديمة.. حتى ظننت أن أحدهم سيخرج بطانية شتوية من فمه، وراي يولول طالباً العون من دكتور سليمان.

- الحقني يا دكتور.. هما هياخدوني على فين؟

- ما تقلقش يا حلمي.. كلمتين صغيرين مع حضرة الضابط المديرية وهيروحوك.

- يا دكتور هي الناس دي بتعرف كلمتين ولا ثلاثة

ثم نظر نحو الدوا الايب البشرية المحيطة به، فقال دكتور سليمان - واه قلب وجهه بينه وبينهم -:

- لا ما تقلقش الرائد عماد ماكد عليا إن محدش هيكلمك ولا هيمسك، بسوء لحد ما تروح بيتك للست والدتك.. تمام يا حضرة الرائد؟

ورفع صوته في الجزء الأخير من الجملة فأجابه صوت عماد الجمهوري:

- ما تقلقش يا دكتور الأخ حلمي في عينينا.. يا عبد الباقي الأخ حلمي هيجي معايا في العربية لحد المديرية.. خده واستنوني تحت..

ابتسم الشاب النحيل - الشبيه بذلك البرص الذي يمرح في حوائط شقة جدي في القلعة - ونظر إلى الدكتور سليمان نظرة شاكرة مهللة، لمعت فيها عيناه الصغيرتان أسفل حوض السمك الذي يرتديه فوقهما.. بينما قُدت دكتور سليمان نحو مصعد البناية الأنيقة وهو يحاول مل الوقت بكلمات

هامة عن الفتاة المحترمة النشيطة التي كانت خير معاون له، ثم حولها هذا
الماندل المجنون إلى رقم في سجلات جرائمه المتكررة.

بس عارف يا أكرم.. في حاجة محيراني في الموضوع بتاع الأخ ده
حاجة إيه يا عم احمد؟؟

- في الأول لما اكتشفوا الجثتين.. الجريمتين وقعوا مع بعض في نفس
الوقت أو في وقت قريب من بعضه أوي حسب تقرير دكتور أحمد
علام.. وبعدهم بكام ساعة الجريمة الثالثة.. وبعدهم بكام ساعة
الرابعة.. ثم الخامسة، وهكذا.. وبعدين فضل يومين خامل وما
بيشتغلش.. آسف يعني لو كان تعبير ما بيشتغلش مترف شوية..

- لا ولا يهملك.. بس عادي يعني ممكن يكون حس إن الموضوع في
ناس شغالة عليه وإن ممكن تحركاته السريعة دي تكشفه بسرعة
للشرطة، فاقال في نفسه إنه لازم يهدئ شوية..

- أو حاجة تانية ممكن تكون هي اللي بتحركه!!

- تقصد إيه يا دكتور مش فاهم؟!

كنا قد اجتزنا بوابة البناية الأنيقة عندما أخرج دكتور سليمان مفاتيح
سيارته اللادا، واتجه نحو السيارة وهو يهمهم:

- الناس اللي زي دي بيبقى سلوكهم صعب التوقع شوية لكن مش
مستحيل.. وغالبًا بيبقوا محيين أوي للشهرة والأضواء والأخبار اللي
بتعلق على ذكائهم اللي دوخ الشرطة.. هو إيه اللي بيزن ده؟؟!!

- بيزن.. آه ده مويالي غالبًا الفايريشن بتاعه قوي حبتين، أو ما شاء
الله ودانك اللي بقت حساسة حبتين..

- الله أكبر.. غحننا ناقصين.. طب رد وخلصنا من الدبور ده..

أخرجت الهاتف من جيبي لأجد عماد يتصل للمرة الثانية في ده..
فأجبت سريعاً..

- أنت ما بتردش ليه يا بني آدم؟!!

- في إيه يا عماد.. ما انا كنت لسه جنبك فوق.. إحنا هنتحرك أهو..
المديرية..

- لا ما تطلعش على المديرية.. عايزك في المشرحة في خلال نص ساعة
بالكتير.. وتعدني على الجرنان بتاعك تجيب مصور.. عايز هليانة
المشرحة..

- في إيه يا عماد.. إيه اللي غيرك فجأة كده؟!!

- اسمع اللي بقولك عليه وانا هفهمك بعدين..

- عماد.. أنا ما بحبش كده.. فهمني حصل إيه بالضبط.. وبعدين مش
في حذر نشر؟! إنت عايز توديني في داهية!!

- حذر النشر هيتلغي بعد كام ساعة يا أكرم.. اللي حصل من خمس
دقائق بالضبط هيغير كل حاجة في القضية المهمة دي.

- وإيه اللي حصل من خمس دقائق.. قبضتوا على القاتل الفعلي.

صمت عماد ولم يجب، وأنا أنتظر إجابته خارج السيارة، بينما دكتور
سليمان يحاول إدارة محرك السيارة العتيقة.

الصمت طال فعلاً حتى جاوز الثواني العشر..

- عماد.. ما ترد عليا يا جدع انت..

- في جثة جديدة في الشروق يا أكرم.. مدرس ابتدائي لقوه في شفته
إسكان الشباب وحالته كانت غريبة شويتين..

- غريبة إزاي، مش فاهم؟!!

الجثة بتاعته كانت مشوهة تقريبًا، ولقوا جنبه الكتاب إياه.. وحاجة
كمان..

- حاجة إيه؟!!

صمت قليلًا وتحشرج صوته، وهو يجيب:

- لقوا جنبه جثة أسد.. أسد يا أكرم!!

* * *

- عصام.. مش ده الولد اللي..

- أيوه هو.. بس ليه اسمه هو بالذات..

- الظاهر إن أكرم يعرف حاجة احنا لسه ما نعرفهاش..

- هيدرو فوبيا.. العوامة..

* * *

(١٩)

مشرحة كلية طب القصر العيني... الثانية والرابع ظهرًا

- Sorry يا دكتور علام.. I don't mean to be aggressive .. بس
الحالة واضحة.

- إزاي يا آمال.. الحالة ممكن تحصل مع أي تسمم تاني.. سيانيد أو
سارين.

- No way .. السارين كان هيجيب إسهال و dehydration،
واضح.. لكن البنت كان جسمها دافي والقرنية زي ما انت شايف
partially damaged في حالات السارين كنا هنلاقي القرنية
مقفولة، وهنلاقي excretion كثير تحت مناخيرها.

عماد يقرب رأسه مني هامسًا:

- إيه الكلام الكبير ده!!؟؟

- ده البرنامج الأوروبي.. ما تشغلش دماغك انت.

ثم التفت من جديد نحو دكتور علام ودكتورة آمال، وهما مستمران في مداهما العلمي والأحرف اللاتينية تتطاير من بين شفاههم المتوترة كسحرة الهرون الوسطى.. وراحت المباراة تتطاير شرارها ما بين الفارسين حتى استسلم كتفا الدكتور علام وتراخا ذراعاها إلى جوار جزعه..

كان عرفة - مصور جريدتنا الشاب - بصحبة ولاء، قد رحل منذ دقائق، بعد أن التقط كل الصور الممكنة، وعقدا كل الحوارات الممكنة حتى مع طاولة الفحص المعدنية.. لا أدري ماذا سيفيدنا ذلك إذا كان حظر النشر ليرفع بعدا!

فلنواصل البث التفصيلي لنتيجة هذه المباراة القوية في دوري أبطال السموم...!!

- عموماً إنتي المتخصصة هنا.. بس الناتج النهائي إن البنت جالها فقدان بصر فعلاً قبل ما يضربها على راسها بالطفاية.. نقطة الدم اللي دخلت جوه شقوق الطفاية كان من نفس فصيلة دم البنت.

- مش فقدان بصر وبس يا دكتور.. تقريباً كمان إرادتها كانت مسلوبة، وجسمها كان عامل زي - سوري - السفنجة اللي بتفضي كل ميتها.. غير كمان إن أملاح جسمها حسب تحليل الدم totally unbalanced دي حالة تسمم واضحة بال Calotropis procera.

عماد يرفع يده في الهواء كطالب فاشل في كلية العلوم.

- سوري يا دكتورة آمال.. ممكن حضرتك تعيدي الحتة دي تاني..

- قال يعني فاهم كل حاجة وجت على دي اللي مش فاهمها!!

- بس يا أكرم احسن وربنا أشقك نصين..

دكتورة آمال تخلع نظارتها الطبية الأنيقة، وتلوح بها في يدها نحو الجثة التي كانت فتاة منذ ساعات..

- حالة تسمم بالمادة اللبنية اللي جوه نبات البروسيرا يا حضرة الرانا ده سم مش شائع أوي، وحالات التسمم بيه نادرة جدًا.. لكن ملامسة المادة دي للجلد فترة طويلة ممكن يسبب التسمم ده واضح في إيدها إن الجلد محمر شوية في منطقة تلامس السم ليها..

- حضرتك تقصدي إن السم ده ممكن يكون موجود لحد دلوقتي، عيادة دكتور سليمان..

- No no .. الموضوع مش كده يا رائد عماد.. الموضوع إن السم ده اتقلها من ملامسة حاجة مدهونة بالمادة اللبنية دي فترة طويلة. حاجة زي فرشاة شعر أو علبة make up أو..

ثم صمتت قليلاً ونظرت نحوي، فتابعت وقد وصلتني وجهة نظرها.

- أو كتاب مثلاً.

- Bingo

ثم كشفت عن صف أسنانها اللؤلؤي في ابتسامة مرهقة سعيدة باكتشافها العبقري، وكأنها طالبة في الإعدادية حلت مسألة حساب معقدة.. بينا دكتور علام يشعل لفافة تبغه الخامسة في ربيع ساعة متابعًا..

- الأعراض فعلاً زي ما دكتورة آمال بتقول.. الفرق إن الوفاة كانت نتيجة الضربة القوية بالطفاية على راسها.. الضربة جابت تهتك في المخ بعد ما طبقت الجمجمة.. متأسف على تعبير طبقت، بس انا حاولت اوصلكم الصورة ببساطة.. مش عايز سيجارة يا أكرم.

- لا يا دكتور تسلم.. أنا قررت ابطل دخان فترة لحد ما صحتي تتحسن شوية..

- وبعدين ترجعه تاني.. عارف انا الكلام ده كويس.

ثم أطلق ضحكة عصبية متوترة، واللفافة تتلنق على طرف فمه وهو يحاول خلع القفازات المطاطية وهو يشير لنا؛ كي نصحبه إلى مكتبه في طرقات الكلية المزدهمة.. حتى ما إن وصلنا للمكتب حتى استقبلنا دكتور سليمان وعلى وجهه أمارات فزع غير مبرر..

- إيه يا دكتور احمد مالك؟

- أنا ما بحبش القعدة لوحدي في مكان مقفول يا عماد.. وبعدين انتو اتأخرتوا أوي.

- طب يا عم احمد ما انا قولتلك تعالي معانا المشرحة..

- لا يا سيدي.. أنا استحمل القعدة في الأوضة المقفولة ولا استحمل قطع غيار البني آدمين اللي بيتجها الراجل ده..

ابتسم دكتور علام واللفافة السوبر الطويلة لا تزال تتلنق من طرف فمه، فبدا كجزار محترف انتهى من تشفية جمل عملاق.

- ما هو انت لو دخلت طب كنت نشفت شوية.

- يا سيدي أنا مش عايز انشف.. أنا راجل بتاع تحليل نفسي مش جزار في مدبح.

- الله يسامحك يا سيدي..

أطلقت دكتورة آمال ضحكة ساخرة لا تناسب توتر الجو السائد بعد عودة ذلك السفاح لممارسة هوايته في قتل الناس بكتابه المشؤوم.. بينما جلس

دكتور علام خلف مكتبه الخشبي العتيق.

- ودلوقتي يا حضرة الرائد الوضع بقى شبه مفهوم.. الأخ ده مش بيستخدم مهاراته وذكاؤه في تضليلنا.. لا وكمان خبير سهو محترف..

- As you said يا دكتور أحمد.. سيانيد وبروسيرا وجرعة البيلا دورا إتروبينا المزبوظة بالميكروميللي.. ده مش بعيد يكون درس معايا في الكلية في وقت من الأوقات.. very weird.

- وفي حاجة كمان يا آمال.. دكتور سليمان لفت انتباهي لحاجة صغيرة جدًا قبل ما ندخل المشرحة..

التفتنا جميعًا إلى دكتور سليمان الذي بدا محرجًا قليلًا وهو يحاول أن يضبط نفسه في موقع المحور الذي ينتظر ملاحظته الجميع.

- يعني من واقع معرفتي بالسلوك النمطي للإخوة القتلة اللي زينا أختنا ده.. طريقة القتل تقريبًا في كل مرة كانت بتشابه.. ما عدا حالة سواق اللوري المشنوق؛ لأن دكتور علام مالقاش أي حاجة في دمه أو في جسمه غير أعراض الوفاة بأسفسيكال الخنق.. الطريقة بقة كانت بتسم في مكان مقفول أو مهجور.. القتل بيتم بنمط الطريقة بتاعت العلاج التطهيري من الفوبيا.. ولازم قبل القتل حقن السم أو المخدر أو المشبط.. وغالبًا طريقة القتل بتبقى نضيفة شويتين.. عدا جريمة البنت اللي كانت في المشتل وجريمة البنت دي.. كلامي صح يا دكتور علام؟

- عدا الجريمة الجديدة يا دكتور سليمان..

دكتور علام يرفع إبهامه علامة عن التأيد، وعينه لا تفارقان جهاز

الكمبيوتر الذي يتمي للعصر الطباشيري محاولاً كتابة تقرير تشريح الجثة بطريقة النقرة كل دقيقة.

- في جريمة البنت سابها تنزف لحد الموت وهو غالباً عارف إن عندها مرض لويس بار بتاع ضعف الشرايين، وفي الجريمة دي ضرب البنت بطفاية عملها تهتك في نخها، وسابها تنزف ونصف الطفاية بحرص أوي.. يعني ما كانش عايز العيادة يحصلها حاجة، لكن قتل البنت بطريقة عنيفة شويتين.. حقنة الموت والرمي من الدور الرابع والسيانيد كلها طرق موت تعتبر لحد ما نضيقة شوية.. سيبك من دبح القطة في جريمة المحامي اللي مات بالسيانيد.. بس سلوكه بدأ يبقى عنيف أوي كمان مع الراجل اللي طلق عليه الأسد.. وده في رأي إن دل على شيء فهو يدل على حاجتين..

ثم فرد كفّ يده أمامنا كعادته وراح يكمل محاضرتة المفيدة..

- القاتل ده عنده علاقة وثيقة جداً بالبنتين أو هو مصاب بنوع ما من العقد ناحية الجنس الآخر..

- بس اللي مات في الشروق راجل مش ست يا عم احمد.

- ما تقاطعنيش يا أكرم عشان هسكت خالص.

- اسكت يا نيلة انت هي ناقصاك.. كمل يا دكتور سليمان لو سمحت..

- شكراً يا عماد.. الراجل اللي مات في الشروق بالطريقة البشعة اللي

حكهاالي أكرم بتقول إن برضه ده خروج عن سلوكه المعتاد في القتل

بشكل نضيف شوية.. بمعنى إن الراجل ده برضه له علاقة كبيرة

جداً مع القتل، وبينهم حاجة حولت القتل في إحدى مراحل

المرض النفسي للقاتل إلى عدو شديد الكراهية بالنسبة له.. ممكن

يكون السبب في فقدانه حاجة عزيزة عليه أو حد من معارفه اتسببها
في أذى.

- إحنا بدأنا نحصر معارف القليل يا دكتور فعلاً.. ومستنين الجثة برس
تجهز للتشريح ودكتور علام يقولنا رأيه في الموضوع..

جرس الهاتف الداخلي للدكتور علام يرن طالباً رده، فيرفع الرجل
الساعة.

- آلو.. وصلت.. طيب جهزولي طاولة الفحص الثانية.. لا؛ أنا جاني
لو حدي.. عايز تحليل الدم وعينة من الأنسجة المتهتكة و.. لا لا..
محدث يمد إيدته لحد ما اجيلكم.. سلام.. معلىش يا جماعة هستاؤذنكم
محدث هيجي معايا المشرحة المرة دي.. الجثة تقريباً متهتكة من
الراس للجدع، وفي اتنين مساعدين هناك وعايزة شغل كثير أوي.
هديلك تليفون يا سيادة الرائد أول ما اخلص.. بعد إذنكم.

ثم انصرف على عجل ولفافة التبغ السوبر لا تزال بين أصابعه!!
هنا قررت دكتورة آمال أن المولد انفض، فوقفت تضم دفتي شاهنا
القطني الملون فوق رقبتها وقالت:

- اوك أنا كمان لازم امشي.. لو في أي حاجة جديدة كلموني.. باي.

ثم انصرفت في مشيتها الوقور المرححة في نفس الوقت، بينما عماد يميل
على رأسي:

- شيك أوي الست دي.. هي عندها كام سنة؟!

- آه يا سفاح النساء يا منافق.. مش كانت مدايقاك من كام يوم، وكنت
ناقص تضربها رصاصتين.

أنا؟؟؟! بالعكس أنا ما كنتش مدايق منها.. طريقتهما ساعتها ما كانتش عجباي بس..

- اظمن هي عندها حاجة واربعين سنة يعني تقريبا أكبر منك بكام سنة حلوين كده.

- يا خسارة..

ثم أعاد رأسه للوراء وهو لا زال يحدق في الباب الذي انصرفت منه الدكتورة آمال منذ دقيقة، بينما نظرت نحو الدكتور سليمان الشارد في ملكوت الله كمجاذيب الحسين.

- سرحان في إيه يا عم احمد؟؟؟

- ها.. لا ولا حاجة.

- إيه.. عاجباك انت كمان؟!

- هي مين دي اللي عاجباني؟!

- لا؛ ما تاخدش في بالك.. سرحان في إيه بجد؟؟؟

مدّ ساقيه أمامه ووضع أصابعه تحت ذقنه وعيناه تضيقان كعين ثعلب عجوز يدبر هجمة جديدة على عشة دجاج ممتلئة.

- فاكر لما كنت بقولك إن سلوك الإخوة السفاحين ده بيبقى معجب بالشهرة والأضواء وكنا بتكلم عن تباعد المدد الزمنية بين الجريمة الخامسة والجريمة الجديدة بتاعت سمية.

- آه فاكر.. بس انا مش شايف تباعد يا دكتور، دول كلهم كام يوم.

- لا يا أكرم.. لما اقتل خمس أشخاص في ٤٨ ساعة وبعدين اعدى ٤٨ ساعة كمان، واقتل شخصين ورا بعض في ظرف ست ساعات..

يبقى ما تقوليش إن دي صدفة..

- أنت قصدك إيه يا عم احمد، مش واصلني دماغك.

صمت قليلاً، وراح يحدق في، بينما عماد يردد من خلفي:

- كلام دكتور سليمان صح يا أكرم.

- إزاي يعني يا أذكى اخواتك انت؟!!

- أمال انا طلبت منك مصور وهليلة ليه يا أكرم.. عشان اتسبلك.

في أذى وفي حظر نشر مثلاً.. الموضوع بمنتهى البساطة إن احنا

عندنا ناس برضه بتشغل منحها في الداخلية.. ولما درسوا الموضوع

فهموا اللي وصله دكتور سليمان دلوقتي.. عشان كده قولتلك تعالي،

ومعاك المصور واعمل كل اللي تقدر عليه؛ عشان جرايد بكرة لما

تنزل الشارع النهاردة يبقى فيها أخبار عن جرائم سفاح الفوييا،

وبالتفاصيل.. فاقولت أكرم أولى من الغريب.. واهو نبقي عوضناك

عن الحركة القرعة اللي فاتت.

- المفروض بقه إن عينيا تدمع واقوم اخذك حضن مطارات بقه..

- يلا ياد يا وسخ قوم غور..

ثم نصب قامته الفارعة المدججة بالعضلات وسوى سترته.

- وانا هتوكل على المديرية اشوفهم عملوا إيه.. أحب اقولك إن

الجريمة الجاية هتأخر شوية والمناورة دي هتعمل شغل حلو أوي..

أه قرار رفع حظر النشر هيصدر كمان كام دقيقة.. لو نزلت الخبر على

الموقع يبقى كويس أوي عشان نكسب شوية وقت.

- وجاي تقولي دلوقتي..

ثم تركته يصافح دكتور سليمان ورحت أطلب رقما ولاء على هاتفي
المحمول مسرعاً

- أهلا يا سبع البرومبة.. أوامر يا حبوب.
 - إنتي يابت.. هو انا متجوزك عرفي.. ما تهدي عليا شوية.. اسمعيني بقة وركزي كده.
 - ركزنا يا سيدي.
 - عايزك بقة تَبْدُري الموقع بتاع الجرنان أخبار عن موضوع سفاح الفوبيا ده.
 - سفاح الإيه يا اخويا!!؟
 - سفاح الفوبيا.. مع كلمتين بقة من انفراد وحصري واللاذي منه ده.. وتكتبي ترقبوا عدد الغد وتحقيق خاص بالصور.. الكلام ده هتنشره في ظهر خبر رفع حظر النشر اللي هيجيلك من أنباء الشرق الأوسط كمان عشر دقائق.
 - ولا يا أكرم.. إنت اشتغلت مع المخبرات ياد وانا ما اعرفش!!؟
 - لامع المباحث.. واكتمي خالص بقة واعلمي اللي بقولك عليه.
- صمتت قليلاً ثم قالت:
- أكرم.
 - خير يا ولاء.
 - هو الوقت مش وقته خالص.. بس انا عايزة اقولك على حاجة مهمة..

- خير يا ولاء خلصي.

- أنا بحبك

- إيه.. نعم.. إيه..؟؟..!!

- بحبك.. بحبك.

- الله يخرب بيت سنينك.. امشي يا ولاء.. امشي هبقى على بعضي،
إزاي بقية اليوم حرام عليكى.

أطلقت ضحكة عالية مججلة ثم أغلقت الخط في وجهي على صوت
ضحكاتها الفرحة فرحت أحرق في الهاتف مبتسماً.

هل سمعتك يا ولاء ترددينها أم أنني كنت واهماً.؟؟!!

منذ أن وطئت قدمك الصغيرتين باب الجريدة وأنا لم أستطع يوماً أن
أغلق ذلك الباب الذي فتحته يوم أن صدمت كشافات عينيك عيناى،
المجهدة المختبئة خلف النظارات الطبية.. راحت عينيك تجوبان أصابعي
بحثاً عن قيد فضي يقف حائلاً بين عينيك وبين اختراق روعي الهائمه
في فراغات الدنيا.. لفت نظرك ذلك اللون الفاتح لجلد بنصري الأيمن،
فكادت عينيك تفضحك من سؤالك عن السبب الذي جعلني أفك قيدي
الاختياري.. لم تتوطلد معرفتنا قليلاً حتى كنت أنا البادئ بالحكي.. كنا معاً
ثم في يوم ما لم نصبح معاً.. هكذا كانت الحكاية.. عندها فقط انفرجت
أساريك ورحت تمشطين بيدك خصلات شعرك المموج وأنت تراقبين
تلك السمكة الملونة، وهي تسبح سعيدة في حوضها الزجاجي الرائق..
وعيناك تحتلسان النظرات إلي فتجديني أرتكب الفعل نفسه.. يومها عرفت
فقط أنني أهيم بك.. لكن عقلي لم يقوَ على إصدار ذلك الأمر لللساني كي
يقولها.. لكنك كنت تفهمين حين أتصنع أمراً هاماً كي تخطو عتبي باب

..م التحرير.. فقط لأرى شعرك الموج الحائر وعينيك العسليتين تحقدان
ان بئلك النظرة التي تصرع كل فرساني وتلقي بي في غياهب سجونك..
كم جئتُ ليلي بأسباب ملفقة * * ما كان أكثر أسبابي وعلاتي
فقط لأكتشف في بحر شرودي في كلمة ولاء - التي زلزلت كياني - أن
دكتور سليمان يربت علي..

- أنت يا أختينا.. المكالمة دي كان فيها إيه خلاك تسرح كده..
- لا ولا حاجة يا عم احمد.. ده انا سرحان في القضية بس..
- قضية.. ياد ده انا مريبك من وانت عيل في اللفة..
- عديها بقه يا عم احمد.. مش يلا بينا.. ولا احنا لازم نعمل زي الحاج
فهمي حبيب، ونبقى آخر ناس نروح بعد الفيلم ما يخلص.
- الله يرحمه كان يكره الزحمة عمي.. يلا.. أيام.

ثم مشى بجواري ونحن نقطع طرقات القصر العيني نحو سيارته
المتوقفة في ساحة كبيرة يسيطر عليها أحدهم محولاً إياها لساحة انتظار مجانية
ظاهرياً، لكن أسعارها تنافس أسعار المولات الفخمة!!

نقرب من سيارته، وذلك الأخ الذي يرتدي بنطالاً من الجينز المرصع
بأفخر أنواع الرسوم الغربية والكرمشات - التي يسميها بعضهم موضة
العام - وقد تحول لونه عند الفخذ والركبة إلى لون أبيض صريح، كما تقتضي
موضة عشر سنوات مضت.. يزينه قميص بلون فزدي موشى برسوم بلون
أحمر فاقع، جعلته ينافس في أناقته أكبر مهرّجي السيرك الروسي!!

- اتفضل يا دكتور اتفضل..
- بقولك إيه يا عم احمد.. سيبي انا هسوق.. إنت ما نمش كويس..

- زي ما انت شايف.. وبالمرّة اخلص من ذبابة الفاكهة.
- أدرت المحرك العتيق الذي صنعه الروس بكل طاقتهم التي تربت و.. ما
ثلوج سيبيريا.. وذلك الأخ يضع أنفه فوق زجاج النافذة.
- أومر يا باشا
- الأمر لله.. أومر انت..
- اللي تجيبه ساعاتك ولا مؤاخذة.
- طب خد.
- ومددت يدي له بجنيهين فضيين فراح يحملق في يدي بعزة نفس تضاهو.
كبرياء حلاق الأمير تشارلز..
- لا كفين مريم ولا مؤاخذة.
- الترجمة بقه امتى.
- عشة جنيهه ولا مؤاخذة.. الساعة هنا بخمسة جنيه.
- آه عينيا.. والنبي يا دكتور هات الموبايل نكلم الرائد عماد بس بيعتانا
الأمين عبد الباقي بفلوس عشان معيش فكة.
- لا مؤاخذة يا بيه.. عماد بيه حمدي اللي كان في مباحث قصر النيل.
- آه.. ده هيفرح أوي إنك عرفته.. خصوصًا بعدما اتنقل المديرية.
ثم طلبت رقم عماد بالفعل وعندما أجاب..
- عمدة
- عايز إيه يا أكرم.. أنا عند مدير الأمن.
- لا؛ بس كنت عايزك تبعتلي الأمين عبد الباقي الساحة اللي جنب

القصر العيني عشان يدي الواد الساييس عشرة جنيه.
إنت اتبيلت يا أكرم بقولك عند مدير الأمن.. اقفل بدل ما اجي
اطلع...

ماشي يا عماد باشا شاكرين أفضالك.. يلا في أمان الله..
ثم أغلقت الخط لتصدمني ضحكات الدكتور سليمان المجلجلة..
بينما ذلك الأخ الذي كان يطلب كفي مريم قد اختفى كأن لم يكن...!!

* * *

- عماد.. بسرعة الحقه قبل ما يخلص يا ابني.. العوامة يا عماد.
- وعرفت منين موضوع العوامة؟؟
- أكرم.
- هو فاق؟!؟
- من ساعتها مفيش على لسانه غير عصام.. العوامة.. هيدروفوبيا..
- يا ابن اللعية يا أكرم..

* * *

حاشية لا بد منها

"وطبعا كلكم عارفين إن اللي مش هيحل الواجب صح هيشرف جنبي
هنا في ركن الفصل ووشه للحيطه، عشان يبقى يفتكر كده وهو سايب
الواجب وقاعد بيتفرج على المسلسل التركي جنب امه إن واجب الحساب
أهم من أن عدنان عرف إن مهند بيخونه."

تحاول دائماً أن تبدو قاسياً يا محسن..

تحاول أن تحافظ دائماً على صورتك القاسية المستبدة.. الأستاذ محمد عبدالقوي.. الثلاثيني الأرملة.. القاطب الحاجبين دائماً.. مدرس الحساب الذي زهد كل شيء في الدنيا سوى تربية النشء وتعليمه على أحدث الأساليب التعليمية من صفع وركل وسب ولعن.. متمسكاً بعصاتك الطويلة النحساء كلما رحت أو جثت.. مرتباً على ذلك الكرش الصغير الذي نبت من كثره أكل الفول والخبز وقلة المشي والحركة..

كثيرون حاولوا أن يشنوك عن طريقتك التي يصفونها بالقاسية المستبدة في معاملة الطلبة.. لكنك دائماً ما تلقي محاضرتك الطويلة العصماء على مسامعهم، إن هذا النشء الصغير لا بد أن يعامل بقسوة حتى يشتد غمده ويصبح قادراً على ممارسة مهمته في بناء ورفعته هذا الوطن.. لو تركناهم للمسلسلات التركية وألعاب الإنترنت لفسد الوطن وتحول إلى زريبة، ما هو على وشك التحول لها الآن..

تتذكر كلماتك القاسية الصادمة وأنت جالس في هذا الميكروباص المنطلق بسرعة مائة كيلومتر في الساعة على الطريق الدائري من مدينة السلام - حيث تلك المدرسة الابتدائية البائسة - إلى إسكان الشباب في الشروق حيث تقيم.. تتذكر الكلمات فتغلق عينيك في استمتاع وكأنك شاعر حال وتلوك مذاقها الحنظلي في فمك فتمنحك هذه المرارة دفعة قوية نحو الحياة

تهبط من الميكروباص في صعوبة وأنت تجر ساقيك جراً نحو المنزل حاملاً جريدتك تحت إبطك.. جريدتك التي تحلم بفض وثاقها منذ الصباح وأنت تجلس على المائدة الخشبية البالية تقرأ أحرفها بينما يدك الأخرى تتساقط بفض الماء عن أوراق الخس الناضجة وأسنانك تلوك ما تيسر منها..

تفتح باب شقتك الصغيرة ذات الأمتار المربعة الستين، وتجول بعينيك

ها بين قطع الأثاث.. هناك على الحائط تنتصب صورة حميدة.. الفلاحة
المروية البسيطة، يزين طرفها شريط أسود قاتم.. ثم تعود عينك إلى الأثاث
الذي تهالك معظمه.

.. كده برضه يا حميدة.. تسيبيني لوحدي وأنا ما بعرفش اعمل كوياية
شاي.. أنا كان عقلي فين لما اتجوزتك.. واحدة فلاحة ما بتعرفش
تفك الخط، وماهاش غير في تزغيط البط.. والله تنفع مطلع قصيدة
يا محسن.. واحدة فلاحة ما بتعرفش تفك الخط وماهاش غير في
تزغيط البط، لما تيجي القاهرة العامرة لازم يجيلها سرطان وتموت..
نَحْرَجْتَ مِنَ الْمِيَةِ يَا سَمَكٍ فَلَا زَمَ تَمُوتُ.. يَا.. اللهُ يَرْحَمُكَ وَيَعْفُو
عَنَّا جَمِيعًا..

تجلس بشيابك فوق المقعد الذي فسدت أحد أرجله فصار يصدر أصوات
استغاثة مستديمة، كلما وضعت أثقالك عليه.. وتفرض وثاق جريدتك
القومية المملة.. تقلب الصفحات وتمد يدك الأخرى بحثًا عن حزمة الخس
لنجد فقط أنك نسيت الخس اليوم، ولم ترم على سوق الخضار!!

ترفع وجهك إلى الصورة فتذكر كيف كانت حميدة لا تنسى.. كيف
ذانت ترتدي وشاحها الأسود وتهبط مترجلة إلى ذلك السوق في نهاية
المساكن لتحضر الخس والطماطم والخيار والدجاج.. وتفصل البائعين
وتنتقي أكثر الخضار نضرة وجمالاً.. فلاحة ميت الحبش التي لا تجيد نطق
اسمها كاملاً تجيد الحساب أفضل منك يا أستاذ الحساب!!

- طب قوليلي انتي كنت هعمل إيه.. أنا راجل على قد حالي.. ما بديش
دروس خصوصية عشان محدش يكسر عيني.. وانتي مرضك كان
متعب أوي يا حميدة.. أجيب منين كل ده عشان الحقن والكياوي
والأشعة.. كل اللي حيلتي كانوا ٧٠٠ جنيه يادوب فاتحين البيت

ومقضيئنا.. طب اسألني اخوكي عصام.. لا؛ أخوكي عصام ما كان...
هيفهم حتى لو دكتور يا حميدة.. اسألني اخوكي هيثم.. اسألني الله..
والعوزة بيعملوا إيه.. أخوكي عصام طلع فيا أوي لما قولتله أنا..
قادر على علاجها ولينا رب اسمه الكريم.. طب ما هو كان عايز
ابيع القراطين اللي حيلتي واصرفهم على علاجك يا حميدة.. طب، ا
انا حاولت وما حدش رضي يديني فيهم سعر.. كل من عرف اننا
عوزة بقى بيع ويشترى في.. وانا ما حلتيش غيرهم.. يرضيك ابيع
ورث ابويا بالبخس؟؟.. ولما قالي انه يعرف دكتور كبير هيساعدنا،
ناخد علاج على نفقة الدولة مجاني قولتله لازم نحاول.. إنتي بس
اللي لما قولتيله على موضوع القراطين كش في وشتمني.. يرضيك
اخوكي الكبير يشتمني يا حميدة؟؟ أنا كنت هعمل إيه يعني؟؟

عينك تدمع يا محسن من جديد.. عينك التي حبست دموعها أربعين
يوما منذ أن رحلت حميدة.. أربعون يومًا وأنت تردد نفس القصة أمام
صورتها المنتصبة فوق ذلك الحائط الذي بدأ يياضه في التشقق.. إن الحائط
حزين على حميدة يا قاسي القلب.. فلم أنت لست حزينًا كما تبدو..

تفتقد حميدة لأنك كنت تحبها.. لا يا محسن.. أنت تعرف أنك تفتقدها
لأنها كانت من يُعنى بك.. كانت من يخلع عنك ثيابك ويغسل لك يديك
ويطبخ لك طعامك ويشترى الخضروات ويصلح الأثاث ويرتق الثياب..
كل هذا وأنت لا تجود عليها حتى بأكلة كباب رخيصة.. تقيم بها ظهرها
الذي انحنى فوق قدميك يغسلها في حب..

تضع عينيك فوق صفحات الجريدة لتهرب.. لتجد ذلك الخبر
الغريب.. كيف هرب الأسد من السيرك.. وإلى أين هرب.. وهل يهرب
الأسد هكذا ببساطة ويعيث فسادًا في الأرض؟؟.. لا بد أن الشرطة ستجده

هل أن يصل إلى الشروق.. لقد هرب من السيرك في الجيزة فلا بد أنهم
يصلون له قبل أن يصل إلى الشروق.. أنت لا تطيق تلك الحيوانات..
أب مشاهدتها خلف أقفاصها وتتلذذ بمدرب الأسود في السيرك وهو
يهرب بسوطه الجلدي فوق الأرضية الزلقة فتقفز الأسود داخل النار
طبيعة.. وددت لو تكون مدرب أسود.. بدلاً من تدريب هؤلاء القردة على
الفسمة المركبة وجدول الضرب..

اصنع كوب شاي لا يصلح حتى للشرب.. رشقات قليلة قد تفيد في
سيانك دموعك وحزنك..

تدخل غرفتك لتخلع ثيابك وتستريح قليلاً.. ماذا ستقرأ قبل أن تغفو..
إن النوم لا يأتي بلا قراءة أو حميدة.. رحلت حميدة فلا بد أن تقرأ..

تمد يدك إلى ذلك الكومود الخشبي العملاق.. لتجد ذلك الملمس
الجلدي الغريب.. تمسك ذلك الكتاب الجلدي الصغير الذي وجدته فوق
كتبك الأثيرة.. ما هذا الكتاب.. ما الذي جاء به إلى هنا.. أنت لا تتذكر أنك
اشتريته ولا تتذكر أن أحداً أهده لك..!!

تقلبه في يدك ناظراً إلى الغلاف الجلدي وكلمة الرهاب التي تلمع بجوار
اسم كاتبه إبراهيم صفوت.. هو كاتب لم تسمع عنه ولن تسمع عنه لأنك
ببساطة لا تهتم.. أنت لم تحسب نفسك يوماً على المثقفين أو محبي القراءة..
أنت لا تقرأ إلا لتنام أو تحضر دروسك.. تقلبه من جديد لتسقط صورة
حميدة من منتصف الكتاب..!!

تنظر هناك لتلك الصفحة لتجد ذلك العنوان الذي كتب بخط البالوطة
المتقطع الوصلات:

"الملك"

قصة قصيرة هي.. تتحدث عن رجل بائس يستيقظ من نومه في الصباح
ولا يقوى على التحرك.. أطرافه تبدأ في الارتعاش وعيناه تبدأ في الزلزال
أو ما تسميه (زغلة) وأنفه تطلق إفرازاتها وكأنها هو مريض جيوب أو
في قلب عاصفة خماسينية مرعبة.. فقط ليسمع الزئير.. زئيراً عميقاً لم يسمع
به في حياته.. يخطو على قدميه المرتعشتين ظاناً أن كلباً عملاقاً قد نفاذ
بيته وهو على وشك عضه أو التهام حنجرتة.. فقط ليصدم بذلك إلا
الراقد على قوائمه.. أسد يجلس في غرفة المسافرين كما سماها ذلك الكاتب
كيف يحدث هذا يا محسن.. إن هذا الرجل واسع الخيال لم يتلق تربية صالحة
تجعله عقلاً منطقياً!! إن وجود أسد في صالة المنزل لهو شيء مستحيل
الحدوث!!

فقط عندما سمعت ذلك الزئير القوي المخيف يأتي من خلف باب
الغرفة!!

عرفت أن كل شيء مستحيل يمكن أن يحدث..

أر تتحدث ثورة في البلد يا أخي!!!

* * *

- خدوني عند عماد حالاً

- يا أستاذ إنت سامعني.. إنت اسمك إيه.. رد عليا الأول.

- أكرم فهمي عبدالله حبيب.. ساكن في ٢٨ شارع ١٠ عين شمس.
بقولكم خدوني لعماد حالاً..

* * *

(٢٠)

جريدة (.....) اليومية .. السادسة والنصف مساءً

ماهر الرفاعي .. يجلس خلف مكتبه الفخم ولقافة التبغ ترقد بين أصابعه
، دخانها يقف في قلب المكان .. وأنا جالس إلى يمين مكتبه وولاء تواجهني
إلى اليسار .. المقال المرتقب في يده الأخرى ونظارة القراءة ذات الماركة
العالمية الفخمة تتدلى على قصة أنفه مراقبة تلك الأحرف التي شاركتني في
كتابتها تلك الفتاة ذات الشعر المتموج ..

عيناى لن تخوناني هذه المرة .. عيناى لن ترتفعا إلى ذلك الجبل الشاهق ..
إلى الشمس الراقدة في سلام بين خصلات الشعر المتموجة الشائرة لتلتقي
بعينها .. لن ..

أنا كاذب يا سيدي .. لقد فعلت كل ما حثت نفسي وأمرتها ألا تفعل ..
لقد رفعت عيني إلى قدس الأقداس .. فقط لتلتقي بعينها العسليتين
المقتحمتين .. دفاعاتي الواهنة تبدأ في الاستعداد .. قائد الحامية الرابضة في

قلبي يطلب من جنوده الضعفاء الهازلين أن يقاوموا.. فقط لتسقط كل ١٨ .
الدفاعات عندما همست شفتاها بالكلمة السحرية، ليعلن قائد الحامية أن
القلعة سقطت وانتهى أمرها ولا بد من الاستسلام.

شفتاها تهمسان بالكلمة من جديد، فأقرأ ما تقوله ثم تسقط كل مقاوم،
وينهار كل سد كنت بنيت هنا حتى أقاوم ذلك الغزو.. لقد انتهى أمرك يا
أكرم.. إن عقلك يصدر الأوامر لشفتيك فتنتطقان الحروف تباعاً.. تقا
سيدة الأكوان ما تقوله شفتاك المرتعشتان، فتضيف إلى قوة هذين الكشافين
لمعة تنهار معها آخر الحوائط بين جمهوريتي الرأسمالية الغربية وجمهوريتها
الشرقية الاشتراكية.. لقد انتهى أمرك يا أكرم.

- مش بطل.. كويس.. بس برضه ناقص شوية..

ثم وضع الأوراق وخلع نظارته الأنيقة ليلقى بها على مكتبه وهو يحاول
أن يستدعي الإلهام المقدس ليتحف أذني بكل ما هو مبتكر وجديد في عوالم
صاحبة الجلالة.

- شوية إيه يا ريس؟؟

- شوية توابل يا أكرم.. عقلية القارئ لازم تشوف اللي انت شفنه
بس بالطريقة اللي هي عايزه تشوف بيها.. حاجات كده محتاج زمن
طويل عشان تعرف توصلها يا ابني..

بدأت الحكمة المقدسة في التساقط على وجوهنا إذن..

- منكم نستفيد يا ريس.

- بس انا معترضة يا ريس معلىش.. عقلية القارئ دلوقتي ما بقتش زي
زمان.. دلوقتي القارئ عايز يقرأ الحقيقة عشان يصدق أي حاجة هي
وسط هالة الكذب اللي احنا عايشين فيها..

بت يا ولاء.. ما تتلامضيش عليا.. عقلية القارئ البسيط العادي
مش هتغيرها ولا مليون هوجة زي اللي انتو عملتوها دي.. القارئ
هيفضل طول عمره يعدي على الأخبار الواقعية بتاعتك ويمصمص
شفايفه ويقول بمنتهى البساطة "شوف ولاد الكلب بيضحكوا علينا
ازاي" لكن يوم ما يعدي من قدامه خبر فلان اللي دبح عياله ومراته
عشان الشياطين طلعتله وأمرته بكده أحسن يتمسخ قرد.. هيقولك
"سبحان الله دي الدنيا دي ياما فيها حاجات غريبة" وبعدين
يضحك بحسرة ويقولك "بس بتحصل والله واكثر من كده كمان"
يعني القارئ يا أستاذة مالوش دعوة بخلفياتكم الثقافية المجعلصة..
فهمتي ولا ناوية تتلامضي تاني؟!!!

ثم أخرج لفافة تبغ من علبة الفضية الأنيقة ومدتها إلي..

خد سيجارة يا أكرم.

- لا يا ريس.. ربنا يعفو عنك انت كمان.

- إيه شغل سواقين التاكسي ده.. حد قالك إني عايز ابطلها.. ده انا
بحبها أكثر من مراتي..

ثم أشعل اللفافة بقداحته العملاقة وسعل مرتين وسط ضحكاته
المجلجلة..

- طبعًا اللي هيقولها فيكم هرميه في الشارع.

ثم أطلق ضحكة عالية مجلجلة وهو يتناول الأوراق ويمد يده بها لي..
فضحكت مجاملًا له في هدوء، بينما ولاء تمدق فقط في مكان واحد.. إنها
عيناها.. عيناها اللتان أحاول أن أضعهما في ثلاجة موتى أمام عيني ماهر
الرفاعي حتى لا تقول له بكل قوة: "يا سيادة رئيس التحرير المبجل.. كل

تفاهاتك وترهاتك عن عقلية القارئ لا تهمني ولا تساوي قشرة...
بالنسبة لي.. كل ما أريده أن تتركني لحالي وألا تشطب حرفاً من مقال...
والا شطرت رأسك إلى نصفين".

- عايزك تقعد عالمقال شوية كده وتمخمش في كام عنوان من...
التوزيع يا أكرم.. احنا فارشين فرشاة محترمة على الموقع، وقابو...
معاك بالواجب وزيادة.. آه عايزك بقة تركز لي أوي على موضوع...
الراجل اللي هبشه الأسد.. وبالذات بقة الإهمال الحكومي اللى...
تسبب في هروب الأسد ده من السيرك.. وازاي فضل لحد ما راح...
الشروق وهبش الراجل في الشارع وتسبب في دعر لسكان المنطقة...
وازاي...

- معلش يا ريس على المقاطعة.. بس هو ما هبشوش في الشارع ولا...
سبب دعر لسكان المنطقة ولا حاجة.. اللي حصل إنه هبشه في الشارع...
وبعدين خد سهم مسموم زي بتوع حدائق أفريقيا المفتوحة قضا...
عليه.. يعني لا دعر ولا بتاع.. غير إنه كمان اتسرق من السيار...
سرقة.. بس الداخلية مخبية عشان الكلام بتاع الوضع ما يستحس...
والكلام ده..

حدق في بنظرة رمادية كثيبة مستهتره ساخرة.. ونفث دخان سيجاره..

في وجهي..

- أكرم..

- أوامر يا ريس.

- إنت تعرف عني إني جاهل أو اهيل..

- لا العفو يا ريس إحنا بتتعلم منك..

- يعني انت فاكرنى مش عارف كل التفاصيل اللي انت بتقولها دي،
ومن قبل كمان ما تكتبها في مقالك.. فاكراى ماليش اتصالات
وعارف إن الداخلىة مخبية موضوع الأسد اللي اتسرق وطلعتة
للناس على إنه هروب عشان محدش يقول إن الداخلىة مهملة في
حراسة الحيوانات المفترسة.. وإن حراس السيرك هما اللي مهملين
عشان ما قفلوش الأقفال كويس، وكل الكلام اللي هتسمعه بكرة
بالليل في برامج يسري فودة ومحمود سعد.. أنا عارف كل ده كويس
يا أكرم.. بس ليه إنت بتقوله ده يتنشر في صفحة الحوادث في الأهرام
والجمهورية.. لكن احنا مش ناقل أخبار يا أكرم.. إحنا صنّاع أخبار
يا أكرم.. فهمت؟!!!

نظرت إلى ولاء التي تحولت نظرتها إلى غضب مستعر، وقد أوشكت
على قضم رقبة ماهر الرفاعي مثل ذلك الأسد الذي قضم رقبة المدرس
ثم قضم.. ما علينا.. لكنني قربت وجهي من المكتب الفخم، وقلت بأكثر
الطرق أدبا واحتراما استطاعتها نفسي القلقة الغاضبة..

- بص يا ريس.. افتكراى قولت لحضرتك زمان أول ما اشتغلت هنا
إنى ما بحبش طريقة الراجل اللي عض الكلب بتاعت إخواتنا في
الجراید إياها..

- إنت قصدك إيه يا أستاذ.. قصدك إنى بقلد الجرايد الصفرا؟!!!

- لا صفرا ولا حمرا يا ريس واسمعني لحد ما اخلص كلامي لو
سمحت.. أنا ماليش في شغل الإثارة الرخيص وما يفرقش معايا
إن الجرنان يوزع ولا ما يوزعش ما دام مصداقيتي قدام القراء اللي
بيدفعوا فلوس في الجرنان ده عشان يقرأوا التحقيقات اللي بكتبها..

- مصداقيتك.. قراءك.. إنت بتكلم مين كده يا أكرم؟!!!

- يا ريس بعد إذنك.. هي دي الطريقة اللي انا بشتغل بيها طول عمري.. واللي هفضل اشتغل بيها طول اللي فاضل من عمري.. حضرتك عايز تغير المقال براحتك بس بعيد عني.. يعني اسمي ما ينزلش عليه ولا يبقى لي صلة بيه.. بس يوم ما يحصل كده أنا هقعده. في بيتي أراعي أمي المريضة واطبخلها محشي وملوخية أحسن مليون مرة من الطبخ أبو ريحة فايحة اللي انت عايزني اعمله..

قبضته الهادرة تضرب المكتب فتطيح بكوب القهوة إلى السجادة الفخمة.. وعيناه تطلقان شررها المستعر نحو وجهي فتكاد تحرقه أو تذيبه كسيكة برونزية رخيصة.

- إنت بتكلمني أنا بالأسلوب ده يا أكرم.. أنا ماهر الرفاعي.. عارف يعني إيه ماهر الرفاعي!!؟

- شديد احترامي وتقديري لو ضعك الصحفي وال..

- إنت تخرس خالص.. إنت مش قولت الكلمتين اللي كانوا كاتمين نفسك.. اسمع بقه يا أكرم يا فهمي.. أقسم بالله العلي العظيم لو ما اتعدلت معايا في كلامك وتعاملاتك لأكون مانعك من الصحافة طول عمرك.. مقالك عندك وهنشره بس عشان الإعلانات والبروبجندا اللي اتعملتله وعشان ميثاق الشرف الصحفي اللي بيلزمنا كلنا إننا ندي الفضل لصاحبه.

ميثاق الشرف الصحفي أيها الأفاق.. كم من مقال لصحفيين مغمورين كان يدخل مفرمتك الصلبة فيخرج مذيلاً باسمك!!

- وكلمة وهي الكلمة يا أكرم.. ده آخر إنذار ليك.. وإلا ورحمة أبويا لتكون مشرف على الرصيف في ميدان التحرير مش لاقى جرنان يعبرك.. وابقى ساعتها شفلك مدونة ولا موقع سرقة اكتب فيهم

لقراءك يا سبع البرومة يا فارس القلم.. ودلوقتي اتفضل.. أنا
مستني مقالين تانيين عن الموضوع ده بالتطورات الجديدة.. أما بقه
موضوع الأسد فا انا اللي هتولاه بنفسى.. وأنا حرّ بقه.. أقول اللي
احب ا قوله لقرائي يا أستاذ... يا طاهر..

عم طاهر يأتي مهرولاً ويفتح الباب على مصراعيه وركبته العجوزتان
تضربان بعضهما ككرتي بلياردو..

- أوامر يا ماهر بيه.

- ابعتلي حسن مرزوق بسرعة.. واعملي زفت سادة بدل اللي ادلقت
دي..

طار عم طاهر مليبًا الأمر بسرعة بينما ماهر الرفاعي يتشاغل بالنظر في
أوراق خاوية أمامه وبكل برود ثلاثيات سوق العبور

- اتفضل يا أستاذ.. مستني المقال.

- حاضر يا أستاذ ماهر.. حضرتك تؤمر.

- اه.. يا أستاذة ولاء.. الكلام برضه موجه ليكي.. الجرنان ده أنا اللي
بديره وبسياستي أنا.. واللي هيشغل هنا يشغل بطريقتي.. مش
عاجبه.. باب الجريدة لسه بايظ وما بيقفلش كويس.. ياخذ بعضه
منه وعلى الشارع..

ثم أشار بطرف يده لنا كي ننصرف.. ولاء أو شكت على الردّ بكل
عنف وشراسة تعلمتها في مواجهة قوات الأمن المركزي أيام يناير.. حتى
أوشكت أن تقفز فوق مكتب ماهر الرفاعي وتضرب وجهه بمقدمة حذائها
الرياضي الصغير.. إلا أن يدي قبضت على معصمها في قوة لم تشعر معها
بأي شيء سوى أن غضبها كله تحول إليّ وأنا أجراها جرًا إلى خارج المكتب..

- ممكن تسيب دراعي بقه لو سمحت..
- مش هسيبه غير واحنا في الشارع يا ولاء.. فاهمة.
- وياه اللي هيودينا الشارع؟؟
- هعزمك على حاجة ونتكلم شوية..
- وهنا التفتت نحوي بعينها الشرستين.. فقط لأجد تلك النظرة التي
تحطم أسوار قلبي وتحولني إلى طفل في الخامسة يبكي أمه التائه عنها..
- أكرم..
- نعم يا حب.. نعم يا ولاء.
- وحياة امك.. ورحمة ابوك.. عيد الجملة دي تاني..
- صمت وأرسلت عيناى إلى مكان آخر في ردهة الجريدة شبه الخاوية..
إلا أنني كنت في كل مكان أجدها.. عيناها تحيطان بي وتظهران في كل
مكان.. لا هرب منها ولا مفرّ.
- أكرم.. حرام عليك
- حرام عليكى انتي.. ما تبصليش كده لو سمحتي.
- ليه.. مش عايزني ابصلك ليه..
- عشان مش عايزك تبصيلي.. يا ولاء أنا...
- إنت إيه يا حبيبي..
- أنا كلها كام شهر وهبقى صايح.. الصدام هيحصل هيحصل.. أبويا
ميت وما سابليش غير السمعة الطيبة وشقة جدي في القلعة اللي
الرطوبة نشعت في حيطانها.. وامي عيانة وعايضة رعاية.. واللي جاي
على قد اللي رايح..

- وحد قالك إني عايزة منك نص جنيه سلف.. أنا عايزاك انت..
- رعشة تسري في جسدي فتحيلني إلى مجنون أخرج لا يقوى على الكلام..
- والعينان تكملان حرق ما تبقى من قرى ثواري وفيالتي مقاومتي..
- ها ها... هتسحتي معايا يعني على أبواب الجوامع.
- ولو على أبواب الكنائس كمان هسحت.. أنا ما صدقت لقيتك
- ومعنديش استعداد تضيع مني تاني عشان الكلام الا هبل اللي بتقوله
- ده..

ثم غمزت بطرف عينها وقالت هامسة:

- ولا في سبب تاني وانت مكسوف تقولي.
- سبب إيه يا بت انتي.. ما تحترمي نفسك.
- ضحكتها ترن في أذني رعدًا يدوي في سمائي.. وعيناها تلمعان فترسلان
- برقًا يجلب أمطارًا تذيب أراضي اليابسة القاحلة.
- ما دام بإرادتك الكاملة المتكاملة يبقى انتي حرة..
- إيه!! ناوي تمص دمي يا عم دراكولا..
- لا يا لطيفة.. ناوي اجي البيت واطلبك من الغلبانة اللي مخلفاكي.
- يا مثبت العقل..

ثم وضعت كفها فوق جبهتها وتظاهرت بالسقوط حتى كادت تسقط
 فعلاً لولا قبضت يدي من جديد على ذراعها الناحل فرفعت عيناها
 العسليتين اللامعتين، وبكل ما في الدنيا من ورود وعصافير وقلوب صغيرة
 تتطاير فوق صفحة كراس وردني لامع..

- بحبك..

- بحبك.. من أول يوم شفتك فيه وأنا بحبك.. من أول ما هجمت
عينكي على حياتي وأنا بحبك.. من أول ما رحتي تبصي على
صوابي الفاضية وأنا بحبك.. من أول ما نطق لسانك اسمي وأنا
بحبك..

- احم احم.. لا مؤاخذة..

صوت عرفة عبد العاطي المصور الشاب في جريدتنا يخرق حوارنا
الهامس، وابتسامة خبيثة تعلق وجهه الصبياني حليق الشعر، وهو يحاول
جاهدًا أن يتناسى المشهد الغرامي المؤثر الذي رأى فيه أستاذه الصموت
المقبض.

- لا مؤاخذة يا أستاذ أكرم كنت عايز بس اقولك على حاجة كده..

تركت ذراع ولاء، وتوردت وجنتاها الخمريتين برحيق أحمر يطلقون
عليه دمًا.. وراحت تشير بيدها، وتقدم خطوات وتؤخر أخرى ثم...

- طيب يا أكرم هستناك في مكتبك..

- ماشي يا ولاء.. أنا هخلص مع عرفة واحصلك..

نظرت إلي من جديد بتلك النظرة التي تقسم قلبي إلى نصفين وتحولني
إلى أسير حرب في جيوش عينيها، ثم انصرفت على عجل..

- تصدق إنك عيل بارد..

- أنا آسف والله يا أستاذنا بس انا... حقاك عليا معلىش.

- يا عم خلاص خلصنا.. إيه خير؟!!

- الصور اللي خدناها النهاردة الصبح في المشرحة بتاعت جثة البنت
إياها..

- ما لها..

- من ربيع ساعة فتحت الكمبيوتر عشان ابعثهم لبتاع التنسيق يحطهم فوق المقالة.. بس لقيت حاجة غريبة أوي..

- لقيت إيه يا عرفة ما تخلص وتجيّب من الآخر..

تلقت حوله يمّنة ويسرة، وكأنه سيخبرني بسرّ نكسة ٦٧، ثم اقترب مني وقال هامسًا:

- الصور اتمسحت من على الجهاز يا أستاذ أكرم.. اتمسحت كلها..

- يا نهار أبوك إسود.. ده انا اظير رقبتك فيها..

- يا أستاذ أكرم مش دي القضية.. أنا معايا تلت نُسخ تانية في أماكن متفرقة محدش يعرف يوصلها.

- أمال إيه القضية يا عرفة..

ضيق عينيه وهو يضغط على مقاطع حروفه كأنه يقضم من رغيف كلمات يابس..

- القضية إن اللي مسح الصور ساب مكانهم صورة واحدة بس في نفس الفولدر الصورة دي يا أستاذ..

ثم مدّ يده إلى بصورة مطبوعة بالألوان تُظهر رجلًا في أوائل ستيناته.. يرتدي نظارة طبية أنيقة، وبتسم في وقار للكاميرا..

صورة دكتور أحمد سليمان!!

* * *

حاشية لا بد منها

حلمي عبد المتجلي..

هو اسمك الذي اختاره لك أبوك.. الطبال السابق بفرقة الراقصين الشهيرة.. الأسطى عبده، كما يسمونه في شارع محمد علي.. الأسطى عبده الذي تحول تلامذته النجباء إلى طبالين وعازفي إيقاع في كل الفرق الشهيرة في أواخر الثمانينات، وتحول هو إلى عاطل مدمن للكحول.. فقط لأنه لم يعرف من أين تؤكل الكتف!! فتزوج من أمك حسنية البلانة، فقط كي ينجب من يضره ليلاً بحدائه البالي، عندما تسكره الخمر فلا تبقي له من عقل!!
حلمي البرص..

هو اسمك الذي دخلت به تلك المدرسة الابتدائية في أطراف إمبابة.. هو اسمك الذي دخلت به المدرسة لتخرج منها كما دخلتها بعد أن ضربك أبوك على رأسك حتى كاد يقتلك عندما رسبت في الابتدائية للمرة الرابعة!!
حلمي إبليس..

هو اسمك الذي تعرفه منذ أن رحل عم عبده عن الدنيا.. رحل يوم أن قرر أنه لا خمر بعد اليوم.. رحل وهو ساجد يصلي الفجر وتركك في هذه الدنيا تتبوء فيها مقعدك من النار بكل سرعة..

تقف هناك فوق الرصيف العالي الذي تتسلقه بكل ما تحمل الكلمة من معاني التسلق.. وأنت تنتظر ذلك القادم من بعيد في ظلمة الشارع.. الشارع الذي لا ينيره سوى مصباح ضوئي خرب باقي من ضمن عشرة مصابيح علقها أحدهم في رمضان ثم تناوب الصبية على تحطيمها على سبيل تزكية وقت فراغهم الطويل..

يقرب منك فتظهر ملامح وجهه الوسيمة في ظلال المصباح القائمة.

- إزيك يا حلمي.. في معادك بالضبط
- مرحبًا يا دكتور.. أنا راجل سمعتي في كلمتي يا برنس..
- يطلق ضحكة تعتقد أنها ساخرة.. لكن عقلك المظلم لا يبالي بها كثيرًا..
- أنت مجرد برص يا حلمي.. وهل للبرص كرامة حتى يتضايق عندما يسخر منه الناس!!
- جبت اللي اتفقنا عليه يا دكترة.
- جبهه طبعًا.. المهم تكون فهمت إنت هتعمل إيه..
- فهمت يا برنس هي كيميا.. وبعدين دي مش أول شغلانة نعملها سوا..
- ولا آخر شغلانة يا أبو الأحلام.. بس ختي بالك.. صحيح إنت عدت من موضوع البت على خير، ومحدث شافك وانت داخل العيادة لما النور قطع.. بس برضه بصماتك مرمية في كل حته.. المرة دي لازم تبقى أحرص شوية يا حلمي..
- بص يا برنس.. أنا حلمي إبليس ولا مؤاخذة.. لو بصماتي منطورة في العيادة كلها.. ولا يفرق.. عشان أنا كده كده اللي بنضف العيادة واروقها كل يوم قبل ما امشي.. غير إن لا مؤاخذة ساعة الحادثة إياها أنا كنت سهران مع الرجالة فوق سطح عمارة في إمبابة.. صحيح أنا سبت السهرة، ونزلت ورجعت تاني الساعة اتناشر بالليل.. بس الرجالة كانت معلية ورايقة أوي.. ولا أي جثة فيهم هتفتكر إن حلمي سابنا ساعتين ورجع تاني بعدها.. كله هيحلف بالطلاق إن حلمي ما اتحركش من هنا..
- ده انت مظبط أمورك بقه يا حلمي..

- تلامذتك يا دكترة وبتتنور منك لا مؤاخذة..

أخرج ذلك الرجل ظرفاً ضخماً من جيبه، ومنحك إياه فرحت تتحسب...
في نهم.. هذا هو ملمس المال كما تعرفه حتى وإن كان مغطى بالورق البني
الخشن..

- كام دول يا كبير؟

- اللي اتفقنا عليه يا حلمي وفوقهم هدية صغيرة..

- طب وبالنسبة للأقراص..

- آه.. استنى..

يخرج الشريط من جيبه ليمنحك إياه.. فتلقفه في نهم ككلب القواله
بعظمة تشابك اللحم في أطرافها، فراح يعوي بها فرحاً.. بينما رفع يده إلى
جوار رأسه محيياً، وانصرف في الظلال كما جاء..

أموال يا حلمي.. أموال تكفيك كي ترحل من بشتيل ومن إمبابه ومن
القاهرة العشوائية الحقيمة.. أموال تكفيك كي ترتدي الجديد، وتغير من
شكلك الشبيه بالبرص.. أموال تكفيك كي تبدأ من جديد بعيداً عن سيرة
عم عبده الطبال والست حسنية البلانة..

تجلس في تلك الغرفة الحقيمة التي لم تجدل لك مشوى سواها، وتفك عذرية
ذلك الظرف المنتفخ لتجد رزم الأموال تتكدس فيه في إغراء تنتظر يدك
المعروقة كي تنقض عليها وتنتهك نضارتها ونعومتها..

تبتلع قرصين من ذلك الشريط.. قرصين دفعة واحدة حتى ترتفع
رأسك الصغيرة إلى عنان السماء.. كي تكتم صرخات الإثارة التي تودّ لو
تنطلق من حنجرتك الخشنة، كلما لمست يداك أوراق المال الناعمة.

يسقط الظرف من يدك، ومكان سقوطه تجد ذلك الكتاب!!

الكتاب الذي كنت مرسالاً لتوصيله يوماً.. الكتاب الذي وضعته في
٤٠ برعي.. وفي شقة علاء.. وفوق الكومود الخشبي بجوار صورة محسن..
وامام المشتل التي عملت فيه تلك البائسة خطيبة ال..

لكن في غمرة الغيبوبة التي بدأت تداهمك من القرصين القويين.. تجد
مكيناً وضع بين صفحات الكتاب..

تمسكه وتخرج السكين بيديك لتجده قد فتح على صفحة ما..

وسط ظلال المصباح المعلق في سقف الحجرة القدرة قرأت عينك
بصعوبة تلك الكلمات:

"وسط الناس"

هذا عنوان من داخل ذلك الكتاب.. ولكن لم تهتم.. أنت لا تقرأ ولا
تحب القراءة.. حتى عندما كان يمنحك الدكتور سليمان كتاباً كي تقرأه
كنت تلقيه في أول مقلب عمومي، وتدعي أنه سرق منك في الميكروباص
حتى لا..

عينك لا تقرأ الحروف.. عينك تضيق والدنيا توشك على الإظلام من
حولك..

- مش عارف تقرأ.. ولا يهملك أنا اقرالك..

تلتفت في حدة حتى كدت تكسر رقبتك نحو ذلك الظل الرابض في
ركن الحجرة، تحاول رفع يدك بالسكين كي تتحرك نحوه لكن ثقلاً يسقط
فوق كتفيك فلا تقدر.

- إنت مين يا عم انت!!؟

- ما انت عارف يا حلمي.. إنت بس اللي سمعك تقل وعينيك بتديه..
شوية.. معلىش أنا حاولت اجيبلك حباية تخلص بسرعة بس لقيتها
هتكلف شوية.. وانت الصراحة ما تستاهلش يدفع فيك حقها..

الآن تبين الصوت.. تحاول أن تفتح عينيك فلا تقدر.. تجرر ساقيك
الذين ترتعشان من فرط الألم.. ومعدتك تأبى أن تتوقف عن آلامها
المبرحة.. أحدهم يضرب معدتك بمطرقة تزن عشرة كيلوجرامات من
الصلب.. ثم لماذا ترى الباب باين حتى لا تقدر على الوصول له..

- هو الصراحة يا حلمي أنا احترت في الجرعة اللي تكفيك.. بس
الكبير اكدي إن قرصين من البتاع المركز ده كفاية عليك أوي..
هو عمل حسابه إنك بتشرب شاي وقهوة كثير، وجسمك متعود
على الثيوفلين، ومش هيخلص عليك بسرعة.. بس انا أكدت إني لما
نضيف على الخلطة ديوكسين هتبقى أحلى وأجمل..

ثم أشعل لفافة تبغ يا حلمي وأنت تزحف محاولاً الخروج من الباب..
جسمك الناحل يزحف فوق درجات السلم الأربعة لتخرج زاحفاً إلى
الشارع المزدهم.. الشارع الذي طالما كرهته بضيقه ورائحة عطنه ومقهاه
القدر..

- إيه ياد يا حلمي.. مالك.. إنت مبيع إيه مخلبك تزحف كده..
القيء يبدأ يا حلمي.. لكنه قيء مَرَّ.. عيناك لا ترى سوى أضواء،
خاطفة، وجهازك العصبي فقد السيطرة على جهازك الهضمي فراحت
سوائل قدرة تسرب من جسدك إلى ثيابك القدرة

- الإسعاف.. اطلبوا الإسعاف..
تمسك بطرف بنطال تجده في طريقك وتشده.. تشده بكل ما تملك من

قوة لينحني صاحب البنطال نحوك..

- إيه يا شقيق مالك.. إنت بلبعت إيه؟؟

- الدكتور..

- بتقول إيه يا ابن المرة مش سامعك..

- الدكتور..

ثم رحت تهمس بها متواصلًا.. تهمس بها بلا توقف.. تهمس بها والأضواء تخفت..

وتخفت.. وتخفت..

* * *

- خدوني عند عماد حاليًا

- يا حبيبي اهدئ بس.. أنا بكلمه ما بيردش

- اهدئ يا أكرم.. ضغطك لسه واطي ولازم ترتاح..

- أبوس إيدك يا ولاء.. خديني عند عماد حاليًا..

* * *

(٢١)

مديرية الأمن... العاشرة مساء

كعادتي في هذه الأيام اللزجة المتوترة أقتحم حجرة مكتب عماد بدون أي سابق إنذار، وهو جالس فوق مقعد جلدي منخفض مجاور لمكتبه، يقرأ تقرير الطب الشرعي المفصل لجريمتي الفتاة سمية، وذلك المدرس البائس البدين الذي توفيت زوجته قبل أربعين يوماً من التهامه عن طريق أسد مصاب بالسعار!!

- مش تخبط الأول يا زفت قبل ما تحش..

- مرّة من نفسي يا حضرة المعاون..

- حضرة المعاون شكله هيلبس البيجامة قريب.

ثم يلقي بالتقرير على مكتبه في إهمال، وينفث من دخان لفافة التبغ وهو يراقب حلقات دخانه الصاخبة الغاضبة تنطلق في هواء الغرفة الكئيب.

- أنا جايلك في موضوع مهم جدًا
- ده انا اللي عايزك في موضوع مهم جدًا جدًا.. اقعد على ما ابعت اجيب قهوة..
- ثم رفع عقيرته منادياً على ذلك ال.. أيا كان.. ليحضر لنا قهوتين.
- من حوالي ساعة كده وصلت المستشفى جثة الواد اللي اسمه حلمي..
- الفراش بتاع عيادة دكتور سليمان ما انت عارفه.. الواد خرج من بيته في الدور الأرضي زاحف، وييجيب في كل سوائل جسمه على الأرض.. من دم لقيء لبول لبرازل..
- بس الله يقرفك خلاص.. خش في المهم.
- المهم إنه قبل ما يودع قال كلمة واحدة بس لواحد من شلة الأُنس بتاعته.. استنى هخليك تسمع منه بنفسك..
- دلف بيومي بالقهوة على صينية، بينما عماد ينهض دائراً حول مكتبه ليجلس خلفه على سبيل الهيبة..
- بيومي.. هات الواد بتاع بشتيل.
- أوامرك يا باشا.
- ثم وضع الصينية على الطاولة، وأنا أهمس في أذنه:
- إزيك يا بيومي.
- الحمد لله جنابك.
- فين العشرين جنيه.
- عشرين إيه جنابك!!؟

- اخلص يا بيومي روح هات الواد.

أدى التحية ثم انصرف مسرعًا، وقد أنقذته صرخة عماد من استجوابي ..
وعماد يرسل نظراته الغاضبة نحوي فتحمّر أذناي خجلًا .. العشرين جنبه
هي أمر مصري بالنسبة لي .. لا بد أن أستردها معها كان الثمن ..!!

دلف إلى الحجرة شاب نحيل بشكل مرعب .. تحيط بعينه أكثر الهالات
سوادًا مما رأيته في حياتي .. يرتدي بنطالًا من الجيتز يضيق ليصبح باتساع فم
الحذاء الأحمر الفاقع الذي يرتديه وقد زين رأسه شعر خشن، قصّ جانبا
حتى أصبح مثل فرشاة الأحذية الخشنة ..

- تعالى يا سيد، ما تخافش ..

- أنا ما اعرفش حاجة غير اللي قولته والله يا بيه .. الله يخرب بيتك يا
حلمي ..

- الله يرحمه يا سيد .. احكي للباشا حصل إيه بالضبط من ساعة ما
خرج زاحف من بيتهم لحد ما قالك الكلمتين .

- أوامرك يا باشا .. والله يا باشا إحنا كنا قاعدين على قهوة تفاهة ..

- قهوة إيه؟؟

- تفاهة يا باشا .. بتاعت الواد حودة تفاهة اللي مدور تكاتك في
المنطقة .. وبصينا لقينا الولا حلمي خارج بيزحف على بطنه من
البيت، ولا مؤاخذه بيطرش حاجة لونها اصفر .. ولما قربنا منه راح
عم حسين رامة ..

- حسين مين؟؟

- حسين رامة يا باشا بتاع السايبر، راح متصل بالإسعاف بس لاقاهم
مشغولين يا بيه .. وولاد الحلال جم يشيلوه عشان نحطه في أي

توك توك، ونطلع بيه على الجمعية الشرعية، راح طابق في الشيرز ومكرمشه في إيدته.. عينيه يا باشا كانت محمرة وزبي ما يكون ضارب حاجة..

- حاجة زي إيه؟؟

- والله يا بيه ما اعرف.. أنا بطلت كيميا من شهرين وربنا تاب علينا، لكن حلمي كان يعرف دكتور من المعادي بيحبيله اقراص يوزعها عالي عايز في المنطقة.. غير لا مؤاخذة البانجو.. المهم يا بيه راح طابق...

- طابق في الشيرز ومكرمشه، دي عرفناها.. وقالك إيه.؟؟

- قاللي: الدكتور.. الدكتور، وبعدين فضل يقوها كثير لحد ما سلم نمر في التوك توك قبل ما نتحرك بيه.

صمت الفتى، فنظر لي عماد نظرة ذات مغزى، جعلت عيناى تضيقان، وهما تتركزان في قلب ذلك الحذاء الأحمر الملوث ببقايا قيء المرحوم، بينما عماد يأمر الفتى أن يرحل، ويعطيه بطاقة الشخصية، فأطلق لساقه الريح فرحاً بخلاصه من قبضة هذا الغول ضابط المباحث..

- إيه رأيك في اللي سمعته؟؟

- رأيي إن احنا لازم نمنع الكارثة الجاية بسرعة يا عماد..

- كارثة إيه مش فاهمك!؟

- النهاردة المصور اللي خد صور الجثث الصبح مالقاش الصور في الفولدر على الكمبيوتر.. ولقى صورة واحدة مكانهم هي صورة الدكتور سليمان.. والواد ده يقول الدكتور الدكتور.. يعني الهدف الجاي للبيه بتاع الفوبيا ممكن يكون دكتور سليمان شخصياً.

- هو موضوع صورة الدكتور سليمان مقلق فعلاً.. بس الواد لما قال
الدكتور ما كانش قصده الدكتور سليمان يا أكرم..

- مش فاهمك خالص..!!

مدّ عماد يده إليّ بملف بلاستيكي صغير.. تصدره صفحة تشبه السيرة
الذاتية عليها صورة لشاب وسيم في أواسط ثلاثيناته.. يرتدي نظارة طبية
أنيقة.

- مين ده؟؟

- عصام أحمد عبدالقادر الحبشي.. أربعة وتلاتين سنة.. خريج كلية
الطب جامعة القاهرة وأخصائي باطنة، ومعاها ماجستير في طب
المناطق الحارة.. أعزب.. وكان فاتح عيادة في حدائق المعادي..
ظروفه المادية سيئة جداً، ومن أسرة بسيطة جداً..

- وده إيه علاقته باللي احنا فيه؟؟

- أنا أقولك يا أستاذنا الصحفي الهمام.. لما حصرنا دايرة معارف المجني
عليهم النهاردة الصبح.. لقينا الاسم ده متكرر كثير أوي.. "عصام
أحمد عبدالقادر الحبشي" يبقى شقيق "هيثم أحمد عبدالقادر الحبشي"
لاعب الكرة اللي كان لسه رايع يمضي للزمالك يوم ما اتقتل.. كمان
طلع خطيب أمل البنت اللي نزلت لحد ما ماتت في المشتل.. وكمان
هو أخو المرحومة حميدة أحمد عبدالقادر الحبشي، زوجة المجني عليه
رقم سبعة محسن عبد القوي صليحة..

- صدف غريبة والله!!

قلتها ساخرًا، فنظر عماد نحوي، وقد لمعت عيناه ببريق أعرفه عندما
يسبق بخطوة..

- لا؛ خذ عندك بقه الصدف الأغرّب دي.. لما اتصلت بدكتور سليمان أسأله هل يعرفه أو سمع عنه قبل كده؟ طلع يعرفه كويس جدًّا.. وإنه يا عيني كان بيتعالج عنده في فترة من فترات حياته من صلعة عاطفية حصلتله نتيجة خيانة خطيبته ليه.. لا وبعدين طلب مساعدته في إنه يوصل ورق أخته المريضة بالسرطان لمعهد الأورام عشان تتعالج على نفقة الدولة.. خذ عندك بقه اللي جاية دي..

- اديني يا العيب..

- لما بعثنا اسمه الأمن الوطني.. عشان نشوف ليه نشاط سياسي ولا حاجة..

- الأمن الوطني!! هي مش الملفات اتحرقت واتفرمت باين..

- واد يا أكرم.. ما تلعبش اللعبة دي معايا يا روح امك.. أنا مش مصدر هتسر سب منه معلومة، وخليني ساكت.

- طيب خلاص قلبك ابيض.. كمل لقيتوا إيه..

- الدكتور عصام عضو مؤسس في حزب الحق السلفي.. لا؛ وكان المفروض ينزل على قوائم الحزب في جنوب القاهرة، بس شوية خلاقات في الأفكار والاعتقادات السياسية خرّجته من الحزب.

- يا راجل.. طب ومستنين إيه.. ما تجيبوه عشان نتعرف عليه..

- مالوش أي أثر.

ثم أشعل لفافة تبغ بقداحة معدنية كبيرة، ونفث الدخان وهو يرشف من قهوته، ثم نظري متابعا:

- يعني إيه مالوش أثر.. مش بتقول إنه في عيادة.. وأكيد له محل سكن هنا ولا في القرية اللي هو منها.

- مالوش أثر في أي مكان منهم.. العيادة مقفولة من يومين.. بلا مال..
ما يعرفوش عنه حاجة من شهر.. حتى العوامة اللي هو مأجرها..
امبابة.

- عوامة.. إنت بتقول إنه من أسرة بسيطة وعلى قد حاله.. يأجر عوامة..
ازاي؟!!

- ده اللي حصل.. لما بعنا اتنين تلاتة من رجالتنا يفتشوا عنه.. وانا
من سكان المنطقة اللي فاتح فيها عيادته قال إنه زاره مرة قبل كذا..
في عوامة عالكورنيش ناحية كوبري امبابة والقسم.. ولما رجالتنا
راحوا هناك لقوا فعلاً العوامة متأجرة باسمه شهر بخمس تلاف..
جنيه مفروشة.. وكان بييجي العوامة لوحده غالباً زي ما الراجل
الغفير اللي قاعد هناك قال لنا.. طبعاً عشان ما نستناش أمر النيابة..
فتحنا باب العيادة بطريقتنا، وتخيل لقينا إيه!!

- لقيتوا مخزن كتب الرهاب مثلاً؟!!

نظري في تقزز، فمنحته ابتسامة بلهاء من النوع التي تضيق فيه عيني،
وتظهر فيه كامل أسناني، فيوشك على أن يحطمها.

- لقينا مجموعة أبحاث عن تطور السموم.. ودورة السموم في جسم
الإنسان.. والسيطرة على جرعات السم المميتة في جسم الإنسان
وشوية محاليل طبية أول ما نطلع إذن النيابة الصبح هنتحفظ عليها
ونبعثها لتحلل كويس، عشان نعرف فيها إيه.. ومالقيناش أي نسخ
من الهباب اللي بتلاقيه جنب كل الجثث..

- بيتهايا لي عدا جثة الواد اللي اسمه حلمي..

- لا يا اخويا لقيناها مرمية وسط هدومه لما بعنا الشباب بتوع قسم
امبابة يفتشولنا الشقة.. يعني الأخ حلمي كان ضحية هو كمان..

آه كان في شريط كده فيه أقراص زرقه.. بعتهاه عند دكتورة أمل البيت.. والحقيقة الست كانت متعاونة جدًا جدًا ولطيفة جدًا، لدرجة إنها كلمتني بنفسها من نص ساعة، واديتني النتيجة.

- كلمتك بنفسها.. ومتعاونة جدًا ولطيفة جدًا.. مم.. وكانت إيه النتيجة يا حضرة الطباط أوي جدًا..

- ولو إني شامم في لهجتك طريقة مش عاجباني لكن هقولك.. الدكتورة بتقول إن في مركبات من نوعين من الأدوية في الأقراص وإنها أول مرة تشوفها في حياتها مع بعض في نفس القرص أو الكبسول.. بس باين إن اللي عمل التركيبة محترف جدًا، وعنده خبرة واسعة بالسوموم..

ثم نفث دخان لفافته وهو ينظر إليّ من خلف سحب الدخان، فبدأ كعراف يقرأ المستقبل من عينيه الضيقتين..

- إحنا كده حطينا ايدينا على الدافع وطريقة التخطيط للجرائم.. اللي هو أي حاجة ليها علاقة بتجارب على أبحاث أو تجارب غير مشروعة لواحد مجنون عايز ياخذ الدكتورة بتاعته لايف، ما دام ما عرفش ياخذها من الجامعة.. راح ملبس الموضوع كله صيغة غامضة عن طريق كتاب اهل لقاءه في أي مكان، ولمّ نسخه كلها من المكان البيل لقاءه فيه.. ويا سلام لو كان الكتاب أصلًا حواليه رغي كثير من زمان.. مش بعيد يكون لقى الورقة إياها اللي كتبها المجنون اللي اسمه عمر جمعة.. واستغل الموضوع لصالحه كويس.. ويمكن يرميلنا في نظريات وأرانب سبق، على رأي الدكتور سليمان، وهو شغال بيخطط لجرائمه كويس أوي أوي.

ثم سحب نفسًا عميقًا من لفافته، ودفنها في المنفضة، وكأنه يضع النهاية

لتحليله العبقري، فتململت في جلستي قليلاً.

- مالك.. شكلك مش عاجبني.
- مش عايز اقفلك واقفل في وشك السكك.. بس الموضوع مش مريحني خالص..
- مش مريحك ازاي.. وبعدين مالك وشك مش عاجبني.
- مصدع جداً بقالي شوية.. شربت قهوتين في الجرنان وادي الثالثة عندك أهو ومرضه الصداع مش عايز يروح.
- اقرب مني ونظر في وجهي كأنه يراقب سلحفاة في حوض زجاجي نم جسّ رأسي بكف يده، وابتعد كأنها لسعته عقربة أنثى متحمسة.
- إنت مولع نار.. إنت مالك في إيه؟!!!
- شكلي لقطت دور برد ولا حاجة.. هاتلي قهوة بس وقرصين أي مسكن وهبقي كويس..
- فتح الباب ورفع عقيرته الأجنحة ينادي علي بيومي، فجاءه شاب نحيل يرتدي الزي الميري المميز لجنود الخدمة الإجبارية.
- بيومي فين يا بني؟
- ما عرفش يا باشا.. بس شكله راح يجضي طلبات لعلي بيه من البجالة..
- لكنة صعيدية محببة للنفس.. استبدال حرف القاف بالجيم والضغط على مخارج الألفاظ بكثرة.. ذكرتني بصوت جدّي عندما كان يحكي لي - رحمه الله - سيرة أبو زيد الهلالي.. لماذا أشعر بتلاحق أنفاسي بهذا الشكل..

- طيب روح هات لنا واحد قهوة من البوفيه.. وقول لجابر يجيبه من البن بتاعي.

- أوامرك يا سعادة البيه.

ثم أغلق الباب وأحضر من درج مكتبه قرصين من دواء مسكن شهير، وجلس خلف مكتبه يراقبني وأنا ابتلع الأقراص بكوب ماء فقد برودته من كثرة وضعه فوق الطاولة الصغيرة.

- كنا بنقول إيه بقه؟

- اسكت وما تكلمش خالص لحدّ ما الحرارة تهدئ وتعرف تاخذ نفسك.

- والنبى بلاش شغل الأمهات ده وخلينا في المهم.. أنا كويس ما فياش حاجة.. آه كنا بتكلم عن أن الموضوع مش مقنعني أبدًا.. حاسس إن في حاجة ناقصة.. وعصام ده أكيد مش عبقرى لدرجة إنه يقعد يدرس في موضوع الكتاب ده، ويدور ويبحث في التواريخ عشان يعمل هالة رعب حوالين الكتاب، تخليه أرنب سبق زي ما انت بتقول، ويلهينا عن..

طرقات مكتومة على باب الحجره، فأصدر عماد أمره للواقف خلف الباب بالدخول.. ليدخل ذلك الجندي الصعيدي، فيشير له عماد كي يضع القهوة أمامي.

- شكرًا يا بلدينا.

- العفو سعادتك.. يلزم خدمة ثانية..

- لا شكرًا.. إنت منين يا دفعة.

- آني من شندويل سوهاج جنابك..
- ما شاء الله بلد الحبايب.. على كده تعرف الأستاذ عبدالمدم
الشندويلي؟؟
- معلوم جنابك.. ده اخو جناب العمدة، وعضو مجلس الشعب الـ
دي.
- انصراف يا بني خلاص، وسيب البيه يرتاح.. ولما يجي بيوم
ابتهولي.

اعتدل الجندي مؤديًا التحية العسكرية ثم انصرف مسرعًا.

رشفات من القهوة.. غريبة هي هذه القهوة في طعمها.. يبدو أن سكرها
زائد نوعًا أو أن فيها نوعًا جديدًا من التحويجات التي يحبها عماد ويتفنن في
طلبها من بن شاهين.. ربما قريبًا ظهر نوع قهوة جديد يسمى تحويجة الرائد!!

- مين عبد المنعم الشندويلي ده بقه؟؟
- ده كان مدرس مع ابويا الله يرحمه، بس أصغر منه في السن.. بس
باين ربنا فتح عليه وبقى سيادة النائب.. إنت عارف الصعيد بقه.
- بس نائب شندويل ما اسموش كده.. ده لسه الصبح النهاردة علي
كان بيحكيلي علي ابن عم أبوه فارس الشندويلي اللي دخل المجلس
ومالحقش يتهنى بيه..

- جايز العسكري اتلخبط ولا حاجة.. ده عيل غلبان برضه..

رشفة أخرى من القهوة والصداع لا زال يفتك بمقدمة رأسي.. ربما بعد
لحظات لا أستطيع رفع جفني من كثرة ألم الصداع فوقهما!!

- طب يا عماد أنا مش مضبوط خالص.. أنا هقوم اروح يمكن اعرف
اربح دماغى شوية.

- طيب استنى هبعث معاك علي يوصلك .

- مالوش لزوم.. يمكن محتاجه هنا ولا حاجة.. التاكسيات كثير تحت وانا مش رايح زنزبار يعني.. أنا يادوب رايح القلعة اشوف امي واطمن عليها.. اليومين دول هي معسكرة في بيت جدي عشان السلامة النفسية.. إيه الدوشة اللي برّة دي!!؟؟

صوت شجار على ما يبدو.. وصوت جلبة وصخب وأصوات مرتفعة، وكان المديرية احتلها فيلق كامل من الجيش الروماني أو فرقة مارينز من ذوي الجوانب الحليقة والسلاسل الفضية ذات اللوحات..

- استنى اقوم اشوف في إيه..

ثم فتح الباب والدنيا تغيم أمام عيني.. يا لهذا الصداع القاتل.. ربما بسبب إقلاعي عن التبغ منذ مدة قصيرة وإفراطي في شرب القهوة.. أو ربما من كثرة التوتر والصخب وقلة النوم.. وربما من كثرة التفكير فيما ستواجهه هذه الفتاة المتمردة المسكينة معي من أيام حالكة!!

- في إيه يا بني.؟؟

- علي باشا سعادتك أغمي عليه.. هو كان تعبان شوية وجبنا له مسكّن وخافض حرارة وبرضه مفيش فايده، فا كان رايح مع عبد الباقي مستشفى الشرطة..

- طب اطلبوا الإسعاف بسرعة وانا جاي..

ثم اتجه مسرعًا نحو المقعد الرابض خلف مكتبه، وراح يرتدي سترته مسرعًا.

- في إيه يا عماد!!؟؟

- علي أغمي عليه علي السلم، وشكله تعب ولا حاجة.. العسانتر ..
بيقولوا تعبان من الصبح وحرارته مرتفعة.. هروح اشوف ماله لما
ما الإسعاف تيجي..

- طب استنى هاجي معاك..

الغمامة السوداء تتكاثف فوق جفني، ورأسي موشك علي الانفجار
وأطرافي باردة كالثلج.. ما الذي حدث لي؟؟ لو كانت هذه أنفلونزا
إصابة فيروسية بأي التهاب معروف لشعرت بضيق في حلقي أو كحة أو
أي شيء.. لكن كل ما هناك هو الصداع، وذلك الطنين الذي بدأ يدوي
، ذني عندما نهضت..

- أكرم.. إنت وشك اصفر كده ليه..

- مش عارف يا عماد.. شكلي كده..

ثم هويت..

هويت في تلك البئر السحيقة المظلمة.. لا أرى أطرافي ولا أرى عماد ولا
أرى الغرفة من حولي؟؟

هويت بلا ارتطام وبلا سقوط.. فقط أنا داخل تلك البئر المظلمة..

هويت كما لم أهو من قبل..

هويت نحو الظلام البكر الخالي من الشوائب..

وهنا فقط.. أدركت الحقيقة..!!

الظلام.. المعرفة.. الحقيقة..

* * *

هل أنت ذاهب إلى حتفك يا عصام؟؟

انت لم تكن يوماً ساذجاً أو قليل الذكاء أيها الطبيب النجيب.. لقد دخلت
داية الطب بمجموع حسدك عليه أوائل الثانوية العامة لأنه جاء بلا أي
مساعدات أو إعانات خارجية أو داخلية.. كنت تدرس وحدك وتستوعب
حملك وتحفظ وحلك، وما أنت تشارك أولاد الذوات والأوائل أماكنهم
أه قلب حصنهم المنيع.. ألم تسمع أن الطبيب لا بد أن يكون غنياً حتى يتفرغ
لعلاج الناس.. من قال ذلك.. ربما "هنري ليوستر" يوماً أو ربما ذلك الرجل
المعجوز المتغضن القابع فوق المصطبة الأسمتية بميت الحبش.. والذي كان
سبباً في مجيئك إلى هذه الدنيا القاسية.. فقط ليلقى لك بحكمته الشهيرة
"خليك على قد رجلك يا عصام يا ابني.. إحنا غلابة"

لماذا إذن جاء بك وبإخوتك الأربعة إلى الدنيا؟! هل كان يظن أنكم
سوف تلقون بكل أحلامكم عند قدميه المشققين، وتتفرغون لتحقيق حلمه
في أن يكون أباً ومزارعاً وصاحب أطيان يرعاها أولاده كالغنم في المرعى ثم
يهشهم آخر الليل ليراصوا بجواره يأكلون ويشربون ويتناسلون!!

جاءتك الرسالة من جديد على هاتفك المحمول ماركة نوكيا.. الذي
ابتعته مسروقاً من شارع عبد العزيز بأربعين جنيهاً؛ لتحمل محمولاً.. يومها
ألقيت وراءك بكل أحلامك.. ألقيت بشهادة التخرج الفاخرة بتقدير جيد
جداً مع مرتبة الشرف وبشهادة الماجستير في طب المناطق الحارة، ورحلت
تعمل بدوام جزئي كفني معمل في شركة أدوية تمنحك فئاتاً تذروه الرياح،
لا يكفي حتى لإيجار تلك العيادة الحقيرة في أطراف حدائق المعادي التي
نسيت فيها حلمك بأن تكون مخلصاً تهيم على وجهك في مجاهل أفريقيا أو
ضفاف الأمازون، وتحولت إلى طبيب باطنة تعطي حقن الإسهال وتكتب

وصفات علاج القولون!!

جاءتك الرسالة تستحشك على الوصول سريعاً إلى مكان اللقاء المرتقب ..
اللقاء الذي تنتظره طويلاً منذ أن وضعت قدمك في هذا المستقع الآس
لتصبح قاتلاً محترفاً بتقدير امتياز مع مرتبة الشرف الرفيعة!!
جاءتك الرسالة بعد مكالمة مقتضبة من صاحب الصوت المرهق ..
الساخر دوماً..

- إزيك يا عصام..

- زي الزفت.. الواد خطر في الكلام وقال الدكتور.. والبول..
بيدور علياً في كل حته..

- إحنا مش اتفقنا إن الجرعة هتخلص عليه قبل ما يعرف يفتح بته

- ده اللي اتفقنا عليه.. لكن الظاهر إنه عشان كان ضريب طول عدو..
ويياكل المخدرات أكل.. التأثير اتأخر شوية..

- ما علينا.. عايزك تقابلني في العوامة بعد ساعتين.

العوامة التي أنقذك هو شخصياً رزمة من الأموال كي تؤجرها باسماء
الكامل؛ لتصبح مكاناً للقائك به وبذلك التعس حلمي.. حلمي الذي
أمنت بالتخلص منه، فور أن عرض عليك الفكرة لأنه أصبح خطراً ماحقاً
عليكما معاً.. أنت تكره القتل غير المبرر.. كل ما كان مبرراً على الأقل
من وجهة نظرك المريضة المشوهة.. لكن قتل حلمي كان ضرورياً؛ لأن
الطبخة لن تتلف من أجل جرامين من الملح.. وجرامان من الملح كانا أكثر
قيمة من وغد سفيه مثل حلمي!!

- العوامة متراقبة يا جمال.. هخشها إزاي؟؟ إنت عايز توديني في
داهية واشيل انا الليلة كلها!!

أنا دبّرت كل حاجة.. ثم انت مش خلاص رحت لعبده المحرك وهو
سَتَفَلِّك كل الدنيا..

أيوه ابن الكلب الواطي.. نسي الشهادات الطبية اللي كنت بضر بهاله
بخصم النضّ ولهف مني خمس تلاف جنيه عشان بطاقة!!

- خمس تلاف دول ولا حاجة بالنسبة لحياتك يا دكتور.. ما تنأخرش..
بعد ساعتين بالضبط..

ثم أغلق الخط تاركًا إياك تفكر في ذلك الكمين.. أهو كمين فعلا يا
عصام وأنت ذاهب لحتفك.. هل سيتخلص منك جمال كما فعلتها بحلمي
أم سوف يترك هذه المسائل للشرطة؟؟ منذ أن أصبحت اللعبة لعبتكما معًا
أنت تجهز لهذا اليوم الفاصل.. منذ أن أصبح حلمي عبثًا وأنت تستعد لليوم
الذي سوف تصبح فيه عبثًا على عاتق ذلك المجنون جمال.. لكنك أتممت
استعداداتك كاملة يا عصام.. إن جمال به عيب خطير، فهو مطمئن إلى ما
بشره بدرجة كبيرة.. وأنت كنت تضع دواء سيولة الدم في كوب الشاي
الأسود المر الذي يحبه جمال كلما وطئت قدماه بلاط عيادتك المتسخ.. إنه
جاهز الآن حسب خبرتك الطبية المشهود لها بالكفاءة كي يحدث أي جرح
به مصيبة لا تنتهي إلا بموته كدجاجة مذبوحة.. فقط احمل سكينك الأثير
والذي مزق يومًا كعب تلك السافلة أمل.. احمله كي تعرف جيدًا كيف
نستخلمه مع ذلك الوغد!!

السافلة التي لم تحمد الله على أنها رزقت بطبيب نجيب ينتظره مستقبل
مبهر مثلك.. وراحت تلهو وتلعب مع عجوز مُتصابٍ لتعمل لديه في
مستله المنمق.. ثم لتصبح بعد ذلك رفيقة فجوره وفسوقه على فراشه الوثير
في ركن مستله.. الفراش الذي لم ينعم بمتعة عليه كالتي منحته إياها هذه
السافلة الرضيعة مقابل ماله الفياض وعلاقاته المتشابكة.. أم ترى هو مقابل
رجولته المتفجرة وهو على مشارف الستين!!

لقد انتهت بتلك السكن المعدنية الرائعة.. السكن التي يدعى...
لملمسها المعدني إثارة لن تمنحك إياها ملامسة كل نسوة الدنيا عاريا
مجتمعات طوع أمرك.. إن السكاكين لا تخون ولا تبغ نفسها، ولا تظلم
بالطيبة يا عصام.. ليتك كنت تقدر أن تتزوج من سكن..!!

تصل إلى باب العوامة الخشبي المتشقق.. وتنظر يمنة ويسرة، فلا تجا...
يحرص المكان.. إن ذلك الوغد قرر تطبيق الخطة الأولى إذن.. لقد صدق
الشرطة بطريقة ما حتى يخلو له الجو فيقدر على قنصك يا عصفورا سذبا
كمين صياد ماهر..

تتظاهر بضبط حزامك الذي يحمل بنطالك المتهدل على وسطك فقط
لتمنح نفسك قليلاً من طمأنينة بلمس اليد الخشبية لسكينك الحبيب.. ثم
تدق الباب كما اعتدت وتنتظر تلك الثوان العشر حتى يفتح الباب فتلمس
مغلقة الباب خلفك..

العوامة التي يذلف شعاع الشمس الوليد في صباح ذلك اليوم القانط
من شهر مايو، عبر خصائص النافذة الخشبي فيسقط على أثاث ينتمي لنهاية
ستينات القرن العشرين، تشققت أخشابه وزحف البق والعث إلى قماشه
وحشوه.

- تعالى يا عصام.. اقعد.

- إنت عملت إيه عشان تروق الجو كده..

- بعث العسكري يجيبلي سجائر من أسوان.

نبرته الساخرة وابتسامته المحملة بأطنان من السخرية السوداء، والمرارة
التي تقفز من عينيه المجنونتين.. يوم أن عرض فكرة إلقاء نفسه بين براثن
الشرطة؛ ليحول تفكيرهم عن العملية الجديدة، كنت على وشك غرس

١٠. دين كاملاً في قلبه حتى اليد الخشبية الباردة.. اللعنة عليك أنت لا
١١. الشرطة ولا أساليهم، ولا كيف سيخرجون منك تاريخ حياتك
١٢. إلا.. إلا أن عينيه المجنونتين جعلتا من فكرته واقعاً فرضه على الجميع..
١٣. أبك وعلى حلمي وعلى...

- المهم.. عايز إيه؟؟

- عايزين نخلص الموضوع ده بقه وكفاية كده..

- وحدّ منعك.. أنا كده كده دبّرت أموري.. عصام أحمد عبدالقادر
الحبشي مالوش وجود في الدنيا دلوقتي، والبركة في عبده الحرك،
والخمس بواكي اللي لهفهم حار ونار في جتته.. وصورة البطاقة
والباسبور بقت صورتي دلوقتي.. شعر مخلوق ودقن طويلة وشوية
تشوهات في الوش لحد ما اهتج منها واعرف اعمل اللي انا عايزه
بالفلوس وانا بعيد..

- لو كان الموضوع ببساطة كده.. ما كانش حد تعب يا دكتور..

- تقصد إيه يا جمال مش فاهمك..؟؟

- تشرب حاجة؟؟

نظرت له من خلف العدسات الخضراء التي وضعتها منذ أن أصبح
عصام الحبشي الشاب ذي النظارات الطبية في عداد الهاربين المفقودين
المتهمين من خريطة البشرية.. وابتسامة السخرية تكاد تقفز من وجهك
لنصدم وجهه ساخر الملامح متضخم القسامات.

- لا متشكر.. سبقتك.

- لا ما تقلقش.. مش هحطلك حاجة في الشاي ولا في العصير..
وهشرب منه قبلك كمان..

- ما بحبش اشرب ورا حد يا جمال.. ربيع نفسك وقول الكلمتين اللى
انت جاييني عشانهم عشان نخلص.

- خلاص يبقى سيبني اشرب شوية شاي أنا بقه..

ثم نهض ومشى متثاقلاً نحو المطبخ الصغير.. وأشعل الموقد الغازى
عديم الفرن.. وراح يعدّ كوباً كبيراً، لقمه بملعقتين من الشاي وحمض
معالق من السكر، منتظراً حتى يعلن الماء غضبه من كل تلك الحرارة اللى
تسلط عليه، وهو حبيس البراد المعدني الصدى.

- إنت عارف يا عصام.. أكثر حاجة كانت عاجباني فيك ذكائك
ومن ساعة ما اشتغلنا مع بعض وأنا إعجابي بيزيد بيك أكثر وأكتر
ومن ساعة الموضوع ما بقى في حجرنا أنا وانت بس وأنا مش عارف
لحظة الفراق تقرب..

- ده إيه الرومانسية دي كلها.. بقولك إيه يا جمال.. إنا مش فايقلاي
البوليس قالب عليا الدنيا وعمايز ألحق الرأموري عشان اعرف امشي
من الخرابة دي بالذوق.. هات الخلاصة بعد إذنك عشان كل واحد
يروح لحاله..

صَبَّ كوب الشاي الثقيل، وهو كمن يتلذذ بحرق أعصابك مثلما يجره
اللهب أطراف البراد الصدى.. وراح يتباطأ في صبّ الماء فوق الشاي الثقيل
الأسود.. وملعقته المعدنية قلب جنبات الكوب الزجاجي..

- تسمع عن ميثيل الزئبق يا دكتور..

- ال إيه...؟؟؟

- Dimethylmercury ده واحد من المركبات الكيماوية المشهورة
أوي من الزئبق، وده له حادثة مشهورة أوي هحكملك عليها واحدا

بنسرب الشاي..

يداك تقبض على السكين وتخرجه إلى جانبك، وعرق غزير يتكاتف فوق
نصلها المعدني..

- سنة ١٩٦٦.. دكتورة كيمياء غير عضوية اسمها كارين ويرهان..
وقعت نقطتين من السائل ده على إيديها اللي كانت لابسة فيها
جوانتيات لاتكس محكمة.. الغريب بقه إن السائل اتسرب ولمس
جلدها وامتصه الجسم وخزنه.. الحقيقة هي ما كانش قصدها؛ لأنها
كانت فاكرة إنه زي الزئبق العادي جرعه السمية بتطول، وبتحتاج
لاحتكاك مباشر مع المعدة.

- وأخرة المحاضرة الطبية العظيمة دي إيه.. أنا هقوم امشي في ظرف
خمس دقائق لو ما خلصناش وعرفتنى إنت جايبني هناليه!!؟
جلس في مواجھتي مسلطاً عيناه الساخرتان، وراح يتابع في برود:

- بعدها بأربع شهور قابلت أحد زملائها.. عبقرى السموم فاس
أبوشيان.. الراجل ده بص في وشها وحس إن في حاجة مش
مضبوطة.. ولما سأها قالتله إنها تقريباً مصابة بنزلة برد بس قوية
شويتين، وهتشفى منها بس بعد فترة..

ثم عاد للوراء في مقعده، وهو يرشف الشاي بصوت مسموع.. وعرق
غزير يتساقط من فوق عينيك يا عصام.. قليل من الهواء ليتمكن للمرء أن
يتخلص من هذا العرق..

- بعدها بدأت حاجات غريبة تظهر عليها بالتدريج.. ضيق تنفس..
خلل في وظائف الكلى.. فقدان شهية عام.. غوار في العين، ووزنها
بقى ينزل بسرعة شديدة.. وبعد شهرين لما شخص الدكاترة في
مستشفى نيوهامبشاير بتسمم الزئبق.. كان الموضوع انتهى..

ودخلت غيبوبة طويلة بعدها ماتت.. تخيل كل ده من كام مللي . ام
من المادة السحرية!!

- وأنا إيه علاقتي بالكلام ده كله.. أنا قايم..

- علاقته بسيطة أوي أوي يا دكتور..

ثم نهض من مكانه وأدار ظهره لك متابعًا - وهو يتلصص من خلف.
الخصاص الخشبي العتيق :-

- من ساعة ما بقينا في الهوا سوا وأنا عمال أفكر اجيبك إزاي ومنين
إنت ما بتشربش حاجة عند حد.. ما بتدخنش وطول الوقت لا بس
جواتي ثقيل.. ما بقتش عارف اعمل معاك إيه بالضبط.. لحد ما
الفكرة دخلت دماغي وعشعشت فيها أول ما شفت المقالة اللي
بتكلم عن المادة دي عالنت.. بس برضه فضل الموضوع صعب..
أدخلها جسمك إزاي.. لحد ما وصلت للحل..

الآن فقط يا عصام - مع كلمات ذلك المختل - تتذكر كل شيء.. فقدان
شهيتك الغريب منذ ثلاثة أيام.. وبولك المحتبس الذي يسيل عرقك أنهارًا
منذ يومين.. وأنفاسك المتلاحقة منذ أن فررت من العيادة و...

- الحقيقة إن حلمي الله يرحمه كان بيحبك أوي.. أول ما عرضت عليه
الفكرة قبل على طول.. أكلة سمك صغيرة عندك في العيادة، وفيها
السمك البوري المشوي بزيت ولمون اللي بتحبه.. في قلب السمكة
اللي عليها العين كبسولة صغيرة كده مرشوشة على لحم السمك
الأحمر..

تمسك السكين يا عصام وتستعد للقفز فورًا على غريمك.. لن تخور
قواك الآن.. ستقتله حتى ولو كانت هذه آخر لحظات حياتك.. ستريق دمه
هنا فوق تلك الأرض، ثم تلعقه بلسانك، وتلقى حتفك فوق جثته الخالية

من دماء..

تقفز ناحيته غاضبًا.. صارخًا.. بكل ما تبقى من قوة في جسدك الذي
أصابه الهزال من قلة التبول وقلة الأكل.. تقفز قابضًا على سكينك الحاد
الأثير المنطلق في مهمته الأخيرة نحو..

فقط ليلتفت نحوك وكأنه كان يتوقع رد فعلك الأخرق المتسرع.. فقط
ليتفاداك في هدوء، ويسدد لكمة تعرف إلى أين تذهب على مؤخرة رأسك
الواهن الواهي..

وهناك يا عصام على أرض تلك العوامة.. فوق السجاد الذي تهذلت
أطرافه.. ترى سكينك الأثير وشعاع شمسي براق ينعكس فوق نصلها
اللامع..

وكان هذا آخر ما ستراه يا عصام..

* * *

حاشية لا بد منها

إنه الظلام..

شعور عميق بأني عدت إلى رحم أمي وتخلصت من تلك اللحظات
السوداء التي مرت بشريط حياتي..

لحظة أن أمسك أبي بتلابيبي وأنا بعدُ طفلٌ في العاشرة من عمري..
ونظر إلي بعينيه السوداء وتين نظرة جمدت الدماء في عروقي الصغيرة المتوردة.

- إنت ضربت أختك يا أكرم!!

- يا بابا أنا كنت...

- إنت ضربت أختك يا أكرم!!

- لا يا بابا أنا كنت بهزر معاها بس..

- ما تكذبش.. إوعى في يوم من الأيام تكون كداب.. إوعى تقول حاجة غير اللي جواك أبدًا.. إنت راجل.. والراجل دايماً يقول الحق حتى لو غلط..

رأسي الصغير تومى ببطء.. ويداه ترتخيان عن تلايبب قميصي الكاروه ذي الأكرام القصيرة.. عيناه المرعبتان تحملان كل حنان وقوة الدنيا وهما تلتمعان ببريقهما الأخاذ.. بريق لم ينطفئ سوى يوم أن ذهبت الروح إلى خالقها.. وكان تلك الروح هي من كانت تمنح العينين ذاك البريق..

شعور عميق بأني عدت إلى رحم أمي وتخلصت من تلك اللحظات السوداء التي مرت بشريط حياتي..

يده الحنونة تربت على كتفي.. في شرفة منزل يعود إلى أواخر القرن التاسع عشر في أطراف قلعة صلاح الدين.. ويده الأخرى تحمل كوب الشاي الساخن الأسود وكأنه خرج لتوه من جسده المتهاusk ذي الكرشر الصغيرة المريح منظرها للنفس..

عيناه تلمعان بذاك البريق الساحر من خلف نظارات اقتضت أوامر الزمن أن يضعها هناك..

- إنت بتشرب سجاير يا أكرم!!؟

- يا بابا سجاير إيه هو انا..

- إنت بتشرب سجاير يا أكرم!!؟

كفه العريضة تضيق على كتفي.. لمسة من تلك اللمسات التي يشعر الأب بها ولده الشاب ذي العشرين ربيعاً أنه لم يكبر بعد.. فقط تحول من

- طور الضرب بطرف العصا إلى لمس الأكتاف والكلمات اللاذعة..
- أنا ما بشر بش يا حاج.. دي ساعات تفاريح كده مع العيال..
 - خش اندهلي على ابتسام..
 - وعائز ماما في إيه طيب دلوقتي وإيه اللي دخلها في الكلام.
 - روح قولها تجميلك طرحه وجلاية من بتوعها عشان حاجة أختك أسما مش هتيجي على مقاسك.
 - تطرف عياني نحو وجهه الصارم المتحفز ثم تذهبان إلى آخر ذلك الزقاق الضيق المرصوف حيث مقام صغير بقبة خضراء زاهية..
 - ولزومه إيه الكلام ده يا حاج..
 - عشان أنا قولتلك قبل كده وهقولك تاني وتالت..
 - يداه القابضة على منابت كفتي تعطيني إشارة أمرة أن ألتفت نحوه لأجد كشافات الجستابو اللامعة القابعة خلف نظارته الزجاجية تتفحص وجهي المتلون.
 - إوعى تكذب أو تزيف الحقيقة أبدًا.. اللي انت بتعمله تقوله وانت عندك الشجاعة إنك تقوله.. الغلط غلط في كل الأحوال يا بني..
 - بس لما ينكشف ستر ربنا عليك إوعى تنكر أو تزيف أو تلعب بالكلام.. قول الحق ولو على رقبتك.. وطول ما انت بتقول الحق عمرك ما هتخسر.. حتى لو ما كسبتش أبدًا..
 - إزاي بقه يا حاج مش فاهمها دي..
 - بعدين هتفهمها كويس.. بعدين..
 - لراكن أعرف أن ذلك اليوم قد يأتي يا أبي.. لراكن أعرف أن ذلك اليوم

الذي اضطر فيه أن أكون حقًا ومحققًا.. لم أكسب ولم أخسر.. سوف يجيء
مظللًا علي وفارداً أجنحته السوداء القائمة.

لحظة أن خسرت حب أول فتاة..

- أنا خلاص ما بقتش قادرة يا أكرم..

- وأنا ما خبتش عليكى حاجة من أول يوم عرفنا فيه بعض يا نور..
إنتى عارفة من الأول.. أبويا ميت وامي مرضت من زعلها عليه..
أجد هيهاجر أستراليا وأسمها جوزها زينا.. ابن ناس ويس.. يعنى
انا اللي متكفل بأمي من الأول للآخر.. أنا ما خبتش عليكى وكنت
صريح من أول لحظة..

أزفر دخان لفاقة التبغ فوق رأسي مشعث الشعر فيقف منتصبًا في هواء
الكورنيش الرطب في شهر أغسطس.. المكان الذي احتضن أجمل جلساتي
وحواديتي وكلماتي في أذن نور.. المكان الذي سأخسر فيه حب نور..

- وانا ما قولتش إنك خبيت.. وما قولتش إن ده اللي تاعبني يا أكرم..
أنا ما بقتش قادرة أستحمل بعلك عني ورميتك في قلب الشوارع
كل يوم من الفجر لنصر الليل.. وفي الآخر عشان إيه.. الألفين جنبه
اللي بتقبضهم دول ما يأكلوناش فول وفلافل كل يوم يا أكرم.

- عايزاني اعمل إيه يعنى..

- عايزاك تفتح مخك يا أكرم..

- قولتلك ما اعرفش يا نور.. أنا ممكن أكرمش قرشين في جيب
عسكري غلبان عشان آخذ كلمتين من ظابط ولا أمين شرطة..
ممكن أستغل إن عماد صاحبي واعملي خبرين ولا سطرين في قلب
تحقيق.. لكن ما اعرفش افبرك.. ما اعرفش اكذب وما اعرفش

اكتب غير الحقيقة.. ما اعرفش احط ايدي في دماغك اللي بيقرالي
والعب له فيها بمفتاح فرنساوي عشان افكله صواميله وابلعه اللي
انا عايز اقوله..

- وحد قالك إن ده كذب.. ما الصحافة طول عمرها كده.. يعني
لما صحفي يكتب (الممثل الشهير في أحضان الراقصة الفاتنة على
الدائري) ويطلع الخبر ممثل نص لبة في المسرح القومي مع راقصة في
شوروسي حدّ قاله إنت بتكذب!!؟

- دي مش صحافة بقه وانا ما اعرفش اشتغلها.

- ودي مش عيشة وانا ما اعرفش اعيشها..

ثم نهضت من جوارى وأحكمت تنورتها الجينز حول جسدها ودارت
به حتى واجهت الشارع.. ثم مدت يدها اليسرى قابضة على بنصرها
الأيمن مزحزة قبدها الذهبي الذي أشرق وجهها بكامل استدارته يوم
أن لفته حول أصبعها الطري.

- لو قلعتها مش هتلبسها تاني مهما حصل.

- الموضوع خلص يا أكرم.. شبكتك هتكون عندك بكرة الصبح
في الجرنان القرديجي بتاعك.. ولو أن حق التاكسي اللي هيوصلها
هيكلف أكثر من حقها.

منحتني ابتسامة قاسية ساخرة جبارة متكبرة ساخطة لائمة.. ثم منحتني
دبالتها الذهبية وسعلة خفيفة لا مقام لها في قلب هذا الليل الرطب الحزين
المختنق.. سعلة اقتلعت قلبي وألقت به لأسماك البلطي عشاء هنيئًا مريئًا..

لكن الصوت يأتي من هناك..

من قلب ذاك الظلام الوليد..

ستار يتظر من يزيجه ليعرف..

- ولد يا أكرم.

- نعم يا حاج.

- إنت قاعد عندك بتعمل إيه.

- تعبت يا حاج ونفسي ارتاح.

وجهه المتغضن المعجوز يقرب مني في الظلمة يشع نورًا.. يشق الظلمة
كسكين يشق قماشًا أسود صانعًا منه ستارًا تمر منه الشمس إلى تلايب
الظلام المحكمة.

- لسه المعاد ما جاش يا أكرم.. وانت وراك كتير لسه ما عملتوش.

- وهعمل إيه يا حاج.. ما هي مقفلة زي الدومنه.

- لسه فاضل واحدة يا أكرم.. عدّ الورق هتلاقي واحدة فاضلة لسه..

- ودي الأقيها فين يا حاج.

عيناه اللامعتان الغائرتان في وجه متغضن.. الأستاذ فهمي عبدالله
حبيب.. مدرس أول التاريخ بمدرسة الطبري الثانوية للبنين..

- لو دورت كويس هتلاقيها كانت تحت إيدك ومعاك طول الوقت..

بس انت اللي مش عايز تشوفها يا أكرم.. إنت اللي مش عايز تشوفها.

ثم منحني تلك الابتسامة الأبوية القوية.. تلك الأشعة غير المرئية..
الأشعة التي تنتقل من قلبه الكبير إلى قلبي فتغمرني علمًا ومعرفة.. ملاحظه
تذوب في قلب الظلام من جديد وأنا أصرخ مناديا إياه.

- أبويا.. خليك هنا يا بابا أنا محتاجلك.

- إنت محتاج تعرف.. افتح عينك عشان تعرف يا أكرم.. افتح عينك
يا ولد..

- مش قادر يا بابا.. تعبت.

- افتح عينيك يا أدهم يا شرقاوي.. افتح عينيك يا أدهم يا شرقاوي..

وراح صدئ عبارته منادياً إياي باسم شهرتي أيام الجامعة يدوي في
جنبات عقلي.. أدهم أرق منام كل أساتذة كليته المنكبين على صدورهم
يمدحون السلطان ويخطبون وده.. أدهم الذي كان يطبع مقالاته السرية
عند صديقه الصدوق ونصفه الآخر في الجامعة.. فقط ليجد نصفه الآخر في
مكتب العميد متفقاً على كل بنود الخيانة والتسليم..

"قررت كلية الإعلام فصل الطالب أكرم فهمي عبد الله تاديباً، وذلك
لتجاوزه حدود الآداب العامة وإخلاله بتقاليد الجامعة وعدم احترامه
لأساتذته".

سطران حولاني إلى أدهم الشرقاوي.. أدهم الشرقاوي الذي وضعه
بدران في يد أعدائه عن طيب خاطر..!!

- يا بابا أدهم مات وشبع موت..

- أدهم لسه حي.. بس يا خوفي من بدران.

ثم راحت تلك السطور ترسم أمام عيني المظلمتين..

وكان من قلب الظلام ظهرت عيناها تطلقان في وجهي مئات الدفقات
من الضوء..

- اقرا معايا يا أكرم..

- اقرا إيه يا ولاء..

- اقرا معايا المكتوب..

ثم يتردد صوتها الحنون القوي في جنبات الظلام المشتت بضوء عينيها
الساحرتين..

"راح سمير يقترب من سطح الماء الرقراق محاذراً أن تنزل قدماه فيسقط
على وجهه في صفحة الماء الواسعة.. إنه يحتاج أن يعرف السر.. ولولا هذا
لما اقترب من صفحة ماء في حياته إنه لا يقرب الحمام في آخر الحارة، ويفضل
الاستحمام بذلك الكوز وداخل الطشت الخاوي.. إنه لم يعتد يوماً مغاطس
البشوات ولم يجبها.. ولم يجب النيل ولا مراقبة صفحته الباردة من فوق
سور الكوبري.. لكنه لا بد أن يقترب.. إن أسفل هذا الكوبري يقبع كل
ما هو ليس مبهجاً له.. خاصة الماء.. الماء الذي يحمل له كل الخوف.. كل
الرعب.. كل الرهاب".

- فهمت يا أكرم..

- هيدروفوبيا يا ولاء.. هيدروفوبيا.. العوامة.. العوامة..

- سمعني وسمعهم يا أكرم..

أبي.. أمي.. أجد.. أسما.. جدي.. خالي.. عماد.. آمال سعيد.. أحمد
علام.. دكتور سليمان.. ماهر الرفاعي.. حسين مسلم.. عرفة.. علي.. كل
هؤلاء وهناك في الظلام ألف وجه ووجه..

إلا أن ذلك الوجه ذي النظارات والرأس ذات الشعر الخفيف راح
يحدق في بجنون..

إنه وجه رأته يوماً في ورقة بيضاء تحمل أسطرًا كتب فيها اسمه

إنه وجه عصام..



(٢٢)

حاشية لا بد منها

تقود سيارتك كالمجنون يا عماد في شوارع إمبابة الخاوية تقريبًا..
الشمس التي أشرقت منذ لحظات راحت تبدد تلك القطرات العالقة في
الهواء الرطب مسببة انعدامًا للرؤية فوق شوارع القاهرة الكبرى.. لكنك
ترى الآن وتعرف.. بعد أن أفاق صديق عمرك ومنحك قبلة حياة أعادت
لك قليلًا من اتزانك المفقود..

تمسك هاتفك المحمول بيدك اليمنى غير عابئ بناقل السرعة الذي
التصقت تروسه عند النقلة الرابعة ولن ترجع ثانية إلا بفرمان سلطاني من
حضرة الرائد عماد بك الأول..

- أنا عايز القوة هناك بسرعة يا عبد الباقي إنت سامع؟؟
- سامع يا فتدم بس احنا كنا حركناها على المعادي زي ما...

- ترجع يا عبد الباقي فورًا.. أنا مش عايز كلام اهبل وتخاريف..
في بني آدم روحه بين إيدين ربنا دلوقتي، وفي ظابط شرطة مات
مسموم.. أنا مش هستنى لما حد كمان يروح عشان القوة اتحركت،
على المعادي وانا عايزها في امبابة.. القوة تغير تحرك على امبابة
حالا.. مفهوم يا أمين عبد الباقي..

- مفهوم سعادتك..

الهاتف يلتقى في دواسة المقعد قبل أن يكمل عبد الباقي حرف الكاف
في كلماته المرتعشة.. وعلبتك الفيات المتهالكة كادت أن تصدم عامل نظافة
معدنًا، حاول أن يعبر الطريق أمام الرائد شوماخر في سيارته الفيات التي
أوشكت على الانفجار تبعًا مما يفعله بها سائقها!!

فرملة حادة أمام تلك العوامات المتراصة حاجبة النيل الرائقة
في أطراف إمبابة.. لكنها لا تقوى على حجب الأبراج الشاهقة كالجبال في
قلب تلك الشبورة.. ولا على حجب ذلك النادي المائي الذي أوشك على
فتح أبوابه الأنيقة لزيائته المتميزين..

تشهر الطبنجة الميري المشهرة الجاهزة للإطلاق.. وعيونك القوية
الصارمة تضيق متحفزة لإطلاق النار على أول فأر يقوده حظه التعس
للعبور من هنا..

ضربة حازمة من حذاء جلدي مقاس ٤٦ ذي النعل المتصلب.. تزريح
بأبا خشبيًا متهالكًا، وتمنح فرصة لرؤية واضحة في ضوء الشمس الذي
يتسلل من خلف خصاص خشبي عتيق.. لا أحد سوى أثاث باهت مهترئ
وخصاص خشبي مفتوح وبقايا كوب شاي لا زال ساخنًا..

- أديني جيت زي ما قولت يا أكرم.. اعمل إيه بقه.. مفيش حد..

تحدث نفسك بشفتين غائمتين من جديد.. ثم تقطب حاجباه مراجعًا
كلماته كأنها وحي من السماء..

- مفيش حد ازاي..

ثم ترتفع رأسك الحليقة نحو النافذة المفتوحة على شبورة كثيفة بدأت
شمس الصباح الوليدة في تبديدها.. وتلتقي عيناك بذلك الانعكاس
الضوئي لمعدن براق يقبع هناك منذ ما يزيد على المائة سنة.. إنه كوبري
إمبابة.. إنه ذلك الاتصال الوحيد بين عالم الذوات القابعين في أبراج شامخة
عالية.. وعالم الفقراء النائمين في عشش من الطين..

- أمال عساكر الحراسة فين.. والقوة فين.. وموبايلي فين؟؟!!

تمد يديك مفتشًا جيوبك في إحكام باحثًا عن محمولك المنشود.. لتذكر
أنك ألقيته في قاع سيارتك الرابضة في قارعة الطريق..

تركض نحو سيارتك التي وقفت تلتقط أنفاسها وتعتلى مقود قيادتها
متناولاً محمولك الذي تفتت أجزاءه..

تطلب رقمًا تعرف جيدًا أنه سيخبرك بما يجب أن تفعله.. طوال عمرك
يا عماد كنت تطلبه باحثًا عن الحقيقة.. ليلقيها على مسامعك بصوت ساخر
صاخب.. الآن تطلب رقمًا.. فيجيب من طرفه الآخر صوت واهن..

- عماد.. كوبري إمبابة يا عماد..

- كوبري إمبابة إزاي يا ابني إنت.. إنت مش لسه قايللي العوامة من
شوية..

- القصة التي كانت صفحتها مطوية في الكتاب يا عماد.. هو كان عايزنا
نعرف مسرح الجريمة الأخراني فين.. ما تناهدنيس الله يكرمك واتحرك..
أنا رايع في الطريق أنا وولاء.. بسرعة يا عماد قبل ما يقتله..

تحاول إدارة السيارة ضاغظًا بكل قوتك على دواسة البنزين حتى تدفع
السائل النفاذ في شرايينها العجوز.. إلا أنها أبت وتمنعت وهمدت..
- الله يلعن أبوكي.. هو أنا ناقصك يا بنت الجزمة..

تفتح الباب سرعًا.. وتصدر فرمانًا سلطانيًا صارمًا لعضلات سابقك
أن انطلقني بكامل قوتك.. ركضًا نحو ذلك الذراع المعدني العملاق.. طوال
عمرك كانت فرماناتك سلطانية صارمة لا تتغير ولا تتبدل مهما اقتضت
الظروف.. طردت الحب من قلبك عندما عرفت أنك غير قادر على إعطاء
شيء آخر غير صوتك في مكالمة هاتفية باهته في صباح حار.. صوت قطار
أت من الصعيد يهدر سرعًا نحو الكوبري.. رثاك لم تتحملا كل هذا من
قبل.. أصدرت فرمانًا بعد موت أبيك أن لا زواج لأن الزواج لا يصلح
مع أم لا تعرف من حطام الدنيا سواك.. أطنان من النيكوتين المتحوصل
داخل رثك العملاقة تضغط على كل مخارج أنفاسك محطمة إياها.. لكنك
لن تقف الآن.. لا ضرب ولا تعذيب ولا تقفيل قضايا.. إن كان أبوك رحمه
الله جبارًا فأنت لست كذلك.. فليخشوه كما يحبو، الكنهم لن يخشوني إلا
لعقلي.. راکضًا بلا وعي ولا حس حتى تحولت إلى ذرة من ذرات الهواء،
الشحيح تلتحم مع أخرى حتى تحملك إلى المكان..

وهناك فقط انهارت عضلاتك وأبت ألا تستمر.. هناك عندما رأيت
صديق عمرك يلف ذراعه فوق كتف فتاة خمرية بموجة الشعر تحاول جاهدة
أن تحمل جسده النحيل المتعب.. عيان غائرتان ونظارة طبية تحطمت
إحدى عدساتها وهو لا يقوى على الوقوف منتصبًا..

- حمد الله عالسلامة..

أنفاسك لا تقوى على التحدث.. أطنان من التبغ تفصح عن نفسها في
سعال متواصل.. ثم تقرب منه حاملاً ذراعه الأخرى فوق كتفك العريض

حتى بدمعلقاً كبير ومثيوس منتظراً ذلك الرخ الأبدى ليأكل كبده النابتة.

- أديني سمعت كلامك وجينا عند الكوبري.. إيه بقه اللي جاي؟؟

- خد نفسك بس.. وبص قدامك على آخر سور الكوبري وانت تعرف..

ثم رفع رأسه محاولاً الإشارة بها نحو ذلك الجوال المعلق بحبل غليظ بسور الكوبري المعدني حراً في الهواء نحو النيل، وذلك الرجل متوسط القامة المتشح بسواد غزير يقف هناك رافعاً في يده سكيناً يلتمع نصله المعدني كلما سقط عليه شعاع شمسي وليد، هنا قد تعرف نهاية لكل تلك الحيرة يا عماد..

أو قد لا تعرف شيئاً..

إنها مسألة وقت..



(٢٢)

كوبري إمبابة.. السادسة والنصف صباحًا

عماد يناولني هاتفه المحمول ويتركني متقدمًا وهو يشهر طبنجته الميري..

- اتصل-بعبد الباقي.. قوله القوة اللي جاية من هنا تتحرك ناحية
مدخل الكوبري عند رملة بولاق.. وانت ما تتحركش من مكانك
تمامًا..

ثم تقدم رافعًا عقيرته:

- إزيك يا جمال..

- عيني عليك باردة يا باشا.. عرفتني من كل المسافة دي

- ما تسيب السكينة اللي في إيدك دي وتعالى نتكلم راجل لراجل..

- لما تسيب الطبنجة هسيب السكينة واقولك على كل اللي انت عايزه.

- ماشي كلامك يا جمال ..

ثم انحنى في وضع قرفصاء وعيناه مثبتتان على وجه جمال المغطى بنظارة شمسية أنيقة تكمل سواد ثيابه ..

- طبعا انا مش محتاج اسألك مين اللي في الشوال ده ..

- عيب يا عماد باشا .. طول عمرك راجل ذكي ولماح .. بالمناسبة البقية في حياتك في النقيب علي والأستاذ أكرم .. أنا آسف هما ما كانوا في الخطة أصلاً .. بس كل خطة وليها أضرار جانبية ..

- طيب ارمي بقه السكينة تحت رجلك وخلينا نتفاهم ..

عماد يسرق خطوات قصيرة وأنا أحاول مراقبة الطريق بعيني المشوشة وعبد الباقي لا يجيب .. عبد الباقي لا يجيب يا عماد ..

- طبعا سيادتك فاكر إني هحط نفسي هنا من غير ما أمّن نفسي كويس .. القوة اللي جاية مع حضرتك مش هتوصل يا عماد باشا .. أصل العيال الصغيرة هنا في امبابة يموتوا في النبلة .. وبالذات بقه نبلة المسهار على فِرد كاوتش عربيات الحكومة .. وزمان الأمين عبد الباقي بيغير الكاوتش هو والعساكر ..

- طيب بما إنك بقه مخطط كل حاجة كده ومدبرها كويس .. ما تيجي نتكلم بصراحة كده، وتقولي على السؤال اللي محيرني من أول القضية المهية دي ما اتفتحت ..

- سؤال إيه يا عماد باشا؟؟

عماد يسرق خطوات أخرى وهو يدفع طبنجته الملقاة تحت قدميه بقدميه معا ..

- ليه يا جمال؟؟

- حضرتك سمعت عن المرحوم إبراهيم صفوت؟؟
- طبعًا.. ده انا حفظت الكتاب المنيل بتاعه من ساعة ما لقيناه مع اول
جثة..

- المرحوم إبراهيم صفوت كان واحد من أهم وأنبه كتّاب عصره
في الخمسينات وأول الستينات يا باشا.. إبراهيم أحمد علي محمد
الشهير بإبراهيم صفوت.. الراجل ده كتب في كل شيء.. في الأدب
وفي السيرة وفي الرواية وفي القانون.. الراجل ده أفنى عمره في
الأدب والثقافة يا باشا.. بس الكلام ده عمره ما كان بيأكل عيش..
ثم شرد بصره في الفراغ متابعًا:

- إبراهيم صفوت عمره ما كان منافق.. عمره ما كان بيعرف يمسح
جوخ ولا بيعرف ياكل على موائد الأمراء والحكام يا عماد باشا.. وفي
ليلة من ذات الليالي جت له فكرة عبقرية.. فكرة خلته يصحّي اخويا
الكبير مسعد ويقعد معاه ساعتين يكتبوها في ورقة مسطرة.. وبعدين
يقعدوا سنتين ونص يكتبوها على الآلة الكاتبة.. وبعدين سنة عشان
يطبعوا الألف نسخة على البالوظة لحد ما طلعت التحفة..

- إنت قصدك الكتاب الاهبل اللي اسمه الرُّهاب ده؟؟

نظرة غاضبة مجنونة ارتسمت على وجهه وسكين ارتفع في يدها نحو
الجوال المربوط..

- خلاص حقلك عليًا.. وبعدين..

- وبعدين قرر إنه يبيعه.. نزله السوق ووزعه على بياعين الكتب
والصحفيين والأزيكية وكل حتة في بر مصر.. صرف عليه كل اللي
حيلته وكل اللي له في فلوس من ساعة ما اتوظف بالابتدائية لحد ما
مات بحسرتة على حلمه اللي ضاع..

يعلم ما يجتبه له هذا الشيطان..

- ولاء.

- إيه يا حبيبي.

- اطلعي حالاً.. جَرِي.. على قسم امبابة.. في هناك نقيب اسمه محمود فتح الباب.. تقويله أنا مرأة أكرم فهمي وأكرم مخطوف على كوبري امبابة..

- أقوله أنا مين؟؟

- مش وقت رومانسيات يا ولاء.. بسرعة..

انطلقت تعدو بجسدها الرقيق الخمري نائر الشعر والقوام محملة بكل ما تتمناه أن تمر المحنة وتصبح ما طلبت منها أن تقوله كذباً.. بينما رحت أقرب مستنداً إلى ذلك السور الجانبي محاولاً أن أبقى قريباً..

- مات أبويا وسابني أنا ومسعد لوحدنا في الدنيا.. مسعد ما سابنيش لحظة.. اشتغل ميكانيكي وقهوجي ووقف في محل بقالة عشان يصرف علياً ويخليني اكمل تعليمي.. وفي يوم مضلم ما طلعتلوش شمس راح مسعد.. صحيت من النوم مالفيتوش.. لقيته سايبلي ورقة مكتوب فيها سطرين.. افتح كتاب ابوك هتلاقي اللي انا عايزه.. لما يجي الوقت لازم تكمله..

- وطبعاً هو كان قصده اللي عمله في عمر الفيومي ومحمود الطيب وابنه.. الموضوع بسيط أوي ومش محتاج غير خيال واسع وتخطيط كويس وشوية صدف برضه تسبك الحكاية..

- مش بقولك حضرتك ذكي ولماح.. فضلت قاعد مستني لما يجي

الوقت.. فضلت كثير اذاكر وادرس واقرا كتاب ابويا مرة وانتم
وتلاثة وعشرة.. فضلت سنين أرفيه واخزنه.. استغنيت عن حلمي
إني اكمل في كلية علوم واشتغلت سكرتير بالبخس في مصنع
أدوية.. ركبت كل السلالم وبوست كل الكراسي لحد ما وصلت
للي وصلته.. بقى معايا فلوس كثير، ومعايا اتصالات كثير، ومعايا
برضه نسخ كثير.. الحلم قرب يتحقق وكان لازم يتحقق.

- تسمجلي بقه اولع سيجارة عشان الكلام شكله هيطول،

ثم رفع عماد يديه في الهواء ومدها إلى جيب قميصه وأخرج لفافة نبيغ
مكرمشة أشعلها بقداحته الخبرة التي استجابت من أول مرة!!

- غريبة..

- إيه اللي غريبة يا باشا.. الحكاية دي بتكرر كل يوم وكل ساعة..

- لا أنا مش بتكلم عن الحكاية أنا ياما سمعت أوسخ من كده بكثير..
أنا بتكلم على الولاة.. أول مرة تولع من أول تكة كده.. غريبة!!

ثم نفث دخانًا كثيفًا يلبق بصدر تفتحت جيوبه من الركض لمسافة
كيلومتر في هذا الجو الخانق.

- كمل يا جمال أنا سامعك.

- الباقي انت تعرفه كويس يا عماد باشا.

- طيب وعصام إيه علاقته بالموضوع؟!

- الفلوس بتلوي دماغ أي حد يا عماد باشا.. وعصام كان عايز فلوس
ويس.. عصام أخته عندها سرطان دم وفي مرحلة متقدمة جدًا
ولازمها فلوس.. أبوه عينيه الاتنين بيروحوا من المية البيضاء ولازم
فلوس.. رسالة الدكتوراه مش هتمول عشان عايزة فلوس.. عصام

ذكي الصراحة وخبرته حلوة أوي في السموم النباتية.. وأنا خبرتي في السموم الكيماوية أكثر من ممتازة.. البقية بقه كانوا مجرد عساكر في لوح شطرنج.. حلمي.. العسكري بتاع شندويل اللي جاب القهوة للأستاذ أكرم ولعلي باشا.. كل دول ولا حاجة.. عشان كده أول ما الحدوتة خلصت كان لازم يخلصوا هما كمان..

- طيب ما دام إنت وعصام عارفين إنتو هتعملوا إيه كويس أوي كده وناصحين أوي.. اتسعرتوا على بعض ليه زي أي جوز هجامين ضربوا بعض بمطاوي وهما بيتقاسموا!!؟!

عدل من وضع نظارته ومسح عرقًا غزيرًا يسيل على عينه، وسكينه تقترب من الحبل حتى كادت تمزقه.

- عصام هو اللي ابتدا.. في يوم صحيت احلق دقني.. وفي وسط الحلاقة أيدي اترعشت فجرحتها.. قعدت ساعتين أقفل الجرح رغم إنه كان بسيط أوي.. يومها بس شكيت ورحت حللت واكتشفت كميات دوا زيادة سيولة الدم اللي بيرمهولي في دمي كل مرة بنتقابل فيها.. نفس اللي عمله طبق الأصل مع البت الي كان خاطبها.. تخيل يا باشا واحدة عندها لويس بار وبتاخذ دوا سيولة.. عشان كده لما حك دقنها بمبرد الضوافر نزفت..

مبرد أظافر.. إذن دكتور علام كان عبقرياً أكثر من اللازم حين قال إن مبرد الأظافر لا يصنع جروحاً بهذا الشكل.. فقط لو أضاف جرعات دواء الجلطة لكانت الصورة مكتملة!!

- فاطمًا قوت تتغدى بيه قبل ما يتعشى بيك.

- ولو إن التعبير ده قديم جدًا يا حضرة الطابط.. بس تقدر تقول إن حاجة شبه كده كانت لازم تحصل.

- طيب وما خلصتش ليه وخلصت نفسك واختفيت؟

ضحكة ساخرة متوترة مع تلك النظرة الساخرة الدائمة في عيني ذاك الرجل.. كنت أتصور كيف طلب بكل برود أن يحضروا له دخانًا وقهوة.. وعلى وجهه تلك النظرة الساخرة المستفزة.. لو كنت محققًا للكلمة على أنه حتى يسيل كل دمه المحمل بكرات الدم المجنونة وكرات الدم المختلة..

- الهدف ما كانش القتل في حد ذاته يا عماد بيه.. وإلا كان زمانكم بتجروا ورايا لحد ما تبقى وزير داخلية.. الهدف كان إبراهيم صفوت.. إبراهيم صفوت ويس.

- وهدفك اتحقق.. والجرايد بقالها يومين بتكتب عن الكتاب وعن إبراهيم صفوت.. بس مش غريبة شوية إن شهرة الموضوع ما بقتش للكتاب قد ما بقت للقتل نفسه!!

- كلها كام يوم والناس متجري تدور على الكتاب الملعون.. ومش بعيد يفردوله ملاحق وصفحات تتكلم عنه وعن الفنون الأدبية المجهولة اللي فيه.. والناس هتنسى اللي اتقتلوا واللي ماتوا واللي اتقبض عليهم يا عماد باشا.. ده انا بقول عليك ذكي ولماح.. إنت مش من مصر ولا إيه!!

ثم انعقد حاجباه في سخرية، ونظر في اتجاهي وأطلق ضحكته المتوترة الساخرة.

- سبحان الله.. ده إحنا ضاعفنالك الجرعة يا أخي، وبرضه لسه زي القلط بسبع أرواح.

- وتسعة كمان وحياتك زي الأمريكان.. على فكرة.. كل اللي انت قولته ده أي كلام ومفיש حاجة منه هتحصل.. ببساطة كده أنا

مش هسيبك في حالك من لحظة ما يتقبض عليك لحد ما تترمي
في السجن.. هنشر حكايتك المختلة وجنانك الأزلي في كل مكان..
جرايد.. مدونات.. نت.. صحيح كتاب المرحوم ابوك هيسمع
يومين ولا ستين وبعدين خلاص.. بخ.. إنت في مصر يا جمال بيه..
مصر اللي الموضة فيها بتيجي وتخلص أسرع من طبق فول على عربية
معفنة..

التمعت عيناه ببريق مجنون ساخر.. وراح ينقل بصره بيني وبين عماد ثم
قال متابعًا:

- أنا فكرت في كلام الأستاذ أكرم كويس أوي.. وميزة الخطة المرنة إنها
قابلة للتغيير في لحظة..

ثم رفع السكين الحادة الرفيعة نحو رقبته.. وعماد يرفع طبنجته الميري
مستندًا إلى سور الكوبري ويخبئها خلف ظهره ناظرًا نحوي بطرف عينه
مرسلًا بإشارته التي لا يفهمها سواي أن (تابع إلهائه).

- أظن كده التعديل عجبك يا أستاذ أكرم.. كده الموضوع هيبقى
صحفيًا أسخن وأجد.. ولو مارضتش تكتب عنه غيرك كثير هيكتبوا
وغيرك كثير هيعرفوا.. وهيحصل فيك زي اللي حصل فيك من كام
يوم لما ركبت الشرف، وعملت فيها خايف على صاحبك الوحيد..
الأحلام ما فيهاش أصحاب يا أستاذ أكرم.. الأحلام ملاكي بس..
على فكرة يا سيادة الرائد أنا شايفك كويس.. بس الطلقة قبل ما
تتحرك من الماسورة هكون انا دبحت نفسي من الوريد للوريد..
وهيكون عصام في قلب النيل بيجهز نفسه عشان القراميط تتعشى..
على فكرة أنا كمان بعرف أهلي اللي قدامي كويس.. حتى شوف..

ثم أمسك الحبل بيده ورفعه فتمزق والجوال يهوي مندفعًا نحو صفحة

النيل.. فميلت جسدي حتى كدت أسقط خلفه صارخًا، بينما عماد يجرم
تلك الطلقة من ماسورة طبنجته التي تهتز في يده لتصيب ذراع جمال المسنة،
بالسكين.

لكن السكين لم تسقط.. ولم تتوقف عن أداء وظيفتها التي سبكت
وسنت من أجلها.. والذي سقط هي دماء جمال..
عماد يركض مندفعًا نحوه محاولًا إمساك جسده..

- ليه كده يا جمال؟؟ ليه؟؟

- سلمولي على الدكتور يا حضرة الطابط..

ثم منح عماد آخر ابتسامة ساخرة تحتل ركن فمه المتخشب وجحظت
عيناه فاقدة كل ما تحتويه من حياة..

بينما هنا فقط سمعت صوت سارينة الشرطة تدوي في مدخل الكوبري..
إن الشرطة كعادتها الحميدة أتت بعد أن انتهى كل شيء.. انتهى للأبد.
وكان هذا آخر ما سمعته في هذا اليوم..

* * *

(٢٣)

مديرية الأمن.. بعد شهر من الحادثة.. التاسعة صباحًا
(هذا الجزء حكاية لي عماد بعد يومين من حدوثه.. لذا سأحكيه كما هو..
مع قليل من البهارات!)

عماد يقف عاقدًا ذراعيه أمام نافذة مكتبه الزجاجية الكبيرة.. وعيناه
تراقبان الطريق أمام مديرية الأمن في شارع بورسعيد.. الحركة السارية
والشارع المزدحم الذي أوشك على الإغلاق.. ودقات تأتي من الباب
مكتومة بلا صوت يذكر حتى لتشعر أنها قادمة من الشارع المزدحم
الصخب..

- ادخل يا مروان.

بلا أي التفات ولا أي معرفة لمن بالباب.. فقط من صوت الدقات

المتظمة حتى لتشعر أن عماد قد وضع جهازًا صغيرًا في رأسه الكبير بحال
أصوات الدقات وتكنيك استخدامها فوق الباب الخشبي فيخرج له نتيجة
صحيحة بنسبة تسعة وتسعين وتسعمائة وتسعة وتسعين من الألف!!

ضابط شاب آخر يرتدي بذلة رسمية، وكأنها خيطة بإتقان فوق جسده
الممشوق المنتصب.

- صباح الخير معالي الباشا.. أنا أول ما وصلتني الإشارة جيت جري

- إنت بتخدم فين اليومين دول يا مروان؟

- في قسم النزهة سعادتك.

- يعني خلعة مريجة حبتين.. ما اعرفش الشغل معانا هيبقى مناسب
ولا لا؟

ثم التفت إلى الشاب الواقف منتصبًا، وفي عينيه الخضراوتين بريق يكاد
يعمّ ضوءًا ساطعًا يعمي الأبصار في قلب الغرفة الضيقة.

- سعادتك أنا مش فاهم حاجة.

- لا؛ لو مش فاهم يا سيادة النقيب نبعث نجيب حد تاني يبقى فاهم
بقه..

- إنت بتكلم بجدة يا سيادة الرائد؟!!

- أنا عمري هزرت معاك قبل كده يا مروان!!

ورسم على وجهه تعبيرًا غاضبًا كاد أن يسقط له قلب الشاب بين قدميه
الكبيرتين المستقيمتين.. وعماد يقترب منه واضعًا يده فوق كتفه المزين
بنجمتين تلمعان في ضوء النهار الساطع من شمس يونيو الحارة..

- وبعدين أنا اترقيت امبارح يا مروان.. بقيت مقدم عقبال عندك.

- مبروك يا فندم.. سيادتك تستحقها والله.

- طيب بطل بكش ياد.. وما تنساش تعدي على الحركة عشان تستلم قرار نقلك.. هتبقى معانا في المباحث الجنائية من بكرة.. مبروك يا سيادة النقيب.

انتصب مروان ضاربا تحية عسكرية تملؤها الفرحة العارمة.. حتى أن أصابع يده المستقيمة الطويلة ارتعشت وهي تحاول الاعتدال أكثر من طاقتها في تحيته العسكرية.. بينما دار عماد حول مكتبه، وجلس خلفه واضعاً عينيه وسط الأوراق التي يريد توقيعها منذ أن وطئت قدماه رصيف المديرية.. وهنا عرف مروان أن الأمر قد انتهى وحن وقت العمل.. وهمّ بالانصراف حتى وصل إلى الباب المغلق.. وقبل أن يفتحه...

- سيادتك كنت بتقولي سيادة ال.. إيه؟!!!

- سيادة النقيب يا مروان..

توقف الشاب حائرًا وعماد لا زال يطالع أوراقه ويصمها بتوقيعه الصلب القصير.. ثم رفع رأسه ليجد الفتى لم يبرح مكانه..

- إيه يا مروان في إيه؟؟ إنت هتفضل واقفلي كده طول اليوم.. عندي شغل مش فاضيلك.

- سيادتك أكيد اتلخبطت.. أنا الملازم أول مروان صالح حضرتك مش...

- آه.. إنت كنت الملازم أول لحد النهاردة الساعة ٨ الصبح.. لحد ما سيادة الوزير مضى القرار.

ثم منحه ابتسامة واسعة أشعلت بريق عيني الفتى الخضراوتين من جديد.

- أنا متشكر أوي يا عماد باشا.. أنا مش عارف اقولك إيه.

- مش عايزك لا تقول ولا تعيد.. انصراف بقه خيلنا نشوف شغلنا بدل ما والله اغير رأيي والقرار يبقى نقل للوائح من بكرة.

وكانها هو قرارك أنت يا عماد.. وكأنها أنت من اختار مروان كي يجلس في هذا المكتب الضيق يقاسي من جهاز التكييف الحرج، ودخان التبغ ينعدا في فضاء الغرفة بلا افتكاك لأن الشفاط الصغير لم يعد يعمل جيداً..

أنت فقط ترشح ولا تختار يا عماد.. لا تظن أن ترقيتك الاستثنائية قد غيرت من الأمر في شيء.. أنت لا زلت كما أنت.. كيفما جعلوك فانت جعلت.. وستظل كذلك حتى يقضي الله أمراً كان مفعولاً..

تفرغ من أوراقك وتحاول أن تبدأ في شرب قهوتك قليلة السكر ممسكاً بأول صحيفة وقعت تحت يدك.. إنها الجريدة التي أعمل بها.. أنا الفتى الذي أمضى شهراً يعمل من بيته، مرسلًا مقالاته النارية عن كل ما حدث في قضية الفوييا حتى إغلاقها.. الفتى الذي خلق عقله ليصبح عقل محقق شرطة وليس صحفي حوادث في جريدة محدودة الشهرة كتلك الجريدة.. لكن عماد يعقد حاجبيه كعادته.. إن المقال رديء نوعاً، وليس كمقالات أكرم كما تتصفح عيناه المرهقتان من كثرة القراءة.. لقد قرأ عماد كثيراً في هذا الشهر عن كل ما كتب عن الحادثة.. قرأ كل ما كتبه وكل ما كتبه غيري حتى بدأ يشك في قوة إبصاره وفي كفاءة عينيه!!

يرن جرس الهاتف الداخلي..

- صباح الخير يا عماد.

- صباح الخير سعادتك.

- إنت في مكتبك لحد امتي.. كنت عايز اعدي عليك ضروري بعد عشر دقائق..

رئيس مباحث العاصمة يطلب المرور بمكتبه شخصياً!! ولماذا الرستدعه
كعادته إلى مكتبه الأنيق حيث التكييف يعمل بكامل كفاءته.

- سعادتك تنورني أنا في انتظارك..

- طيب اطلبلنا قهوة من البن بتاعك على ما اجيلك..

ثم أغلق الخط وعماد لا زال ممسكاً بساعة الهاتف محملاً في ذلك المقعد
الوثير الذي أحضروه بدلاً من المقعد المتهالك الذي كاد أن يصيبه بالديسك
يومًا!!

- بيومي.. يا بيومي..

تدلف القاطرة البشرية من الباب.

- هات لي اتنين قهوة عالريجة من البن بتاعي، وابتعت حد يجيبي علبة
سجاير..

- أوامر جنابك يا باشا..

عشر دقائق تمرّ كعشر سنين.. كعشر قرون فوق رأس عماد.. ذهب
بيومي وعاد بالقهوة وبالمدخان، ورئيس المباحث لريأت بعد!!

طرقات صاخبة وأصوات أصخب في الخارج.. إنها طرقات سيادة
العميد رئيس المباحث الذي يجب دائماً أن يدعي البساطة والعفوية، ويلقي
بدعاباته السمجة على الجميع حتى يضحكوا له مداهنين - وهو يعرف لك
جيداً - فترتوي نفسه العطشى من نهر القبول الاجتماعي الزائف حتى ولو
كان من مرؤوسيه البؤساء!!

- صباح الخير يا باشا.. ده انا في عيد النهاردة..

- طب اقعد وما ترغيش كثير..

ثم يجلس محاولاً ادعاء البساطة - وهو يضع ساقه فوق بعضهما - و عماد كعادته جالس على أطراف المقاعد في حضرة رؤوسائه ذوي الرتب المرتفعة الشاهقة!!

- حلوة القهوة دي.. ابقى ابعثلي شوية بنّ على المكتب يا اخي..

- عينيا يا فندم.. إحنا نبعت البنّ بالي بيعمله معاليك..

- طيب.. أنا هخش في الموضوع عشان ما نضيعش وقت.

ثم يضع فنجان القهوة الخزفي فوق الطاولة، ويجول وجهه ناحية عماد متفحصاً، وكان عماد قد تحول إلى لص بيوت عتيد يخضع لتحقيق شرس مع ضابط محنك.

- طبعاً ألف مبروك على الترقية.. بس للأسف الترقية ما جاتش لو حدها كده..

- مجهودات سعادتك يا باشا هي اللي بتحرك الصخر والله.

- الله ياخذك يا شيخ.. سبيني اكمل كلمتين على بعض من غير نفاق يا جدع...

- معاليك عارف أنا بحبك ازاي من غير أي نفاق.

- طب اسكت بقه شوية لحد ما اكمل.

يضع عماد كفه على فمه باسمًا، فيطلق سيادة العميد ضحكة عصبية أرادها مرحلة ففشلت مراكز إحساسه التالفة في جعلها كما أراد.

- بص يا عماد.. أنا عارف إن اللي هقوله ده ممكن يدايقك وممكن يفرحك.. بس ده اللي حصل وبقى واقع دلوقتي..

- سيادتك سيّبت مفاصلي بها فيه الكفاية والله..

- بلاش الكلام الثقيل ده.. أنا مش جاي ابلغك بفصلك من الخدمة يعني.. ده يا دوب حته نقل صغير يعني..
- نقل!! نقل فين سعادتك!!؟
- تنحج محرجًا، وبدل وضع ساقيه القصيرتين، وراح يتأمل الغرفة وكأنه لا يقوى على لفظها..
- المخدرات..
- وانا هعمل إيه في المخدرات سعادتك!!؟
- هتعمل اللي كنت بتعمله هنا يا عماد.. سيادة الوزير عايزك هناك.. هناك هنستفيد منك أكثر..
- بس ساعاتك أنا ما طلبتش نقلي أصلاً.. ومش شايف نفسي هناك نهائي.. وبعدين سيادة الوزير يعرف إيه عني وعن شغلي هنا عشان يعرف انا هنفع في المخدرات ولا لا!!؟
- يفك انعقاد ساقيه ويهجم بنصفه العلوي نحو عماد وفي عينيه نظرة حاول أن يجعلها غاضبة حاسمة..
- جرى إيه يا عماد.. إحنا مش شغالين في بنك يا بني.. إحنا مطرح ما يحطونا ننحط واحنا ساكتين.. فاهم يا عماد..
- اللي افهمه سعادتك إننا بني آدمين مش عساكر شطرنج..
- يبقى لازم ترجع قسم الدرب الاحمر وتعيد من الأول عشان فهمك يتحسن شوية..
- النقل ده مش طبيعي سعادتك.. الظاهر إني متوصي عليًا من فوق بقة!!؟

- ولا هرد عليك، وافهم اللي انت عايز تفهمه.. بس لازم تعرف إن في حاجات كثير ما بقتش زي الأول يا عماد.. ولازم نوطي راسنا للريح لحد ما تعدي وتريجنا..

ثم نهض وأحكم إغلاق سترته الأنيقة المصنوعة من كتان هندي رقيق فوق قميص لبني زاه.

- بكرة الصبح هتسلم شغلك للنقيب مروان.. وتروح تستلم من العقيد عبد البر في المكافحة.. خلاص مش عايز كلام كثير يا عماد.
- سيادة العميد.. أنا كنت عايز حضرتك في موضوع شخصي شويتين.
- خير يا عماد.

تركه عماد لدقيقة نحو مكتبه الخشبي المتشقق، ورفع نسخة من كتاب صدئ مهترئ له غلاف جلدي قديم.. وتناول ورقة مطوية قدمها لرئيس المباحث ثم عقد كفيه خلف ظهره ناصبًا قامته مصوبًا عينيه نحو الحائط البالي الذي تشقق بياضه الأصفر الكئيب..

- إيه ده يا عماد؟؟ فيها إيه الورقة دي؟؟

- سعادتك أنا بقالي أسبوعين مش عارف افاتحك في الموضوع ده ازاي.. بس الظاهر إن قرار النقل ده كان علامة من عند ربنا عشان تقولي إن اللي قررتة صح.

- برضه ما فهمتش في إيه في الورقة دي!!

دمعتان بدأتا تغزوان تلکم العينين القويتين.. ورعشة تجري في جسد عماد كأنها أحدهم يمزق ساقيه بسكين غير مشحوذ عتيق.. وقلبه الذي كان جامدًا يومًا قرر العصيان..

- أنا تعبت يا فندم بصراحة وعائز ارتاح..
- تعبت من إيه يا ولد.. إنت لسه ما كملتش اربعين سنة..
- لو فضلت كده يا فندم مش هكملهم..
- الورقة دي فيها إيه يا عماد؟؟
- ماذا فعلت يا عماد؟؟!! وجهك الذي ضجر من جموده.. وعيناك اللتان
ضجرتا من حبس العبرات الساخنة.. كل هذا ألقيته فوق رصيف وجه
سيادة العميد وأنت تحاول استجماع نفسك.. بماذا فكرت يا عماد وأي رياح
جعلتك تحني رأسك فلا تقيمها إلا..
- دي استقالتني يا فندم.
- نعم يا اخويا..!!
- استقالتني يا فندم.. دي استقالة من الخدمة في وزارة الداخلية يا
فندم..



(٢٤)

كافيتريا شهيرة بالزمالك.. بعد خمسة أسابيع من الحادثة.. الرابعة
عصرًا..

من جديد وكان شيئًا لم يتغير.. أجلس في شرفة الكافيتريا الشهيرة
المطلّة على النيل.. نفس ذلك المكان الاستراتيجي البعيد عن كل معارفي
وعن كل دوائر لقاءاتي المعتادة.. مكان لطيف يمكن أن تحصل فيه على نسمة
هواء لطيفة في ليل يونيو حيث الصيف طفل صغير بدأ يتعلم المشي ويواصل
ممارسة هوايته الأبدية في بعثرة بواقى الربيع حتى يتعلم كيف يخنق أرواحنا
بحرّه ورطوبته..!!

للمرة الأولى أجلس هنا بلا تبغ.. بلا غليون وبلا لفافات وبلا أي
مشتقات النيكوتين.. أشرب قهوة داكنة ثقيلة كالظلام الذي غرقت فيه..
الظلام الذي لم تخرج روعي الثقيلة منه بعد.. لا زالت هناك تذكرني به
كل ليلة.. عندما أغلق عيني وأغرق فيه من جديد.. نفس الوجوه.. نفس

الكلام.. نفس الكلمات المكتوبة في الهواء، وصوت ولاء المريح يلقي بها على مسامعي..

نفس كلمات أبي الرصينة الوثيقة القوية..

"أدهم لسه حي.. بس يا خوفي من بدران"

أبي كان يعرف كل شيء.. إن أبي "نكرومانسر" كتب محترف.. إن "النكرومانسر" يمزق الجثث ليعرف أسرارها.. بينما أبي رحمه الله مزق كل كتاب قابله ليعرف أسرار هذه الدنيا.. أبي يعرف كل شيء..

صوت أزيز محمولي الذكي.. صورة ولاء وهي تخرج لسانها للكاميرا في عبث وبريق عينيها يطغى على فلاش الكاميرا.. عندما اقتنيت هذا الهاتف بالتقسيط قررت أن أضع صورًا لكل من أحفظ أرقامهم على سبيل التطور أو على سبيل الحذلة..

- أبوه يا قطة..

- إيه يا كيمو.. إنت فين كده وبتعمل إيه؟

- ده اعتبره تحقيق ولا اعتبره قلق؟!!

- اعتبره زي ما تعتبره بقه.. ولو ما قولتليش إنت فين حالًا هروح المديرية لعماد باشا وابلغ عنك وهما هيعرفوا يجيبوك..

- لا ما هو انتي مش هتلاقيه في المديرية.. تعرفي عنوان مكافحة المخدرات؟!!

- مكافحة المخدرات!! هو اللي بيعمل حاجة عدلة في البلد اليومين دول بيتنقل ولا إيه؟!!

- سيبك انتي.. ماهر الرفاعي عامل إيه دلوقتي؟؟

- ما هو أنا بكلمك عشان كده..

ثم صمتت قليلاً.. قليل كافٍ أن يحرق أذني بأنفاسها المتلاحقة.. ماذا فعلت يا فتاة؟؟

- ولاء.. إنتي عملتي إيه في الباشا؟؟

- خلصت منه..

- إيه ضربتته بسكينة ولا سمتيه إنتي كمان؟؟!

- لا؛ ضربته آخر قلم على كرامته العزيزة.. نشرت التحقيق بتاعك على الموقع زي ما هو.. ورميت الاستقالة في وشه.

- وليه عملتي كده يا ولاء؟؟؟ ليه..

- عشان أنا عايزة اعمل كده يا أكرم.. أنا كنت مستنية اللحظة المناسبة بس.. على فكرة يا حبيبي.. ماهر الرفاعي مش هيسامحك ولا هيعديلك اللي انت عملته بالساهل.. ده بكرة هينشر تكذيب واعتذار لأهل البلطيمي.. الانتخابات جاية وهو معندوش استعداد يخسر الناس دي..

- دي حاجة انا عارفها كويس يا ولاء.. بالمناسبة هو بكرة إيه؟؟

- بكرة الخميس.. اشمعني؟؟

رحت أتحنح وأخرج أصواتاً غريبة من بين شفتي.. كيف أقوى على ما سأقوله لك يا فتاة.. منذ شهر كامل ونحن لا نتحدث في هذا الأمر.. منذ ذلك اليوم في الجريدة وأنا لا أتحرك قيد أنملة.. وأنت لا تطلبين تحركي.. ما أجملك يا فتاة.. لم يجبني أحد مثلك سوى أبي وأمي.. حتى حب أبي وأمي هو حب لا إرادي يزرع في قلب كل أب وأم.. بينما أنتِ زرعتي حبي في قلبك غصباً وقوة، وظللت لا تملين ذبول أوراقه في انتظار برعم يفتح

بزهرة يانعة.. وها هو البرعم يتفتح يا حبيتي.. اليوم سأقولها بملء فمي،
ولن أخاف.. لن أخاف.

- عشان بكرة هاجي أنا وعماد عندكم البيت.. هي ماما بتبقى صاحبة
الساعة تمانية كده.. آه تمانية هتبقى كويسة.. صح؟!.. وبالمرّة بقه
جهزولنا مصحفين عشان ما نقعدش نفتكر في الفاتحة وشكلنا يبقى
وحش.. ولاء..

صمت.. لا شيء.. فقط صوت أنفاسها المتهدجة..

- ولاء ردّي عليا يا بت انتي..

- أكرم..

- نعم يا حبيتي..

- بحبك.. بحبك حتى لو باب القبول اتسدّ.. وهتخيل صدّي صوتي
بياخد كلمتي ويرجع معاه الردّ..

ثم أغلقت الخط.. أغلقت ذلك السيل المنهمر من قلبها نحوي ليزيح
من طريقه كل شيء.. يوماً ما كنت مهزوماً خاسراً يا أبي.. يوم أن فعلت ما
علمتني إياه لرا أكسب شيئاً يا أبي.. ولكني لست خاسراً.. لست خاسراً يا
أستاذ فهمي..

- أكرم.. دي حاجة غريبة فعلاً!!

أرفع رأسي عن المحمول الذي ضبطت نفسي أراقب شاشته لأجد سيدة
في غاية الأناقة.. ترتدي ثياباً صيفية بسيطة، وذلك الشال القطني الخفيف
علامتها المميزة يلتف حول رقبتها في أناقة.. السيدة التي أنقذت حياتي منذ
خمسة أسابيع ببراعتها التي لم أر مثلها من قبل..

- تقريباً دي تاني مرة آجي هنا من شهرين.. وتاني مرة أقابلك هنا
برضه.. very strange

- ولا strange ولا حاجة يا دكتور.. الموضوع بس إن نفس الوقت
اللي بحس إني مخنوق ومحتاج ابعده عن كل الناس واريح أعصابي
شوية بيبقى موافق بالضبط بقه معاد زيارتك الشهرية للمكان
الظاهر..

أطلقت ضحككتها القصيرة المجلجلة، ثم جلست مقابلة لي على الطاولة
المفضلة في ركن المكان القصي.. رفعت يديها في رقة تطلب قهوتها من
شاب قصير بدين يجرجر الكثير من الدهون.. خفيف الحركة بشكل مثير
للدهشة.. كأنك ترى فرس نهر يلعب في خط وسط برشلونة!!

- أنا كنت هكلمك النهاردة.. بس في نص اليوم كان عندي some
issues to finish

- رب صدفة خير من ألف معاد يا دكتور.. أنا قدامك آهو.

- المثل ده أنا بحبه جداً.. anyway .. أنا مبسوفة جداً من التحقيق
بتاعك اللي اتنشر النهاردة على الـ website بتاع الجرنان.. حتى
لو كانوا شالوه بعد ساعة وكذبوا الموضوع ونشروا اعتذار.. أول
مرة يا أكرم أقرأ Political Crime Analysis في مصر.. تحليلك
للموضوع كان very brilliant..

- آهو انا بقه ما اعرفش المصطلح ده خالص يا دكتور.. بس اللي اعرفه
إن ورا كل حكاية من حكايات القتلى دول حكاية تانية.. مش لازم
يكون الموضوع بيتكلم عن الجريمة في حد ذاتها.. بس الناس دي
هي انا وانت و كل اللي قاعدين دول.. بس مع الفرق إنهم مش
لايين حق الهدوم اللطيفة وكوباية القهوة النظيفة ولا حق القعدة

في مكان لطيف زي اللي احنا قاعدين فيه ده..

- ده انت leftist بقه وانا ما اعرفش..

- مش شرط ابقى يساري ولا اشتراكي يا دكتور عشان افهم اللي بيحصل حوالياً يعني.. بس أكيد مش هو ده الموضوع اللي كتتي عايزة تكلميني علشانه؟

الشاب البدين الخفيف الحركة يضع القهوة السوداء أمامها في براعة وهدوء ويحني رأسه محيياً ثم ينطلق.. فتناولت كيس سكر بني وراحت تقلبه داخل الكوب في هدوء ورأسها منكس نوعاً.. هل يبدو لي أن هذه المرأة الحديدية تبحث عن كلمات تقولها أم أن آثار الأدوية تثقل رأسي وتصنع خيالات في تلافيف مخي!!

- دكتورة آمال!!

- الصراحة يا أكرم أنا كنت جاية اسلم عليك عشان مسافرة.

- مسافرة فين يا دكتور..

- رايحة ال states بكرة الظهر.

- زيارة ولا شغل ولا سياحة؟

- لا ده ولا ده يا أكرم.. أنا رايحة استقر.

كنت أرشف من قدح القهوة فما إن سمعت حروف كلمتها الأخيرة حتى كدت أرش القهوة في وجهها من فرط دهشتي لولا أن كتمت أنفاسي وبلعت القهوة ورحت أسعل حتى كدت أزهدق روعي في حضرتها.. وبعد أن ناولتني كوب ماء وراحت تضحك في دهشة ضحكاتنا القصيرة المجلجلة..

- أنا مش فاهم حاجة يا دكتور.. اسمحيلي يعني أنا قولت مصر كلها ممكن تهاجر وتفضي من ناسها إلا انت.. وإذا كنتي راجعة تستقري هناك طيب إيه اللي كان رجعتك من خمس سنين.. ولزمته إيه الجهاد بقة والنضال والكلام اللي بتعبوا بيه أمخاخ الناس كل يوم في التلفزيون!!

- بس بس.. Hold on.. إنت مالك اتحولت كده ليه.. أولًا أنا لما رجعت.. رجعت عشان في دور مهم كنت لازم أآديه في بلدي.. ما كنتش راجعة لا عشان نضال ولا جهاد.. كنت راجعة اساعد بلدي اللي اتولدت فيها.. وحتى لما قامت الثورة وقعدنا مع بعض عشان نعمل حزب ممكن يساعد البلد برضه كان عشان أنا عايزة اساعد بلدي.. بس يا أكرم nothing changed.. كل حاجة زي ما هي، وأسوأ..

- ده واجب يا دكتور مش مساعدة.. إنتي مش جاية هنا عشان تتفضلي على البلد دي بحاجة.. ومش عشان أول ما تلاقي الدنيا بقت صعبة شويتين تسيبها وتهربي..

- أكرم.. إنت لو أي حد تاني وبيكلمني كده أنا كنت عرفت أوقفه عند حده كويس أوي.. هتناقش معايا Like a civilized person يبقى أولك.. هتكلم بطريقة مقدمي برامج التوك شو يبقى اقوم احسن و see you soon

ثم رفعت رشفة كبيرة ساخنة من كوب قهوتها.. حتى أنها أسقطت قطرات على شالها القطني الأبيض، فناولتها ذلك المنديل الملقي بجوار كوبها، وراحت تنظف القطرات ثم تابعت:

- I'm not escaping يا أكرم.. أنا في الأول وفي الآخر ست بتاعت

علم يا أكرم مش قائد سياسي ولا زعيم قومي.. العلم يا أكرم زي
الزرع.. needs the suitable atmosphere .. عشان يكبر.. وده
مش موجود يا أكرم وقدامه كتير على ما يبقى موجود.. وانا عندي
التزامات كتير قدام علمي يا أكرم.. أنا لسه ما وصلتش للمرحلة اللي
اقعد فيها في شاليه في الساحل الشمالي أمدد رجلي في شراب صوف
في الشمس وابقى consultant كبيرة ياخذو رأيي في البوليس.. أنا
لسه ما كملتش خمسين سنة يا أكرم.. ولسه قدامي حاجات كتيرة
لازم اعملها..

- وده حضرتك مش هتعر في تعليمه هنا؟؟

- السؤال ده ما يطلعش من واحد زيك انت يا أكرم.. وبعدين إنت
شايف بنفسك.. واحد physico قتل سبعة عشان عنده حلم إن
ابوه يبقى مشهور حتى ولو بالدم يا أكرم.. والثاني عشان ما عرفش
يعمل ال PhD ويعرف يعالج الناس.. باع نفسه بالفلوس اللي جاية
ليه من قتل الناس.. what a logic يعني!! إنت عايز تقوللي إن في
جو زي ده أنا ممكن اركز في علم أو في تطوير.. this is .. sorry..
· nonsense

ومن قال لك يا دكتورة أن منطقك أنت منطق سليم!! لو كان في هذا
البلد فقر وجنون وفساد وقلة احترام.. فحدثيني من فضلك عن البلد التي
جئت منها وأخبريني من فضلك.. هل يعطونك الاحترام الكافي هناك؟؟
وإن أعطوك هذا الاحترام على مفضل لأنك تنفعيهم بعلمك.. فلن يعطوك
إياه وأنت تتجولين مع ابنك في الشارع أو داخل الأسواق.. حتى إن كنت
تحملين جنسيتهم يا سيدتي.. أنت عربية مصرية ولو قررت أن تنسي ذلك..
أنت عربية مصرية ولو نسيت يوماً أنك كذلك..

إذا أردت أن تعلمي فلا بد أن تفعلي يا دكتورة.. العمل مقابل العمل
العمل مقابل الفعل..

- طيب والحزب والناس اللي صدقتك؟!!

- الحزب موجود يا أكرم.. بيا أو من غيري موجود.. أنا مجرد ا- م
مجرد فرد.. بس برضه إنت شايف إن ده جو ممكن يبقى فيه حزب أه
سياسة أصلاً.. يا أكرم let me tell you something على بلاهه
زي ما بتقولوا.. التربة الفاسدة عمرها ما تطلع حاجة صح.. وعشان
تطلع حاجة صح لازم تعمل حاجات كتير أوي عشان تصلحها
بس يبقى عندك الرغبة عشان تصلحها يا أكرم.. understood my
friend

ثم منحتني ابتسامة هادئة راقية ككل شيء تفعله.. ورشفت آخر قطرات
في آخر كوب قهوة ستشربه في مصر.. برغم أنني لا أقتنع بمنطقك يا دكتور
آمال.. إلا أنني لا أملك سوى أن أصدقك.. أنا لم أعتد أن أكذب من حاولوا
يومًا أن ينقذوا حياتي.. ربما أنت خائفة يا دكتور.. ربما أنت لا تثقين في أن
ما سيحدث في مقبل الأيام قد يجعل من هذا المكان مكانًا أفضل لكل من
هم مثلك.. ربما كانت دفاعاتك النفسية تبتكر كل ما هو بعيد عن السبب
الحقيقي الذي يدعوك للرحيل.. أنت برغم تماسكك وقوة شخصيتك
وقدرتك على أن تصنع المعجزات.. لا تقدرين على تحمّل ما سيحدث..
لا تقدرين على البقاء حتى تشاهدي ما سيحدث.. أنت مصابة بتلك الفوبيا
يا سيدتي وإن كنت تنكرين ذلك.. الفوبيا التي حاولت هزيمتها يومًا
اقتحمت أسوارك المنيعة ومنطقك المثقف.. أنت تدركين الآن أن ما تخافين
منه سوف يأتي يوم ويحدث.. وأنت لست ساذجة يا دكتور وتعرفين بل
وتوقنين أنه سيحدث..

رحلت الدكتورة آمال.. رحلت علي وعد بلقاء يوماً ما، وبمراسلات
أعرف أنها مستقطع.. رحلت كما رحل دكتور سليمان إلى ولده في الكويت..
رحلت كما استقال دكتور علام واختفى في مسقط رأسه في الصعيد؛ لأنهم
لم يأبهوا بكل ما كتبه وكل ما قدمه لهم من حقائق.. رحلت كما رحل عماد
وراح يبحث عن عمل في شركة خاصة؛ كي يرحل من مصر إلى بلاد البترول
والرطوبة الخانقة!!

كلهم رحلوا يا أكرم إلا أنت..

أما آن الأوان للرحيل..؟؟!!

* * *

- بص يا عماد.. إحنا بعد مناقشات مطولة.. إتأكدنا إن الكتاب ده
كوموفلاج.. تمويه يعني..

* * *

- المفيد يا حضرة الرائد إن الأخ ده أيا كان هدفه ما بيقتلش بتسلسل
قصص الكتاب وبس.. ده بيقتبس القصة وينفذها حرفياً بس مع
شوية إضافات.. القاتل ده بينفذ جرايمه بطريقة علاجية قديمة من
الفوبيا كانت مستخدمة في أواخر السبعينات في الاتحاد السوفيتي
لعلاج المرض النفسي.. الطريقة اسمها:

- واجه مخاوفك قبل أن تقتلك..

- برافو عليك يا عماد..

* * *

- هي فعلاً كلمة عديمة المعنى.. بس لو حطيت قصاد كل حرف الـ ٥٠٠
اللي بيقابله في الأبجدية الإنجليزية.. نعمل جدول صغير كده عشوائياً،
أوضحلك الصورة.. كده يبقى عندنا أرقام ١ و ٥ و ١ و ٢١ و ١٥

* * *

- لو كانت الجريمة دي وقعت بين معاد فتح العيادة امبارح الساعة
٧ مساءً والساعة ٥ صباحاً لما الفراش اكتشف الجثة فا انا كنت
في الوقت ده في مستشفى الدكتور حسن شوقي الساعة ٨ باعمل
فحوصات وأشعة، والساعة ١٠ كنت على قهوة الليالي في عين
شمس، والساعة ٣ صباحاً كنت في شقتي وبواب العمارة شافني..
وبما إنه بيسهر لحد الفجر، ويروح يصلي فا بخليه يخبط عليا
يصحيني وبتنزل نصلي الفجر سوا، وبعدين باروح نادي الشمس
أمشي شوية.. أظن الإخوة بتوع القسم لما جابوني كنت في النادي..
كده حجج غياي قوية يا سيادة الرائد؟؟؟

* * *

- إيه يا شقيق.. مالك.. إنت بلبعت إيه؟؟
- الدكتور..

- بتقول إيه يا بن المرة مش سامعك؟!
- الدكتور..

* * *

- يا بابا أدهم مات وشبع موت..
- أدهم لسه حي.. بس يا خوفي من بدران..

* * *

- ليه كده يا جمال؟؟ ليه؟؟

- سلمولي على الدكتور يا حضرة الظابط..

* * *

حاشية لا بد منها

من هم حتى يقيموك يا علي؟؟!!

من هم حتى يصنعون من أنفسهم أبطالاً وثواراً، ويصنعون منك مجرمًا بانسًا.. أنت يا من طفحت الهتم وابتض شعر رأسك الناعم وأنت بعد في أواسط عشريناتك.. يقولون إنها وراثة من والدك سيادة المستشار.. وتقول أنت إنها من كثرة الأهوال التي رأيتها منذ أن كنت قائد دفعتك في كلية الشرطة إلى أن أصبحت على مشارف النجمة الثالثة فوق كتفك العريض..

أنت في الشارع منذ أن كنت برعمًا أخضر يتقاذفك الضباط الكبار إلى بعضهم البعض في شوارع القاهرة.. لتتصب الأكمة وتحمل سخافات الأمناء الذين يعاملونك كطفل في الابتدائية يتلقفه طلاب الثانوية الصناعية على ناصية شارع خرب في حي عشوائي فقير..

أنت بالنسبة لهم (ابن الناس الكويسين)..

لذا لا بد أن تخشن يا علي.. لا بد أن تكون قويًا..

أنت تذكر أول مرة وضعت أحدهم فوق العروسة في القسم.. القسم الواقع في قلب حي شعبي فقير.. القسم الذي وضعوك فيه كي (ينشف عضمك) كما قال لك عمك ضابط أمن الدولة القدير والذي قاطع بيتكم منذ أن رفع أبوك المستشار عقيرته طالبًا العدل والقصاص من أمن الدولة..

كنت بعد ملازمًا حديثًا.. نوبتجيا في ليلة صيف حارة من عام ٢٠٠٩..

وكان الفتى فقيراً هزياً معلماً ككل أقرانه في ذلك الحي الفقير.. سرق هاءاً
محمولاً من فوق طاولة في مقهى حقير.. هاتفاً لو باعه لما جاء له بخمسة...
جنيهاً سيصرفها جميعها في باكتة بانجو أو زجاجتين من الخمر المغشوشة..
يذهب بها عقله.

اقتربت منه وقد علقوه ورأسه خارج الإطار الخشبي.. الجلد والضربات
المتتالية وتمزيق ثيابه البالية.. وشارب رفيع ولحية نابذة، تُظهر ضربات النقد
على وجهه النحيل الشبيه بوجه سحلية مريضة..

- اسمك ايه ياد؟

- حلمي عبد المتجلي عبد العال يا باشا..

- الاسم اللي بينادوك بيه في الشارع يا روح امك.. ولا انت الحفلة ما
كفتكش ومشتاق لحفلة تانية؟؟

- اسم ايه يا باشا.. هو لا مؤاخذة الواحد بيبقى له اسمين..

- إنت هتهزريا (.....) امك!!

ثم تكوّر قبضتك الرفيعة ضارباً بها أنفه المتضخم بفعل ضربات الأماء
فتنفجر نافورة الدم في وجهك.. إلا أنك لا تحرك ساكناً.. أنت تتحول
تدريجياً إلى الحالة التي تريدها فلا تتوقف الآن.. لن تعود من الآن ابن
الناس الكويسين..

- بص يا روح امك.. الجوحتر وانا روعي في مناخيري ومش فايق
لامك خالص.. هترد على كلامي بالراحة كده ومن غير ملاوعة
هسيبك تخرج من هنا على العشة الوسخة اللي انت ساكن فيها..
مش هتتحترم نفسك.. أنا عندي نص كيلو بانجو مش لاقين اللي
يشيلهم..

- حلمي إبليس يا باشا.. مسميني حلمي إبليس..
- بص يا حلمي.. أنا احب الرجالة الجدة ان اللي زيك.. واحب أوي
أخذهم جنبي كده عشان استفيد منهم ويستفيدوا مني..
- أنا من إيدك دي لإيدك دي يا باشا والله..
- أمين إبراهيم.. فك حلمي وهاتولي المكتب.. وماتنساش تعمل
معاه الواجب قبل ما تجيبه..
- نظرة مذعورة كذعر فأر حبسه قطّ في ركن منزل خرب.. نظرة من
يعرف ما هو مرادف كلمة الواجب في قسم شرطة مصري!
- أبوس إيدك يا باشا بلاش واجبات تاني.. أنا هعمل اللي انت عايزه..
لو قولتلي عجيب الفلاحة هعمله.. لو قولتلي نوم العازب هعمله..
لو عايزني ات..
- بس بس.. إنت فاكرني إيه.. عيب الكلام ده يا أخ حلمي.. الواجب
يعني يأكلوك لقمة تسدّ بيها جوعك ويشطفوك ويروقوك كده
عشان عايزك في كلمتين مهمين..
- ثم تقرب رأسك من رأسه الخاوي متابعًا وأنت ترسم أهمية مبالغة على
وجهك الذي اكتسى بنظرات شيطانية آمرة..
- حاجة تخص مصلحة البلد يا حلمي..
- يومها يا علي عرفت أنك قد زرعت أول شجرة في طريقك الوعر نحو
حلمك.. منذ أن رأيت عمك عقيد أمن الدولة وهو يسير وسط الحراسة..
منذ أن سمعته يتحدث عن معارضي النظام وينعتهم بأحط النعوت
والشتائم.. منذ أن رأيتته وهو يحول مسار شارع كامل بمكالمة هاتفية وأنت
تحلم بأن تصل هناك.. أن تعبر الأسوار العالية في الحي السادس لتصبح

ترسًا في ماكينه الأمن والأمان والسلطة والنفوذ.. لذلك طلبت من عماد
العزيز أن يزج بك في ملفات المباحث.. لذلك ضغطت بكل قوتك ،إن
أبيك المستشار ليفعل ما ليفعله طوال حياته ويتوسط لك لتعين في مديريه
الأمن.. لذلك احتفظت بكل مصادرك القديمة.. لذلك قبلت العماد
تحت إمرة ضابط رحيم طيب في بلاد لا تعرف الرحمة.. لذلك ضربت
وركلت وضغطت بكل ما تملك من أدوات على كل من قابلتهم حتى تستقر
مؤخرتك فوق ذلك المقعد خلف ذلك المكتب الصغير في مديرية الأمن..

كم من قضايا أغلقتها ضد من لم يرتكبوها.. كم من قضايا دفعت لها من
مسجلينك ومرشدينك مقابل ما قدمته لأهلهم تعويضًا عن ما فعلته بهم..
فقط لتصبح أصغر ضابط تخلو ملفاته من جملة (ضد مجهول).. لم يشكك
أحد في تحرياتك ولا في طريقة إغلاقها.. أنت الضابط الوحيد الذي لا
تفلت النملة من قبضته ما لم يعطها تصريحًا بالإفلات!!

كل هذا لا يلوته سوى ذلك اليوم..

يوم خرجت من منزلك في صباح يوم جمعة مشمس وسط الشتاء..
لا اتصالات سوى مكالمة أرضية وصلتك من الأمين عبد الباقي الناحل
العجوز ينصحك بالبقاء في منزلك لأن الشوارع ليست على ما يرام..

- يعني إيه الشوارع مولعة يا عبد الباقي!!؟ إنت كبرت وخرفت!!
- معالي الباشا الدنيا برة مليانة ناس ياما.. وانا راجل عجوز وعارف
البلد دي كويس.. الناس دي مش هترجع بيوتها غير لما تجيب عاليها
واطبيها.. ولا هيفرق معاهم كل اللي البهوات الكبار عاملينه..
أبوس إيدك يا علي بيه استنى في البيت النهاردة..

- بس يا راجل يا (...). إنت الظاهر عليك الشغل مع عماد باشا خلاك
طري وما بقتش تعرف تميز كمان.. وربنا المعبود لو لقيت عسكري

ولأ أمين غياب النهاردة لاعمله محاكمة عسكرية.. فاهم!!

تقود سيارتك لتجد كل الشوارع مغلقة.. سيارات الأمن المركزي تغلق كل الميادين وتصطف بجوار كل المساجد الكبرى في القاهرة والجيزة.. الداخلية كلها في الشارع عداك أنت.. السبب بسيط.. هو أن سيادة العميد أخرج اسمك من كشوف الخدمة ليلة الخميس!!

- ليه سعادتك كده؟؟

- اسمع يا علي.. أنا مش بكلمك على إني ضابط دلوقتي.. أنا عمك حتى لو ابوك اتبرئ مني.. خليك في مكتبك النهاردة..

- إوعى تكون مصدق إن حبة العيال وشوية المختلين اللي معاهم هيعملوا حاجة.. ولا انتو متوقعين كده في الجهاز وانت مش عايز تقوللي؟

- كل حاجة مدروسة وتحت الاحتمالات.. اللي بقولك عليه تنفذه..

تصل إلى مكتبك قبل الصلاة بنصف ساعة.. الناس تمشي في الشوارع مرفوعة الرأس على وجهها نظرات غضب مستعرة.. هذه النظرات لم تعود أن تراها.. أنت تربيت على نظرات القهر والذل ولم تر نظرات كهذه من قبل.. تنظر إلى هاتفك المحمول فاقد الشبكة وأنت تلعن من اتخذ قرارًا بهذا وكأن الدنيا ستقوم ولن تقعد لأجل زمرة من المخشين وذوي اللحى!!

وعند المساء عرفت مالمر تكن تعرفه..

عرفته وأنت تتسلل من مكتبك في مديرية الأمن واضعًا طبنجتك الميري في جوربك القطني الطويل فوق حذائك حتى أكسبتك عرجة تفتح لك بعض الطرق.. وأنت تتحرك ماشيًا على قدميك من المديرية إلى بيت عمك في المنيل.. قسم الخليفة احترق.. قسم السيدة زينب احترق.. قسم المنيل

أصبح هشيًا تذروه الرياح.. الأطفال وصبيان المكيبانية يلعبون بملا...
رسمية في الشوارع.. لقد سقطت وسقط حلمك يا علي.. ستبقى ضاملاً
صغيراً في مكتب حقير بمديرية الأمن.. لقد أصبحت لا تعي ولا تعرف
حرفاً مما يحدث.. جلست شهراً أمام شاشات التلفزيون يحاول عقلاء
الذري أن يحلل ما يحدث فلم تفهم.. حتى حلمي الذي تربى على يديك
تحول إلى نذ.. يحصل على مقابل لكل معلومة يأتي لك بها.. أصبحت
نظراتك الغاضبة الشيطانية لا ترعب أحداً ولا تفتح باباً..

حتى وإن بدأت الأمور تتحسن.. إلا أنها لم تعد ولن تعد.. وإذا عادت
فلن تكون هنا في ركب العائدين.. أنت ابن مرحلة رحلت برحيل وزير كان
ملء السمع والبصر فأصبح يرتدي حلة زرقاء!! شجرة الموز يا صديقي لها
ألف قرد الآن.. وأنت لم تكن يوماً قادرًا على القفز!!

حتى منذ أن بدأت تلك القضية وأنت غير قادر على بلعها.. عماد متحمس
لرأي صديقه الصحفي الأخرق ولابد هذا العصر الأغبر.. والقيادات تمنحه
ثقة لا يستحقها في نظري.. لماذا لا تأتي بكل أقارب القتلى ونوسعهم ركلاً
حتى نعرف قياسات ملابسهم الداخلية.. ثم تأتي بخمسة مسجلين نضعهم
أمام كاميرات التلفزيون ليعترفوا بهذه الفعلة الشنعاء.. أنت تحدث نفسك
دائمًا بتلك الأفكار الذي يرونها سادية مقززة وأنت تراها ضرورية كي يعود
الأمن والهيبة اللذين فقدهما الكيان!!

فقط عندما تقاطعت الأمور يا علي ظهرت تلك الإشارة في عقلك..

- إزيك يا حلمي..
- علي باشا.. أوامر معاليك..
- عايزك في موضوع مهم.. قابلني قدام بوابة نادي الترسانة هعدي
عليك بالعربية..

تمشنى بسيارتك الكورية الجديدة وبيجانبك حلمي يتفحص وجهك
محاوآ استشفاف ما بداخلك.. وأنت تخفي عينك خلف نظارة ريبان ذات
عدسات عسلية عريضة..

- أوامر يا باشا.. إحنا في الخدمة ولا مؤاخذه.

- إنت بقالك قد إيه شغال عند الراجل اللي اسمه أحمد سليمان ده؟

- يجي بتاع خمس ست شهور كده يا باشا.. ليه يا باشا هو مطلوب ولا
حاجة؟!؟

- ما تسألنيش.. أنا اللي باسأل بس..

- آه.. طب نزلني بقه يا باشا عشان ورايا مصلحة عايز أقضيها..

صوت الفرملة الحامية التي تقشر أسفلت الطريق الحديث في طرف
الجيزة وطبنجتك الميري تستقر تحت ذقن حلمي المرتعدة فرائصه، وعيناك
تطلقان شررهما من خلف العدسات العسلية.

- اسمع يا حلمي.. إذا كنت فاكر إن علي عمر ما بقاش علي عمر بتاع
زمان تبقى غلطان.. أنا ياد ما تهدنيش ولا مليون ثورة.. وأقسم
براس ابويا لو ما اتعدلت لاكون مخلص رصاص الخزنة في راسك
ورميك زي الكلب في أي مصرف ومالكش عندي نص جنيه دية..
سامع!!

يومي برأسه إيلاءة فأر مذعور.. برص وجدته على الحائط فارتعش ذيله
قبل أن تمزقه ضربات قبقاب خشبي أصيل..

- كده نعرف نتكلم.. أنا عايزك تجيبلي أخبار.. بيقد فين ومع مين..
مين زاره قبل الحادثة ومين زاره بعدها.. عايز أسامي وعناوين
وتليفونات.. وأقسم بالله العظيم يا حلمي لو حد شم خبر لاكون

معلقك زي التيس.. يلا غور من هنا.. يلا..

وراحت المعلومات تتوالى.. فيض من الأسماء والأرقام والقصص
علاقات متشابكة.. كل هذا أبقيته لنفسك أنت.. فليقتل من يقتل.. سوف
تنتظر الوقت المناسب وتلقي بكل هذا على الطاولة أمام القيادات في مكتب
الوزير.. سوف تحصل على ترقيتك المضاعفة.. إذا كان حلم قدمات فهناك
مئات الأحلام التي تنتظر من يحققها.. إذا كانت شجرة الموز قد امتلأت
بالقروود.. فلتزح منها قرودًا ثم تقف مكانه!

تدلف إلى الحجرة العظنة سيئة التهوية.. مزاجك غير صالح لأي
كلام.. مات حلمي مقتولًا مسمومًا كأي فأر ضبط متسللاً إلى مطبخ فقير..
خرجت الدماء من جسده ومعها سوائله كلها.. كوتة جديدة بفأر مثله.. إلا
أنها خسارة كبيرة لك.. نهر معلومات جفّ ونضب..

اليوم تذهب إلى مكتب مساعد الوزير لتلقي بقبيلتك على طاولته..
اليوم تكشف كيف كان عماد مقصرًا متغطرًا، وكيف كانت زمرة الأوغاد
تضلله وهو يتصنع العلم بالأمور.. اليوم تضع نجمة جديدة أو ربما نسراً
فوق كفك المشتاق إلى طيور الداخلية..

تهبط عينك مع هبوط جسدك فوق مقعدك إلى سطح مكتبك الصغير
لتجد ذلك الكتاب اللعين مفتوحاً أمامك.. صفحة مهترئة بها عنوان كتب
بخط قديم وتحت خط أحمر قان..

"في قدح القهوة"

تنظر إلى قدح القهوة الذي أوشك على البرود أمامك.. أنت بحاجة إلى
قدح جديد إذن..

- بيومي.. يا بيومي

ليدلف إليك ذلك العسكري النحيف الشبيه بعصا المقشة..

- أتمال فين بيومي.. ولا أشرف..

- بيومي بييجضي طلبات لعهاد بيه جنابك.. وأشرف خرج من عامنول..

- عامنول! ا طب روح اعمللي قهوة زيادة.. وما تتأخرش

- آوامر جنابك..

من أين يأتون بهؤلاء المرضى المعاتيه.. من أين يأتون بأكبر مجموعة من الأميين والفقراء ليجعلوهم أفراداً في مكان مهم كهذا المكان حتى بدون أن يصلحوا المستهم المعوجة..

تغلق الكتاب وتلقي به في إهمال على طرف المكتب.. لفافة تبغ ممتعة هي عندما يصاحبها رشفات من كوب القهوة الذي أحضره عصا المقشة في ثياب سوداء متهالكة..

رشفات من كوب القهوة رحت تلقيها في جوفك الظماً للسائل السحري.. في نهم لم تعتده من قبل!!

وكأنك تعرف أنها آخر رشفات القهوة يا علي!!

* * *

(٢٥)

منزل جد أكرم.. حي القلعة.. بعد الحادثة بشهرين ونصف.. التاسعة
والنصف مساء

شرفة المنزل التي جمعتني يومًا بالأستاذ فهمي حبيب وهو يسألني عن
التبغ ولماذا أشربه؟؟ ويوم أن جبت ولر أخبره بالحقيقة كان علي وشك نداء
أمي كي تأتي لي ببعض من ملابسها لأنني لست رجلاً أقول الحق ولا أخاف
فيه لومة أبي!!

شرفة المنزل العتيق الذي بناه يومًا محمد أفندي عبدالبر.. جدي لأمي
العزيزة الغالية المكافحة المثابرة.. سيدة العوالم الراقدة في فراش المرض منذ
أن رحل مهجة القلب والنخلة السامقة التي كانت تطرح في حجرها حبًا
وأمانًا..

أمدد ساقي فوق مقعد من الخيزران الشعبي التي نقشت عليه عبارات
(صناعة مصرية.. مصنع الكراسي بالبصراوي) وكوب الشاي الزجاجي

يستقرّ فوق القضيب الحديدي العريض الذي قرر أبي تزيين الشرفة الصغيرة به يومًا كي لا يسقط أخي أجد عند ملاحظته بالسَّبْت المربوط بدوابة جافة لبائع غزل البنات مبتغيًا قليلًا من سكره العذب..

أصوات متقاطعة تصنع من اختلافها سيمفونيات لو سمعها بيتهوفن لخرّ صعقًا من الروعة.. أصوات إلقاء الزهر وطرقة أكواب الشاي وكركرة الشيشة ونداء عم مصطفى علي (أي حاجة قديمة للبيع) الأبدى كهذا البناء الصخري المائل أمامي.. وأصوات تواشيح تلقيها حناجر ذهبية في قلب صحن جامع الرفاعي تختلط بصوت مغرفة أبو رامي وهي تقلب الفول في قدرته النحاسية باحثة عن قليل تمنحه لسائل محتاج.. أبواق سيارات الرامو الشبيهة بعلب السمن الصدئة تخالط سباب عبده الميكانيكي علي صبيه الذي خط الشارب في رأسه مع أصوات نداء بحنجرة مراهقة خشنة تحاول أن تعطي طابعًا رجوليًا فظًا وهي تشدو (سيده عيشة سيده عيشة).. وأنوار قادمة من مآذن مسجد محمد علي تتلون في لون بنفسجي يلقي بعظمة فوق عظمة علي جدران هذا البناء الشاهق كالطود خلف أسوار قلعة قفز منها إبراهيم بك هربًا من سيف محمد علي..

وصوت أمي الواهن ينادي علي:

- أكرم.. أكرم

- إيه يا ماما بس اللي قومك من السرير؟؟

- الباب كان بيخبط بقاله ربع ساعة وانت ولا انت هنا..

وكيف لي أن أسمع يا أماه؟! أترك كل هذه السيمفونيات العظيمة لأستمع لصوت طرق خجول من صاحبة الشعر الثائر والعينين العاشقتين التي تطلق سهام ابتساماتها من خلف ظهرك فتردني صريعًا!!

- أهلاً يا ولاء إزيك..

- أنا قولت إنت غايب بقالك كام يوم فا قولت آجي يعني اسأل عليك.. وبعدين طنط فتحتلي الباب وكانت بتحسبك مش هنا و..

- تشربي إيه؟؟

- شاي.. اشرب شاي..

ثم جرّت قلميها جرّاً وخيبة الأمل تغزو قسامت وجهها الخمري الساحر واستقرت فوق المقعد الخشبي وعيناها تجوبان مآذن مسجد محمد علي، بينما تأبطت ذراع أمي نحو غرفتها..

- إنت مودّيني على فين؟!!

- على أوضتك ترتاحي طبعاً..

- ومين هيعمل الشاي للبننت؟؟

- أنا طبعاً.. هي دي محتاجة سؤال..

- إنت ناوي تخليني تبتة تاني إمتى يا واد!!

خافضة صوتها غامزة بعينها حتى ردت إليّ أياماً كانت ضحكتها الخبيثة اللعوب تفتضح أعداري عندما أريد أن أتعذر بها أخفيه عنها..

- إيه رأيك فيها يا أمي؟

- ما تجاوبش سؤالي بسؤال يا واد..

- طيب جاوبي انتي الأول..

رأسها يدور نصف دورة حول رقبتها المتفضنة وعيناها تراقبان قسامت ولاء الهائمة في اللون البنفسجي فوق قبة محمد علي

- هي أمورة و بنت ناس وانا بحبها الصراحة..
- طيب ما تيجي نروح لمامتها نتفق على كتب الكتاب بقة..
- ها هي ابتسامة سعادة تفجرت كماء تفجّر بعد غيبة من بئر في واحة
مهجورة ما أراه على قسّات أمي.. ولمعة قديمة كانت ترسلها إلى وجه
أبي عندما يطلق كلمات مديحه المقتضبة على طيخها الذي لا يهائله شيء!!
ابتسامة أعقبتها دعة شقت طريقها نحو خد تبيست وديانه...
- طب إنتي بتعيطي ليه بقة دلوقتي..
- الله يرحمه ريقه نشف معاك وانت ولا انت هنا.. كان نفسي يبقى
معايا ويسمع الكلام ده بودانه.. يا ألف بركة
- أجلستها فوق فراشها الرابض أسفل صورة ملونة باهتة لزفاف كان
نتيجته صورة أخرى تقبع بجوار الفراش لصبيين وفتاة في عمر المدارس
بجوار حقيبة بلاستيكية تحتوي من صنوف الأدوية ما لا يحصى..
- الله يرحمه عمره ما كان مش معانا يا أمي..
- الله يرحمه كان زي ما يكون عارف كل حاجة وفاهم كل حاجة يا
بني.. كل لما كنت أقوله فلانة بنت فلان وخلي أكرم يشوفها.. يبصلي
من فوق النظارة ويقول بملوفمه: "يا ولية أوانه لسه ما جاش" حتى
يوم ما خطبت المخفية اللي اسمها...
- مالوش لزوم يا أمي راحت لحالها..
- بس يا واد خّليني اكمل.. يومها شرب بقّ من القهوة وقالي: "ربنا يا
أكرم يعينك على اللي بعدها" ويوم ما قولتله اللي بعدها إيه يا حاج!!
بدل ما تقول يجعلها جوازة العمر.. ضحك وبصلي من فوق لتحت
ودخل ينام!!

ثم أطلقت ضحكة راثقة لمست داخل قلبها شوقًا لنخلتها المائل،
وراحت تجتر بعقلها وقلبها خيوط ذكريات لا تنضب منابعها.. بينار ..
أنا أعد الشاي لتلك المسكينة الجالسة فوق كرسي صنع في مصنع الكراوات
بالبصراوي وخاتم ذهبي عريض يلتف حول بنصرها الأيمن معًا ..
الأمر انتهى وأنها لي ولي فقط.

وما إن دخلت الشرفة عليها حتى جفلت ونظرت إليّ..

- أنا عرفت إنت مش معبرني بقالك أسبوع ليه.. حد يقعد القعدة دي
ويفتكر حد برضه!!

- بطلي سخافة واشربي الشاي قبل ما يبرد..

- طب وحية عينيك الحلوة دي وحشتني..

- والله وانتي كمان..

ضحكة مجلجلة كتمت تبعاتها بطرف يدها أمام نظراتي المظة شذرا من
خلف نظرتي..

- وانتي بقه جاية لحدّ هنا الساعة عشرة عشان تقولي لي وحشتني
وبس..

- تصدق انا غلطانة إني عبرتك أصلاً.. أنا قايمة..

ثم همت بالنهوض فسددت طريقًا كانت لا تنوي اتخاذه وأجلستها
مجرة..

- ححك عليّا.. أنا بقالي يومين مش مضبوط ودماعي بتودي وتجيّب.

- إيه هتلهس كلامك ومش هتجوزني؟

- يا بت اتبيلي على عينك.. الأول كان بمزاجي دلوقتي مقدرش خلاص.. أمر الله نفذ..

- جتك البلا في ملافظك..

ثم أشاحت بوجهها مدارية بسمة خاطفة على ركن شفيتها وسائل أحمر رقرق صبغ وجتها الخمرية وهي تسوي خصلتين أيبا أن ينتظها في عقصة لشعرها الفجري المجنون..

- دماغك بتودي وتجب في إيه؟

- في قضية الفويا..

- اشمعنى؟

- مش عارف يا ولاء.. مش بالعم القفلة.. حاسس إن في حاجة مش مظبوطة.

- وإيه اللي جايلك الإحساس ده يا بروفسير؟

شردت ببصري نحو جامع الرفاعي وأصوات التواشيح تحفت لتحل محلها همهمات وخيالات لأشخاص يعبرون الممر المسكي بين السلطان والشيخ..

- عارفة الممر ده ريمته مسك ليه؟

- ليه..

وكانها تعودت مني على القفز من كل المراكب التي لا أقدر على قيادتها فتابعت:

- عشان الخشب بتاع جامع السلطان حسن خشب صندل متغطس في

مسك، والريجة من ساعتها ما تروحش منه أبدًا، وكل ما الهوا يخش
في الممر يجيب الريجة..

- والله انت غسل.

التفت نحوها بعين تحاول أن تبقى على حالها لتصدم ببريق يعمي
الأبصار ويذهب العقول..

- إنت مبلم في كده ليه؟

- مبلم.!!! أنا اللي ملاظي منيلة.. نهايته.. مدي إيدك في شنطتك
وطلعي اللي انتي جايهولي معاكي.. يلا يا بت.

- بت اما تبتك ولو اناي ما اعرفش معناها إيه.. وبعدين عرفت منين إن
معايا حاجة في الشنطة؟

- عشان أنا ناصح ومفتح.. خلّصي بقه..

مدت يدها إلى قلب حقيبتها المصنوعة من قماش خشن وأطراف جلدية
مهترئة وأخرجت مظروفًا أبيض في حجم متوسط كتب عليه بخط أنيق:

" يسلم للأستاذ: أكرم فهمي باليد "

- إيه ده؟!!!

- علمي علمك.. أنا عرفة أول ما اتصل بيا عدت تحت المخروبة
خدت منه الظرف.. بالمناسبة يسلم عليك ويقولك إنه كلم حد
في جرنان..

- بعدين بعدين.. أنا ماليش نفس لا لشغل ولا لتزول..

عيناي معلقتان فوق الظرف السميك.. والخط الأنيق الذي لا أعرف
مثله ولم أره من قبل.. قال أبي يومًا إني خبير أعرف لمن يتمي الخط من

أول كلمة أقرأها خطت به إذا كنت أعرف صاحب الخط.. هذا ليس لأحد
أعرفه وأجزم بذلك قطعاً!

- أكرم..

- هممم..

- في إيه الظرف ده؟

- مش عارف والله يا حبيبتى.. عرفة ما قالكيش مين اللي وصله؟

- بيقول النهاردة الصبح عم طاهر لقيه على مكتبك القديم واداه لعرفة
عشان هو عارف إنه الوحيد اللي لسه بيكلمك من الناس اللي في
الجرنان.

ثم نهضت مسوية ثوباً فضفاضاً من القطن المصبوغ بلون أزرق ومزين
بقطع الخرز والخيوط الحمراء.

- إيه رايحة فين؟؟

- الساعة داخلة على حداشر وامي لسه بتخاف عليا زي ما اكون عيلة
في ثانوي وأنا مش ناقصة..

- المفروض إنك خطيتي باين وكتب كتابنا هيبقى كمان شهر كده ولا
حاجة!!

تسمرت في وقفها وتحولت عيناها إلى وجهي مرسله برسائلها الضوئية
المتقطعة، فتحول وجهي إلى كتلة من سائل ملتهب يقبع في قاع بركان ثائر.

- إيه يا ولاء بتبصلي كده ليه!!

- إنت قولت كتب كتابنا إيه؟

- آه أنا قررت أجيب أمي ونروح بكرة للحاجة نقولها عايزين نام
الموضوع عشان انا وبتتك سيرتنا بقت على كل لسان.. وبدل الدبل
والواد رايح الواد جاي آهو يبقى في حاجة شرعي لحد ما يفرجها
ربنا..

ثم قربت وجهي من وجهها المضي ولمست أطراف اناملها لتسري في
كهرباء مستمرة بقوة ٢٢٠ فولت..

- مش يقولوا كده باين في كتاب الأمهات؟

- بحبك

- الله يجرب بيت عينيكي.. امشي من هنا يا بت.. يلا..

الشمس تغرق وجهي والليل قد قارب منتصفه!! وولاء ترحل كفراشة
جاءت من مكان بعيد تأتي منه الفراشات لتمنح رحيقًا لشجرة صندل
عجوز وقف نموها منذ زمن!

- طيب بقه يا سيدي بما إننا بقينا لوحدنا.. ما تيجي نشرب كوباية
الشاي ونشوف جواك إيه..

مخاطبًا الظرف الأبيض محاولًا فتح جانبه بدون أن أمزق ما بداخله
كعادتي مع خطابات البنوك التي تتوعد بخراب بيتي أول كل شهر.. وما
إن نجحت حتى سقطت صورة بلا ألوان من طرف المظروف لثلاثة رجال
يرتدون ثيابًا شتوية ثقيلة.. لا؛ ليسوا ثلاثة رجال بل هم رجلان وامرأة،
أحدهما يرتدي نظارة طبية عريضة من طراز كان شائعًا في ستينات القرن
الماضي، والآخر له لحية نائرة تشبه لحية صديق شبابي ديستوفسكي كما
يصورونه.. أما المرأة فخصلة شقراء تظهر من أسفل قلنسوتها الصوفية
وملامح روسية لا تخفى على عين أحد.

أسفل الصورة كتب بخط عربي أنيق:

البروفيسور تيودور ميخائيلوف.. الدكتور سليمان.. الدكتورة إلينا
ميخائيلوف

لماذا يشبه هذا الخطُّ الخطُّ الذي كتبت به الجملة فوق المظروف؟؟

هناك ثلاث صفحات من الورق الذي يشبه ورق طباعة الكتب هذه
الأيام.. خشن وثقيل طبع عليه كلمات بخط كومبيوترى واضح وإن كان
منسقًا بعناية.

عدلت وضع نظارتي ورحت أبدأ القراءة..

” ابني العزيز / أكرم

اسمح لي أن أناديك بنفس النداء الذي كنت تحب أن أناديك به ولو لمرة
أخيرة.. فالله وحده يعلم إن كانت رغبتك هذه ستبقى تتحرك بداخلك بعد
أن تقرأ هذه الكلمات أم لا..

منذ أن بدأ هذا الأمر وأنا أقاوم رغبة داخلية عميقة تسيطر على جزء
كبير من مكنوناتي أن أدق بابك في ليلة من الليالي وأضع بين يديك كل
شيء؛ لعلك تغفر لي وتتفهم دوافعي التي دفعتني إلى هذا الفعل.. هذا
الفعل الذي أملك دوافعي الشخصية القوية المبنية على قناعات لن تفهمها
الآن.. ربما استوعبتها بعد عام أو عامين أو أعوام متلاحقة وربما لا.. إلا
أنها سميت شخصية لأنها تخص الشخص نفسه ولا تخص غيره!

دعني أبدأ من الصفر.. أو من تحت الصفر إذا شئنا الدقة!

في نهايات عام ١٩٦٩ سافرت في بعثة إلى جامعة بطرسبرج في الاتحاد
السوفيتي للحصول على رسالة الدكتوراة.. كنت شابًا يافعًا في نهايات
عشريناتي حاصل على ماجستير في الأمراض النفسية وارتباطها بالتركيبة

المجتمعية بعد ثورة يوليو.. كان بحثًا مليئًا بالنفاق الصريح لسلطة بهاء
العسكرية وتأثيرها القوي على المجتمع.. كتبت كلمات من طراز فخيم
مجتمع العدل والمساواة الذي قلت فيه الأمراض النفسية المجتمعية وأصبح
مجتمعًا صريحًا شبه فاضل، تشوبه روح التعاون والمسئولية الملقاة على
عاتق... إلخ هذا الهراء.. لم أذكر بالطبع في رسالتي أي شيء عن مجتمع كان
أفراده يقولون: سعيدة يا هانم، فأصبحوا يقولون: صباح الخير يا عسل..
مجتمع كان يجاسب الشباب الأعزب لأنه ابتسم لسيدة لا يعرفها، فأصبح
مجتمعًا لا يعاقب شابًا يقبض على ذراع فتاة في أتوبيس النقل العام!

ومرَّ البحث بكل سلاسة بل وحصلت بعده على الماجستير بتقدير امتياز
مع مرتبة الشرف، وكنت أصغر من حصلوا على هذه الدرجة في دفعتي
كلها!!

ولك أن تتخيل.. تم ترشيحي للبعثة من ضمن خمسة حاصلين على
الماجستير في كلية الآداب بجامعة القاهرة.. خمسة ليس من بينهم المعيد
في قسم التاريخ الأستاذ الفاضل فهمي عبد الله حبيب والذي كان رجلًا
فاضلًا لا يستطيع قلب التاريخ على عقبيه إرضاء لمن يجلس فوق عرشه..
الأستاذ الفاضل الذي تحول من معيد في كلية الآداب إلى مدرس ابتدائي
متواضع بعد علقه ساخنة في أحد أقسام الشرطة النائية!!

أعرف أنك لا تحب الاسترسال ولكن اعذرني.. فإذا ذكرت الصراحة
لا بد أن يذكر والدك.. والدك الذي كان يومًا ملهمي وأستاذي وصديقي..
ثم أصبحت أنتكر منه ومن معرفته إلا من ساعات أقابله فيها على مقهى
متواضع بعيد عن أعين رجال المباحث!

وما إن حطت الطائرة في مطار بطرسبرج حتى لفحني هواء ديسمبر
البارد المقيت.. هواء جمد أطرافي وأنفي وجمد معه أحاسيسي وحنيني إلى
لحظات دافئة في شمس القاهرة..

وهناك قابله..

رجل قصير القامة متقد الذكاء.. ترسل عيناه الضيقتان شرارة تبين لكل من يقابله أن هذا الرجل عبقرى وتوقعك في أسر شبكته اللزجة منذ أول لحظة كعنكبوت ضخم فتك بدباية قادمة من منابع النيل.. لحيته الرمادية الشائرة الشبيهة بصور ماركس وديستوفسكي.. وإيمانه العميق بأن هذه الدنيا لا تصلح بدون أفكار لينين وماركس وقبضة ستالين القرمزية!!

ولك أن تتخيل.. لقد وقعت في سحر البروفيسور ميخائيلوف منذ اللحظة الأولى.. منذ أن قابلته في مكتبه المتواضع في مباني الجامعة التاريخية وهو يرتدي نظارته المستديرة ويقرأ في أوراق مترجمة لرسالتي عن (تطبيق الارتباط الشرطي وأثره في العلاج النفسي عند الإنسان) موضوع فخيم كما يظهر من اسمه.. موضوع تعمقت فيه ودرسته حتى شربته وهضمته وأصبح شغلي الشاغل..

- بروفيسور ميخائيلوف؟؟

- دوبروي أوترا جوسبدين.

قالها بروسية فخيمة تخرج من فم يعرف كيف يتكلم الروسية.. روسية باردة كبرودة السماء التي تمطر نُدْفًا منذ خمسة أيام!

- عفواً يا سيدي أنا لا أعرف من الروسية إلا القليل..

- كلكم كذلك أيها المصريون.. تأتون لنا لا تعرفون من لغتنا إلا القليل ثم تتحدثون بإنجليزية لا تجيدونها كذلك..

ثم رفع رأسه الصغيرة البيضاء نحوي وحدجني بنظرته التي تطلق شرراً من العبقرية متابعاً بإنجليزيته التي لا تراعي أن حرف R لا ينطق متكرراً..

- استرح.. فلنأت لك بقليل من الفودكا حتى تستطيع التحدث بالروسية جيدًا..

- اعذرنى يا سيدي ولكني مسلم ولا أشرب الخمر..

- مسلم.. وماذا في ذلك.. أبي وجدي كانوا مسلمين ولم يكفأ عن شرب الفودكا حتى ماتوا.. إني أبارك للقدر أن ستالين لم يكن مسلمًا وإلا منعنا من شرب الفودكا.

ثم مد يده إلى درج مكتبه الخشبي المشقق وأخرج زجاجة صغيرة صب منها قطرات في كوب زجاجي عريض.. وجرعها متلذذًا ثم تابع:

- كنت أقضي بعض الوقت في قراءة رسالتك الافتراضية.. إنها لا بأس بها تمامًا.. اون ايميت خروشيو ستركتورو.

- هذا من داوغي سروري.. إذا كان بناء الرسالة قد أعجبك فأتمنى أن نبدأ في ملاحظتك على ما لم يعجبك.

- ملاحظاتي سنبدأها بعد الغداء.. إن تيودور المعجوز يعرف كيف يكرم ضيوفه.

ثم مد يده إلى هاتف معدني كبير وطلب رقمًا راح يحدث صاحبه بكلمات طنانة مليئة بالخاء والكاف والراء المكررة النطق.. إلا أني ميزت فيها اسمًا لن أنساه طوال حياتي..

إيلينا...

وما إن أغلق الخط وابتسم تلك الابتسامة المستهزئة بعيني التي تلف جدران الحجرة المرصعة بصور له مع أعضاء الحزب الشيوعي.. بل مع أبرزهم.. وصورة له وهو شاب مع ستالين شخصيًا وهو يقلده وسامًا ما.. وصورة أخرى مع بريجينيف نفسه وهو يقلده وسام البطل السوفيتي.. إن

هذا الرجل ضلع كبير وقوي في جمهوريات الستار الحديدي!!

ظل يراقبني ساخرًا وأنا أراقبه بطرف عيني وهو يراقبني حتى تحولت
عيني إلى كويكب في مدار شمس كبيرة.. عندما حضرت الشمس للغرفة
فلا يصح أن تذهب عينك إلى غيرها.

إنها إيلينا..

جسد مشدود متناسق لا تخفي الثياب الثقيلة تناسقه.. وعينان
خضراوتان ساحرتان، لو رأهما نزار قباني لغير أبيات قصيدته إلى (المرج
الأخضر في عينيك.. يناديني نحو الأعمق).

شفتان تكونان أفضل فم عرفته النفس البشرية.. وخدان محتاجان إلى
أوسلر نفسه لوصف دقتهم التشريحية المتناهية مع شعر أشقر لو بيعت
خصلته بالجرام لحولتها إلى أغنى أغنياء الأرض!!

إنها إيلينا..

- دوبروي اوترا بابا

- دوبري اوترا برنتسيسا.. أفضل أن تتحدثي بالإنجليزية فضيفنا
العزير ابن ناصر لا يعرف سوى الإنجليزية..

- إذن.. هل يسمح لي السيد بمعرفة اسمه حتى أعرف كيف أناديه؟

- سليمان.. أحمد سليمان..

ثم مدت يدها لتصافحني.. يد خالية من أي قفاز فخلعت قفازي
الجلدي المبطن ووضعت أصابعي الباردة المتجمدة في أحضان أصابعها
الدافئة.. أصابعها التي حولت يدي إلى حديقة غناء لا تغيب عنها
الشمس.. وابتسامة ساحرة تخرجك من دنياك الباردة القابضة إلى عالم من
الطيور المزقزقة والحدايق الغناء!

ولك أن تتخيل يا بني كم أحببت روسيا بعدها..

كم أصبحت بطرسبرج هي المدينة التي تشرق منها الشمس وتغيب
وكيف حولتني إلينا إلى روسي أسمر.. أتحدث اللغة كأهلها.. لا؛ بل والتي
بها النكات والدعابات، وكأني ولدت وتربيت عمري كله في بطرسبرج!!
وفي أحد الأيام الدافئة في أواسط مايو حدث ما لم أكن أعرف أن تأثيره
على حياتي كلها بعد هذا اليوم.. يومها استدعاني البروفيسور إلى معمله
بصحبة خطيبي إيلينا.. الفتاة التي تحدث أقرانها وخطابها بملك الشاب
الأسمر القادم من بلاد ناصر!!

ومعمله ليس كما رسم خيالك المريض - كما أعرفك - صورته المتشابكة..
إنه مثل أي معمل لطبيب نفسي ومهتم بالقياسات النفسية.. بعض أجهزة
رسام المخ العتيقة.. ومشغلات صوتيات وكاميرات مراقبة عتيقة تعود
لأوائل الستينات.. وبعض أجهزة القياسات النفسية وأقفاص الحيوانات..
معمل أستاذ في الطب النفسي كما يمكن أن تجده في أي مكان على وجه
الأرض..

يومها فقط شرح لي تجاربه وما كان يفعله طوال عشرين عامًا.. يومها
فقط شرح لي ما بدأه في هذا المكان منذ أن كان شابًا في نهايات عشريناته
وبأوامر عليا من الرفيق الأعلى جوزيف ستالين.. وما ظل يفعله في معمله
طوال ثلاثين عامًا..

لن أترسل في تفاصيل علمية قد لا تهلك كثيرًا.. إن ما كان يفعله
البروفيسور ببساطة هو عمل تطهيري انتقائي.. كان البروفيسور يطهر
مجتمعه من أمراض نفسية متأصلة حولت أصحابها إلى زوائد دودية أوشكت
على الانفجار.. كل ما كان يفعله هو استئصال هذه الزوائد من داخل أمعاء

المجتمع.. شيء إذا أبقيته فلن يضر ك حتى ينفجر فتموت.. لكن لماذا ترك
الاحتمال له كي يبقى من الأساس؟؟ هذا ما كان يفعله تيودور العجوز في
معمله ببساطة..

كل ما يمكن أن تتخيله كان يحدث يا أكرم.. كل ما قد تسمع عنه في
حلقات برامج الأسرار الغامضة مما يحدث خلف الستار الحديدي.. وأدق
الأسرار التي أخفاها السوفيت عنا... إلخ هذه الكلمات الرنانة في البرامج
التلفزيونية والأفلام التسجيلية المكارثية كلها حدثت.. وإن كانت بنسب
متفاوتة.. تجارب السموم على البشر.. مقاومة الأعضاء البشرية للصدمات
المختلفة.. العلاج التطهيري من المخاوف الكامنة.. كل شيء.. كل هذا
حدث في هذا المعمل..

- بروفيسور.. أنا عاجز عن قول أي شيء أو عن الرد بأي شيء عن
عرضك الكريم.. ولكن أن تعرف أنني سوف أعود إلى مصر بعد
عامين.. ولن أستطيع أن أستكمل.

- ومن قال لك إنك ستستكمل شيئًا هنا.. ما يحدث هذه الأيام لا
يشير بالخير.. الرفيق بريجينيف لم يعد كما كان.. ويومًا ما سيسأل
أحدهم عما يفعله المختل تيودور بكل تلك الأموال التي يمنحه
لها الحزب لتجاربه.. لا بد من أن تسافر كل هذه البرامج إلى مكان
آخر.. مكان يمنحها بعض الحرية كي تنمو وترعرع وتطرح نتائج..
لا بد يا أحمد..

ثم أمسك بكلتا يدي، وتحولت نظرتة العبقرية إلى نظرة عجوز ملتاع..

- أنا لم أنجب سوى إيلينا.. وليس لدي في هذا الكون أغلى منها ومن
معملي هذا.. لذا سوف أضع كل شيء بين يديك.. إيلينا والمعمل..
لا بد أن تكمل يا بني.. لا بد أن تكمل...

رحت أومئ برأسي كالمندوه.. وهو يتهلل فرحًا ويضرب بكنفه ..
كنفي معطفي الثقيل..

وجرفتني الدنيا كزبد البحر إلى شاطئ لا أعرف من معالمه شيئًا.. فر...
أستكشف يومًا بعد يوم أي عالم أسود مظلم عبقرى يجيئ فيه هذا العبقرى...
المجنون.. أي فلسفة مبدعة مجنونة قادته ليصل إلى هذه التجارب...
تتخيل يا أكرم لو نجحت تجاربه كيف سيكون حال هذا العالم.. إنسان لا
يموت بالسم ولا يخاف من النار ولا يخشى القفز من القطار ولا يكذب ولا
يسرق ولا يبيع نفسه مقابل المال.. كم من متسكع وشحاذ وعاهرة خرجت
بعد تجاربه إلى القبر أو إلى الجيش.. مجتمع كامل سيتحول إلى مجتمع الكمال
والفضيلة.. لا خطأ واحد.. يا للروعة!!

مرّت سنواتي الثلاث وأنا أحاول الوصول إلى قمة الإجازة لكل ما
يفعله.. لكل أساليبه وكل تقنياته العبقرية.. وأحاول أن لا أغرق كل الفرق
في مروج إيلينا الخضراء ولا في ذلك الكائن الهش النائم في مهد خشبي
أنيق.. نعم يا أكرم أنا أب لطفل آخر غير ابني الذي أحيا في كنفه منذ أن
صار شأبًا.. ابنٌ حكمتُ عليّ الأقدار ألا أعرف أين هو الآن.. دعنا لا
نستبق الأحداث.. دعنا نقفز فقط متجاوزين ما حدث..

لا تسألني عن تيودور العجوز ولا كيف وجدوه ملقى على وجهه في
شارع ضيق ورائحة الفودكا تفوح من فمه وشعيرات لحيته النائرة.. لا
تحدثني عن إيلينا التي اختفت هي وطفلي العزيز في صبيحة يوم بارد من أيام
فبراير عام ١٩٧٣.. ولا تسألني كيف حملت حملاً إلى طائرة مصر للطيران أنا
وحقيقتي الجلدية وأوراق المشفرة بشفرة لا يعرفها أحد سواي أنا وتيودور
العجوز نحو مصر.. لا تسألني كيف قضيت شهوري الأولى وأنا أحاول
إقناع نفسي أن ما رأيته حلم ليس من دنيا الواقع في شيء!!

استكملت رسالتي القديمة التي ما عدت أفقه شيئًا ولا أعي شيئًا من حروفها.. وحصلت على الدكتوراة بفضل علاقتي المتشعبة التي استمرت بعد انتهاء الناصرية و قدوم السادات إلى الحكم.. الإنسان لا يستطيع الحياة بدون علاقات يا بني.. وإلا فكيف أصبحت أنا أحمد سليمان وأصبح أبوك العلامة مدرس تاريخ في مدرسة ثانوية حقيرة!!

هدأ نهر حياتي الثائر.. تزوجت وأنجبت ثلاثة من الأبناء والبنات كما تعرف أنت.. ومرت أيامي كمثل ما مرت.. راحت سنين عمري تحترق كشعيرات رأسي، ورحت أمارس دوري الذي اخترته لنفسي.. أستاذ التحليل النفسي في الصباح وطبيب ومحلل نفسي في المساء.. مدخرات أبي وأمي آلت إلي، فرحْتُ أقضي حياتي أتسلى بالجامعة وبالعيادة.. لا شيء عن روسيا وإيلينا ولا شيء عن سليمان، ولدي الذي لا أعرف إن كان حيًّا أو ميتًا.. فقط هناك ذلك المكان في عقلي يذكرني كل ليلة أن هناك أوراقًا تقبع هناك في ملف كبير في مكتبتي التي مددت يدك اليها مرارًا وتكرارًا وأنت مراهمق تبتغي كتابًا تقرأه.. راحت أراقب المجتمع الذي راح ينحدر وينحدر.. من صباح الخير يا غسل.. إلى صباح الفل يا بت.. إلى صباح الجمال يا مزة.. من تلك الكائنات التي ترعى في الشوارع كالأغنام.. من السينمات التي امتلات بأفلام قدرة تلقي بكل قذارتها في عقول من يشاهدونها.. تخيلت لو كان تيودور العجوز هنا.. لما كفاه أن يفجّر قنبلة نووية في قلب هذا المجتمع، والتقط من نجا منها ليكون بهم نواة مجتمع جديد كما كان مجلم!!

حتى جاء ذلك اليوم..

في نهايات ٢٠١١.. جاءني جمال إبراهيم.. في ليلة باردة من ليالي ديسمبر.. دفع أجرة الكشف البسيطة.. وطلب أن يقابلني..

كان أربعينياً محبطاً كما يبدو لك من أول وهلة .. راضياً بكل ما في حياته
من إحباطات بعد أن تبادل معه خمس جمل مكتملة .. إجابات ذكية منطقة ..
لكل شيء لدرجة تفقد معها صوابك .. إن مثل هذا لا يحتاج إلى طبيب نفسي
أبدًا!!

- ما شاء الله يا أستاذ جمال .. أنت بالنسبة لي مكتمل الصحة النفسية
وراضي عن حياتك أوي .. شغلك البسيط التافه زي ما بتقول .. الباب
مالوش علاقة بمؤهلك مش مدايقك في حاجة .. عيشتك في شقة
صغيرة من غير زوجة ولا ولد مش مدايقك ..

- الحمد لله كله نعمة من عند ربنا غيرنا مش لاقياها ..

- طب أعذرني بقه .. كده بدون أدنى مجاملة .. إنت مشرفني في العيادة
ليه النهاردة؟ لو حضرتك ما قرئتش اليافاطة كويس على الباب .. فا
احب اقولك إن دي عيادة نفسية مش عيادة باطنة ..

نظر لي بهدوء والتمعت على شفتيه ضحكة ساخرة ..

- حضرتك بتضحك على إيه؟!!

- على الدكتور النفسي اللي أول مرة يقابلني يتترفرز .. هو انا لسه قولت
حاجة .. إهدئ يا دكتور إذا سمحت واسمعني للآخر ..

جلست طالباً قليلاً من الهدوء وقليلاً من التوضيح .. فأخرج من جيبه
ذلك الكائن الجهادي المهترئ ..

كتاب مهترئ مغلف بغلاف من الجلد الصناعي حفر عليه اسم أعرفه
جيداً بحكم عملي ومجال خبرتي .. واسم آخر لم أسمع به من قبل في حياتي ..

- الرهاب .. اسم مش منتشر بس على ما أعتقد هو يقصد الفوبيا
يعني ..

- توقعك سليم يا دكتور..

- وإبراهيم صفوت ده يبقى مين.. أنا أول مرة أسمع عنه!!

- هي دي مشكلة حياتي اللي انا مش لاقيلها علاج يا دكتور.. مفيش
أي حد سمع عنه.. لحد ما فلّس وافتقر ومات بحسرتة.. ببساطة يا
دكتور.. الكتاب ده كان سبب تعاستي طول عمري..

بدأ يسرق انتباهي واهتمامي قليلاً..

- ممكن توضح أكثر أنا عايز اسمعك..

- ببساطة يا دكتور.. إبراهيم صفوت ده يبقى والدي..

وراح يحكي لي قصته التي عرفت أنك عرفتها.. عن حلمه المريض وعن
وصية شقيقه مسعد التي تنفص عليه حياته.. عن هروبه من كل شيء في
هذه الحياة حتى وصل إلى مركزه في شركة الأدوية وعن كل ما يقدر عليه
بحكم وظيفته وكل السلطات التي أصبح يملكها في يده.

هناك فقط ذهبت عيناى إلى ذلك الملف القابع في مكتبتى.. هناك فقط
استيقظ ذلك الجزء الرابض في عقلي.. إن تيودور العجوز يستحق أن تحقق
أمنيته.. إنها الفرصة التي ستأتي على طبق من ذهب لا يقدر على رفضها
إلا معتوه.. حلمي الذي استكان ونام في تلافيف عقلي يصحو الآن طالباً
النجاة من النسيان..

ولر لا.. أسألك أنا ولم لا يا أكرم.. هل ترى في هذا المجتمع شيئاً يستحق
أن يبقى؟؟ هل تراه خالياً من تلك النواقص التي تحدث عنها تيودور
العجوز يوماً؟؟ إنه يحتاج إلى علاج تطهيري وتدخل جراحي سريع.. إن
الأمعاء امتلأت بالزوائد الدودية، وكان لا بد لها من استئصال سريع.. إذن
فلنجعله استئصالاً مدوّياً يسمع عنه الجميع.. ربما انصلح شيء فيه وربما

لا.. إلا أنني سأكون حققت حلمي ووصية تيودور العجوز..

لن تقتنع يا أكرم ولن تفهمني.. إذن دعني أكمل لك كشف كل الأوراق
إذن، ربما أكون قد فعلت شيئًا جيدًا قبل أن أرحل من قلبك إلى الأبد..

راحت الخطة تتكون في رأسي وتنمو.. الآن هناك دافع لكل هذه الأفعال
التي ننوي ارتكابها أنا وجمال.. إذا سقط يومًا في قبضة الشرطة سيكون مجرد
مجنون ينفذ ما جاء في كتاب أبيه المتواضع الموهبة ليجمعه مشهورًا بعد أن
مات كمدًا.. فكرة جميلة رحت ألعب على أوتارها وأعزف فوق أصابعها
أجمل السيمفونيات.. يتبقى لنا إذن طريقة تنفيذها وعلى من تنفيذها.. هنا
فقط ظهر عصام.. طيب شاب في أوائل ثلاثيناته.. جاء إلي بتوصية من
أستاذه وصديقي في نفس الوقت.. إنه يعاني من بعض الآلام في حوضه..
وكل الفحوصات والتقارير الطبية تحوم بأنه سليم بلا أدنى خدش.. هو
فقط فقير معدم.. محبط.. لا يملك من الدنيا سوى عيادة في حدائق المعادي
لر يدفع إيجارها منذ خمسة شهور.. ومطعون عاطفيًا.. خطيته السابقة
سلمت نفسها مختارة راضية إلى رجل آخر، وراحت تطارحه الغرام حتى
اكتشف المطعون بنفسه ما حدث.. هنا بدأت الآلام تغزوه.. لا يعرف أهي
آلام الخيانة أم الإحباط أم رسالة الماجستير في طب المناطق الحارة التي لا
يقدر على الإنفاق عليها.. حتى أنه ألقى بنفسه في علاقة خطوبة مع فتاة
قبيحة مريضة حتى لا تخونه ولا تجد من تخونه معه.. ذكي.. بل عبقرى..
كان من أوائل دفعته واختار المناطق الحارة لجه في هذا المجال المشابك.. إلا
أنه بارع بشدة في الكيمياء ومتقد الموهبة في أمراض الدم.. كما أنه ملتم بكل
أنواع السموم والتأثيرات الدوائية المختلفة.. إذن ماذا ينقصنا حتى نضعه
في صفنا.. المال.. ما أكثره.. إن جمال يمتلك الكثير وأنا أمتلك الأكثر..
وعصام كان مصابًا بضعف كبير أمام المال.. إذن فلم لا..!!؟

رحنا نخطط جميعًا.. جمال بحماسة المتقد وجرعات الشحن المعنوي

التي أمنحها له كعلاج.. وعصام بحماسة اللامتناهي للمال.. وأنا.. بحماسي
الأبدي لتحقيق وصية الرجل الذي وهبني حلمه.. وابنته..

وكعادة كل خطة محكمة كان لا بد من بعض البيادق على اللوح.. حلمي
الشاب الذي يعمل لدي مساء في العيادة وصباحًا كعاطل.. تواق للمال..
قادم من بيئة منحطة لا تعرف قيمة لأي شيء سوى قيمته المادية أو الجنسية..
كان إغراؤه سهلًا.. سهلًا لدرجة أنني لم أبذل مجهودًا معه لشراء ولائه لي!!
ورحنا نرسم جوانب خطتنا؛ كل حسب قناعاته وأهدافه.. كان
التحدي الأكبر لي هو كيف ترّوض هذه الوحوش نحو هدف واحد.. هو
تحقيق أهدافهم الصغيرة في إطار عمل عظيم تريد أنت استكمالها.. هل تعلم
أن الخطة لو استمرت على منوالها الأول في الأيام الأربعة الأولى لتحول
هذا المجتمع في شهر واحد إلى مجتمع كامل بنسبة ٨٠٪.. لا تضحك مني
ولا تهزأ بعمك العجوز.. أنا أعرف هذا الشعب أكثر منك يا بني.. إنه لا
يرتدي ثوب الفضيلة إلا في المصائب أو في الانتصارات المدوية.. ألم تر كيف
كنس الشوارع ودهن الأرصفة يوم الثاني عشر من فبراير؟ هل تعرف كم
من رجل كبير أصبح يضع عينيه على ما يفعله ابنه المراهق بعد حادثة عبدة
الشیطان الشهيرة؟ ألا تعرف كم رجلًا وكم امرأة أمرت ابنتها بالتحشم
بعد تكرار حوادث الاغتصاب في التسعينات؟ إنه مجتمع التفكير العكسي
يا بني.. المجتمع الذي لا يعمل ولا يحافظ على تكوينه وتدينه إلا لو ألت به
مصيبة أو أصابه نصر كبير!!

كان لا بد من انتقاء عيناتنا بعناية.. كانت فكري أن نبدأ بملك المتأسلم.
متعاطي الحشيش.. ماذا لو فُضح في كل مكان، وعرف الجميع أن قيادي
الحزب الشهير الذي ينادي بتطبيق الشريعة هو في الأساس حشاش ومتزوج
سرّيًا براقصة معتزلة.. سيعرف الجميع أي هاوية يقودنا إليها هؤلاء..
سيرجع الكثيرون من شعبنا العاطفي إلى الحقيقة، ويبدأ هذا الحزب القوي

في التفكك والانحلال حتى يسقط من داخله.. ماذا لو عرف الجميع ان الفتاة المريضة البرينة ظاهريًا هي وحش يلتهم ضحاياه على فراش الخيانة. وأنها ارتكبت أفعالها مع كل من صادفتهم وهي مخطوبة لطبيب شاب واعداء المرض ضعف.. والضعف يلقي بالمجتمع إلى الهاوية.. ألا ترى كيف يسقط مجتمعنا بسبب كل هؤلاء المرضى بالكبد الوبائي والسرطان والسكر؟ ماذا سيحدث لو تخلصنا منهم.. سيبقى من يستحق أن يبقى فقط.. من يستطيع أن يكون جيلًا جديدًا يقوى على البقاء.. ألم تسمع في حياتك عن الانتقاء في سلالات الحشرات.. ألم تسمع كيف يطور كل فيروس نفسه ليفتك بالمزيد.. إذن لولا يطور الإنسان نفسه حتى يصبح قادرًا على البقاء والصمود!!

لاعب الكرة كانت فكرة جمال.. لماذا يحصل هذا الجاهل عديم الموهبة على ملايين الجنيهات؟ لماذا يبقى ملء السمع والبصر، وشقيقه الكادح المكافح العبقري في دائرة النسيان في شرنقة حقيرة في حي عشوائي لا يكاد يكسب قوت يومه فيدفن مع المدفونين تحت تراب النسيان الأبدي؟؟ الحقيقة أن عصام أبدى مرونة مدهشة تثبت أنه يعشق شقيقه الأصغر.. بل إنه نفذ الخطة بنفسه وبيديه.. نعم كان معترضًا في البداية، ولكن المبلغ ذا الخمسة أصفار أسال لعبًا لرئيس من قبل.. وذكره أن أخاه عاق فاسد لم يكن يومًا عونًا له ولا لأبيه ولا لأمه!!

كنا نتحرك في مجموعات صغيرة وفي نفس الوقت.. غرفة عمليات في تلك العوامة، أجلس فيها أمام هواتف محمولة لم أتصور يومًا أن أحمل مثلها لنفسي.. عملية تنفذ هنا وعملية تنفذ هناك.. وأنا مثل القائد المظفر أتلقى رسائل التأكيد بالنصر ومهمتي تتحقق.. ويومًا ما سوف أتلقى رسالة العملية المليون.. يومها فقط أستريح وأنا أراقب هذا المجتمع ينقلب على شيطانيته البغيضة ويتطور إلى ما نبتغيه جميعًا..

كلهم يستحقون يا صغيري فلا تأسف عليهم.. علاء البلطيمي.. أمل

الخائنة القدرة المريضة.. هيثم لاعب الكرة الجاهل.. غريب العاطل الجبان..
حتى مقتل ذلك السائق كان اتفاقاً بيني وبين حلمي دوناً عن باقي
المجموعة.. لكنه مثلهم يستحق.. هل تعرف كم روحاً أزهق هذا السائق
بسبب تعاطيه المستديم للترامادول؟ حتى أن الأقراص التي زرعتها له
حلمي في الشاي لم تكفٍ للقضاء عليه فتبعه حتى خنقه!!

هنا ظهرت أنت وعماد بأنوفكم الكبيرة في قلب الأمر.. لماذا اختاروا
عماد من دون كل ضباط المباحث؟؟ لأن قوة ما ترفض أن أستكمل حلمي
وهدي.. قوة شيطانية ماكرة.. إذن لا بد أن أتدخل.. لا بد أن ألقى ببعض
ثعابيني أمامكم عليها تسحركم وتشتت تركيزكم.. وعماد يا صديقي محدود
الخيال لا يرى أبعد من قدميه.. ولولا وجودك أنت لاقتنع بالقاتل الذي
يركض خلف الكتاب وحروفه وأرقام صفحاته، وراح يدور في هذه
الدوامة حتى يلقي الله شاكرًا راضيًا أنه فعل كل ما يستطيع فعله!!

فقط بدأ كل شيء حين قرر عصام أن الفتك بسكرتيري سمية هو الخطوة
القادمة.. هنا بدأت أشعر أن المرض تملك منه.. إنه لا يرى في حياته سوى
نسوة خائبات لا بد من التخلص منهم.. تعدى هذا الأمر حب المال ووصل
لحب الانتقام، وهذا ليس من أخلاقي ولا من حلمي في شيء.. أنا أحقق
مهمة سامية هنا - أيا كانت وجهة نظرك في وسيلة تحقيقها - فلماذا أنجرف
نحو سبل الانتقام هذا؟؟

جمال كان مؤيداً وبشدة.. كان يرى مثلما رأى سابقاً عندما سلم نفسه
بنفسه للشرطة أن هذه الخطوة مهمة في إبعاد الشبهات عني... وأنني لا بد
ألا أنفرد بالقرار وحدي.. يومها فقط عرفت كيف أن مروّض الأسود لا
بد أن يأخذ حذره من الأسود أولاً وليس من مشاهديها.. وبعد أن افترقنا
على أن هذه الخطوة ليست بالصحيحة.. فوجئت بذلك الضابط علي يتصل
بي ويعلمني بما حدث.. أنت تعرف يا أكرم أنني لست ممثلاً ناجحاً ولكنك

أيضًا لا تدرس انفعالات الوجه بنجاح.. كل مرة تحدثنا فيها كانت تبرز مني أشياء قد تجعل أي محقق ذكي واسع الخيال يشك في شخصيًا.. حتى ذلك الانفعال المفتعل الذي مارسته يوم مقتل سمية لم يكن ليخدع طالبًا في معهد الفنون المسرحية.. لكنك لم تكن لتشك بعمك أحمد العجوز.. يومها كنت قررت أني لا بد أن أضع نهاية لهذه الخطة.. إن الأمر يخرج من الطور الذي رسمته ووضعتة بعناية إلى طور آخر لا قبل لي به!

إلا أن الأسود انقلبت على مربيها.. وإلا فكيف تفسر سرقة أسد من السيرك ووضعه في غرفة رجل بائس مثل زوج شقيقة عصام؟ ماذا فعل؟ كان بخيالًا نعم وكان مُقْتَرًا ورفض أن يعالج زوجته المريضة المخلصة، ولكن من منا ليس له أولويات قد يراها البعض ثانويات؟؟ تقول لي إنه نموذج مناسب لاستكمال خطتي وعملي الأسمى.. لا يا عزيزي.. بل لو كان نصف هذا المجتمع مثل محسن لكان لدينا الكثير من المال لنفعل به الكثير والكثير..

هنا فقط بدأت اللعبة تتخذ مسارًا جديدًا.. صورتني على جهاز كمبيوتر المصور.. القضاء على حلمي.. ثم أكتشف أن جمال لم يكن كما تصورت.. إن جمال يتحرك بسرعة مبهرة نحو تحقيق هدفه هو.. إن جمال حولني أنا شخصيًا لوسيلة يحقق بها هدفه الأسمى الذي يورق عليه حياته.. إن جمال هو من وضع لك العلامة فوق صفحات الكتاب لتعرف أن النهاية ستكون هناك.. في النيل.. ربما في العوامة التي استأجرها عصام من مالي الخاص.. ربما فوق الكوبري كما تقول القصة.. هو أرادك هناك.. هو عرف كيف يضع لك الجرعة بالصورة التي لا تمتك ولا تحييك.. جمال عرف جيدًا أن أخصائية السموم سوف تنقذك ولكنها لن تنقذ الضابط.. الضابط الذي عرف كل شيء قبل مقتله بيومين من غير المأسوف عليه حلمي إبليس مرشده القديم.. وكان لا بد من نهاية.. أتفق مع جمال أن النهاية هنا كانت

مطلوبة.. وإلا ما كنت هنا أكتب لك هذه الكلمات ولا كنت أنت أنرت هذا
النفق المظلم في دروب عقلك..

تسألني لِمَ يقرّ جمال بأني كنت هنا من البداية.. وهل تعتقد أنه ساذج
لدرجة أن يفسد نهاية حلمه؟؟ لا بد أن يكون هو المخطط والمنفذ.. لا بد
أن يكون هو صاحب مشهد النهاية.. لقد انتظركم هناك.. انتظركم وأتيتم
كما أراد.. وضع لك طرف الخيط.. وعرف أنك سوف تنهض كي تلقي
لعماذ به.. وعرف أن فضولك سيقودك إلى هناك وأنت بين الموت والحياة..
لقد كان جمال أذكى وأمهر مني وأكثر قدرة على تنفيذ حلمه.. وأظن أنك
تقرأ الصحف والمواقع الآن.. وتعرف كيف تلقفت دار نشر كبرى كتاب
أبيه محدود الموهبة.. وكيف أصبح ملء السمع والبصر!! بينما اعذرني يا
صديقي.. أين أنت الآن.. وأين عماد.. وأين علام.. وأين آمال.. وأين
أنا??!!

نحن جميعًا كنا بيادق في لوحة جمال إبراهيم.. كان التحريك مسئوليته
هو وليس مسئوليتنا نحن.. جمال أخرج مخاوفنا جميعها ووضعها أمام أعيننا
البائسة حتى نتحرك نحوها.. أنت تخاف من النسيان مثل أبيك العلامة
المنسي.. عماد يخاف من الفشل ومن الجلوس في منزله وحيدًا مثل أبيه اللواء
المتقاعد بعد أن كان ملء السمع والبصر.. إذن فليتحركوا.. فليقتربوا من
الحقيقة قدر المستطاع.. فليصنعوا هالة حول ما أريد حتى يصبح مقدسًا
تلتف حوله الفراشات!!

لا أظن يا بني أنك ستلوم عليًا.. فلا أظن أن قيّمًا تبلى مع من هم في
عمرى ممن هم في عمرك، سوف تحرك مشاعرك نحو كراهيتي ولومي..
طبعًا أنا أفترض فيك ذكاء أعرفه جيدًا وأعرف أنك لن تقدم هذه الأوراق
إلى أي جهة رسمية وإلا اتهموك بالجنون، وربما اتدبوني لعلاجك.. كما أنك

تعرف الآن أنني لست في الكويت ولست عند ابني.. لو توخيت الدقة.. أنا
لست في أي مكان تعرفه!!

لو كنا في زمن آخر يحترم من هم في عمري لكان يقدم لي وسام على
ما أفعله.. لو حكم رجل مثل ستالين أو بريجنيف بلادنا لكنت الآن في
قمة الهرم أكافأ على ما خططت لفعله، ولدرست فعلتي هذه في الجامعات
والمدراس.. لكننا في زمن آخر.. زمن يتهم كهلاً عجوزاً مثلي بالخرف
لمجرد أنه يريد دواء صحياً يعينه على آلام آخر عمره.. ويريد فراشاً نظيفاً
يموت عليه.. بعيداً عن خرف شباب لا يعرف شيئاً سوى اتهام من هم مثلي
بالخرف..

أنا اقتربت من الحقيقة الكبرى يا بني.. الحقيقة التي رأيت قبسها في
غفوتك.. لكنك بعدل تقترب سوى من قبس منها.. هو قبس يذبل ويذوي
فلا يبقى منه شيء..

سوف أمتعير كلماتك التي كنت تغمغم بها في غيبوبتك حتى أغلق بها
ذلك الباب..:

"وهنا فقط سقطت الأوراق من بين يدي.. مع سقوط عيني على تلك
الكلمات التي أراها الآن كضوء نيون ملون في لوحة إعلانات كبيرة..
وسقوط دمعة احتبست من الصلعة فسقطت فوق الكلمات الثلاث لاعة
كل يوم بقت فيه داخل مقلتي الكريهة..

لقد تلقيت يوماً ذلك القبس.. تلك الإشارة التي تثبت لي أنني لم أكن
مغفلاً.. والآن فقط كم أتمنى لو كنت!!

الظلام.. الحقيقة.. المعرفة..

وباليتني ما عرفت!!

شكر خاص

حاولت أن أقمص هنا شخصية أحد الكتاب الشهيرين وأكتب الكثير من كلمات الشكر، إلا أني وجدت أن الكلمات فعلاً قد لا تكفي لشكرهم وإيفاء حقهم..

الأستاذ/ هاني عبدالله

الناشر الذي يعرف كيف يصنع من كتاباتك وكلماتك شيئاً يُقرأ ويلمس ويحس ويتزع آهات الناس، هو بطل خارق يستحق أن تكتب في سيرته ملاحم شعرية وليس سطرًا من شكر عبد فقير..

الكاتب والصديق / أحمد عبد المجيد

أكثر من دعمني ووقف إلى جوارى حتى ترى روايتي النور.. كانت آراؤه الهامة والصادقة دافعاً كبيراً وقويّاً لي كي أخرج كل ما عندي.. شكراً يا صديقي..

الكاتب والصديق / محمد عبد القوي مصيلحي

عندما لا ترى أمامك نوراً في نهاية النفق.. اذهب إليه، وسوف تصنع كلماته معولاً يهدم كل حاجز أمام طريقك.. اشكره لأنه كان مسانداً ودافعاً وصديقاً..

الكاتب والصديق الغائب / محمد الدسوقي

يوماً ما قلت لي: اكتب ولا تخف.. أنت تملك داخلك تلك الماكينة التي تجمع الحروف وتصلقها وتطليها بلون لامع كي تخرج إلى النور.. وها أنا ذا أكتب يا عزيزي.. اكتب بكل ما أوتيت من قوة.

المراجع

- مصنف حالات الرهاب والخوف المرضي - الطبعة الخامسة ٢٠١١ -
نيوهاربنجر للنشر
The Anxiety & Phobia Workbook 5th ed. New Harbinger Publications.
- الدليل التشخيصي والإحصائي للاضطرابات العقلية - الطبعة الرابعة ١٩٩٤
- الجمعية الأمريكية للطب النفسي
Diagnostic and Statistical Manual of Mental Disorders, 4th ed.
American
Psychiatric Association 1994.
- دائرة المعارف البريطانية - الموقع الإلكتروني
ENCYCLOPEDIA BRITANNICA - www.britannica.com
- موسوعة النباتات الطبية - يناير ٢٠٠٢ - دي كيه للنشر
The Encyclopaedia of Medicinal Plants - January 2002 by DK
Publishing
- كتيب الوصفات البريطاني: الجمعية الطبية البريطانية - الجمعية الصيدلانية
الملكية البريطانية
The BNF; British Medical Association - Royal Pharmaceutical Society
of Great.
- طبيب نفساني دوت كوم - إشراف د. محمد شريف سالم - الموقع الإلكتروني
www.tabibnafsan.com
- موسوعة المعرفة - الأعداد الورقية والموقع الإلكتروني
www.marefa.org

آثار جانبية

جرائم قتل متتالية يرتكبها قاتل غامض.. يترك بجوار جثته مجموعة قصصية قديمة مفتوحة على قصة تمثل تلك الجريمة..

أسئلة كثيرة ترفض العثور على إجابات لها.. وضابط مجتهد يُحاول أن يحافظ على وظيفته.. يستعين بصديقه الصحفي المشاغب في رحلة يسبحان فيها ضد التيار في زمن لا يحب من يسبح ضد تياره.. رحلة قد تكلفهما كل ما يملكان.. إلا أنهما لا يعرفان أن القدر يخبئ لهما مفاجأة قد تقلب حياتهما فلا تعود كما كانت.. قدر قد وضع في طريقهما أقدم أعداء البشرية..
الخوف!



ميسره الدندراوي

كاتب شاب من مواليد القاهرة عام ١٩٨٠.. تخرّج عام ٢٠٠٣ من كلية الهندسة.. صدرت له مجموعة قصصية عام ٢٠١١ ورواية عام ٢٠١٣ وآثار جانبية هي روايته الثانية..

